

中國邊疆學會叢書

甘青藏邊區考察記

第二編

馬鶴天著

中國邊疆學會主編
商務印書館發行

西寧至玉樹途中

← 由湟源出發經日月山下之專使行署人員第



二乘馬者爲趙專使友
琴第三爲著者

← 大河壩之野宿



← 用牛皮筏渡黃河



← 抵歇武寺時之景況



→ 通天河岸



→ 通天河皮筏之曳渡



→ 抵玉樹時各界歡迎之盛況




寺古結樹玉與寺爾塔寧西

景全寺古結↓



景全寺爾塔↓



→ 結古寺前之麻尼堆



→ 結古寺山下之風景



← 塔爾寺之一角



← 塔爾寺元宵之酥油
燈像



葬喪與姻婚之民藏

↓ 普通天葬情形

↓ 貴族結婚儀式

→ 喇嘛割尸



← 男家門首之迎親者

→ 羣鳥食尸



← 新郎與新娘

→ 食尸之大鳥



← 男宅跳舞隊

結古之產物與藏民

← 結古羊毛之堆積



← 結古牛皮之堆積



← 結古茶葉之堆積（用牛皮包備運藏）



→ 結古之喇嘛與俗人



→ 結古與漢人結婚之藏女



→ 結古之藏婦（其髮辮有多至一百六十餘者）



目次

第二編 青邊玉樹

- | | |
|---------------|-----|
| 四、由蘭州至西寧····· | 一七五 |
| 五、留居西寧····· | 一八一 |
| 六、由西寧至玉樹····· | 三〇七 |
| 七、留居玉樹····· | 三七二 |

甘青藏邊區考察記

第二編 青邊玉樹（自民國二十六年一月十四日至八月二十四日）

四 由蘭州至西寧

一月十四日 紅城見西北兵燹 永登感人民痛苦

專使行署二次留蘭州，又四閱月矣。本擬早日赴青，因雙十二事變，公私物品，損失一空，不得不重行補充，故本日始克離蘭。早八時與趙專使友琴及行署同人等，分乘大汽車二輛，赴西寧。鄧軍長寶珊等六七十人來送行，攝影而別。當時 蔣委員長雖返南京，事變餘波猶存，余等之行，雖經于主席學忠特許出城，而城防司令及汽車管理局，又經種種檢查手續，遲

延一二小時，過黃河橋出金城關至十里店，先後復有兵士嚴加盤查，其勢洶洶。旋入山口，車行沙地四十里至米家井，在沙溝中，車行時感困難，但已出警戒區域，如脫虎口而心安矣。土山上經雨水沖刷，成柱狀，遠望如西式樓屋，非常美觀。未幾經哈家嘴有車店飲食店及鹽稅局。下車略休息。旋經徐家慶，商店更多，人烟益密。又未幾至紅城子，從前爲承登縣繁盛市鎮，今已蕭條，但街市之長與商店之稠密整齊，尚可想見當年之繁盛。西北屢經兵燹，而甘肅處處均見衰敗，今不如前之景象，甚至僅斷瓦殘磚，數十年尚未恢復之慘狀，變亂之慘酷與甘民之貧困，益令人感覺西北問題之重要，惟是日滿街結綵，遍貼標語，頗有起色，詢知爲歡迎楊旅長德亮由涼開來者，但尙未至。又未幾至大通鎮，距永登三十里，旋經滿城，至下午五時始抵城外，已昏黑矣。城門早閉，即入東關一店中，寓第八師官兵眷屬，蓋因事變而避來者。廂房寓妓女，門上懸紙燈，上書姓名，皆涼州貧農難民，因無法生活而入地獄者。乃另覓他店宿之。

按永登漢金城郡地。晉建興中，前涼分置廣武郡。後魏置廣武縣，爲郡治。後周因之。隋開皇初，郡廢爲廣武縣。大業初，改爲允吾，屬武威郡。唐武德二年，復爲廣武屬蘭州，後陷於吐蕃。宋爲西夏據。元屬永昌路。明洪武十年，置莊浪衛，後廢爲莊浪守禦千戶所。永樂元年，復爲莊浪衛，屬陝西行都司。清康熙二年，復降爲所。雍正五年，改爲平番縣。民十七年，始改今名。蓋以五族平等，平番二字不妥也。余民十五年赴西寧時曾一過，僅留數小時。

去歲（二十五年）借莊澤宣先生再赴西寧時，因汽車陷河中，留二日。時縣長冀晶軒同鄉也，卸宿縣署，並參觀城內各學校，覺教育較十年前進步，而人民生活反不如前。城內破壞亦甚往日。今相隔不及一歲，聞因軍事而人民之負擔更重，生活益艱。邊民痛苦，不知何日始可滅除，西北不知何日真正開發，中夜徬徨，不禁有無窮之感也。

十五日 憲街多富源 享堂有古跡

早八時就道，汽車渡莊浪河，水未全凍，但甚淺小，回憶去歲夏初水漲，借莊澤宣君渡此河時，車陷泥中，數十騾馬，費半日之功，未能拖出，後由兵士數百人推之挽之，由午至暮，始得出水。當未渡時，猶有戒心。幸一馳而過，頗覺輕快。一百二十里至馬蓮灘，有居民二百餘家。又五里至憲街，遠望有磚砌煙突數座，高數丈，聳立空中，疑此地有工廠，詢之知為燒磁器之窯廠，故其地名為憲街。據云大小十餘廠，每廠工人二三十人，但俱係黑色粗磁。街上售者數家，盤碗甃罐，陳列纍纍。距憲街約五里處產煤，街上有背者馱者，塊大數尺，其質甚佳。一帶居民用之，燒鑪亦即利用此煤。聞附近又有銅礦，前曾開採，今廢。憲街屬永登縣，有居民一百數十家，小學校一，比較繁盛。余等下車休息，嘗其較可口之羊湯而行。由此入享堂峽，兩山夾峙，水流其間，一望清碧。車行山腹，徑狹而陡，下臨深淵，且有潛冰暗滑，非常危險。每下車步行，而車輪必上鐵鍊，並時用木錘置後輪下阻之。可知西北雖有公路，仍不

免行路難也。惟風景甚佳，俯視下流，半從冰層下過，冰白水碧，一樣清澄。約三十里有橋翼然，遠望如畫。前後牌樓，一書隴海通途，蓋此地爲甘肅青海之交界。旁有刻聯，爲「萬派清流東浩疊，三邊險道通瀛漚。」因下臨大通河，卽古之浩疊水，至此與瀛水會合也。一書令居古塞，蓋此地爲古之令居塞。旁有聯爲「一漲碧水澄明鏡，兩岸青山架彩虹。」因橋兩端架山腹中，長約十二丈，高約十五六丈，並無基足，上有長亭旖旎彩色，真如兩山架彩虹，形容頗肖，惟山無草木，四季不青耳。橋側有兵士四人守衛，持護照至享堂請示官長後始許通過。約二里許至享堂，卽宿其地。

據調查市中居民一百六十五戶，男女一千三百餘人，回民約十之七。有初小一，學生四十餘人，經費全年一百五十元。公安局一，有警察十六名，經費由市民供給，每一戶每月納公安捐六角。有軍用電話及郵政代辦所。附近多石田（田中鋪石子），每垧（二畝半）價約八十元至百元。旱地每畝五元至十五元，腦田八元至二十五元。享堂爲李士司墳墓所在，故曰享堂。原屬碾伯縣，現爲民和縣。民和縣城距享堂約五里，李士司衙署所在地也。余因爲時尙早，借莊學本等步行往觀，渡河水，結冰甚堅，由冰上過。沿河樹林甚茂，縣新建，衛市蕭然如鄉村。蓋民和十九年始由樂都分出，故僅縣府一，學校一，商民十餘家，居民百餘戶，反不如享堂之較繁盛也，惟聞全縣有完全小學校七處，內女小二處（學生共四十二人，經費共五百九十元）。三川有回教教育促進會所辦完全小學一處，學生七十五人，經費七百二十元。（其地有縣

立第三完全小學，經費爲最多者，僅八百九十元，而學生爲一百五十人，第一縣小經費同同校，而學生爲一百二十人。義務小學十處，初級小學五十八處，學生共一千一百餘人，經費共四千五百七十元。回民初小二十七處，全縣教育經費共一萬二千四百二十元。較前屬碾伯時教育大進步，學校增加甚多也。全縣人口共六萬零五百餘人，男三萬三千五百餘人，女約二萬七千人，分漢回藏工各民，漢人散居各地，回民以享堂鎮馬營鎮處爲最多，藏人以唐讓破門等處最多，土民多散居於官亭三川等地。

又按民和沿革闕於樂都，樂都古湟中地，漢神爵二年置破羌縣，隸金城郡，魏因之，後涼改爲樂都郡。北魏孝昌二年，改爲西和縣。後周復改爲樂都郡。隋開皇十八年，置湟川縣，屬西平郡。唐寶慶三年陷於吐蕃，五代改爲湟州。宋又改爲遼川城。元爲西川境。明初立碾伯衛，洪武十九年，移衛於西寧州，以碾伯爲右千戶。清雍正三年，始置碾伯縣。民國因之，十七年又改爲樂都縣。十八年青海改省。十九年，以樂都縣城遼闊，劃老鴉峽以東地成立民和縣。東與甘肅永靖縣交界，南以黃河與甘肅臨夏交界，西以老鴉城與樂都接壤，北以湟水與甘肅永登分界。南北長，東西短，面積共一千一百四十方里。至民和縣城復參觀土司衛署，周圍土牆高聳，內有顯壁，大門大堂，完全如前清縣署。大堂上木匾甚多，後有居室，亦宏敞。李君出其世襲家譜，方二尺許，每代繪一圖像，一面敘事蹟，現十七代矣。自明起，相傳爲李克用裔，以上不可考矣。據云原管土民四千餘戶，今李姓本族僅二千餘戶耳。時已黃昏，急覓乘

驛馬而返至享堂，已家家燈火矣。

十六日 李士司墳墓多古碑 老鴉峽險道成坦途

早偕同人參觀李士司祖塋，方數百畝，依山傍水（左有大通水右有湟水），外有短牆圍繞，內有石羊石虎石墩等，多已倒壞。左右前後，石碑林立，遠者爲明寶德年，述其世襲與賜爵之原委，近者爲清時御賜祭文。又有某代從軍討番死難殉節之碑，碑石甚佳，聞係御賜由北京運來者。最近有光緒時碑二，但皆補述明清時事，一述明宣德時賜金冊鐵卷事，一述清初順治時准其仍襲世職之上諭。塋牆外大道旁有神道碑二，一宣德二年八月立，額書追贈特進榮祿大夫右軍都督府本軍都督李公神道碑，述其歷代情形較詳。據記該土司爲唐李克用之後，原姓拓拔，唐賜姓李。元李賞哥爲歧王府官，再傳至李梅吉古，次官吉祿，次南哥，爲西寧州同知。明洪武四年，授都指揮世襲職，子李英襲，以功封會寧伯，追贈榮祿大夫右軍都督府左軍都督云云。一大明成化十一年三月立，額書明故前推誠宣力武臣，特進榮祿大夫柱國會寧伯李公神道碑。

九時半行，經老鴉峽，有居民約百戶，回民十之三，商店十餘家。峽內各山爲火成岩與變質岩，石塊閃爍有光。據云有五金礦，未知確否。老鴉峽楊家店鸚哥嘴等地，在昔均爲險道，十年前余乘架窩過此，而時時步行，且防失足者，今則乘汽車如飛而過矣。未幾經高廟子，爲

樂都大鎮，居民二百餘戶，男女一千七百餘人，商店六十餘家，有高級小學及公安局。又三十里至樂都縣。沿途一切均較前整齊進步，在甘肅境內，處處現從前繁榮而今衰敗之景象。至青海境，則道路修治，樹林密茂，房屋新整，處處有新興氣象。下午二時至小峽，高參軍偕馬主席代表馬副官丕烈等乘汽車迎於其地，即同車而行。小峽口相傳係宋崇寧二年所築，南北二山壁立，形勢險要。原有南北二關，南關已毀，北關猶存，係光緒三年西寧辦事大臣豫師捐建，更關名爲武定安德。約三十里入西寧城。晚省府設宴爲余等洗塵。

五 留居西寧

十七日 青海交通 西北皮筏

余來西寧，已三次矣。十年前來時，乘架窩，一週始達，一年前雖乘汽車，因路工尙差，亦需四日。此次僅半日即達，可知西寧交通逐年進步。茲將青海交通，分項述之如下：

(甲) 汽車路

青海汽車路，係民國二十年起，由馬軍長步芳，運用工兵，就原有大車路，略加修築，勉強可行駛汽車，非如內地公路之平坦，夏秋雨季，道路泥濘，即不能行駛。至甘青路，因係西

寧通行蘭州大道，又由全國經濟委員會撥款改修，循蘭寧舊路，至樂都之白崖地方分路，經老鴉峽亭堂，而達蘭州，避免牛站山之險，約可減捷一百公里。

- 一、甘青路 由西寧至蘭州，全長二百二十二公里（約合三百九十華里），由西寧至甘青界之亭堂，實長一百一十公里（約合一百九十華里），係由西寧至蘭州新汽車路。
- 二、蘭寧路 由西寧至蘭州，全長三百二十公里（約合五百六十華里）。由西寧至甘青交界水溝山，實長一百二十七公里（約合二百二十華里）。再至永登縣接聯而達蘭州。（係西寧至蘭州舊汽車路）。

三、寧湟路 由西寧至湟源，全長五十二公里（約合九十華里）。

四、寧貴路 由西寧至貴德，全長一百零八公里（約合一百九十華里）。

五、寧臨路 由西寧至甘肅臨夏，全長二百七十公里（約合四百七十華里）。由西寧至大里加山甘青分界處，實長一百九十九公里（約合三百三十華里）。

六、寧張路 由西寧至甘肅張掖，全長四百零八公里（約合七百一十華里）。至大通縣之廣惠寺境，計長六十九公里（約合一百二十華里）。

七、寧武路 由西寧至甘肅武威，全長四百六十公里（約合八百華里）。至互助縣城，計長五十二公里（約合九十華里）。

八、寧燉路 由西寧至甘肅燉煌，全長一千四百四十二公里（約合二千五百華里）。現修

築至都蘭，計長四百二十八公里（約合七百四十華里）。

九、寧玉路 由西寧至玉樹，全長九百三十二公里（約合一千六百一十華里）。此路現修築至大河壩境，計長三百二十七公里（約合五百七十華里）。

十、都倫路 由都蘭至都蘭縣屬之巴倫，全長一百二十公里（約合二百一十華里）。

（乙）水路

青海境內，黃河與湟河俱可通航，但因水流湍急，灘石甚多，木船難行，汽船吃水較深，更非所宜，故通航僅用皮筏。每年由二三月起至七八月止，以運貨物為主，尤其羊毛爲大宗，餘爲小麥、菜油、西瓜等。皮筏有二種，分述如次：

一、牛皮筏 用生牛皮包縫如豬形，鼻一長頸，由頸裝入羊毛，每隻容量二百餘斤，每次航行至蘭州，須用三十個，分成三排，中間用木椽連繫而成一筏，筏面可再載物。如春季水小，載物較輕，每排連筏內羊毛共載重七千餘斤。由蘭至包頭，則用一百二十個，分成四排，共可載重三萬餘斤。如秋季水大，載物較重，由青至蘭州，每筏可載萬斤左右。由蘭至包頭，則載四萬餘斤。筏上常坐二人，一人在前撐槳，一人在後撐舵，每小時約行二十里。

二、羊皮筏 羊皮構造法，與牛皮筏略同，其形較小，用氣吹脹，因爲空氣大小分三種，大者用二十四個，分成三排，中間用木連結，次者十二個，小者九個，亦分三排。大

者載重一千七百餘斤，中者載重八百餘斤，小者載重五百餘斤。羊皮筏不能逆水上行，運貨至目的地，再用人力肩回原地。

(丙) 普通路

一、由西寧至蘭州共六站，計長四百二十里。第一站張家寨七十里，第二站高廟鎮七十里，第三站享堂七十里，第四站黑嘴子七十里，第五站新城八十里，第六站蘭州六十里。

二、由西寧至臨夏共七站，計長四百七十里。第一站略駝堡六十里，第二站札什巴七十里，第三站化隆六十里，第四站循化九十里，第五站火龍堡七十里，第六站蘇呢寺溝六十里，第七站臨夏六十里。

三、由西寧至貴德共三站，計長二百二十里。第一站上新莊六十里，第二站朵讓八十里，第三站貴德城八十里。由貴德南行至蘇湖共六站，約長四百餘里。沿途草地，荒涼無人，經過多係野宿，宿站不詳。又由蘇湖至甘肅邊境郎木寺共六站，約四五百里。郎木寺隔河對岸冬日常寺，屬四川松潘境。

四、由西寧至玉樹共二十站，計長一千五百二十里。第一站湟源縣九十里，第二站哈拉庫闊八十里，第三站東壩八十里，第四站沙中驛九十里，第五站却吉八十里，第六站大河壩一百里，第七站小札索拉五十里，第八站羊腸子溝六十里，第九站棉草灣九十

里，第十站東格拿隆九十里，第十一站馬拉驛七十里，第十二站野馬灘六十里，第十三站野牛溝口七十里，第十四站巴顏喀拉山一百里，第十五站沐馬灘八十里，第十六站休窩四十里，第十七站竹節寺八十里，第十八站拉卜寺九十里，第十九站土達門七十里，第二十站玉樹五十里。

五、由西寧至西藏，計長三千四百餘里。循寧玉路之大河壩分路，向西行經黃河谷地札陵湖鄂陵湖之間，古爾昂娘娃楊子江谷地苦苦賽爾橋，拜都嶺，唐方判山口而達西藏。此係古時入藏大道，近因荒涼，行人稀少，故該路宿站不詳。但聞甚平，沿途無大山，前黎丹入藏，即由此道。

六、由西寧至甘肅燉煌，計長二千五百零三里。由西寧至都蘭計十站，第一站湟源九十里，第二站哈拉庫圖六十里，第三站慈科加拉一百一十里，第四站江撒六十里，第五站哈安五十里，第六站達納麻哈六十里，第七站納頭里五十里，第八站鹽池六十里，第九站毛里四十里，第十站都蘭九十里。又由都蘭至塞什克三十里，至郭爾毛九十里，至得金哈六十里，至胡爾錫他拉八十里，至探如一百六十里，至小柴旦二百六十里，至大柴旦二百四十里。由大柴旦至燉煌，共九百一十三里，程站不詳。

七、由西寧至新疆塔城。循寧燉路至都蘭之得令哈分路，向南行，再折而西，經蘇湖、哈拉呼孫、達巴蘇圖、消哈利、朱古、圖格帖、呼爾托台耳、葛爾庫圖、哈治格、爾租

哈水泉、拜巴水泉、那林祖哈河、爾善特水泉、烏爾噶噶順山口、而達諾媯。此路係古道，沿途荒僻，絕少人行。

八、由西寧至張掖，計十站，共長七百里。第一站新城七十里，第二站流水溝八十里，第三站豐源八十里，第四站黑石頭五十里，第五站大梁八十里，第六站俄博七十里，第七站炒麵莊八十里，第八站洪水六十里，第九站六壩六十里，第十站甘州七十里。

九、由西寧至武威，共八站，計長五百七十里。第一站新城七十里，第二站大通三十里，第三站老虎口一百二十里，第四站三岔口七十里，第五站皇城灘六十里，第六站六子八十里，第七站豐樂堡四十里，第八站涼州城一百里。

十、由西寧至永登，計五站，共長三百五十五里。第一站張家寨七十里，第二站高廟子七十里，第三站冰溝六十里，第四站雙牛溝九十里，第五站永登六十里。

(丁) 航空

一、青海雖無定期航站，但有距西寧二十里雜家灣之飛機場一所，可以升降。時有專包飛機至青。

(戊) 電報

青海有交通部西寧電報局，有線電通蘭州、甘肅，西部可由永登接線直通。二十四年起又設無線電，亦僅通蘭州。

(己) 郵政

青海郵局等級地點如下：

- 一、一等乙級郵局，僅西寧一處。
- 二、二等甲級郵局，有湟源與貴德二處。
- 三、三等乙級郵局五處，計大通、樂都、民和、都蘭、循化，各一處。
- 四、郵政代辦所十五處，計互助、魯沙爾、札什巴、上五莊、化隆、保安鎮、同仁、同德、覺源、高廟子、共和、玉樹、西馬營、西寧東關、西寧西大街、各一處。
- 五、村鎮信櫃十一處，計巴州鎮、官堂鎮、甘都、起隆台、平戎驛、后子河、張七宅、新城、鎮海堡、恰不恰、多也、各一處。
- 六、村鎮郵差經過地十二處，廣慧寺、大河壩、東壩、哈拉庫圖、察漢城、茶卡、德家、巴隆、香日得、竹節寺、稱多、拉卜寺等處。(查村鎮郵差經過時，搖鈴爲號，該地居民，即將信交付郵差收集後，再分別轉送。)

十八日 省政府 海清池

上午赴青海省政府訪各廳長：此省府即從前之鎮守使署護軍使署，雖加修飾，一切仍爲原屋。門前大照壁，高牌樓，而照壁旁從前吹大號之小樓屋猶存(余十年前來馬護軍使請宴時猶

吹其號)。經長道至大堂，匾額甚多。教育廳即在其後，右爲民政廳、財政廳，左爲秘書處、建設廳。正後爲主席室及會議室會客室等，甚宏闊，有樓房，完全爲舊日衙署式，佔地甚大，房屋不少。自合署辦公後，各廳均遷入，尙足敷用。惟青海各廳組織亦甚簡單，人員合計不及他省一機關也。

下午故友魏南芳君（省府委員前財廳長），約至海清池沐浴，爲馬師長子香所新建者。左右樓屋有洋磁大盆。西北澡塘，尙不發達，且少進步，十年前余在蘭州時，尙無一西式澡塘，僅有木盆與池塘，而西寧更無論矣。青海自改省後，一切積極建設，較十年前之蘭州尤爲進步。而一般人每視來青海爲極苦，甚至謂手抓羊肉非人所能食，甘青生活爲非人生活。倘至蒙藏，不知將如何比擬也。對樓爲旅舍，亦較清潔，每月每間十二圓，備回教人居住。余等所居之崑崙大旅社，亦馬子香氏所建，前後上下樓屋百數十間，附有菜館，屋亦較潔，政界請客費於其地，亦青海第一旅社也。

十九日 聯合宴客 感懷故友

早各機關首領各友人來訪，有陳尊泉君，係蒙藏委員會所派西寧調查組組長，述該組工作困難情形，確係實在，允函蒙藏委員會設法。

下午青海省政府省黨部高等法院警備司令部等機關領袖十五人，聯合設宴，款宴余與趙專

使。余覺此種辦法最好，一切經濟，彼此省事。吾國社會素重禮應，如中央大員至一地，各機關分別設宴，次第歡迎，日日在開會酒食中，每日數處，應接不暇。寶貴光陰，消磨於無謂應酬之中，有用金錢，虛擲於茶樓酒館之內。人人知此痛苦，而習慣已成，彼此勉強從俗，而真正工作，反無暇顧及。如青海之黨政軍一次共同設宴，大家團聚，非常痛快。但青海之黨政軍亦可謂集於馬子香一人之身，無論何機關，亦可謂由渠一人主持。此種現象，為全國各省所無。惟山西廣西，比較近似。席間亦無致詞，更省時間，蓋馬子香氏，素不多言而實行也。惟余有感者即十年前來此時，各界在護軍使署開會歡迎，當時人才濟濟，有著玉樹調查記之周希武君，著西藏六十年大事記之朱錦屏君，著新疆紀遊之林烈敷君，皆研究邊疆之同志，今烈敷雖健在，早已離青，餘均死於非命，不勝感慨。

二十日 西寧氣候 邊民習慣

晨西寧氣象測候所所長秦化行君來談，謂西寧今年最冷，攝氏寒暑表曾降至零下二十三度，為歷年所未有。（蘭州最冷十八度餘，西寧前數年亦不滿二十度。）此數日較暖，平均零下十五度，夏日在攝氏二十五至三十度之間。又西寧海拔二千三百餘公尺（蘭州一千五百五十公尺），故沸點為攝氏九十四度，至各縣四季平均溫度表（華氏）如下：

	樂都	民和	互助	大通	湟源	循化	貴德	化隆	共和
春	四二	四五	四〇	四八	四八	四〇	三七	三〇	四五
夏	七〇	六八	七〇	六〇	七〇	六八	六三	五〇	七〇
秋	四八	五一	四四	四六	四五	四五	四八	四〇	六〇
冬	三〇	三三	三〇	二六	二〇	二〇	二二	一〇	二〇

青海爲大陸性氣候，乾燥非常，雨量甚少，比較秋季多雨，廢曆七八兩月最多，然亦平均不過三寸許耳。降霜期在廢曆八九月之間，霜量自半公分至十公分之多。降雪期比較爲長，自九月起至次年二三月，以十一月十二月一月三個月爲最多。雪量可至五尺，平均二尺以上。風向隨四季而異，春多東風，夏多東南風，秋多北風，冬多西北風。春冬二季風最大，亦最多。

本日爲舊曆臘八節，魏廳長南芳請在其宅使飯。稀粥內有各種豆類甚佳，各菜亦均豐美。其住宅前後二院，甚宏敞，牆地皆磚，木料亦堅，過庭正房，均爲二樓。院有花草，最後爲花園，雖小而精，因限於地勢，不能擴充。如楊廳長之後花園，則大數十畝矣。即普通人家院亦多有花木，木石大半堅固。未至西北者，以爲青海荒僻，飲食居住必極鄙陋。不知西寧在漢唐時

早已進步，故漢人食居，或多優於內地。惟回教徒飲食簡單，蒙藏族衣食住行未進步，爲例外耳。又西北人民儉樸成性，能吃苦耐勞，雖小康之家，中人之貲，均節衣縮食，不肯在衣食住上多耗家資，實際上亦不如東南人民之富裕。而淺見者遂以爲不開化之表徵，甚至視爲野蠻生活誤矣。且西北富源不開，教育未興，普通人民困苦，吾人應哀憐而思開發之，不當鄙視譏笑也。

二十一日 慰勞醫院傷兵 縱談青海軍事

近日軍事青軍雖甚勝利，而傷兵頗多，因青軍勇敢，且多民團，武器不良也。下午余與趙專使赴傷兵醫院慰勞傷兵。首至省政府，因有團長營長三人受傷，在省府特設專室也。次由省府後門赴醫院，卽刺農校地址（近農校已與工校合併）。十餘室中均滿臥傷兵，有傷臂者，有傷腿者，有傷頭者，又有子彈穿腹未死者，傷心慘目，不忍卒觀。有被俘虜之女子數人，爲之看護。余覺彼等如能深思時，必感內爭之非，有此力量，有犧牲精神，當共禦外侮，以抵抗強權國家之侵略，想受傷者看護者有同感矣。據云原有七百餘人，多出院，今僅餘一百九十五人，因給與慰勞金二百元而出。

歸後某君談及第一百師歷次參加戰事之勝利情形，略謂當民國十七年馬仲英在河州倡亂，時甘肅爲國民軍，剿辦甚久，未能肅清。馬步芳氏時爲七十七旅旅長，於十八年三月參加，卒

平亂事。十九年七月馬廷賢倡亂隴南，時馬步芳氏已升青海暫編第一師師長，派隊協助，收復定西。十九年秋，馬仲英率殘部據甘涼一帶，馬步芳氏時任新編第九師師長，奉令移防張掖酒泉各縣追擊，馬仲英退入新疆，底定河西。二十年七月，甘肅雷中田反抗中央，拘禁主席，馬步芳氏一方出兵，一方勸解，卒得解決。二十一年四月藏兵佔據囊謙，侵入玉樹，圍攻結古，青省府先派宣慰使馬馴前往勸導退兵無效，始派兵抗禦，收復失地，雙方派員議和。二十二年夏，中央任孫殿英爲青海屯墾督辦，旋因人民反對，電令暫緩西進，孫不遵命令，反圍攻寧夏，馬師長步芳奉朱主任命出兵寧夏，協助十五路軍抗禦，孫始全部退却。去歲共軍竄擾河西，馬步芳氏已兼軍長，派一百師一部，及騎兵第五師全部，並徵調民團，奮勇追擊，近雖犧牲甚多，然使紅軍傷亡更大，先後俘虜數千人，已失之縣仍即克復，未失之縣終得保全，現在不日肅清。固馬步芳氏之努力，亦中央指導得宜，與人民協力贊助之效果云云。余覺青海軍隊，實爲勇敢，馬步芳氏，亦殫努力，惟將來對外抗戰，如能如過去奮鬥歷史，則更幸矣。

二十二日 祠居風景區域 墓有美術價值

早九時偕趙專使謁前主席馬閣臣祠與墓，由魏南芳君陪往。祠在北門外，倚城牆而築，大門額書「甘棠遺愛」四字。再進爲牌坊，上書「締造青海」，均非過譽。拾級而升，約近百級，始達樓上。正殿有繡像及攝影，繡像栩栩如生。旁有聯爲「銀浪千載懷德感，玉樹萬里定

海疆。」係前秘書長黎丹所撰書，亦紀實也。余與趙專使各獻一花園。壁上張有青海黨政軍學農工商各界祭文，用四字句敘其歷史，頗周詳。

樓上遠眺，風景甚佳，面山帶水，樹林密佈，惜爲冬季，不見青綠。聞其地原爲香水園，因有香水泉，故名。近設第一森林公園，夏日樹林陰翳，花草艷芳，茶樓酒市，亦多遷入，遊人不絕，尤以陰曆四月八日爲最盛。

次遊其墓，在東門外，繞城角而往，入門有大牌坊，高數丈，四大柱矗立，上全用木斗堆成，五色綵繪，頂用綠琉璃瓦，偉大精巧，頗似北平北海前之牌坊。戴季陶氏自西寧歸，極力稱讚，謂此爲西北最有價值之美術。再入爲長道，鋪以小石子，據云皆人民景仰前主席自動運獻者。左爲墓，高樓圍之，門高數丈，全爲磚砌，上雕字畫。據云牌坊道墓門等建築，共費洋五萬元。當門有墓碑，正面書「青海省政府主席馬公關臣之墓」于右任書，陰面書國府樞帥命令，上有六角亭。依前面圍牆有走廊，左右有石牌數座，係黎兩民君所撰馬公生平事蹟，長數千言，漢文二碑，連書之，又譯爲藏文一碑，回文一碑。又回文一碑，係青海清真寺總教長馬祿所撰文。但墓並不高大，亦無他特異之點，且有他墓數座，頗難分辨。

出墓遊東北一帶，湟水分流，楊樹成林，亭榭錯列，景色殊佳。據云其地卽所謂湟中公園，夏日遊人甚多，由馬公祠至此長數里，俱所謂西寧風景區也。

二十三日 布船抵海心山 冰穴取無鱗魚

昨楊廳長來訪，談及海心山事，謂現正冰凍，可去登覽。余前祭海時曾去海邊一次，但在秋季，尚未結冰，趙專使及各同人，更欲一覘青海之奇，擬即偕往一遊。惟汽車不便。西寧距海尚三百七十里，乘馬往返，僅途中即需一週。本日氣象測候所秦君來，談及此事，又謂連日天氣較暖，恐冰有消開之虞，萬一消開，無法返還，實為一大問題。又據某君云，由海至山上距離尚約一百二十里，一日難達，尚須在冰上露宿一夜，種種困難，因即作罷。

按「青海」為一大湖，青海省即由此得名。其周圍之大，或云八百里或云六百里，據土人云，如繞一週，乘馬需十餘日，其面積之大可知矣。水清味鹹，產無鱗魚，背有黑斑，土人夏用棒擊，冬則鑿冰為穴，捕之甚易。就地曝乾，因地有鹽質，自成鹹魚而不臭腐，土人捕而不食，運銷西寧蘭州，歲達數十萬斤。海中有山，俗名海心山，實有東西二島，一若螺殼，一若駝峯，上有寺院，僅喇嘛十數人。相傳此水為弱水，不能浮芥，故向無舟楫，喇嘛均於冰期驅運山上所產之牛馬皮毛，至湟源各縣，換一年所需之食物。實則水可行船，前清光緒三十三年（一九〇七年）夏，曾有俄人科次羅夫，以布船渡海，至山上羣鷲為神。科氏測得海心山實在海中心，地質由花崗岩與含雲母之片麻岩而成。湖最深處約一二〇呎，表面水溫華氏五八度，湖地勢海拔七一〇〇尺以上，湖岸三五里之地帶為砂質，過此為沖積泥質。

二十四日 共黨青年 回教姓氏

上午馬子香軍長，約至東教場，參觀共軍俘虜，有六百餘人，係新到者。衣服破爛，面容枯槁如乞丐然。十九無履，以毡包之，似極愚呆，但皆能唱歌呼口號，步伐整齊，可知其曾受訓練。且面帶喜色，毫無懼容，詢之大半爲川人，多聰敏，有相當知識，實皆國家有用之青年也。內有女子百數十人，衣多紅綠，頭有小辮，大半來自農民家庭者。目多赤色，面部亦有受傷者，望之可憐。又有三百餘人，到西寧已久，皆衣藍色軍服，頗有精神，蓋已改編成軍矣。

西北回教徒姓氏，有甚奇者，有與漢人相同者，據各方記載如下：

(一) 回教徒專有之姓，如賽、納、喇、哈、羽底、亞、鮮、喜、定、撒、薩、海、回、靈、虎、脫、仇、安、朵、以、沐、玉、抱、改、買、拜、剪、可、者、敏、忽、擺、蘇、黑、酒……等多取原名之首音尾音或任何一音。取首音者，如納連刺丁之裔姓納，忽先之裔姓忽，並轉爲虎或胡，占思丁之裔姓苦，轉爲陝或閃，穆古必立之裔姓沐，海魯丁之裔姓海，酒不丁之裔姓酒，買述丁之裔姓買，改住之裔姓改，拜住之裔姓拜……。(俱見補元史氏族表) 取尾音者如烏巴都刺之裔姓喇等。任取一音者，如奧都喇合蠻之裔姓喇，也黑迭爾之裔姓黑等。

(二) 華回姓 原係漢姓，現回教徒多姓者，如馬、麻、宛、滿、沙、古、丁、洪、黃、藍、白……。其姓之取得：取原名首音者，如馬哈麻或馬連忽或馬哈沙之裔姓馬，麻合馬之裔

姓麻。沙的之裔姓沙（亦見補元史氏族表）。取原名尾音者，如阿合馬之裔姓馬，亞古之裔姓古（見補元史氏族表）。任取一音者，如默里馬合森之裔姓馬，漢姓有馬姓，故內地回教徒多姓馬，俗有「十個回回九個馬」之諺，實則因回教徒，原名 Mohammed Ahmed Mahmud 者多也。

（三）漢姓 內地回教徒姓氏與漢人姓氏相同者，如張、王、劉、金、崔、周、胡、李、伊、蘇、魯等，或為漢人信奉回教，或係賜姓，或係明時蒙古色目人所改漢姓。然亦有尙述原因者，如伊司馬儀之裔姓伊，胡山之裔姓胡（見來東林雜俎），蘇里曼之裔姓蘇，伊不刺金之裔姓銀（見補元史氏族考），但篤魯丁之裔姓魯等（見元西域人華化考）。

二十五日 娛樂兼聯誼 饋贈有古風

上午馬代主席送豹皮褥一對，蓋邊疆最重送禮，有古代玉帛犬馬相將之風。

晚，馬子香氏約觀舊劇及跳舞，至則戲院樓上下全為兵士，就地坐者立者無隙地，池中前排數百人皆地坐，多為傷兵，兵士半挾槍，槍立如林。有舊劇，有跳舞，有青海舞。馬氏時與左右地坐之兵士談話，態度和悅如家人，毫無軍事長官威嚴習氣，宜將士之用命如父子軍也。

二十六日 青海商業概況 西事商號一斑

晚，任青同鄉崔鍾英（首席檢察官）孫金豐（商會會長）王立中（軍訓秘書）及商界數人，在福義園山西館宴余。席間暢談青海商業狀況，並據馬蔚奇君之調查，所得情形如下：

青海境內，大半爲番民聚居之地，故商業以與番民交易爲多。每年廢曆一月後，各商號即運茶葉布疋等貨至番民住所，交換皮毛，夏季河冰稍解，即將換得之羊毛皮張，運往蘭州，轉運天津出售。民國十二年起，青海商業甚盛，十七年遭馬仲英之亂，市面大受影響。十八年青海建省，添設許多機關，軍隊亦大增加，本市消費即鉅，因之十八十九二年，商業頗見轉機。及二十年後，羊毛價值，一落千丈，並因本省金庫維持券不能兌現關係，商號相繼倒閉者不少。近年毛價轉昂，市面較好，但一時不易恢復原狀。又青海毛皮等貨物之運出，半由水路，每年夏秋二季，用皮筏由黃河運至包頭，約需一月，運費每擔約二十二元，再由包頭經平綏火車運至天津。進口貨物多由陸路用駱駝由包頭運至西寧，約需四十餘日，運費每擔約二十三元。年來因共軍之擾據甘青，日寇之侵略察綏，運輸異常困難，商業又趨於衰微之景象矣。

西寧各商號，首推河州人所開之義源祥，資本十萬元，公積資財二十萬元。據云與軍政界要人有關係，故資本雄厚，營業範圍擴大，不僅批發京廣雜貨，並兼辦皮毛及其他業務，可謂西寧之托辣斯。又德興店亦係河州人，資本四萬元，公積三萬元，經營布疋雜貨，兼辦皮毛。次則陝西幫，大者十一家，義聚成泰源湧興德合生資本各三萬元，公積資財二萬或一萬元，批發京廣雜貨兼辦皮毛或藥材。永盛恆華泰興青海大藥房等，資本各萬元，公積數千元。餘則復興

隆昌記裕興視資本八千元，忠信福六千元，公積約爲資本之半，經營京廣雜貨顏料紙復或布疋海菜等。其餘資本僅四五千元。次爲山西幫，大者約二十五家，德盛魁世誠和萬順源義信福慶盛西德盛成等，資本各二萬元，公積一萬元或二萬元，營業除德盛魁爲批發京廣雜貨兼辦皮毛外，餘均門市布疋雜貨或兼辦羊毛。天昌正福興成復生隆復順魁等，資本各萬元，公積八千元或六千元，餘則資本僅五六千元。山西商號有一特點，即公積資財每與資本相等或三分之二。次爲青海幫，大者十家，除湟源人李耀庭所開之德興成資本五萬元，公積三萬元外，餘均西寧人，資本最多者如洪豐店資本二萬元，義盛豐裕復長福盛店書豐慶等各資本一萬元，公積均約資本之半，餘資本僅數千元。次爲蘭州人，資本大者三家，德興永資本二萬元，公積萬元，三和店資本一萬元，公積六千元，成順店資本六千元，皆經營布疋雜貨。又有涼州恆聚成資本七千元，經營海菜。除以上各家外，有資本千元左右之小商店一百五六十家，營業範圍甚小也。

二十七日 西寧環山抱水 青海植樹造林

早九時乘馬出南門，循牆而走，經西門北門而入東門，繞城一週。時大雪新晴，滿地冰雪，遠望南北山，巒巒在望，山上有塔有寺。城南北樹林層佈，楊柳已黃綠矣，與白雪相映，風景頗佳。

按西寧當漢及魏晉時爲西平郡，後魏爲鄯善鎮，周爲樂都郡，隋爲湟水縣，唐分置鄯善

縣，及至五代又改爲青唐城，宋元皆爲西寧州，明改爲西寧衛，清雍正三年設西寧府，置西寧縣。民國初，改設西寧道，屬甘肅省，並置鎮守使，旋鎮守使改爲護軍使，行政區設行政長，民十八年改爲省，爲青海省會。

下午偕魏南芳君至東梢門外訪新由玉樹來省之馬驛司令，未遇，因便道借往馬前主席閣臣之花園一遊。園面積約百畝，樹以千計，並有清泉，地頗清幽。有屋數十間，客室寢室浴室等俱備，實別墅也。出門東望，樹林益密，約數萬株。據魏君云，青省年來積極造林，故到處樹林密茂，本年擬各縣栽十萬株，但不知能全活否。又指山麓有升允公園，樹林亦不少。

二十八日 青海農業概況 邊地運輸困難

上午訪省府譚祕書長，商購麵運玉樹事，因接玉樹電，儀仗隊在玉絕糧，每日僅食青稞炒麵，病者頗多，擬購麵若干，設法運玉。青海正值軍事時期，糧食統制，故須與省府商購，而運輸亦須省府幫忙也。譚允商馬代主席，積極設法。但據談近日糧食缺乏，糧價大漲，每石麥價已至五十元，每元法幣僅可購麵十斤，如運至玉樹，尤爲奇昂。因此時途中無草，僱牛一頭至玉樹，即需二三十元，每牛僅馱百斤，千元之麵至玉樹即合三四千元矣，恐與儀仗隊經濟發生影響云云。余擬加研究後再定。

青海地曠人稀，農產物每年運銷蘭州者甚多，且廿餘年來，墾地日多，水利日興，其生

產量之增加，自當不少。近年因軍事關係，糧食甚感缺乏，價值因之奇昂，鄉間貧農蓋藏俱無，妻殯不繼者，約在百分之七十以上。茲將青海農田及農產物情形，據調查所得，分述如下：

一、青海農田，十分之七八為山地旱田，十分之二三為水地。山地又分為山腦田與山腰田二種，旱田又分為小腦旱田小坡旱田川地旱田三種。山腦田適宜於天旱時，因青海氣候寒冷，山腦田處於岡陵最高部份，其巔常有雲霧，如雨水過多時，腦田因氣候遇冷，反不易成熟，如遇旱時，其地較暖，收穫甚佳。故有「天旱收腦，雨多收川」之諺。山腰地及川地旱田，與山腦田適相反，非雨多不能佳收也。又湟中各河流之沿岸川地，多能灌溉，因之水田亦夥。故青海無論旱澇，不致有荒年之虞。故又有諺語為「旱怕晒，腦怕澇，水地兩不掉」。因之糧價每能保平衡狀態。水田距城較近者種菜蔬，收入特多，每畝可產四十元。如租種每畝每年僅租金一元六角，距城較遠者，每畝水田價僅二十五元，年租金一元。旱地佳者每畝價僅四元，年租金五角，次者每畝價不過一元上下。連年因差徭過重，尚有願將地送人不索價者。

二、青海各縣現有熟地，西寧四一八、六〇〇畝，互助二五一、〇四〇畝，大通三二五、六一二畝，樂都三一二、七五六畝，民和三五五、六九九畝，湟源一一四、四三三畝，貴德二六、七五〇畝，化隆二六、八五〇畝，循化九、〇〇〇畝，共和四五、六〇〇畝，疊嶂八、七三二畝，同仁一、八〇〇畝，都蘭一、五〇〇畝，玉樹三、五〇〇畝。上等地約二十萬畝，中

等及下等地，各約一百萬畝。至其內可灌溉之水田，西寧八二、〇八六段，二七七、八六六畝（共一百三十六水渠），樂都四六、二五四段，一〇〇、五〇六畝（共二十八渠），大通五、七七七段，五六、二五六畝（共四渠），貴德四、三五二段，三〇、二一〇畝（共四渠）。又已放荒地，上等約二九、七〇〇畝，中等約三八、二五〇畝，下等九〇、四四六畝。未放荒地，約一六、二七六、一五〇畝。但青海各縣多未測量，畝數調查，亦難確切，上列數字，據各方所得，不過估計之數，略近似而已。

三、青海農產物之種類，以小麥為最多，約有一百萬畝，年產約二十萬石（每石重七千斤）。次為青稞，約六十萬畝，年產約九萬石。又其次為豌豆，約二十萬畝，年產約三萬石。又次為菜籽，約十萬畝，年產約二十萬石。其次燕麥大麥蕎麥玉蜀黍蠶豆馬鈴薯等。每年所產之主要農產品，多銷售於各地，小麥豌豆十分之四五銷售蘭州，菜籽在大通互助二縣製成青油，十分之六七銷售於甘肅全省，青稞十分之七八銷行草地番民。

二十九日 青海多古剎 各寺有活佛

早班禪青海辦事處處長李金鐘君來談，謂新由廣惠寺來，乘汽車四時即達。又有夏瓊寺却藏寺，均青海有名之寺院，喇嘛約六七百人，因交通不便，路極難行，雖不足二百里，乘馬須三四日。各寺中活佛地位較高者為塔爾寺之阿嘉圖克圖，廣惠寺之敏珠爾呼圖克圖，佑寧寺

之上觀呼圖克圖，號洞闊爾寺之呼圖克圖云。

晚閱蒙藏佛教史，阿嘉呼圖克圖，自明永樂十五年第一世以迄十五世，均在西寧塔爾寺掌理寺務。於乾隆十一年抵擊莊雍和宮，現為第二十七世。原名策巴札布，係策凌之子，民國四年掣出。土觀呼圖克圖主佑寧寺，原名果隆寺，第一世在明時，康熙五十四年引見，賜呼圖克圖淨修禪師名號，現為第六世。又洞闊爾寺呼圖克圖，自第一世至第十一世，向在洞闊爾地方化俗，至第十二世始駐洞闊爾寺，康熙時賜禪師印，現傳至二十一世，民國九年轉生云。

按青海歷代為藏族蒙族佔據，且為黃教祖師宗喀巴降生之地，故佛教寺院林立，高僧輩出。自羅卜藏丹津變後，喇嘛人數雖多限制，而寺院之建築，或加修葺，活佛之尊號或加封賜，故迄今依然有偉大之古剎，與崇高之法師，可資遊覽拜訪也。

三十日 青海金融 蘭州樞紐

中央銀行，欲在青海設立辦事處，前在蘭州時，總行曾電蘭行馬主任蔚奇赴瀛面商，已定行期，忽因變十二事變中止。此次余等赴青，蘭行又託調查。昨在省府談及，馬主席及各省委，希望早日設立，並指定前某銀行地址為行址。本日余道經其地，詳視該屋地點尚宜，擬即函蘭詳告。至青海金融情形，前據馬蔚奇君之調查，概況如下：

青海與甘肅原為一省，自清季至民初，向無票號或錢莊之設立，商業上資金活動，全由蘭

州調劑。自民國四年，始有甘肅官銀號派員在西寧設立分號，至民國八年裁撤。民國十六年，甘肅省銀行派員至西寧設立辦事處，積極提倡銀行業務，除匯兌存放款項外，兼代理省金庫。十八年改爲甘肅農工銀行西寧辦事處。二十一年裁撤。十八年春，西北銀行總行，又派員至西寧籌設支行，時青海新建行省，人口增加，銀行業務因之進展。十九年國民軍東下，該行因之亦撤回。二十年馬騏爲青海主席，鑒於市面籌碼之短少，籌設省金庫，發行金庫維持券。初截至廿四年九月，先後發出金庫維持券約有七十萬元，引起市面大恐慌。政府佈告每元按現幣二角收回。此後市面交易，全用現幣，無任何紙幣之流通，亦無任何銀行之開設。近始有中央銀行鈔票流行市面。至現銀之來源，向由蘭州輸入，因每年青海出產砂金羊毛羊皮野牛皮及各種雜糧等，多數運往蘭州販賣，在蘭出售所得之貨款，除匯撥外，大都運現銀幣回青海。至其去路，多流於番民聚居之地，因羊毛青鹽牛羊馬匹等，多產於游牧之地，運至魯沙爾湟源西寧等處，出賣後所得之款，除換青稞及應用物品外，多數攜帶現銀幣而同。從前蒙藏人民，尙多用銀塊，近年始通行銀幣。又青海匯兌，因距蘭州較近，其匯款之調撥，完全由蘭州辦理，直接在青海營匯兌業者甚少。每年市面銀根緊急時期，爲二、三、四、七、八、九等月，二月因係東路各皮客在青海收買各種皮張之時，需款較多，三四兩月因河水解凍，羊皮羊毛多在此時運出，腳價稅款所用亦多。七八九三月爲羊毛上市之時，各商收買羊毛，需款尤鉅，故以上數月，銀根吃緊。各商號每月標期，款項之盈絀，亦向由蘭州處理，餘款則由蘭州放出，短款

在蘭州借入。西寧各商號行市所收之貨款，亦按期送往蘭州過付，可知青海金融以蘭州爲樞紐也。

三十一日 青海皮貨概況 西寧手工一斑

余欲購皮貨，借友數人赴市搜閱，歷數家無當意者。某號有一同鄉，在西寧已數十年，談及青海皮貨工業情形。據云此時已過期，好貨均售罄，至青海皮張，多由外國人收買運出。西寧之熟皮業僅十七家，所製皮貨之種類，有狐皮獺皮藏羔皮紫羔皮白羊皮老羊皮豹皮狗皮等，獺皮甚少，藏羔皮以湟源爲集中地，老羊皮最多，總計每年所製之各種皮貨，約值二十餘萬元。此外手工業有裁絨毯行十餘家，因毛較粗，製成之毯，不如包頭寧夏者之佳，故銷路不廣。又有銅匠業七家，製造家庭用品，如銅鍋茶壺火鍋臉盆痰桶等物，銷路尚廣。製手提紗盤者五家，其式有方形及圓形兩種，其實頂底爲木，周圍爲白紗，以竹圈並繩粘之，攜之則高尺許，置之則成扁狀，價廉物美，非常便利。各機關或商號幾無人不備，上用紅紙剪貼機關或商號名字，或個人之姓，因西寧尚無電燈之設置，路燈既少，且不明亮，晚又多風，紗燈最有用也。至於新式工業，有一百師所設義源祥皮革工廠，用簡單機器所製各種皮件，十分之八九供給該師需用，出售於各界者甚少。又該師有一條機房，亦用簡單機械，可修理槍炮，但無發動機。以上數種，如皮貨製革毛毯等，因皮毛爲青海之特產，如銅器紗燈等，爲青海今日社會

之必需物品，故比較發達。

二月一日 回民教育 軍政力量

回教阿訇向反對回民受教育，尤其反對入漢人學校，讀漢文書籍。但馬子香氏年來積極提倡回民教育，組織有青海回教教育促進會，為推進全省回教教育之樞紐。余前借教育部所派莊澤宣君曾參觀一次，本日又去參觀，並詳詢該會及分會在全省各縣所辦學校情形，承告一切，並贈崑崙月刊數冊，得各種情形如下：

一、該會組織為委員會制，有委員九人，馬子香氏為委員長，馬寶石為委員兼教育長。下分總務部印刷局及編輯社。總務部主任一人，下有事務文牘收發書記等職員。印刷局有正副局長各一人，並分經理部與印刷部，下有事務營業校對印刷排字裝訂鑄字石印等八股。余參觀時見該局有鉛印石印鑄字燙金字等機各一架，青海許多印刷物，均由此印，具有相當規模。編輯社有總編輯一人，編輯數人，出版有崑崙月刊及他種宣傳品。並有視察員若干人，時赴各縣視察分會及所附設之學校。總會經常費每月三百元，由地方農商界及熱心教育人士捐助，至事業常年費，中央曾補助若干。

二、總會直接附設之學校，在西寧有高級中學校一所，民國二十一年開辦，為青海最高學府，學生三百餘人，教職員三十八人，其經費年由省庫支領七成洋一萬零七百三十五元，總會

補助三百元，實即蒙藏委員會補助該會者。有中心小學校一所，十九年三月開辦，原名銳威小學，二十年直隸該會，學生四百四十六人，教職員二十六人，全年經費八千餘元，由馬子香氏擔任。該校為青海設備最完全之小學，每週有回文三小時，其他各校均然。又有第一兩級小學校，民國二十一年開辦，學生二百餘人，教職員八人，全年經費二千元，由財廳補助及地方抽收。此外有貴德康屯兩級小學校，二十一年開辦，學生八十人，教職員四人，全年經費四百八十元，由基金會息。各鄉村初級小學有十二所，皆二十一年開辦，每校學生四十人至六十人，教員均一人，經費年一百元至一百五十元，由地方攤收。又樂都南關兩級小學校，二十年開辦，學生百三十人，教職員三人，全年經費一千一百餘元，由樂都縣府補助及筏捐項下抽收。

三、西寧上五莊分會，附設學校有邦巴高級小學校一所，十八年成立，學生一百四十名，教職員六人，全年經費七千餘元，由皮毛學捐項下收入。其他拉爾寧大寺溝的納安布藏各有初級小學一所，學生一二十人至六十人，教員均二人，經費二百四十元至五百元，由地方攤收，不足時有由地方領墾荒地，每年收租若干石者。又魯沙爾分會附設之學校有魯沙爾兩級小學校一所，民國二十一年成立，學生一百名，教職員六人，全年經費一千一百餘元，由皮毛羊腸衛生檢驗各項下抽收。此外各鄉有初級小學共十三校，每校學生二十人至五十人，教員一人，經費九十元至一百九十元，由地方攤收。

四、化隆縣分會附設學校：有甘都兩級小學校一所，十八年成立，學生百一十名，教職員六人，經費由馬子香氏撥款五千元作為基金。又西關兩級小學一所，學生八十名，教員四人，經費每年六百餘元，由基金生息。此外各鄉鎮有兩級小學四所，每校學生三十至六十名，教員三人或四人，經費或由地方攤收，或撥荒地收租，或由渡船抽攤，或由馬子香氏補助若干。又初級小學五所，均二十一年成立，每校學生二十至五十名，教員一二人，經費由地方攤收。

五、岷源縣分會附設學校：有初級小學十一所，每校學生三十至五十名，教員均一人，經費全年均一百二十元，由地方攤收。

六、循化縣分會附設學校：有查家工清水工兩級小學各一所，學生均一百五十名，教員各八九人，經費由中央補助邊疆教育經費項下每年各補助三千元。又瓦匠莊兩級小學一所，學生九十名，教員四人，全年經費三千六百四十元，由馬子香氏籌發。此外各鄉初級小學八所，每校學生二十人至一百八十人，教員一人至七人，經費各百數十元，均由馬子香氏籌撥。

七、民和縣分會附設學校：有川口兩級小學一所，學生百七十餘名，教員六人，經費每月八十元，有基金生息。萬泉堡初小一所，學生一百一十四名，教員二人，經費全年三百元，由地方攤收。其餘各鄉初級小學共十六所，每校學生三十人至八十人，教員一二人，經費年各一百餘元，由地方攤收。

八、互助縣分會附設初級小學三所，二十三年成立，每校學生二十名至四十名，教員各二

人，全年經費均百餘元，由地方攤收。

九、大通縣分會附設學校：有西關高級小學一所，十九年成立，學生八十三名，教員四人，經費地方捐款二千元，及馬子香氏捐助一千元，發商生息。各鄉有初級小學共十一所，每校學生三十至七十名，教員一人，經費全年各百數十元，由地方攤收。

十、隴源縣分會：辦有東關高級小學一所，民國二十一年成立，學生八十二名，教員五人，經費每年由羊毛項下抽收一千餘元，由馬子香氏撥給，產銷局洋千元，由縣長撥，地方款七百餘元。

十一、貴德縣分會，辦有壬城高級小學一所，二十年成立，學生百人，教職員五人，經費由馬子香氏補助，二千四百元發商生息，年得息四百八十元。

十二、同仁縣分會，辦有保安兩級小學一所，學生百三十人，教員五人，經費由地方攤收。

十三、共和縣分會，辦有兩級小學一所，學生四十人，教員一人，經費由地方攤收。

以上各學校教科書，均由總會發給，余參觀時見樓上滿堆，據云係馬軍長捐助，各校地址建築費，大半為馬軍長撥給或捐助。可知馬子香氏對於回教教育之積極促進矣。

二日 參觀阿文學校 足見回民力量

上午馬代主席約余參觀阿文各學校，馬氏年來在青一方提倡回民教育，一方亦提倡回宗教，故除由回教教育促進會辦理全省各小學校，促進回民教育外，又由馬氏捐助設立許多阿文（阿拉伯文即回文）學校，有中學，有男女小學。首參觀北關私立阿文中學，即在回教禮拜寺內，建築宏壯。前爲中學部，有學生兩班，七十餘人，研究高深之阿文。後爲小學部，有學生百數十人。中學生有二教室，小學生即在大廊下，有低木檯數十，無棹。中學生用石印之教科書，小學生用小木牌，上書阿文，持而讀之。據校內一木屏上所書，此校原址，爲清康熙時馬焦祿氏所建。繼赴私立女子阿文小學校，距中學僅數百武，時將放課，女生約百人，全體環立作方形，皆頭帶綠色風帽，有三領班及教員一人居中，先呼某口號，羣隨呼之。據云爲回教淨身之語，余不解也。

按西北爲回民之集中地，尤以青省爲多。回民以回教爲其中心思想，其一切文化，言語行動，風俗習慣，日常生活，俱規定於可蘭經內，毋稍逾越。因之回民集中之地，具有清真寺，寺多附設阿文學校，讀阿文，即備研究回教經典也。據調查青海全省各縣，清真寺分爲三等，八十家以上者爲大寺，八十家至五十家者爲中寺，五十家以下者爲小寺。西寧有大寺十七，中寺十四，小寺二十七，共五十八寺。化隆有大寺六十四，中寺五，小寺十六，共八十五寺。大通大寺十一，中寺二十，小寺三十一，共六十二寺。循化大寺十六，中寺二十八，小寺十九，共六十三寺。慶源大寺六，中寺十，小寺七，共二十三寺。互助大寺二，小寺七，共九寺。湟

源大寺一，餘未詳。樂都大中小寺各一。民和大寺十六，中寺十八，小寺二十四，共五十八寺。各縣大小共計三百六十一寺。以化隆縣爲最多，聞該縣有回民七千五百戶，約五六萬人。他如循化大通西寧民和等縣，亦各有數萬人。可知青海回民之勢力，且握有軍政權，更不能僅以人數計也。

三日 年貨年畫 古色古香

本日爲廢曆臘月二十二日，已屆舊俗送灶神之期。上午赴街市遊覽，見各飯店均停業，而雜貨店則倍增擁擠。舊年貨者多在街道左右擺攤，有灶神門神關帝財神，紅紙黃表，大小鞭炮，長短香燭等，形形色色，完全如內地二十年前的景象。惟香有長二三尺者，有粗如手指者，爲甘肅臨洮所造。

食品則有各種調料，普通海菜，而尤以賣肉者爲最多，而最惹人注意，多係整豬整羊，羅列道旁，視者環列，引人注目。蓋邊民貧困儉樸，平日食肉者甚少，而舊曆新年，則無論貧富，必購若干，故售者亦特多。青菜甚少，且多冰凍，如葱如白菜，皆乾枯而無青色。服飾則有女兒之紅纓絨帽，男童之花帽，以及男子之毡帽毡鞋等，蓋習俗過新年，則衣新衣食美味也。

小巷口牆上地下，多張售年畫，大多爲舊戲中之故事，或吉利之人物。亦有錢成之中堂對聯懸於牆上者，似爲古畫，但就近聞之，多係新手所繪，或俗人所繪，無足觀者。商店門首有

畫較佳之畫者，或為歷史之故事，或為地理之風景，如武穆之精忠報國，木蘭之化裝從軍，以及杭州上海天津北平各名勝等，於社會教育，不無裨益。余常覺社會教育，應利用習慣時機，較易生效。年畫倘能改良，則家家年年自動購貼，無形中收教育效果矣。

四日 氣象測候所 人民大會場

下午赴西寧氣象測候所參觀，所址在孔廟內，即前西寧之文廟。院宇甚大，左右兩廡改為圖書室及陳列所，但現在既少圖書，又無陳列物品，終日鎖門，待將來補充而已。且房內有閱報所，有各種掛圖及日報月刊，閱者尚不乏人。大殿始為氣象測候所，僅有測風雨及濕度等簡單器具數種，所長一人，夫役二人，所長外出，略視而已。

旋赴人民大會場，係王子元君任民政廳長時所建設。在城內西北角，有廣場，立有孫中山先生紀念碑，下石上磚，約高二丈，石八面，上刻總理遺囑遺訓及傳記。復有屋若干間，並有動物園，原搜養西北特產之鳥獸數十種，今僅餘籠欄，而鳥獸早散亡矣。亭樓屋宇，亦半為蒙藏小學校佔去，惟開各界大會時，仍在此場。

五日 鹽池陝甘川三省 池屬青察柯三王

上午訪陳任軒君，有察卡鹽稅局一職員在座，據云新自察卡鹽池來，行八日。該鹽池南北

八十餘里，東西一百八十餘里，周圍約二百餘里。池中有白氈一層，擊開後，下爲鹽水，用鐵漏杓取之，水漏而鹽出，天然自成，毋須經攪晒等手續。挖過地方，一經天雨，即可長平，即坑之深者大者，三年亦可長滿。四川松潘一帶，亦來此運鹽，每次馱牛以千計。至時督運局代雇附近帳房中蒙人去挖，每挖一馱，工資三角，收稅每牛六元，不論斤數多寡。故松潘一帶之馱鹽者，每牛往往馱二百數十斤，至一二日程處，再增牛分馱之。鹽池旁之稅局，有職員八人、稅警三百餘人，每年收稅三四萬元，全青各局，前曾收鹽四十餘萬元云。

前接蘭州梁經理鑒如函，託代覓青鹽若干，爲療疾之用。下午赴西北鹽務收稅總局莊青辦事處覓索，談及青海鹽稅情形，據云：僅察卡一池，年產一七一〇〇擔（每擔二四〇斤）上數爲二十四年銷數，池租每百斤大洋五角，稅率每擔正稅三元，附加三角，食戶捐一元，共四元八角，稅捐年額爲七三五〇元。稅捐方法，舊鹽時卽予以稅票，填票員填寫簽名，送長官蓋章，會計收款登賬，然後將票發給購鹽人。此鹽銷地爲青海之察卡上五莊，魯沙爾，南大通，甘肅之洮岷，四川之松茂，及陝西之漢中等地。產地價格，只交馱戶腳價。此種馱戶，俱係蒙藏人民，故腳價多以青稞代之。蒙藏民運鹽至遼源鹽稅局時，以青鹽一袋，易青稞一袋。鹽稅局銷地價格，每百斤十元三角，辦事處附屬機關及分倉，有察卡督運局，遼源分局，南大通分局，上五莊分局，魯沙爾分局，羊羣分卡，西寧分倉云云。

按察卡鹽池，爲青海境內最大之鹽池。「察卡」卽藏語「鹽池」之意，所產之鹽，名爲青

鹽，天然生成，不用人工。其水由錫拉庫特爾山之莫柯爾河，與布拉克地察汗，烏蘇河，匯爲此池，原歸霍碩特西前旗青海王，霍碩特西後旗柯柯王，及霍碩特北左末旗察卡王等三王管轄。取鹽之道，共分三路。一在西北，屬青海王，一在東北，屬察卡王，一在西南，屬柯柯王。以前僅許蒙古貧民挖取，願挖者請領各該旗王公札薩克台吉圖票，運往湟源西寧大通一帶售賣，易換布疋糧食日用等物。現均先後收爲公有矣。

六日 青海地勢 各縣面積

青海爲西北之中心，據江河之源頭，境內山脈起伏，岡嶺層疊，河流縱橫，湖泊星布，純係高原地帶。據方志張其鈞君所述：青海省居於全國最高地位，中國各省會，除康定外，以西寧地勢最高。泰山爲五嶽之首，廬山爲著名避暑地，海拔僅一千五百公尺，而西寧之高度，則爲二千二百公尺，較各山均高，僅低於康定三百尺耳。惟西寧在青海尙爲低地，全省高度，平均爲三千公尺。又如山西陝西北部甘肅以及內外蒙古，均爲高原，但均較青海爲低，其高度不過一千至二千公尺。戈壁沙漠，則在一千公尺以下。故青海地勢，爲中國高原中之最高者。此處僅有西藏北部之高原，海拔達五千公尺，稱爲世界之屋脊。但其地實無人煙，西藏人民，大都居於南部雅魯藏布江流域，爲高度三千公尺以下之高地。故中國民族分佈之區域，以青海爲最高，四川峨嵋山，海拔三千公尺，秦嶺最高峯太白山海拔三千五百公尺，若與青海日月山

較，仍屈居其下。日月山海拔三千七百公尺，在青海高原，似為低山，其地高山多在四千或五千公尺以上，甚至超出六千公尺。大概一千公尺以上之高山，山頂永遠積雪，是為真正雪山。青海雪山甚多，自北至南，五千公尺以上之高山，列舉之如甘青交界之祁連山，黃河北岸之大積石山，即阿尼馬卿山（河曲為大積石山循化為小積石山），黃河長江分水嶺之巴顏喀拉山，揚子江上源分為二支，介於二源之間者曰庫賽嶺，在青海西藏界上者曰當拉嶺，又名唐拉山。以上諸山，皆終年積雪。此種雪山，對於國家有重大關係。中國文化以長江黃河二大流域為根據地，皆導源於青海，蓋高山雪水，涓涓下注，源遠流長，終成江河。青海為中國第一大湖，其水量亦取給於周圍之雪山。黃河有支流曰湟水，湟水有支流曰大通河，亦皆導源雪山。湟水在西北歷史上尤居重要地位，試以青海與蒙古新疆相比，即可見雪山之價值。大概大陸中心，離海甚遠，雨澤稀少，氣候乾燥，故蒙古新疆均有廣大沙漠，荒蕪不毛。而青海因有多數雪山，水源豐富，目前雖有未闢之地，將來可望拓殖，此雪山對於國計民生之影響也。又雪山與國防亦有關係，因青海高原，本身已達三千餘尺以上，雪山絕對高度雖大，而相對高度不甚懸殊，如日月山海拔三千七百公尺以上，但高出青海水面僅一千公尺。又青海省諸山，如庫賽嶺當拉嶺等，坡度皆甚平緩。據實地測量，謂當拉嶺即建鐵道亦易，故歷代用兵大道，率取道青海。如清初康熙時二次征藏，當拉嶺為當日戰場，通天河為大本營所在，各山山口，向稱進藏要道。至祁連山坡度雖峻急，而其時山口亦為通甘涼之間道。自漢以來，民族遷移，均由此道。甘都

南之扁都口，尤爲重要云云。又據青海叢編陳乘淵君述青海地勢，以勒科爾烏蘭達布遜山爲最高，計拔海達二萬二千餘尺，祁連山脈，巴顏喀拉山脈，唐古拉山脈，均起源於該山而分迤。他如祁連山高二萬尺，積石山高一萬八千七百五十尺，巴顏喀拉山高一萬七千一百八十尺，唐古拉山高一萬五千尺，即各河流湖泊較低之地，長江發源處高一萬四千餘尺、同仁什則寺境之黃河，高一萬二千五百三十餘尺，鴉鶻江西岸，高一萬一千餘尺，鄂陵札陵湖面，約高一萬二千餘尺，青海湖面高九千八百餘尺，柴達木盆地，亦尙高九千五百二十尺，可知其地勢之一斑矣。

青海各縣面積，據調查：西寧一萬六千方里，湟源一萬一千方面，共和二萬四千方里，互助一萬三千方里，大通二萬三千二百方里，豐源二萬四千七百五十方里，循化一萬六千八百方里，貴德三萬七千八百方里，化隆一萬二千六百方里，樂都一萬三千五百方里，民和一萬二千方里，同仁七萬一千四百方里，都蘭六十七萬五千方里，玉樹稱多囊謙三縣，共一百零六萬方里以上。又據調查，青海東起東經十四度，西至二十六度，南起北緯三十一度，北至北緯三十九度，東西相距二千七百餘里，南北一千八百餘里，全省面積約爲二百九十四萬方里，與前相較多九十餘萬方里，想一因各縣未正式測量，數字不實，二因果洛大部地方，尙未改縣也。

七日 全人口百五十萬 每方里不足一人

吾國各省人口，向無確實之統計，而青海以民族複雜，交通不便，並建省未久之故，其人口更無確實之數字。據估計，全省人口有二百餘萬，而青海民政廳於二十年調查全省人口，僅約一百四十九萬五千八百五十，恐難可靠。茲據民國二十四年邊疆教育實業考察團之報告書，有關於人口之數表，分錄如下：

一、各縣人口密度表

縣別	面積方里	人口數	每十方里人數	備	考
西寧	一七〇〇〇	一六三五九九	一〇二、三		
樂都	一三五〇〇	六八四九五	五〇、七		
民和	一二〇〇〇	五二〇〇五	四四、六		
互助	一三〇〇〇	九四六〇一	七三、〇		
大通	一二三二〇〇	七九〇〇八	三四、〇		
湟源	一一〇〇〇	一二三七〇〇	一一一、〇		

共和	二四〇〇〇	二〇二四〇	八、〇
貴德	三七八〇〇	一八〇四二	四、八
循化	一六八〇〇	二五六三五	一六、〇
化隆	一二六〇〇	二三四八五	一八、〇

按據青海民政廳所調查，全省面積約二百零一萬方里，人口約一百五十萬，平均每方里不足一人，惟東北部為農業區，人口多集中該部，如西寧樂都互助等縣，每方里約七人至十人，西南部十餘方里，不及一人。

二、各民族百分比表

縣別	漢	回	蒙	藏	土	擺	附記
樂都	九五%	一·五%	—	二%	一·五%	—	
民和	三〇%	五〇%	—	一〇%	一〇%	—	
互助	六〇%	四〇%	—	—	三六%	—	

大通	六五%	三一%	—	四%	—	—
湟源	八四%	六·五%	三%	六·五%	—	—
循化	一四%	一六%	—	一七%	—	五三%
貴德	二〇%	一五%	五%	六〇%	—	—
化隆	二〇%	五〇%	—	二〇%	—	一〇%
共和	二五%	—	五%	七〇%	—	—

八日 青海財政一斑 各縣經費概況

下午訪譚秘書長魏廳長等，談及青海財政情形，謂青海財政向入不敷出，本年因軍事關係，益感困難，各機關欠薪多至半年以上，現至陰曆年關前三日矣，尙未能設法發給，各小職員日來異常愁悶云云。

按青海建省未久，富源未開，而軍隊增加，軍需擴大，人民之苦痛困窮非內地人所能想

像。至省財政每年收入若干，據其所發表者如下：

一、據齊省政府前歲呈報主計處之收支數目。(甲)歲入：(一)田賦，共二十六萬二千九百五十元。(二)契稅，共一萬四千七百九十七元。(三)營業稅，共四十六萬〇〇八十五元。(四)地方行政收入，共五千五百〇一元。(五)其他收入，共十萬〇四十九元。(六)地方營業稅，共二千八百八十元。以上共八十四萬六千〇六十二元。(乙)歲出：(一)黨務費，共四萬五千四百三十元。(二)行政費，共三十一萬〇四百一十八元。(三)司法費，共四萬八千七百〇一元。(四)公安費，共二十萬二千八百一十六元。(五)財務費，共十五萬四千二百六十六元。(六)教育文化費，共十三萬五千四百〇九元。(七)交通費，共一萬六千六百八十元。(八)衛生費，共三萬六千元。(九)建設費，共四萬一千一百三十元。(十)協助費，共四萬二千九百九十五元。以上共九十三萬三千八百四十五元。

二、據二十四年度歲入歲出概算數。(甲)歲入：(一)田賦，二十九萬三千二百三十九元。(二)契稅，二萬〇七百〇六元。(三)營業稅，五十一萬〇六百一十七元。(四)地方行政收入，五千三百〇一元。(五)地方財產收入，八千九百五十九元。(六)補助款收入，十二萬二千一百元。(七)其他收入，三萬三千四百七十五元。(八)菸酒牌照費，六千七百〇五元。以上總計歲入一百萬一千〇九十七元。(乙)歲出：(一)黨務費，四萬七千六百五十二元。(二)行政費，三十四萬七千〇五十二元。(三)司法費，五萬〇七千元。(四)財務

費，十四萬六千七百〇六元。(五)教育費，十五萬〇八百八十九元。(六)交通費，九千〇二十四元。(七)衛生費，三萬六千元。(八)建設費，三萬九千二百八十八元。(九)協助費，五萬〇四百一十一元。(十)實業費，二千六百八十二元。(十一)預備費，三萬九千八百九十二元。以上總計歲出一百萬一千〇九十七元。

以上均為青省府所發表之數字，與其他方面調查數字，相差甚鉅，確否未可知也。

至各縣經費情形，據邊疆教育實業考察團所得如下：

二、青海各縣地方機關經費征收數

縣別	黨務	行政	司法	教育	建設	財政	公安	自治	交通	共計
樂都	八〇〇元	一三六〇元	五四二元	二〇七五元	二〇〇元	二〇〇元	五五〇〇元	二六〇元	四〇〇元	二二四六元
民和	一三二〇元	二八七三元	三七〇元	六三一四元		六九六元		四六三元	一〇二〇元	二七一四元
互助	二二〇元	七八〇〇元	二〇〇〇元	六二〇元	三〇〇元		六〇〇元			一七四〇元
大通		七八〇〇元	二五〇〇元	〇五二元	八六四元		四五一元			二六七七元
湟源		六四八〇元	一七三二元	五四八〇元			二二七六元			一六〇四元

共和	六〇〇元	四八〇〇元		一五〇〇元			三三〇〇元		1010元
貴德	六〇〇元	六四八〇元	九五元				三〇〇〇元		1033元
循化	二五元	六四〇〇元	三四元	一三〇〇元	二〇〇元		二六〇〇元	三三〇元	1693元

此外每月又有縣長交際費及政務警察糧餉，兩共每月在千元以上。

觀上表知各縣行政經費為最高，佔全年經費二分之一，若再加交際費等費必至三分之二，如建設交通等費，大半缺如。

九日 西北防疫處 衛生實驗處

西北素無衛生防疫之機關，人民亦少衛生防疫之習慣。無論人病獸疫，每易發生，發生後聽其傳染死亡，於是人口稀少之省份，最重畜牧之邊區，每年人畜犧牲，不知有幾百千萬，其關係實為重大。中央有鑒於此，曾有西北防疫處及西北各省衛生實驗處之設。但西北防疫處，僅及甘肅，尙未至青海設施，實則青海較甘肅尤為重要，因大半為畜牧區域也。余在蘭州時，曾與該處主任楊守紳君談及，本日接渠來書，謂青海整個防疫計劃，擬分全省為八個實驗區，成立八個獸疫防治所，已呈由中央指撥經費，業蒙行政院原則批准，正式預算，可望由二十六

年度起施行。據此青海防疫機關，不日或可設立也。

至衛生實驗處，青海早已設立，內設附屬醫院及巡迴醫隊，規模殊小。據該處民國二十四年總報告，附屬醫院門診部施診類別內，門診二三五次，出診二八六次，特診三〇九次。就診類別內，新舊病男女共計約二萬人。治療欄內，治眼二一六三，注射一六六〇，手術三〇九，合發藥包紮等共三二〇七三。至疾病類別內，內科方面，腸胃病最多，二二五七。次為呼吸系病，一八九一。次為各種結核，共四九二（內肺結核一二〇）。又次為寄生蟲二二〇。外科方面，以外傷及膿潰為最多，二九一一。次為梅毒，二一〇六。其他花柳病九一〇。此外砂眼六一二〇。其他眼疾一二七九，疥瘡六三八。其他皮膚病一六二九，婦科二六〇，產科八〇，合計內外科共一九六三一。又巡迴醫隊施診類別內，門診一〇〇次，出診六三次，特診四六三次。就診類別內，新舊病男女合計八四一人。治療方法，總計一〇四八〇。疾病類別內，內科方面，腸胃病最多，一六〇五。次呼吸系病，七〇九。次心腎病，二二九。次寄生蟲病，一四六。外科方面，外傷及膿潰九四二，皮膚科共一二八四（內疥瘡五二五）。眼科共一二六七（內砂眼六〇九）。花柳科共三五一（內梅毒一八六）。及其他共計為八四六五。此種巡迴醫隊，據云其工作自七月至十一月止，經過樂都，民和，互助，大通，貴德，湟源等縣。

本日爲廢曆年最後一日，西寧商民依舊貼對聯敬神。余偕友人至街上遊覽，見各商店所貼對聯，多有新語，如○○正號聯，爲「正氣浩然，可崇拜南蔡北馬。號友一致，應打倒東日西英。」南蔡北馬指蔡廷楷馬占山，頗有抗日思想。又○○昌號聯爲「昌熾南北，端爲中國通商務。號聯蒙藏，豈使外人奪利權。」亦有國家觀念，且合青海情形。又某客店改舊聯詞爲「湖海客來談貿易，蒙藏人至講開通。」亦合地方實情。因西寧多蒙藏人民來往，至西寧後，一切逐漸漢化。又某工廠聯爲「勞資少衝突……男女須平權……。」思想更新，蓋該廠有男女工人，舊習慣中有新思想，勿謂西北文化落後也。

晚，行署以明日爲林主席誕辰，又爲春節，在署內開同樂會，有口琴方言相聲笑話等，並有燈謎。余擬出二則，一爲「專使參軍」，打古人名一，一爲「專使參軍誤認參贊」，打故事一。蓋此次護送班禪回藏專使行署高級職員三人。專使姓趙（守鈺），參軍適姓高（長柱），而余則姓馬，二謎知其一卽知其二，一爲「趙高」，二爲「趙高指鹿爲馬」也，羣以爲巧。

十一日 新年春節 蘭省青海

本日爲春節，飯後赴街上遊覽，見各商號一律關門，僅有售玩具者，糖果者，在道旁擺攤。男女兒童，俱衣新服在街上往來，或看玩具，或買糖果，或作擲錢等遊戲，或放鞭炮，大有新氣象，全成兒童世界，舊習慣真不易革除也。

旋出城至東關一遊，各大店均在其地，天成店尤爲有名，雜店在蘭州，觀其門上字號匾，一書「蘭省天成店」。蘭州爲甘肅省會，非省名，想書者亦商人也。又有某號爲青海商，其字號匾上書青海省，想亦爲蘭人所書，青海變青海矣。

十二日 慧覺寺印式古佛 甘露庵精雕木像

西寧城內東南角寺院甚多，皆在行署附近，因往參觀。首至慧覺寺，一名弘覺寺，原建築甚宏壯，今半傾圮。前後三院，正殿正面有佛像三尊，中爲釋迦佛，皆木雕，甚精，左右有八大菩薩，皆裸上身或全裸，蓋印度像式也。因印度爲熱帶，故各菩薩多不着衣，卽今喇嘛之衣，原定僅三件，卽下身內外圍裙，及上身所披袈裟。至黃教興，始加以厚坎肩，因印度所定法衣，不適於寒帶之蒙藏地方也。聞今日經典中，尙有以冷水獻佛使清涼之語，亦係印度原文，在蒙藏不適川矣。殿角有護法神，門外懸牛頭人骨等器具，又有真人頭骨法器。後院爲藏經樓，甚高大，有數木匾，皆前清乾嘉時所立。一匾上款書勅賜慧覺寺額爾德尼諾木汗呼圖克圖嘉木標轄克巴，頗費解。聞此寺係某世班禪賜與某世嘉木標者，故拉卜楞寺來人皆住此寺內。藏經樓前院則住俗人數家。弘覺寺對門爲金塔寺，正殿有佛數尊，係前清雍嘉時所塑，甚精細，當係西寧最古之像。前有一木塔，僅高數尺，頗精美，聞原有金頂塔燬於火，故名金塔寺。木塔係仿原式而製者也。此寺屬塔爾寺，凡該寺喇嘛至西寧時住此。寺前院亦住俗人數家。三元閣附近

有甘蔗庵，外懸青海佛教會木牌，升一土坡始至庵，雖小而精。當門有一木雕韋馱像，正殿正面佛像三尊，右面菩薩三尊，皆木雕，有藝術價值，一小像尤精。有一老尼正焚香禮佛，甚虔誠，見余僅參觀神像而不叩拜，似大有不豫之色。

十三日 大佛高踞 獅王在此

上午至西大街參觀大佛寺，有佛像三尊，各高三丈許，佔樓二層。據云從前更高，民國初燬於火，此像係新塑者。左一像圓目短鬚，頗兇猛，相傳此三像即九世紀時刺殺毀滅佛教之藏王藍達美者（中史譯作達磨）。初藍達美爲闍佛黨首領，因其兄恥係巴薩（一譯拉爾伯張）崇佛殺之自立爲王，竭力毀滅佛教。在位第三年時，有穿黑袍乘黑馬之喇嘛，入拉薩，乘王觀石柱上文字時，獻其奇舞，王使就前，當叩首時，突刺王至死，乘馬而逃。後宮中下令追捕黑袍黑馬者，該喇嘛因袍爲白裏，馬係塗炭，袍翻衣成白色，馬過水洗去炭色亦成白馬，遂得遁逃至青海境內。此三像即當時逃來而死於青海之三喇嘛也。一名約格羅，一名麻釋迦，一名藏白賽，與史載略有不同，未知確否。廟址甚大，半成荒墟，蓋火後尙未恢復原狀也。

又經各巷時，見數家門首，貼有紅紙條，書「獅王在此」四字，同人以爲係有猛犬在內，請來客注意者。詢之本埔人，始知原有婚事時所書避邪者，等於「姜太公在此百無禁忌」。

十四日 城隍廟婦女哭訴 先哲祠軍人享祀

上午赴城隍廟遊覽，門外置掉舊香燭者甚多，蓋此數日人民入廟焚香者甚衆。第一正殿爲先哲祠，正面設董福祥劉錦棠鄧增等牌位，但難有一甘肅省都城隍牌位，想青海前屬甘肅，此殿原爲甘肅都城隍殿，故留之也。右有青海辦事大臣某某等三牌位，左有青海府知府某某等三牌位。再進中院正殿祀城隍，有塑像，前陳供棹，上有插燭之長架及大香爐。燃燭焚香者絡繹不絕，婦女居多，燭味刺鼻，香烟迷目。左右廊房各九大間，共有塑像十八尊，似爲十殿閻君，及其他陰間各神。許多婦女，在右方殿內哭之彌，據云係有冤抑不平之憤者，向神訴之。吾國婦女受冤處社會之壓迫摧殘，虐待苛責，有苦莫訴，有冤莫白，惟有向冥冥之神，信仰上認爲聰明正直而查者，一訴其怨恨委屈，人或笑其愚昧迷信，余則哀其可憐也。

再進後院，左有蔡公祠。據碑記蔡公名仲回，字子厚，曾舉孝廉，宋景佑年率兵至西寧討西夏羌亂，西寧城陷殉難，人稱爲湟郡福神，故附祀之。最後殿左右廊房內仍爲先哲祠，右廊內有大牌位五：一爲「欽差大臣太子太保兵部尚書升任新贛巡撫前西寧兵備道世襲一等男傅諡襄勤劉錦棠字毅齋神位」。二爲「欽命頭品頂戴尚書銜督辦甘肅軍務節制前敵各軍提督甘肅全省軍門雲騎尉世職阿爾抗阿巴圖魯軍功加六級董福祥神位」。三爲「欽命頭品頂戴鎮守甘肅西寧等處地方統轄漢土番回掛印總鎮都督府統領鎮西馬步全軍升任陝西省固原提督軍門伊博德思

巴圖魯加入八級鄂增神位」。四爲「西寧青海辦事大臣升任察哈爾都統奎順長生祿位」。五爲「西寧兵備道署理西寧辦事大臣聯奎長生祿位」。其他小牌位數十座，大半爲捍衛邊疆之軍人。左廊內因門封未及入覽，然從窗隙中窺之，見牌位林立，想清季先後在西寧青海任知府軍官及辦事大臣者，一律收入。

按先哲祠所祀諸人，係限於清代，否則如漢之趙充國，唐之李靖，真正可謂爲青海之先哲，而足千古崇拜也。趙創屯田政策，不用武力而終服羌人，開拓土地。李率兵征吐谷渾，前鋒已至星宿海，殆爲中國軍隊達河源最遠者。二人皆以年近八十之老將，不憚遠征，奠青海之基礎，實足認爲先哲，奉爲模範者也。

十五日 北禪寺多土樓 呂洞賓療百病

下午偕各同人乘馬遊北禪山（因多土樓，俗名土樓山寺），約五里，出北門里許渡湟河，有橋，水半結冰。至山麓捨馬徒步而登，有一黑虎靈官廟，正演皮影戲，以紙爲棧，借太陽光映之。（此劇盛行於川陝鄉間，以牛皮雕作高尺許之人物，着彩色，手足活動，以竹篾繫而舞動，多係夜演，張白紗帳，以燈光映之。）余等略爲參觀，竟加演加冠，係前清積習，乃賞法幣五元，演者僅一老人，執篋並唱，聲粗而爲秦腔，不類原調。繼登山峯，高約三百尺，巖崖壁立，道陡而曲折。寺在山腹，倚山而築，神像多在山洞中，土樓深穴，地頗清幽。前面有廊，

全境河山，盡歸眼底，夏日避暑游覽佳境也。此寺爲道教祀斗母洞賓等神，有一老道士年六十餘，招待甚殷。洞賓神前有籤筒，係僂病人求藥問方者。籤筒內分內科外科，男科婦科等。呂洞賓能治病，且能治各種病，異矣。在今日科學發達，醫藥進步之時，而省會咫尺之地，尙有此種現象毋怪外人笑吾國野蠻守舊，中山先生謂吾國人民最自由也。山巔有寧壽塔一座，計七級，四週有潦溝，因時晚未及登覽，但高聳峯頭，出城即可望見。

十六日 果洛非野番 官民共娛樂

下午余宴青海各機關領袖，到者有馬主席子香，馬司令良臣（名馴爲西寧城防司令）馬司令純臣（名驤爲結古玉防司令），譚祕書長時欽，姚廳長衡甫（名鈞民政廳），魏廳長南芳（名敷滋建設廳），楊廳長子高（名希堯教育廳），魏廳長惠庵（名敷澤財政廳），陳主任燾堂等，陳係省府祕書主任，馬子香氏甚倚重之。據談十六年時曾在蘭州黨務訓練班畢業，爲余學生。後至西寧曾任共和縣縣長，並曾赴青海西北部及果洛等地考察，通藏語，詢及果洛情形，謂人每以果洛爲野番，不知該族藏文者甚多，反較瓊海八族爲進步云云。

晚馬主席又約余等觀劇，蓋舊曆新年，馬氏分別約城內人民觀劇，以示與民同樂。本日爲女賓，樓上下皆婦女，或爲機關職員親眷，或爲蒙藏領袖家屬，或爲普通人民婦女，擁擠無隙地。除舊劇外，有共黨新劇團演勸夫從軍之新劇，有韓女士之跳舞（省府祕書），有迷猴戲（

二字不知何書，或云係鄜鄂二字，爲陝西鄜鄂二縣之歌劇，故名，一說非是，其聲甚柔媚而悅耳。之十里長亭，及秦劇之櫃中綠各一齣。此二劇係一西寧人名天賜者所演唱，非本台角，本晚特請其加入，頗爲觀衆所歡迎。

十七日 青海耶教 各縣信徒

青海雖僻在西北，教育落後，然宗教則早已深入，佛教回教有悠久之歷史無論矣。即耶穌教亦早遍於各地，不僅省會縣城，而各鄉鎮亦多有。此項教會之設立，其精神可佩，其力量之深入民間，亦可慮也。茲據報載青海各縣之天主堂福音堂及各教徒數，大約如下：

(一) 西寧縣境內：省城南街，西川彭家寨，南川家牙屋家莊，札麻隆，魯沙爾，黑嘴子，貓爾漢溝，后子河等處，每地均有天主堂一處，計共八處，信徒共九百六十五名。又省城西街及后子河等地，共有耶教福音堂三處，信徒共一百零八人。

(二) 湟源縣境內：縣城東關有天主堂一處，信徒一百二十名。又城內有耶教神召會一處，信徒一十三人。

(三) 大通縣境內：新添堡，陶家寨，老虎溝等地，各有天主堂一處，共計三處，信徒六百四十八人。又縣城有耶教內地會一處，信徒四十五人。

(四) 互助縣境內：縣城東關，及甘家堡，新元堡，羊圈堡，自崖堡等地，各有天主堂

一處，共計五處，信徒一千一百二十人。又域內有內地會一處，信徒三十三人。

(五)樂都縣境內：縣城東關，及高廟子，條巴溝，定莊等地，各有天主堂一處，共三處，信徒共三百五十名。

(六)化隆縣城內：馬坊街有內地會一處，信徒數未詳。

(七)貴德縣屬：西關廂居家溝有耶教內地會一處，教徒數未詳。

(八)慶源縣城內有內地會一處，信徒數未詳。

就調查所得者，共計天主教堂二十處，信徒三千二百零三人。耶教福音堂二處，神召會一處，內地會五處，信徒共約二百餘人。無論新舊教，信者多為漢人，因蒙藏民皆信喇嘛教，國人皆信回教，青海民族複雜，宗教亦複雜，可知邊疆一切非簡單也。

十八日 竹竿巷人 敏珠爾佛

早九時，借魏團長等乘汽車赴廣惠寺，出東門渡湟河，四十里經后子河，商店居民約百餘戶。又約四十里，經新城，為一大鎮，商店居民約二三百戶。普通大車或驢馬出西寧一日宿此。又約五里，經關門（一名廟溝），在老爺山下，山上寺廟甚多，皆道教玉皇等神，俗呼神為老爺，故名。實則名元朔山，山勢嵯峨，樹林密生，風景頗佳。聞每年陰曆六月六日，朝山者甚多。前羅卜藏丹津叛，年薩尕曾在此山大敗之。關門居民商店約六十餘家，有小學校一，學生

六十餘人。下車至一商號稍休息，主人湘人，來此已十年。據云因遊宦流落青海，以此間土地價廉，故居之，普通每畝價僅四五元，但每年僅收糧斗餘，近年因負擔較重，白贖人亦每無人願耕。又有一種姓者來談，據云南京人，祖居南京竹竿巷，因明太祖初登基時，宮中慶祝春節，有社會火，令全城人民分日輪入宮內遊觀，時馬娘娘亦在宮中觀之，人民望見笑呼馬娘娘，但馬娘娘面上多麻，見人民笑呼，誤以爲呼麻娘娘，大怒，詢知該日入遊者爲竹竿巷人，遂一律流放至西北青海，今西寧城內尚有數家，皆竹竿巷人也云云。專制時代皇帝之威權，固屬可畏，然亦或係當時移民之一法，因明初曾移民至青海也。

出鎮，經一橋，名通濟橋，甚美觀。聞大通產煤，距此地甚近。再行入山溝中，有大水灘如湖。約三十里經衙門街至廣惠寺。寺依山而築，佔地數千畝，有圍牆如城，招待余時居先靈佛魯那浪囊（卽其所屬之公館名魯那浪者因前輩先靈佛轉生魯土司家）。屋係新建（前燬於火）。正屋七大間，有樓房廂房各五大間，院落極寬敞，全係磚舖。屋宇椽柱門窗皆木雕彩繪，金碧輝煌。前有一經堂，亦新建，壁畫甚精，據云係保安畫師所繪。按先靈佛第二世封沙里瓦呼圖克圖，在廣惠寺爲護印，而掌印者乃敏珠佛也。先靈佛有一寺在甘州附近。又有一甘覺呼圖克圖，爲此寺副掌印，久居綏遠。下午訪敏珠爾呼圖克圖，卽廣惠寺之寺主也。原爲駐北京八大呼圖之一。（前駐京八大呼圖克圖，爲嘉嘉，敏珠爾，噶爾丹，錫埒，拉果察汗，達爾罕，洞洞爾，阿嘉土觀等）。在北京管理東黃寺京倉僧俗徒衆，多倫諾爾倉，並廣宗寺僧徒，

青海大通廣惠寺及所屬九寺僧徒，其權力甚大。現爲第七輩，法名多吉嘉，光緒卅一年轉世，宣統元年至寺坐床，前清及民國前後，封爲淨照靜修廣慧護國宏教大國禪師。久居北平南京上海，故不甘佛門清寂，生活染內地及歐美習慣，聞在滬曾涉足跳舞場，染有惡疾，並嗜阿芙蓉，可謂開通活佛，風流喇嘛也。余等見時在樓上，長七大間，廣三間，陳設亦頗闊綽。聞此寺原甚富，因彼遊歷京滬，年來費去若干萬元，僧徒頗不滿意。彼在南京設立青海七大呼圖克圖駐京辦事處（章嘉另有駐京辦事處），自爲主任，經費不少，生活酬應，均可足用，因彼有特別消耗，以致將寺中積蓄搜括殆盡。山上樹林亘數十里，彼又捨去大半，以故管事均反對之，幾不能回寺。馬子香氏派衛士數人護送而歸，於是渠所居之樓上下，衛士守立，槍彈森嚴，清淨佛地變爲軍事機關矣。

十九日 廣惠寺 衙門街

早七時許參觀廣惠寺大經堂，建築宏壯，橫九大間，深五大間，可容千餘人。外懸有藏院長季陶所書弘法利民一匾。內有大銅佛三，聞自西藏請來，一彌勒立像，與西藏布達拉宮者同，一座像，與西藏大小召者同。又一無畏金剛像，謂係某活佛火化後所成，未免神奇。小銅佛沿壁千尊。此外有護身佛歡喜佛等。樓三層，皆依山而築。此外有各囊謙，朝藏寺（一譯却藏寺）。囊謙新建，係朝藏寺所築，爲該寺活佛來此時所居之公館。聞原有十三囊謙，今僅餘七

所，卽卽巴囊，色恥囊，隆批囊，馬拿囊，哈爾敦囊，郎拉拿囊，及新落成之朝藏囊而已。

九時許晒佛，有綵繡之彌勒像，長五六丈，寬二三丈，自三樓上垂下。（聞塔爾寺者長三十六丈，自山頂垂到山脚）。旋在院中跳神，首一綠面護法神，手持法器，吹號焚香迎出。一人舞後，爲衣黃紅綠藍黑袍者五人出舞，俱護法神，各帶面具。又有一紫衣者法師狀，帶笠形帽，無面具。各神手持人頭蓋骨，或短劍，隨唸經之節奏而舞。據云經中之意，先獻護法神各物，並述其已往護法之功，希望繼續護法云云。次虎頭面之滑稽狀者三人出而亂舞。次一老者白衣白髮，腦後垂許多哈達，據云爲本寺護法神，腰佩劍及弓矢，且行且舞，類爲敏珠爾佛行禮，後執弓舞，並取一矢射之。次拔刀，次由腰取一鞭狀物舞，最後由虎面者扶之而歸。次二女魔黑衣青紅面，髮辮甚長，跳躍而出，相傳係第一世敏珠爾佛，建寺時夢此二人來，自稱爲本寺地主，故祀之。次紅面護法神十二人出舞，中有一人爲領導者，羣隨之而舞。次二小喇嘛作骷髏裝，抬一人皮出（有頭及手足頗似真者），置於地下，圍而舞之，旋歸。次牛頭護法神夫婦偕護法神十二人出，手中持刀或劍，或人身骨，旋轉舞之，歸後四骷髏裝者昇一妖魔（酥油製）置於前人皮上，圍而跳舞，頗似柔軟體操，甚有趣。最後貢巴護法神（五大護法神之一）夫婦二人出，男持法器，女持劍，旋其部下護法神十二人全出，舞若干時，誦經若干時，全脆於地最後貢巴護法神將妖魔切作數段而跳神告終。或謂此妖魔爲年羹堯因當時平亂殺活佛喇嘛甚多，故咒殺之，但各寺均不承認此說也。是日男女觀者數百人，皆附近人民，男多有

辮，長絲續，且半帶前清翻綠式帽，婦女髮束腦後，高尺許，圍以銀飾，或包以黑紗，長袍束帶，前衣襟多折上束於帶中。紅履繡花，略尖上翻，似爲古裝。少女或帶盆式毡帽，鬢前大半插花，長袍束帶，帶上多繫荷包。又許多繫白布一塊，長及膝下，不知是否手巾。婦女又多有二髮套，垂於胸前，似爲蒙婦。手上多有戒指，垂長續，耳環亦有長續者。

按廣惠寺原名果莽寺，據記敏珠爾現已轉生二十一世，但至第十四世，法號隆巴端住布者，始至西寧，建果莽寺。原轉生西藏，爲諾門罕，第十五世法號普爾來端住布，亦轉生西藏，始迎駐果莽寺，如自此世算起，現爲第七世。故該寺內有六座尸塔，即自十五世至二十世之遺體也。原有喇嘛七百名，因雍正元年隨羅卜藏丹津謀叛、年羹堯至時焚其寺，亂平後，雍正十年，奉旨重建，賜額廣惠寺，並限定以後喇嘛不得過二百人，立有碑記，並有碑屋，即在階下，喇嘛平時鎖其門，不欲遊者覽閱，余特別入內，得讀此文也。

下午偕同人赴衙門街一遊，距寺約三里，相傳蒙族盛時有紅台吉在其地設衙署，故名。現有商號三四十家，半爲晉人，據云屋三分之二爲寺產，商人租之，但租金甚廉，某號前樓屋後平房共數十間，每年僅租金五十元。居民百餘家，多漢人，婦女足略包裹，着船式履。街外有大通縣立兩級小學校一所，建築尙宏壯，有中山堂樓屋，學生宿舍分勞動鄉勤業鄉等，借值放假，未得參觀上課。寺附近有敏珠爾設立蒙藏小學一所，中央每年補助千元，但聞學生僅數十人也。

二十日 却藏古寺 金龍銅佛

早七時乘馬赴朝藏寺（一譯却藏寺），步行越山，約二十里即達。余等乘馬繞平道約三十里。途中村莊甚密，楊柳成林，約十餘里，望見山麓有村，名白土崖，聞其地有金礦，但現無人採。復前進至豐稔堡，有小學校一所，類書大通縣北寺嬰豐稔堡蒙藏小學校，未及下馬參觀。轉灣即望見寺屋，前有大照壁一，寬四五丈，高數丈，頗爲偉觀。活佛公館有高旗杆，上崇階，入大門，門寬五大間，有中門，如北平之王府。內兩面有廊房十餘間，至二門，亦有屏門，如衙署，內四面皆樓屋，後院亦然。又有偏院，亦四面樓，活佛居正屋，招待頗周。陳酥油糖果等食品，酥油甚清潔，糖果皆以紅白紙裹之。送名片一，其銜爲「朝藏呼圖克圖」與「宏教護國禪師」。據云，寺中甚苦，且近因軍事，令寺中出兵十六人，因寺中皆喇嘛，出資外雇，每人需二三百元，已費去數千元也。

旋出活佛公館，參觀金瓦殿，尙宏壯，據云爲第三世章嘉呼圖克圖所建，本世章嘉亦此地人，其母尙健在。殿寬十一間，深九間，可容數千人。方柱數十，每面約寬二尺，高五丈許，雄偉過廣惠寺殿數倍。內有小廡，一爲光蹟寺三字，清道光帝御書。殿內滿壁繪宗喀巴歷史，洋洋大觀，有保存價值。次登樓，除中屋通下殿外，四面有屋共數十間。北面屋內有蓮花祖師紅銅像數尊，高三尺許，古色古香，極爲精美；據云爲印度所造。壁上懸彩繪佛像若干幅，

亦工整精細。左面屋內有仿尼泊爾之銅塔一座，高五六尺，左右又各有高三尺許之小塔四座，皆古紅銅製，內各有佛像，聞爲宗喀巴講經傳教等像。右面屋內有小銅佛若干尊，內長壽佛九尊，高一二尺，頗精緻，聞亦自印度請來。南面藏經典，陳列數架，自西藏運來，亦可寶貴。殿之第三層屋頂爲金瓦六十行，並有長丈許之金龍四條，盤於屋頂，栩栩如生。正屋脊兩端有二大龍頭，四小脊端有四小龍頭。此殿建築之壯偉，與銅佛之精美，均爲青海各寺冠，且富有藝術價值與歷史意味。殿前有磚地甚廣，院落亦大，周圍又有廊房約百餘間，每間內有銅轉輪三四個，共數百個，亦甚偉大。

旋乘馬而返，半爲原道，半爲別徑，居民仍密，地似肥沃，所種爲青稞與小麥。但據云居民大半皆食青稞糲粃，所得之小麥，全作納稅用尙不足，所謂種麥者不得食麥。途遇農民所用之大車，車軸向內，輻成盤狀，轆通後全直，似爲古代車式，御車者立車上，亦有古代風。道經一村，名老虎溝，居民約百餘戶，有初級小學校，並有天主堂福音堂各一所，足知其村之繁盛。

二十二日 鳳陽古裝 大互現狀

早十時就道返西寧，天氣和暖，途中冰已融消，柳色青青，村莊相望，婦孺因新年甫過，多衣新衣，有婦女戲鞦韆者，綠衣紅裳，隨風飄蕩，頗有古代鄉村風味。莊與莊間之途中，亦

車馬絡繹，皆婦孺赴親戚家賀年者。車甚簡單，多係用柳條編爲車廂，因大通產煤，大半爲平日運煤之車。並有農民卽以平日運糞之車，鋪一席片，卽可乘人。車中馬上，半爲婦女，均略裹足，着前後向上灣之弓鞋船履（似弓又似舟），與內地纏足者向下灣之弓鞋不同。據云係明時由安徽風陽轉來之民，原裝猶存，頭上高髻亦當時裝飾，邊陲猶見古風也。

旋經新城黃家堡至長寧堡，卽屬互助縣。其地距互助縣城八十里，距西寧四十五里，而朝藏寺廣惠寺，皆大通縣屬也。茲將大通縣互助縣概況，據調查所得，略述如下：

大通，古西羌地，隋時屬吐谷渾，唐五代屬吐蕃，宋爲唃廝囉地，元時仍屬吐蕃，明時爲麥力幹所據，清初爲蒙古部落。雍正初羅卜藏丹津叛，年羹堯討平後，以該地路通甘涼，逼近西寧，於雍正三年，築大通永安白塔三城，設官兵分守。於大通城置大通衛，屬西寧府，乾隆時遷衛治於白塔城。二十六年，改爲大通縣。縣治距西寧一百二十里。東以豐稔堡與互助縣分界，南以新城與互助西寧兩縣分界，西以黑林閣門峽與都蘭縣分界，北以大板山與壘源縣分界。東西北最長九十五里，南北最長一百二十里，全縣面積爲三千五百方里，全縣人口共九萬七千一百餘人，男女約各半數。漢回藏土民均有，藏民居廣惠寺却藏寺一帶。縣境之名山有大板山（一名大寒山），元朔山（俗名老爺山）。河之主要者爲蘇木連河。其源有三，西源曰黑木河，中源曰撥科河，東源曰東峽河。三源會合後，南流入互助境，名長寧川，再南入西寧縣，名北川，於城北流入湟水。

大通教育，有完全小學五處（內女小一）。又回教教育促進會附設一校，共六校，學生共八百三十三人，內女生一百二十六人，經費共五千九百五十二元，內經費最多者一校，為一千三百五十二元，餘每校各九百二十二元。全縣區立初級小校共六十三校，學生共四千三百九十三人，經費共五千六百七十元。又豐稔堡第四小學，原為却藏寺蒙藏小學，現雖改為區立，仍收藏民子弟。課程有藏文，學生漢藏民共六十六名，經費全年僅百元，故對藏生無供給，不如廣惠寺所立藏校一切公費也。

互助原為西寧縣屬之一部，青海改省後，以西寧地域遼闊，遂將東北隅之張家寨威遠堡長寧堡一帶劃出，另設互助縣。於民國十八年八月成立，以威遠堡為縣治，在省會東北九十里。東北以甘肅寺札隆寺與甘肅永登縣分界，東以花廷寺張家鎮與樂都分界，南以湟水與西寧分界，西以景陽川關門峽與大通分界，北以關門峽甘肅寺與碾源分界。南北最長一百四十里，東西最長一百六十里，面積共七千五百五十萬方尺，全縣人口共九萬四千七百餘人，男女約各半數，漢土回藏各民均有，漢民散布各地，回民居什家莊黃家灣及山莊邵家溝甘溝門中嶺剛冲等地，土民居於塘巴堡，忠化納家莊，白嘴堡，及哈拉南溝，斜吉崖，西華林梭布灘等地。藏民散居於佑隆寺札寧寺白馬寺一帶。境內山之著名者有老龍王山，形勢雄壯，五峯山，寺廟輝煌，林木叢雜，其上並有澄華泉隱泉裂石泉等名泉，為名勝之山。川之最大者有沙棠川，長一百四十餘里，長寧川，流經長寧堡（晉曾置長寧縣於此故名），皆入於湟。古跡有祁土司墓，

及李士司墓，本縣土民甚多，原皆此二十一司所屬也。名勝以五峯山爲最。全縣有完全小學校八處，內有女小一處，學生三十六人，經費每年三百元。其餘七校，學生八百五十人，經費共四千七百四十一元。初小共九十三處，學生共三千五百人，經費共九千一百二十元。又回教教育促進會附設小學三處，學生共約百人，經費共二百六十元。

二十二日 回教宰羊節 信徒殺子日

本日爲回教「日德節」，係回教每年最大之節日。西寧全體教民至大教場誦經，約萬人以上，並於是日宰羊，互相贈送。此節之由來，相傳原有名依布拉西曼者，信仰回教甚堅，穆罕默德欲試其爲教犧牲精神，令於本日殺其子，彼因信教之篤，卽其愛子亦忍犧牲，乃不告其妻，密將其子於本日縛於郊外殺之，三刀無血，天上忽墜下一黑頭白身之羊，主命以此羊代之，蓋察其心果誠也。故此日必宰羊互送。依布拉西曼之子名依思馬爾來，因感動亦信回教云。

二十三日 關廟觀畫 塔寺賦詩

上午偕同仁乘馬赴塔爾寺，出南門里許，經南禪寺，因便道遊之。寺依鳳凰山而築，登崇階，約百餘級，上有關帝廟，桓侯廟，蕭曹廟等，橫互數十間。關帝廟內塑像尊嚴，壁繪關壯

繆一生事蹟，外壁碑雕人物。所有塑像繪畫雕刻等藝術均佳。據碑記此寺經國治花門之變，及光緒乙未兩燬於火，現爲光緒年間重修者，當時建築費銀一萬數千兩。登臨遠眺，風景頗佳。西倉巖澗，下臨大川，前有造林，楊柳千株，聞夏日遊人甚多。

旋乘馬而行，卽渡河，冰已半解，途中赴塔爾寺者人馬絡繹不絕，蓋塔爾寺之元宵擺花，爲每年黃教之盛典，而其酥油花燈之精絕，爲青康西藏第一也。三十里至糖坊村，小憩，再行，又渡一水，道甚平坦，直抵寺內。班禪駐青辦事處處長李金鏡君，招待於嘉棟朵哇內，卽拉卜楞寺嘉木樣佛在此所建之寓所也。屋爲五大間，方院並有偏院，後院。據云舊時建築，道光時已燬於火，此次班禪大師來始重建，民國十五年落成。屋皆平頂，上有猛犬十餘頭，望之生畏。

本日爲舊曆正月十三日，適爲余五十初度。是夜月明如晝，閑步院中，回憶往事，百感叢生。因賦七律二章如下：其一，念年投筆事長征，不爲黃金不爲名。寡過未能逾半世，參禪有幸證三生（赴藏送班禪）。山川歷歷羈鴻影，禾黍離離塞馬鳴。此日懸弧身萬里，思親彌動故園情。其二，記從萬里返重洋（曾留學日本並赴南洋菲律賓賓及蘇聯），更向三邊冒雪霜（曾赴外蒙古及西北察綏甘寧青各省）。憂患飽經空往還，鬢毛非昨感流光。匈奴北犯象何熾，博望西行日正長（日本又犯綏遠百靈廟並在阿拉善額濟納築飛機場立特務機關余赴西藏路尙迢迢）。安得請纓償夙願，年年此夕一傾觴。

行署吳祕書抱平及班禪行轅陳科長鑾葵等，均有和詩，附錄如次：

鶴公參贊以五十感懷見示次韻奉和

吳抱平

(其一)烏斯萬里壯西征，絕塞非求竹帛名。只爲慈心悲濁世，還從佛法救蒼生（公有參禪有幸證三生句）。書空貝葉如龍樹，舌粲蓮花若馬鳴（公著述等身又雄於辯故以龍樹馬鳴二菩薩喻之）。歲走雙丸逢大衍，蓬廬天地總關情。

(其二)風雪月露氣盈洋，寫出寒英傲晚霜。設帳傳經承舊業，籌邊抒策吐輝光。尼山五十知天命，雪嶺三千感路長（公有博望西行日正長句）。却待功成歸漢節，華筵他日再稱觴。

鶴天參贊以五十感懷見示勉步原韻藉以奉祝

陳文鑑

(其一)年年風雪苦長征，蒙藏爭傳漢使名。一代文章垂從學，大成模楷樹今生。千秋穀旦逢鶴算，萬仞高岡聽鳳鳴。勉和陽春慶大衍，獻詞慚抱巴人情。

(其二)蘇海韓潮文沛洋，言行抑抑慎冰霜。梅開人日徵祥兆，餅進上元慶月光。萬壽鶴齡傳國瑞，三邊馬蹄旅途長，瑤池合奏鈞天樂（瑤池之會當以穆王爲主王母爲賓此典用之男亦未或不可），未獻蟠桃愧舉觴。

二十四日 塔寺由來 喇嘛生活

早，阿嘉佛養立法台請觀跳神，當即往觀。由上午十一時起，至下午二時止，與拉卜楞寺

廣惠寺者大致相同。隨即參觀各寺，首至大金瓦寺，上有金瓦，故名。牆爲綠琉璃磚所砌，如碧色明鏡。寺中有塔，高三四丈，相傳宗喀巴生後其衣胞埋於此地，後生一樹與他樹異，有葉十萬個，每一葉上有一卓媽佛像（即觀音菩薩亦名六度母），故該寺原名「貢本」，意即十萬佛。今蒙藏人稱呼此寺及經典上記載，猶均爲「貢本」。後人爲保護該樹，乃修大木塔一座，圍樹其中，宗喀巴圓寂後，又葬尸塔端，後人又建大殿，將塔圍於其中，故漢人稱之曰塔爾寺。據云塔中樹迄今未枯，現殿前之旃壇樹，即原樹之根，由地中伸出者，枝上有藏文六字。（實則此樹皮如以指或他物書字印於皮下，去數層皮，猶見字跡，故樹枝上之藏文係人造，非天然生成也。）余至塔前點燈四百盞，大燈一盞，共付油費五元。凡禮佛者，須點酥油燈，普通小燈一盞費銅元一枚，大燈一盞大洋一元。聞此項油費，每年收入在數千元。聞寺內所藏大小金佛金器及歷代遺傳寶物，其價值可償還庚子賠款而有餘，未知確否。旋登樓，某施主在樓上點燈千盞，並有清水酥油青稞等各千份，洋洋大觀。下樓後，左右滿堆經典，據云爲八千三百簡經。出殿，門前有木板，爲僧俗禮佛叩頭之地，因喇嘛及蒙藏民衆向佛叩頭時係五體投地，足立木板下端，跪後兩手由下而上，故木板左右摩有兩道溝狀，深三四寸，頭足處成穴狀。每年且更換一次，可知膜拜者之多也。

繼至左院，有大小轉經輪無數，一大者高二丈許，圍約丈餘，專屋置之，下有數環，內藏經典，外書六字真言，謂轉此者其功與唸經同，小者亦然，故每日轉者無數。殿內爲釋迦佛普賢

十八羅漢等像，有一石聳立，上用酥油粘許多銅元，據云上有佛足印，實神話也。旋至大經堂，橫十一間，深九間，共九十九間，可容三千餘人。柱甚巨，上用龍形栽絨毯裹之，除中樓外，四面有屋，樓上下大小佛像以數千計。

繼至小金瓦寺，正殿保護法神，屋上亦有小金頂，故名曰小金瓦寺。護法神除塑像外，有許多衣真衣之怪面像，羅列殿中，前樓上有熊牛猴等許多動物標本。旁又有一寺院，內有旃檀樹數株。此外建築，爲活佛法台管事等所居公館，及普通喇嘛僧舍，共三千五百餘間，沿山麓而直上。活佛公館名孛哇，共八十四座，以阿嘉與興薩者爲最大。

按塔爾寺所在地，原名「安奪」，因其地南面有一安金雪山，山後又有一奪拉壩，合二地名第一音，簡稱曰「安奪」。在安奪境內有一小部曰「宗喀」，昔爲牧場，有羅本格娃者（卽今之阿嘉佛），與興薩阿曲（卽今之興薩佛每逢坐床日易女裝）結婚，生宗喀巴。（宗喀者地名，宗喀巴卽宗喀地方之人。）後入藏研究佛經，塔爾寺建於明洪武六年。至十二年有任堅宗哲堅贊者，在此創修一官巴龍窪廟，是爲塔爾寺有廟之始。時僧徒僅數人，後又在塔爾寺之南修一覺巴龍古廟，達賴三世鎖郎嘉穆錯到此傳教，並提倡修大經堂，建佛殿。時寺中有佛名包力堅錯者，達賴授以全權，彼擬定寺內種種法規條例，並創設喇嘛講經及辯論等會。復勸青海各王公佈施，並謂凡貴族子弟須皆爲喇嘛，否則必死。於是貴族皆令子弟入寺爲僧，人民繼之。迄今青海蒙藏人民，皆令子弟爲僧，於是塔爾寺得有今日之繁盛。

寺內組織，除阿嘉等活佛外，以法台地位為最高，即由地位崇高且有聲望之各活佛輪流充之，每年一任。內都組織共分四大部：一為總公所，即寺中一切行政之總機關。負責者三人，名為大老爺，二老爺，三老爺，想係沿前清官場之稱呼。大老爺任總務，二老爺任交際，三老爺司錢糧，而法台為最高首領，如內地之方丈。有總拉張，即法台官邸，亦可謂總公所衙門，照例如班禪達賴或甘布丹巴至此時，即由彼主總拉張，為寺主，故班禪在此時，法台即讓其主總拉張。二為祕密部，即監察全寺喇嘛之最高機關，有祕密拉張，為其官邸。三為醫學部，即研究醫藥之所，聞其醫書皆清時自漢文譯來，亦有醫學拉張，為其官邸。四曰時輪部，專研究時輪金剛法會經典者，凡該寺唸大經時，亦由該部籌備。有時輪拉張為其官邸。各部負責首領，係公選法，由各派哇老爺（即各活佛之管家）及有聲望有職權者齊集大經堂票選，每票書三人至五人，交由法台於當選人中指定。但因大老爺二老爺三老爺等負行政責任，如入不敷出時，即須由渠等賠墊，故近年選舉，多以富有資財者當選。此外印經跳神等事，亦各有專員負責。

至喇嘛之階級及生活，初拜師入寺之小沙彌，藏語曰「格軍」，不穿袈裟，等於不出家，待略學經典，具有常識時，則嚴守戒律，名曰「熱循」，即出家之意。其戒律按宗喀巴所規定者，約數百條，第一步須守十戒，即不殺生，不妄語，不偷盜，不姦淫，不飲酒，不歌舞，雜金物及寶石等。如「熱循」繼續精進，爰能守戒律者，則進而為「格趣」，須守三十六戒。

如對經典更有深刻研究，品格並進者，則升爲「格隆」，至此卽爲完全僧人，須守三百六十四戒。又喇嘛如聰明勤學者，可考取爲「丁哭」，研究天文曆數及占卜等。現任此專職者爲阿哭喇嘛。又或爲「忙巴」學醫藥，現任此職者爲寶家喇嘛，蒙古人。再高卽爲「覺巴」，研究密宗等經典，現負此責者爲柴丹喇嘛，爲柴達木蒙古人。最高可考得「格西」，卽如今日之博士矣。但塔爾寺喇嘛，今日大半爲無學識者，且實際多不能嚴守戒律，卽最普通之四戒，如不殺生不偷盜不姦淫不飲酒等，確能堅守者亦不可多得。照例犯戒者，分別輕重處罰，如初次較輕者，罰若干金，二次加重，三次再犯，或案情較大者，卽開除驅逐出寺境，並收沒其寺中所有之財產。施行此罰時，先將犯戒者捕至法台前審問，得實供時，打以皮鞭，至青腫流血時，然後面上塗以規定之顏色，頭上戴以特別之高帽，背縛雙手，由施咒者唸以永不得超脫之咒語，然後令十餘人押送出境，永不得再入此寺。各喇嘛生活，除寺中每月每人發給青稞三升外，有佈施可以分得微角。但許多喇嘛，多經營商業，或在本地，或赴拉薩，得利甚多，故或放債，或在寺中建屋，可租可售，但不得售於本地以外之人。亦有以手工如刺繡繪畫裁縫等賺錢者。凡初入寺必拜一師，有教養之責，亦有受佈施之權，師年老由弟子侍奉，但死後財產可由其學徒或親戚承繼。如無承繼之人，則由寺中收沒，變價出售，所得錢財佈施僧衆。故有資財之喇嘛，其親戚必有入寺爲僧者，冀承繼其財產，於是僧日益多。又佈施，亦爲入寺爲僧者之惟一希望，因此地爲宗喀巴之聖地，凡蒙藏人民之欲祈禱福壽或遭不幸與災害而求禳禍患，或牲畜

繁殖貿易順利而謝佛恩，無不盡其家之所有與力之所及而佈施於此寺。多者數千甚至數萬，少亦數百數十元，各喇嘛每年每月，無不分得若干。卽本寺大老爺二老爺三老爺任滿交卸時，亦各舉行佈施，並供忙茶，多寡任意。聞前年某老爺卸職時，千寺中份子五千，每份六元（喇嘛三千六百餘人，普通每人一份，地位高者每人數份），而供忙茶時，所有熬茶羹飯及黃油雜費等尙多。僅一老爺如此，其他收入可知。又法台之佈施亦鉅，如每年十月二十五日起，供七日忙茶，並散洋至少萬元。聞此數係法台向各方募化，故有賺有賠。他如寺外小佛爺來寺學經時，須先佈施，而後得進經堂。本寺喇嘛在外經商獲利者，亦須佈施。合之爲數甚鉅。故本寺喇嘛不特得安坐而食，且生活較普通人民爲優，因之僧徒日增。寺內有大鍋五口，中鍋三口，大者備施主供忙茶羹飯時用，每日能煮米一石五斗，牛六隻，黃油二百斤，鍋茶可供全寺喇嘛之用。二小者係爲講經時數百喇嘛熬茶之用，係光緒年間所鑄，原本有三大口，因當時一口熔於火，補鑄經十三次始鑄成。西北軍數兵士曾在小鍋內沐浴，寺僧至今猶咒詈之。

二十五日 民族展覽 油像精絕

上午赴魯沙爾參觀賽馬，並遊覽臨時市場。賽馬在小學校旁，多回民，乘馬如飛。臨時市場在市與魯沙爾之間，每屆會期（塔爾寺每年有四會期，一爲舊曆正月十五日，二爲四月十二日，三爲六月六日，四爲九月二十二日），遠近蒙藏族男女來集。故有臨時市場，張幕如街。所傳多喇

嘛及蒙藏男婦之用品，如紅黃紫色布疋，銅壺銅盃，念珠護身佛，馬鞍皮靴，婦女裝飾品等，而日貨居多。聞拉薩藏人來此經商者，每年舊曆正二月來，約七八十幫（藏名瓦卡），每幫七八人至十餘人不等。來時帶藏貨，如氍毹紅花等，每年五六月回藏，去時買騾馬或少數茶葉。塔爾寺喇嘛亦多去西藏貿易，去時騾馬，來時藏貨。日貨即係由西藏來，可畏也。市上民族複雜，服裝各異，男子有垂耳環者，有繡花紅領高五寸許者，有衣五色衣者。女子有髮辮數十至背後粘布上寬尺許者，有兩鬢垂珠串數十各長尺許者，有背後繡花髮袋長及足者，有鬢垂紅小珠串數十，額上立一銀鳳高數寸者，有頭戴黃琥珀紅珊瑚者，有足着船式弓鞋者，有背垂寶石蚌殼銀碟者，有腰繫銀鈎珠串者，大半紅綠袍並束紅綠帶。頭上有銀鳳者係民和土民，皆纏足，長背心及足，聞原係漢人遷來者。形形色色，不可枚舉。最多而尤奇者，爲塔爾寺附近之土民婦女，背上均有一如日本婦女阿背之背包，其式有楔形之狀三，其二在腰間交叉，下分爲二底，一在背後如頂，用多層厚布製成，上有繡花，並用寬約四寸之布條，連交叉之二者，斜分至兩肩而至前帶。背後兩底則垂紅線鬚，如蟬尾衣，長及足。髮爲大髻，足着刺花皮靴。三川婦女，則纏小足，鞋底厚約半寸，衣僅及膝，腰圍裙寬，袖上繡花，辮髮盤後腦，高而大，或纏黑紗帕，似內地舊時裝。保安婦女，長辮上有銀杯，短衣寬褲，天足布靴。其語言亦複雜，除純粹漢回蒙藏語言外，土人中如三川人士語爲漢蒙混合而產生之一種特別語言，保安人士語又爲漢藏今雙而成之一種語言，有時一句長語爲漢滿藏三種語言之合體。而漢回商人似乎各語皆

道，殊不易也。聞寺中各老爺對於商民有權威，如肉價有規定，牛羊須肥者，如不遵規定，可鞭之而驅逐出境，不得繼續營業。

市近寺處有洞式磚門，再近寺有八塔整列。此古蹟之由來，傳說不一，或謂爲年羹堯平亂時殺寺中八大呼圖克圖，埋尸其下，或謂爲宗喀巴父母生前用物埋藏其下。又聞其用具葬於也納奈哇之北，卽八塔之西。或謂係宗喀巴幼時所居帳房之八杆，埋其下，而磚洞下係埋其帳棚。又或謂係鎮風水使財不外流者，其說紛紛，未知孰是。

晚，寺中派人用吹號香爐紗燈傘蓋等儀仗，來迎趙專使與余及馬主席等，蓋用迎佛儀式也。觀衆非常擁擠，旋至燈棚下，大者二處，各有方形之高棚，高三四丈，三面各懸三層之緞堆佛像。一面有高二丈許之酥油燈架，上用酥油製塑佛像及種種故事，花鳥人物，無不逼真，中爲香拔拉國國王之大像，眉目如生，高於真人，左右有四童子侍立。兩旁故事爲觀音渡衆生，除八害，及唐王遊地獄等狀。鳥獸躍躍欲動，人物栩栩如生。最上雲中各神，飄飄如仙，兩邊美麗之花，艷於眞花。人物鳥獸，多繫以蠶絲，隨風動搖，並有活動可轉者。衣冠皆施彩色或金色，花卉鳥獸，各如其色，並有亭台樓閣，車馬船隻，無不惟肖惟妙。上點酥油燈數千盞，故俗總名之爲酥油燈，實則名爲擺花會較妥。廟內亦有香拔拉國王像十餘處，亦精巧。聞製作費四月工夫，工人多北平綏遠人，精巧爲各地冠，卽拉薩亦不及。惜僅陳列一夜，晚始抬出，天明卽毀，恐天熱消化。一說原係宗喀巴是夜一夢，天明卽醒，不知確否。故天明須

毀。聞去歲班禪在此時更精絕，今年費款二千五百元云。

又每年正月十五日之擺花，爲黃教各寺之最大盛典，亦爲本寺四會期中最熱鬧之一會。次爲九月觀經之會，聞九月二十二日晨，寺僧整隊出寺遊行，有音樂法器旗幟幡幢寶蓋等在前，法台在後，至寺西草灘上環坐誦經，在灘之西南山上，高懸宗喀巴法像，儀彩緞堆成，高數十丈，寬八九丈，羣僧民衆向之叩頭，故其會又名晒像會，其他各會，一律名觀經會云。

二十六日 騾馬畏懼汽車 婦女禁着社火

早赴魯沙爾回教兩級小學內參觀，校址寬廣，建築壯偉，中一樓，樓上七大間，未隔牆，爲全體師生禮拜之所。前後院爲教室，校中現有高級二班，初級四班，共百數十人。校址數百畝，建築費一萬七千元，皆馬子香氏所捐。其他各縣回教促進會所附設之學校校址及建築費，亦大半爲馬氏所捐助。可知馬氏對於回教教育之特別提倡矣。

附近又有縣立文華小學校，學生百餘人，經費縣款六百餘元。又從衛生檢驗費皮毛捐附加得二百餘元，因本鎮每年皮毛俾出約七八十萬元，騾馬數萬元，故教育經費可抽捐補助。鎮改名文華，故即以名校。全鎮漢蒙回藏人民共七八百戶云。

旋至魯沙爾鹽稅局早飯，據云甘青寧三省鹽稅，從前最多年收不過九十萬元，去歲僅甘肅即約收七十萬元，寧夏因受共軍影響，僅收三十萬元，青海僅七八萬元耳。青海總局在湟源，

分局六，各局均收稅，同時售鹽。每鹽百斤易青稞百斤，青稞每百斤現價約四元餘，鹽稅四元外，又付家人租稅約二十元云。

飯後乘馬而歸，約五里許，馬主席派汽車來接，乘馬登車，風馳而歸。但途中乘馬者，絡繹不絕，此間各馬，因少見汽車，視為怪物，無不驚奔，或逸出數里，或遺人於地，或棄鞍於野，令人心不安也。

本日為陰曆正月十六日，為元宵後之第一夜。晚赴街上遊覽，各商號依然懸燈，或為紅紗圓燈，或為方形白紗燈，上繪三國歷史。或為方形六角形玻璃燈。或唱留聲機，或打鑼鼓，或唱秦腔，大似二三十年前之太原景象。惟觀者寥寥，以人口稀少也。又有獅子旱船等社火，赴各機關各商號玩演。但婦女觀者甚少，兒童居多。聞回教對婦女限制甚嚴，前晚有出街看社火之回教青年婦女四人，經阿訇以皮鞭驅逐歸家去。

二十七日 西寧聯歡大會 青海民族來源

上午馬主席約蒙古王公藏族千戶百戶及活佛大喇嘛等，在湟中大舞台，開民族聯歡大會。此實為最有意義之會，因青海為吾國民族最複雜之省，不特漢蒙回藏族均有，且有特別之土民。惟各領袖平時不易召集，每年祭海時雖派代表參加，到者寥寥。日來因塔爾等黃教盛典，各族領袖多不遠千里而來。馬主席遂乘此機聯歡，連日分別宴會，本日又開大會，到者數百

人，其地位較高者，有家倉王，咱藏王，先靈佛，嘉義佛，朝藏佛等。其餘有甘禪寺頭目，貴德多加官人，樂都羊官寺柳家佛管家，化隆下山千戶，樂都藥草台官人，慶源朱古寺注寶，循化朵楞頭目，循化咱剛寺頭人，同仁巴莊頭目，下讓千戶，八寶梁家頭目，化隆勾撒千戶，拉加寺加還，平安松布寺頭目，湟源南翠丕，湟源真南木年大亥，化隆木夕李黃太，大通却藏寺管家，湟源右翼正盟長，共和奴他百戶，貴德下日南頭目，大通張家寺頭目，貴德勾咱頭目，湟源興寺，咱藏寺管家，共和縣公王爺班瑪旺札勒等，循化旗白保多已溝格路乎見錯，湟源縣郡口才達，大通加都乎待管家，貴德縣祿倉千戶，貴德却莫寺佛，貴德昂拉千戶，白昂貢貴德朵布官人，共和朵讓千戶，共和姜拉千戶，大通祁家寺頭目，溝源班古寺頭目，同仁縣王寶佛，民和馬營寺管寺管家，循化羣科寺頭目，貴德三海紅布，貴德加寨佛等，首由馬主席代表能藏語之某君詳述開會意義，次由班禪駐青辦事處處長李金鐘君及貴德嘉義佛（對經典甚有研究曾追隨達賴）講演。旋演跳舞及新舊劇，舊劇為古城會關公訓弟，渠等多能了解，因紅面關老爺，渠等皆熟知，蓋寺院中壁畫有繪其故事，並有兼奉祀者。彼等服裝形形色色，大半狐皮翻帽，紫衣革履。活佛為黃色袍褂，桃形黑邊帽，披紅綢袈裟。普通百戶區長等，多著無面羊裘，袒胸襟臂。各民族服屬已數百年，猶未能促進其文化，改良其生活，固滿清分化之結果，民國以來，亦因種種障礙未能達到一律平等之目的，中央與地方當局，應分任其責也。

按組成吾國之五大民族，如漢族東胡族突厥族蒙古族西藏族，在青海省內，均有其代表，

且均經活動而有長期之鬥爭與混合。除藏族爲土著外，其餘各族，皆來自遠方，遂使青海成爲國內各民族最複雜之區域。茲分述如下：

一、漢民 青海土著，古爲羌人，自漢武帝敗退羌人而設縣治曰破羌縣，在今老鴉峽，是爲青海設縣之始，亦漢人入青海之始。宣帝時趙充國用屯田政策以禦匈奴，漢人來者益衆。據史載當時勢力，西過大峽小峽，卽今西寧附近，漢人勢力，日向西進。及五胡亂華，漢人西方之勢力遂衰。南北朝時，南涼及吐谷渾任青海立國。南涼國都在今樂都縣，吐谷渾國都在今貴德縣，二者皆東胡族，原屬東氐內蒙古，越隴山而至青海。當時漢人仍有相當勢力，如史載南涼學校嘗延漢人爲師，可以證明。唐時漢族勢力又進展，隴右節度使駐於鄯州，卽今之西寧。唐末中原內亂，隴西淪陷，至宋王荆公嘗國時始恢復湟中。西寧在漢時本名西平，至北宋始改今名。宋室南渡，漢人多退出西寧，至明時始設西寧衛，清改西寧府。歷史上經許多次之得失變遷，而漢族得以移殖繁衍。以明清兩代言之，明初軍隊多安徽鳳陽人，開抵洮湟，移民屯田，淮上婦女，隨之俱來，今日甘肅臨潭岷洮一帶婦女，猶着弓鞋，洮岷志稱之曰鳳陽婆。蓋當時安徽婦女之裝束，今西寧附近亦多上翻之船式弓鞋與高髻，皆明代之遺風。此老移民也。至清季則多來自河州蘭州及甘州涼州等地。漢族在青海之分佈，以湟水流域爲最多。湟水流域各縣，漢人佔百分之五十至九十，次爲大通壘源一帶，漢人佔百分之二十至三十，貴德循化一帶，漢人佔百分之十至二十。新設之共和同仁等縣，漢人僅佔百分之二。

二、回民 普通所謂漢回者，原居河州甘涼一帶，明初收復洮湟後，除移漢人屯田外，並遷回人墾殖，一部由河州遷來，一部由甘涼遷來。此種回民多娶漢人爲妻，實雜有漢人血統，或係漢人信奉回教，故曰漢回。其分佈以化隆爲中心，化隆回民佔十分之五，西寧大通民和樂源各縣佔十分之三，貴德循化佔十分之一二，其他各縣僅佔十分之一耳。又有所謂撒拉者，實突厥族，乃中亞撒馬爾罕突厥之裔，於洪武四年由哈密遷入黃河上流，自成部落。其人體格雄壯，深目高鼻，似亞阿伯人，操纏語與新疆纏回同。女子亦皆天足，務農業。前清歷次回亂，實多起於循化之撒拉，然後波及河州，再及各地，世人以爲源於河州者謬也。撒拉之分佈，在循化有八工，在化隆有五工，共十三工。其名爲工者，有水利工程之義，凡撒拉所在之區，均開渠灌溉，農業發達，樹林亦盛，因渠岸大半植樹，一切類新疆哈密天山南路各地，蓋其習慣技術，自新疆帶來也。撒拉回一稱循化回，因循化最多，約佔全縣人口十分之五以上，化隆僅十分之一耳。

三、藏民 自古爲青海之土著，禹貢之所謂西戎，殷周時之所謂西羌，習其族也。漢唐用兵，完全爲對藏族。羌種甚多，唐時曾一度統一，成一國曰吐蕃。唐後部落分裂，其勢遂衰。惟明初宗喀巴提倡黃教，藏族精神又歸統一，其宗教勢力且及蒙古。西北藏族主要者有四：一曰河洮藏族，居黃河洮水之間，屬甘肅省。二曰河湟藏族，居黃河湟水附近一帶。三曰果洛藏族，居黃河上游河曲。四曰玉樹藏族，居於揚子江上游，皆屬青海；惟果洛族延及西康，而玉

樹二十五族，與現歸西藏之三十九族，應爲同族。河漢與河湟藏族，大半漢化，多以農爲生，故青海田賦，除屯糧（漢人屯田之糧）外，又有番糧，卽熟番田畝所納之糧。果洛幾全爲畜牧，聞一小部近有種青稞者。玉樹各族，年來種青稞小麥者不少，自設玉樹稱多囊謙各縣後，漸進化。各藏族之分佈，多在河谷以上之高原地帶，如西寧之塔爾寺，湟源之東科寺，樂都之瞿曇寺，大通之廣惠寺，互助之佑寧寺，皆位於湟水支流發源地。

四、蒙民 明中葉以後，藏族勢力已衰，蒙古人自河套甘涼一帶，侵入青海。蒙古人分爲東蒙古人及西蒙古人。東蒙古人在內外蒙古之東部，爲元代之嫡裔。西蒙古人卽明代瓦剌科布多，寧夏與青海之蒙古人皆是。爲明代邊患者，卽西蒙古人。當其盛時，青海藏族爲其役屬，自明萬曆清雍正二次征伐後，其勢遂衰。嘉道以後，藏族日盛，蒙族被迫北徙。原有牧地，多爲藏族所佔。今青海一部分蒙人，反爲藏人所同化，知藏語而不知蒙語，宗教之力亦大也。青海蒙人之分佈，以祁蘭爲中心，寧源，湟源，共和，同德等縣亦有少數。

五、土人 爲青海省所獨有。其來原除藏族外，漢族東胡突厥蒙古諸族皆有，世人因其語音近似蒙語，而謂爲蒙古族者非也。吐谷渾在南北朝時立國於青海，在歷史上佔重要位置，後爲吐蕃所滅，其族遷至甘涼肅一帶。吐谷渾本鮮卑族，卽東胡族之一支，由塞外越隴而居河湟之間者三百餘年。其種族遺留於青海者，實爲土人成分之一。又明代以前，除藏族以外之各民族均稱土人，以別於明初由南方遷來之新移民也。其語言大半爲數種語言之混合語。如保安附

近有所謂吳屯土人者，婦女皆短衣寬褲，腦後一辮，據云自江蘇移來屯田之民，故曰吳屯，其爲漢族也無疑，今則其語言近藏語，而非漢語矣。土人之分佈，以大通縣爲最多，約佔全人口百分之五十。民和互助佔百分之十。共和樂都均有，但甚微。西寧原有土人，因漢化已深，不易分別。土人生活，除婦女天足及特別裝飾外，與漢人無異。明初平定青海後，分土人爲二類，距城近者由縣官治理，其縣官名曰土司。距城較遠者由土官治理，其土官名曰土司。最近改土歸流後，已無此種分別。土司雖有存者，對土民已無若何權力矣。

至蒙藏族駐地，青海額魯特蒙古原共二十八旗，除甘肅夏河縣所駐之四旗外，在都蘭縣境內者，有青海王、察卡王、柯柯王、柯魯游牧長、可魯溝札薩、巴倫、宗家、台吉乃等八旗。在慶源縣境內者，有默勒札薩、哈吉哈札薩、角昂札薩、永安札薩、水峽貝子、布哈公等七旗。在共和縣境內者，有居力格札薩、端達哈公、爾什克貝勒等三旗。在湟源附近之羣科灘者，有羣科札薩、宗貝子、托毛公、阿略公、巴汗涼爾札薩、托里和札薩等六旗。此外又有察汗諾門罕一旗，漢名白佛，世世以喇嘛承襲，亦在都蘭境內。至藏族在玉樹稱多囊謙三縣內者有玉樹廿五族，果洛有娃西色多族、阿羣日模族、仁親頭木族、汪子得巴族、何可馬族等五大族。貴德有魯藏族、東車族、昂拉族等。同仁有熱買十二族。循化有邊都族。環海有罔察族、千不里族、都秀族、拉安族、汪什代克族、阿里克族、公窪他代族、曲加族。慶源有他密族等。

中華民族，實皆同源。且數千年來，各民族接觸激盪，風俗語言互相同化，彼此通婚，血統亦混，漸成爲整個中華民族，已難爲明確之分別矣。

二十八日 警士演社伙 王公閱炮兵

上午馬主席召集蒙藏族王公百戶及各活佛至東校場閱兵，並約余偕往，有兵士一、二千人，並有共軍俘虜約千人，環立場中，並一部在場外野地演手榴彈。旋引導余等參觀炮兵團，卽在校場旁，此爲青海最老之兵，訓練有素，人數亦較普通多一倍。院中陳設大小炮若干架，大炮二尊，係得之孫殿英者，小炮若干尊，多山西造，步槍多漢陽造。蒙藏領袖見之多驚異，馬氏亦似有意示威也。

省會警察司警士所扮演之社伙，來行署表演，有獅子旱船水牛及男女滑稽裝束者數十人，先由奇裝之男女唱歌後，旱船獅子表演，獅子上棹下棹，並在棹上拜四方，兩棹上起立，頗精絕。

三月一日 吞刀吐火 飛盤走碗

下午行署宴各活佛，晚並在行署請各活佛觀魔術，演者爲一山東人，前民政廳職員，隨前民政廳長王子元來青者，年六十餘，頗有研究。先演空中取罇，罇內有水。次演鼻內取棒，小

柴棒取出數十根，似尙普通。繼將大小鐵丸，吞入腹中（大者徑寸許），尙相擊有聲，頗奇。旋脫衣練氣功，臍下氣脹如鼓，復運至肩上，背上，如疣，似真有練習。尤異者，將長二三尺之利劍，吞入口中，直至腹內。據云爲真工夫，不知確否。又以紙火入口，再加糝糠，以扇扇之，先發濃烟，後吐出火塊，真所謂吐火吞刀，不知究爲真爲假。莊學本君謂前至外縣，見有黑教喇嘛施法，將鐵棒自右腮穿入，由左腮出，亦真事也。最後將汽燈放暗，作飛盤走碗之技，在一棹旁將盤碗前後上下飛走，明知有繩或鐵絲，但盤碗如何能在繩上下進退，誠絕技也。

二日 各族應同校 回民喜從軍

上午教育廳長楊子高來訪，談及青海教育情形，謂年來數量方面，似稍進步，但質的方面，完全仍舊，因人才依然缺乏，經費更加困難。惟回教教育，異常發展，因軍政當局特別提倡之故，現已遍及全省教育而上之。蒙藏教育，進步尤少。並謂蒙藏師範學校，蒙藏小學，其程度均較普通者爲差，最好不必另設，以免有名無實，以期真正平等。蒙藏兒童同校後數月之間，言語可通，生活亦漸改善，除食宿或暫時別外，其他一切共同，漢文漢語進步均速，民族隔閡，消除亦易，其言頗有見解。又極反對專編蒙藏回文教科書，增加兒童學習困難，引起民族情感疏遠，余亦然之。十年前，余在甘肅任教育廳長時，青海尙屬甘肅，余見各民族之復

難，教育之落後，一切之不進步，即主張由教育上減少各民族隔閡，改進各民族生活，使一切與漢族真正平等，不止發展其文化也。年來政府對邊疆政策，特別注意，對邊疆各民族，特別優待，但結果反使隔閡愈深，情感愈疏，蒙也藏也已改進而與內地人士無異者，復改其姓名，衣其奇裝，而效未改進之蒙人藏人，以求在政治上受特別優待，教育上享特別利益，將來愈分離而愈不平等矣。故余前次與教部視學員莊澤宣君來青，在教育界歡迎會席上，亦述及此點，請大家注意。又回漢兒童，語言習慣，大致均同，尤不宜故分畛域。故余在甘教廳任內時，提倡回民教育，但主張教育與宗教分離，學校不必以清真爲名，回漢子弟一律同收，無宗教民族之別，至宗教另有寺院，可於清真寺中舉行也。

下午王道生君（名立中哲人）來訪，渠任民團教練官。據談：青海民團多自願加入，甚有自備槍枝者。渠前赴數縣教練，無不踴躍參加。因回民向喜弄槍持刀，當軍人，且有曾爲軍官者，以從軍爲樂爲榮。故徵集一人每來數人，蓋曾任軍官或欲任軍官者，多招其子弟親友回來，爲渠護兵也。欲充軍官並可充軍官者，馬主席曾成立軍官訓練班，每次三個月，已訓練二次，共千餘人，歸後令其在各縣鄉村訓練民兵。前紅軍在一條山時，調東部各縣民團，復渡河西，又調北部各縣民團，每經徵調，立時出發。但開除回民外，有多不願從軍者，或僱人代往，或出資運動免往。

晚宴由肅州護送蒙藏委員會調查員之藏民三人，其性誠實，且服從長官命令，故羶酒卽飲，

宋終席而三人全醉，亦因渠素飲之酒淡，不知白酒力大也。

三日 覆曇寺金器燦爛 永樂殿壁畫精絕

莊學本君遊樂都來函，述及覆曇寺情形，謂該寺在樂都對岸崗子峽中，離城五十里，山道二十里，道路崎嶇，騎行困難。寺在溝西土城中，全寺分三殿，首殿即名覆曇寺，中名菩薩殿，後為隆德殿，又名永樂殿。建築為宮殿式，兩廡繪釋迦一生歷史（惜一面已破毀），色彩鮮明，筆調生動，非他寺中線條呆板之壁畫所能望其項背。三殿中佛像俱銅製溜金，工緻精美，佛前各萬年燈金香爐淨瓶等，俱高六七尺，以大理石為礎，金光燦爛，人影可鑑。他如羅漢塑像及神輅，均精美絕倫。綜觀全寺，經永樂宣德二代之經營，故殿內陳設為青海各寺冠。尤以佛像壁畫，金燈香爐淨瓶等，有藝術上之價值。惜因山勢阻梗，故其名不彰，然亦賴此得保存也云云。可知該寺之一斑矣。

四日 八九齡結婚 半年後來校

下午赴中央政治學校西寧分校參觀，地址在城西二里許，即所謂虎台者也。其地共有五台，相傳係南涼王所築，南涼王禿髮傉檀，有子名虎台，故名（今俗稱將台）。余等出西門後，狂風大作，塵灰蔽天，目不可啓，道亦難辨。抵該校後，聞儲藏室牆被風吹倒，可知其猛烈。

矣。

該校係中央政治學校爲邊疆民族而特設者。綏遠寧夏甘肅西康青海各有一分校，此校注重蒙藏族教育。現師範四級，學生百數十名，多漢回人，但習藏文，準備卒業後在藏民聚居之地辦小學者。附屬小學六級，學生約二百餘名，除女生一人外，全寄宿學校。每月每人飯費及零用，均由學校供給，師範生六元，小學生四元，書籍衣服亦由學校發給，惟被褥自備。故參觀時，見學生衣服整齊，而寢室內甚簡單，大半無褥，多鋪毛毯二重，或僅一層，可知邊地人民之貧苦。有此校，救濟貧苦學生及邊民不少也。學科除藏文外，與普通師範校小校同。據云學生由保送陸續來校，甚有遲至半年以上者，不得不收。小學藏民極聰穎，但升至高小或至師範班時，即較愚鈍，因結婚甚早，有八九歲即結婚者。謂家中無人，故早娶主家政也。至十四五，身體均大傷，禁之不能，影響民族健康與文化甚鉅。該校購置理化試驗儀器藥品之多，爲青海各校所未有，故學生對理化甚感興趣，惜運來時半數以上在途中已損壞，交通不便，爲邊疆一切進步之大障礙。

五日 回教源流 文化影響

穆逢欣君，爲交通部派隨專使行署入藏者。係回教徒，本日來談，述及回教情形，謂回教曆非陰非陽，爲一種宗教曆。大致近於陰曆，即以見月之夜爲每月初一，約當陰曆初二日，再

見時爲次月初一，無間月，過年無定月，每年有一月爲齋期，認此月爲教祖受天啓之拉馬臘月，日出至日沒不食物，月滿開齋，開齋之日，等於新年。封齋之月，三年一易，春夏秋冬俱封齋之月，三十餘年後，四季全經。每封齋時，不備忍飢，如夏口炎熱汗流，並須忍渴，冬日天寒，又須耐凍。如是循環鍛練，四季均能忍受。回教對異族異教，每以武力鬥爭，故鍛練忍耐精神，可佩也。又謂回教所敬之主，係爲生天地萬物人類者，有恩德於人，故崇拜之，並非迷信。而穆罕默德爲主之遺使，並非自己爲神，與佛教之認諸佛爲神，基督教之認耶穌爲神者不同。至其教旨與儒教之尊天敬祖，大致相合，惟不拜一切偶像，不拜祖先，故居室如有偶像畫像甚至一切鳥獸人物之繡畫，禮拜時均須除去，或掩蔽，以免誤拜。至不食豬肉，因其不潔，但禁酒更甚於禁豬肉，因酒可亂性，故絕對禁止，今回教徒絕對不食豬肉，而飲酒者不少，此大誤也。姦淫竊盜，均爲所禁，無賠償之收入（商業有賺有賠），如放債得息等，亦爲所禁止，今回教徒多犯淫盜並營高利貸收入，均不合教規。西北回教又有新舊之分，青海寧夏多新教徒，甘肅多舊教徒。舊教徒奉某人爲主教，俗稱爲大爺，信仰崇拜，如喇嘛教之對於活佛，有所命令，如神諭聖旨，無不服從。死後，其生前所用之衣服，羣視爲神物，如皮裘斷爲若干片，得其一者珍之若璧拱璧，並建墓屋，守墓者不娶妻，一切如喇嘛教徒之對於活佛，實則經典上所述，不如此也云云。繼參考各種記載，得回教史跡如下：

一、回教係穆罕默德由猶太教與基督教中研究而創造出一種新宗教，以改革亞拉伯民族的

偶像崇拜，而變為一神崇拜。其惟一經典之可蘭經，原名「甫爾加尼」，穆罕默德謂係在希拉山上所得之天啓，與猶太教信舊約五經由摩西在希乃山得上帝之啓示相同。又有穆罕默德受命刪經之說，似以前已有經典，繼經穆氏刪去許多者。其中所有名稱，如「討喇特」，即「摩西五經」，「支甫爾」，即「士衛詩篇」，「引支勒」，即「新約」。可知一部「甫爾加尼」，即由猶太教舊約與基督教新約中節錄，另加若干意思而成，故其教義與猶太教基督教有許多相同之點。再觀其所述道統，正與猶太教所述者相同。如回教所謂「阿丹」，即基督教之「亞當」。「施師」即「亞設」，「努海」即「挪亞」，「易卜拉欣」即「亞伯拉罕」，「易司馬儀」即「依實馬力」，「母撒」即「摩西」，「達伍德」即「大衛」，「爾撒」即「耶穌」。此與舊約記載相同，故回教所崇拜之神「阿拉」，即猶太教所崇拜之「耶和華」，均認為獨一無二的真宰。可知回教完全以猶太教與基督教為背景，所異者，不以穆氏為神耳。

二、回教與儒教，在道德方面許多相同。如主張濟困扶危，忍苦受難，及禁止一切姦淫殺戮，盜竊貪財，虐待賭博等行為。儒教尊天，彼尊「阿拉」，即認為天。且極尊崇孔子，以孔子之倫理學說為最高道德。其教中有一首詩，評論三教，對儒教特別尊崇。其所發揮之學理中，尤以宋儒之思想為根據。討論理氣二元的宇宙論，完全與宋代理學家主張相合，與朱熹意見尤同。清雍正時劉智所著之「天方典禮」，更帶宋儒彩色。對婦女防範極嚴，如不許入禮拜寺，不許見親族以外之人，亦與儒教，尤其宋儒主張相似，將儒回思想冶為一爐。故儒回之

聞，向未發生衝突。如傅奕、韓愈等反對佛教，沈潛、楊光生等排斥耶教，而對於回教，從無人反對。至清季數次回亂，乃清政府壓迫所致，非思想衝突。

三、回教傳入中國之始，杭世駿以為在隋開皇時，回教人亦承襲之。在廣州有幹歌士葛，回教人蓋為中國回教的開創者，其墓碑記貞觀三年建。但也有人謂中國回教創始者為蘇哈巴蘇氏，係穆罕默德之舅，即哈竄比黨的領袖。（穆氏死後，其門徒分為數派。除其外甥亞利守其遺訓成為有力之希亞派，傳入巴比倫波斯外，又有四派，一為亞布哈尼法派，二為沙飛爾派，三為麻利克派，四為亞哈墨德派。傳入中國者為第一派，亦名竄哈比黨，主張嚴格的保守主義。第二派主張採用基督教精神，改革本教的缺點。餘左右袒。）於西曆六二二年至中國廣東，即唐高祖時。後又有別派從西北方面傳入，設禮拜寺於西安。在西安有天寶元年戶部員外郎兼侍御史王鉷所撰之回教碑。可證明當時回教入中國有水陸二路，水路由南海至廣東，陸路由甘肅至西安。但據舊唐書記永徽二年大食始來朝貢，似永徽前中國與大食未嘗交通。最近東垣由回曆推算，證明歷來推算的錯誤，斷定永徽二年為回教入華之始，亦頗可信。至回教書籍中有西來宗譜說，謂回教入華在唐貞觀二年。

四、回教對於中國之影響，在學術方面亦甚大。試研究中國與世界交通史，當唐宋時執歐亞間商業牛耳者為大食國。其商人至華，得中國政府之優遇，於是多留居中國，歐洲之文物與文明，亦次第輸入。最著者，莫如醫藥與天文，研究醫藥之著名者為李珣、李珣、李珣、李珣。

時珍本草綱目，引李珣海藥本草。錢大昕補元史藝文志，有薩德彌實瑞竹堂經驗方十五卷。元末回回詩人丁鶴年亦擅醫術。關於回回醫藥，元史中記載最多。研究天文之著名者，為札馬魯丁，黑的兒阿都拉，及馬沙亦黑等。元史天文志載札馬魯丁曾造西域儀象，並撰萬年曆以進世祖。明史紀事本末，記「洪武元年十月，徵元回回司天監黑的兒阿都拉，司天監丞迭里月質等一十四人，修定曆數。三年改司天監為欽天監，分四科，曰天文，曰漏刻，曰大統曆，曰回回曆。十五年命大學士吳伯宗譯回回曆經緯度天文諸書」。又明史云：「回回曆法，洪武初得其書於元都，太祖謂西域推測天象最精，其五緯度為中國所無，命翰林李翀吳伯宗回回大師馬沙亦黑等，譯其書與大統曆參用」。由以上記載，可知回回曆與陰曆相近，中國在曆數上受回回曆影響不少。此外回人以科學而任中國之官職者甚多，如全唐文記當時中國與大食交通頻繁，貢使往來，由永徽二年至貞觀十四年，計百四十八年間，見於記載者三十七次。據通鑑載「天寶以來，胡客留長安者四千人」。可想見其人數之多，李彥昇不過其中之一人。至元回教人與中國人通婚往還者更多，元史氏族表內，標明為回回或答失蠻者四十四人，又補十五人，其他稱塔木居伊吾廬，及康里氏之回回，哈刺乞台氏之回回，哈刺魯氏之回回等。在此人名中，有貴族，有文學家，有弓矢炮手，有畫家，醫學家……等等，以及著名之著作家，如賤思丁鶴年。以上各人，多歸化華人，讀書應舉，自李彥昇以進士及第後，歷代皆有，元時尤多。僅以元統癸酉進士類名錄計，一科中回回十八人，可知其對於中國之影響，不僅宗教商業

已也。當時不僅對於中國有影響，在千三百年前，回教在世界文化上，如醫藥學天文曆算學物理化學，以及交通上，商業上種種發展，均與歐亞有重大之貢獻。

六日 西北多馬姓 青海有家軍

近日青海日報載關馬家軍一文，連錄十餘日，略謂青海軍隊為中央之軍隊，非馬軍長馬師長之私人軍隊，乃共軍及普通人等青軍均以馬家軍稱之，實為不當云云。青海軍隊十之九為回教徒，回民多姓馬，故官長與兵士十之九為馬姓，人見其軍長師長旅長團長營長，下至連長排長等，無非馬姓，且軍長馬步芳與騎兵師長馬步青，均故護軍使馬關臣之子，為胞兄弟，而旅長團長，又大半有親戚關係，可謂父子兄弟軍，故以馬家軍稱之，實亦非有惡意。余姓馬，且曾在甘肅任教育廳長，某次運滬，有一人求余念同教同鄉之誼幫助，實則余非甘人，亦非回教徒也。又救國日報，在「天下李與甘肅馬」一題目之下，將余亦列入甘肅馬中，可知西北尤其甘肅馬姓之多。青海寧夏，前閩均屬甘肅，而寧青今日之軍政當局，亦皆甘肅河州人也。前甘青寧合省時，一時五鎮守使皆姓馬，遂有五馬之稱，一般人對西北軍政當局姓馬者之多，深印腦中，遂不免有種種誤會。翻閱史籍，馬氏在邊疆中服邊亂，捍衛國防，著威名於西北者，實不可勝數。僅以漢代言之，如光武時馬援擊破諸羌，明帝時馬武擊退燒當羌，章帝時馬防擊破迷吾等羌，而伏波之功尤著。漢之四馬，與前甘肅之五馬，今寧青之二馬，均為軍人而在西北

負國防之責者，望今日之馬，能爲國家鞏固邊防，開發邊疆，爲馬氏宗族增一頁光榮歷史。余素注意西北邊疆，深願爲之執鞭，而加於馬家軍之列，固不必辭而闕之也。

七日 新娘銀鳳寡婦黑裙 岳父牡馬丈母牝駒

法院曹書記官來訪，談及民和縣土民情。謂：民和李土司，現由李成基襲，其土語與蒙語略同，恐原爲蒙人。民和縣南一百四十里有名三川者，其地共十二村，分上下三川。上三川全爲土民，其集鎮爲官亭，土民婦女裝束奇異，額前髮上，有小紅珊瑚串，垂密如簾，最少值百元以上，中如豆大之珊瑚者，值數百元。如已嫁而未生子者，則有一銀鳳中立額髮上，故凡新娘，未有不戴銀鳳者。（此裝束余於塔爾寺曾見之，未嫁或已生子不能戴。）裙分紅紫黑各色，少婦紅色，已有兒媳者紫色，寡居者黑色，亦纏足。據云銀鳳裙色等裝束，皆唐鄯州時丹鳳公主所留傳。婦女所有首飾，多訂婚時向舅家索得。男家訂婚時，除與未婚妻衣飾外，並與岳父牡馬一頭，岳母牝馬一頭。但男女戀愛甚自由，每遇廟會，或拔草野外時，互相唱歌問答，如情投意合，即告父母，遣媒妁。工作勞動，大半爲女子，故盛行多妻制，普通有妻妾三人，目的在家中多一工作人也。因之男子養成游惰習慣。又土司之本族名舍房，即貴族之意，其他名士房。凡舍房之人，男子皆稱大人，婦女皆稱官奶，亦從前官場貴族之稱呼也。

八日 西寧回教概況 臨潭共產組織

西寧清真寺，以東關大寺爲最大，而建築最雄壯。余曾參觀數次，本日又陪友人去遊，詳詢一切。據云：此寺建築於民國元年，當時馬閣臣氏任寧海鎮守使，由渠提倡，計建大殿三間，工程偉大。至民國十年因回教徒人口增加，不能容納，又由馬氏重興建築，計大殿五間，耳殿五間，規模更大，可容三千餘人，越二年始竣工。當時入寺禮拜者尚不足三千人，今則人數又增一倍有奇。每禮拜時，半數在外殿，可知回民增加之速矣。寺內組織有教長一人，下助教三人，主持及辦理宗教教育。寺內事務，由教長聘董事四人並委任鄉老十人，處理日常事宜。至經費來源，一爲不動產收入。本寺有水田十餘石，市房二十餘間，均係私人捐給者，年可收入地租麥十餘石，房租銀三百餘元。一爲回民補助費（名爲學糧），每年冬初，在所屬回民中募捐，無不踴躍輸將。寺內招收有阿訇六十名至八十名，由教長講解經典，等於大學。每日禮拜五次，每次來者不下千人，風雨無阻。每星期五爲回教禮拜日，來此寺禮拜者不下五六千人。至每年兩次大禮拜，因全城男子老幼均須參加，不下萬人，須在郊外舉行。

西寧戶口，據最近統計，約七千餘戶，三萬餘人。其中回教徒約三千餘戶，一萬餘人，佔全數之半。惟土著尚不足十分之二，餘均由甘肅臨夏（河州）移來，大半居東關一帶，及東南北三梢門外，而城內極少。其職業以屠宰食店及皮毛業爲最多，因回教徒所食牛羊肉，須

教門人宰殺。按教律禁食動物之血，故宰時三喉皆斷，使血盡出。又回教重清潔，喜食回教人食品，即漢人亦喜食之，故多營小食品業。至皮毛因係青海特產，故男子多出外收買，女子在家製造。

又據曹君云：甘肅臨潭回教之組織，頗為奇特，其教主握有經濟全權，但道堂經濟，全為公有，教民一律平等，頗似共產組織。道堂經營有農業商業，即為經濟來源，收入所得，悉用於本道堂之建設教育及一切社會公共事業，及資助或救濟教民之用。教民為該堂服務者，各盡所能，分工合作，而生活完全平等。道堂亦視各教民情形，援助其私人經營事業，如可經商者與以資本，宜農者與以土地，得利後除還本道堂外，利益平分。如賠本再資助之，此行不通，令改他行，必使其有適當生計。最後仍賠累時，道堂不索本利，而不能謀生之教徒，道堂且救濟之，施以財米。視教民中應求學受教育者，與以學費。優良者且送入中學大學，經費全由道堂擔負。畢業後就職有收入者，亦酌歸道堂。如一大家庭，完全服從家長命令。人人有職業，有生活費，教育費，無一貧民乞丐云。

九日 青海礦產概況 壘源金廠情形

法院曹書記官，對青海各種情形熟悉，本日又來訪，談及青海礦產情形。謂：青海金礦最多，以天橋溝野牛溝二地為最著，原屬大通，現屬壘源。在元代時已開採，至今依然開掘，分

冬窩夏窩二期，夏期自二月至八月將水引至高處，用人工碎石，以水沖之。冬期自八月至次年二月，在平地掘沙成井狀，將沙運出積之。其組織有總掌櫃，治姓，住紅石崖，俗稱冶老爺，其子娶先主席馬閣臣之女，與現軍政長官爲至親，故人民敬畏之。所僱工人，名曰砂娃，總廠分廠，共有砂娃約五萬人。每期每人工資爲茶一塊，布一疋，最多者法幣十元。每日工作時間，上午五時起十二時止，下午一時起黃昏時止，夜間如願工作者，所得之金可歸己有，但豆大者即須歸公，職廠者重懲，故工人至有自破腿肉將所得大金塊藏入肉內者。省府每年派人運礦廠收課金，以工人多寡計，冬窩每一工人出課金八分，夏窩一錢六分。又甘肅永登縣之定羌灘（即鎮戎驛），亦產砂金，同歸冶老爺經營。至各分廠係由某人紹介，經冶老爺允許者。此外樂都方塔溝五六十里中，皆有砂金，附近農民於每年農隙自由開採，其課金歸附近駐軍征收。又番地野雞雪山亦產金，民初時馬閣臣氏曾派馬輔臣帶馬隊去開採，其馬隊即名礦務馬隊，故今人呼馬輔臣爲馬礦務。惟交通不便，且連康地，至今無人前往。

又謂青海煤礦亦富，省垣附近，以大通之樵漁堡最著。礦區約八方里，探掘有十四井，其窰頭有漢回民七人，皆繼續數代矣。最大者賈姓，共有工人二千餘人，分日夜二班，無工資，但每日可自得一「烏他」（牛皮袋）。即每日最後出井時，可負一「烏他」煤歸己有，工人力大者可負百斤左右。煤價在礦地每斤銅元二枚，至省可售五枚，煤捐前歸縣府征收，每車一角，每年可收五千餘元，即每年可出五萬餘車也。現歸省府派員征收，如運往省城，經西門時，又

收捐一次。凡煤車視套驟多寡，僅一驛之車，收銅元二十枚，多者遞加。此煤多用於火盆，因先將烟出後，即再無烟，可燃一日。爐火用者，多購永登轄街所產之煤，因其質硬，且多製成藍炭，可耐久也。永登雖屬甘肅，現爲青海防地，密街所產之煤，大半銷於青海。至互助之馬廠，雖亦產煤，但質劣量少，僅供附近鐵匠用之。慶源除產金外，亦產煤，又產硫磺。大通縣小資本家，每往採取。其法甚簡單，即用青油二三斤，置鍋中熱之，然後將硫磺礦石入其中練之，再傾入地下預掘之土地型中，即成。其土型之坑約四尺長，八寸寬，八寸厚。此外青海礦產甚多，據所知者，樂都虎狼洞溝產類玉之石，多墨綠色及彩綠色，佳者半透明，惟其質較肅州石尤軟，僅可製杯碗等物云云。

按西寧遍地皆礦，凡金銀銅錫鈣鉛硫煤玉石硝石膏鹽鐵均產之，而尤以金煤蘊藏爲最富，故有「黃金世界」之稱。據西北芻議吳學衡君所述，青海礦產，以金銀煤鹽四項最多。大通河上游及瑪沁雪山，年產砂金約二萬斤，湟河中夾金亦多。其產金區域，有西寧大通貴德民和樂都慶源化隆都蘭玉樹同仁等縣。產銀區域，在樂都慶源都蘭貴德八寶山噶川山馬尼龍沖河等處。產煤區域，在八寶山金雞山五峯寺樵漁堡觀音堂溝多羅土門青俄特城鴿子溝曬爾免東溝甘都考魯茶石浪等地。每年產煤約百萬噸左右。至鹽產以希勒達布遜及哈拉池二處爲有名。其餘玉樹各族亦產紅鹽岩鹽。又據某通訊社調查青海各礦產地：（一）金礦：鈔金，產於柴達木河流域之馬尼圖鄂果爾圖等地。砂金，產於大通河流域，如北大通一帶。黃河流域，如海南之買爾勒蓋

哈爾吉嶺佛山溝沁馬雪里等地。通天河流域，如玉樹四族稱多族固察族安冲族界內，到處皆是。柴達木河流域，如霍爾特北右末旗，霍爾特右西後西左等旗，與大小柴達一帶。計全省砂金散布之區，約十四萬方英里。至線金西寧樂都境內，產量甚微。(二)銀礦：產於貴德大小柴達木噶順山陰冲河一帶瑪尼嶺等地。(三)銅礦：產於香日德木勒哈拉瑪尼嶺大小柴達西寧樂都等處。(四)鐵礦：產於哈拉哈精烏蘭化克山一帶，大小柴達，霍爾特北右末旗一帶。(五)錫礦：產於大小柴達，汪什代等地。(六)鉛礦：產於保安烏蘭代克山一帶，霍爾特北右末旗一帶。(七)煤礦：大通無烟煤最著。他如其南部烏蘭代克山一帶，北部瑪尼嶺一帶，及霍爾特北右末旗，柯柯八寶蘇莽等處，均有，但多未開採。(八)礬石：產於霍爾特西右後旗，霍爾特北右末旗，大小柴達等地。(九)硼砂，石膏：產於霍爾特西左後旗，霍爾特北左旗等處。(十)翠玉石：產於格吉雜曲濱二處。(十一)硫磺火硝：產於那木山及瑪尼關霍爾特西左後旗，霍爾特北右末旗，及大小柴達等地云云。茲再將駐西寧蒙藏委員會調查員所調查之青海礦產一覽表，暨民國二十五年趙昱等之遼源金礦調查報告，錄之如下，更可知青海礦產之實況矣。

青海礦產一覽表

產	地	種	類	已否 開採	備	考
共和縣上郭密黃河沿岸一帶		砂	金	已開	每金夫一名每月課金一分五厘轉金成分約百分之八十一強	
化隆縣只哈加及上什族木峽		同	上	同上	每金夫一名每年課金二錢由省府派費提收	
民和縣黃河沿岸		同	上	同上	據云年產五六十兩恐不止此數	
樂都縣南山沿河一帶		同	上	同上	每金夫一名年課金一錢	
湟源縣壽河南山及東西盤道		同	上	同上	每金夫一名年課金一錢五分	
玉樹縣娘娃固察安冲三族沿 通天河岸		同	上	同上	成分七成以上金課由百戶抽收數目不詳據云年產約百兩實存多	
登源縣宋崗寺屬地轉風窰楚 瑪爾栖爾免河西一道羊腸子 河沙金城羊嶺札焉圈二寺 灘天蓬河高崖野牛溝大札麻 等地		同	上	同上	成分百分之九十以上每金夫一名年課金一錢五分	

遼源縣	班固寺	同	上	未開	近寺十里以內隨地皆是因屬該寺地界寺僧米信把持故未開採
化隆縣	阿米盟侶山俗名八寶山及科董溝	金銀銅鐵錫五朱砂炭等	同上	同上	金苗極旺清季曾一度開採因其地屬藏毛什族及下六族並阻止金季開
化隆縣	東溝及甘都棠堡翠谷峽	煤	已開	已開	入地尺許隨處皆是惟交通不便不能開採也
遼源縣	克山溝八頭溝瓜拉多羅煤窩溝沙腦溝甘溝鴨呀溝	同上	同上	同上	八頭溝極富周圍二三十里皆有惟交通不便只其當地之產
大通縣	樵漁堡大小煤洞	同上	同上	同上	據調查藏量約千萬噸年額約千萬斤行銷本地及西寧遼源互助慶源樂都貴德等縣價值平均每百二十斤一元
西寧縣	觀音堂溝及小峽	同上	同上	同上	
遼源縣	土門青曬爾免拉洞山後鴿子溝等池	同上	同上	未開	據調查藏量而積九萬七千二百餘方尺惟礦層深不易開採
遼源縣	茶浪	石炭			
同仁縣	沙布垆	鉛		未開	
遼源縣	喬河照	同上	同上	同上	

靈源縣青石崖人頭溝	銀	已開	
靈源縣野牛溝八寶一帶	硫 磺	已開	
靈源縣小寺爾	玉	同上	俗名嘉牙玉

按上表無鐵礦，聞互助產鐵，明萬歷年間已在五峯山設立車廠，當時征討蒙古需用兵器，均仰給於此，今則衰落耳。

趙昱等靈源縣金礦調查報告：

(一) 調查區域 靈源縣在祁連山南麓，大阪山麓，大通河北岸，距西寧三百餘里，東西各地均產金。此次調查，首至縣西約三百里之八寶一帶，其海拔約一萬英尺。大通河由西而東，發源於八寶山。伏牛河由東而西，發源於景嶺。天蓬河由東南而西北，發源於大阪山，流入伏牛河。內景陽嶺貫於祁連及大阪之間，係此平原中地勢最高者，約一萬二千英里。調查區域，即在景陽嶺之西，沿伏牛河一帶，其地產金素著名，明末時即有開採者，今尚有多人採掘。天蓬河高崖大紅哈及轉風窰等處，採掘有至六次以上者。

(二) 地質情形 該處諸產金區，地面徵象，均相似，山上經劇烈變化，傾斜頗甚，受風化之石板石，石英，遍地皆是。大梁一帶更甚，祁連山及大阪山間之平原，實係一古代巨河之

沖積層。砂金儲存最富之處，均在伏牛河南岸，及天蓬河兩岸，距地面深一丈至五丈。地面最上有黑土約半呎至二呎，次層爲細砂或有粘質之紅土，大紅溝小紅溝更爲顯著。再下層係粗砂及流水沖成之石子石英，不及石板石多。大梁及大紅溝亦有礫成岩及水門土，俗稱石鏽，厚度自半呎至三呎。底層石子較上層大，在高崖底層石子之大，實屬罕見。金砂多儲存於一種青黑色或紅色之砂礫中，最富之處，約在距底層（卽一種細黏之紅色土層）數寸之處。金粒普通爲小如芝麻者，亦有大如黃豆者。金質頗純，多成扁形或凹凸狀，俗稱馱子金。

（三）採掘狀況 主要採掘法有二：一曰水拉工，二曰下口子。春夏水大時，先作渠導水至較高地，亦有掘小池以作蓄水之用者。由該地引水使流經有金砂之地，地面同時用鐵耙將土掘鬆，使隨流水沖去。遇較大石塊，另由工人取出。待上層沖去見金砂層時，遂引水至他處。另以小鐵耙將含金之砂土耙出，傾於附近溝內，任流水將土礫沖去，金粒重而下沈溝底。再將溝底金粒砂土耙出，置於長五六尺之木槽內洗之。槽下端釘有橫條四五，金粒及重砂石留於橫條之間。再取金粒等置於如箕之木盤內，將砂石洗去，僅留金粒及少許黑鐵砂，再移於小銅盤中，以火烘乾，用口吹去鐵砂。此法本地人稱曰水拉工，或曰夏工。自舊歷三四月起，至八九月止，均用此法。舊歷十月後水凍成冰，乃用下口子（卽開曬井）採掘法。擇定地點，由上向下開一長方形之井，井口大小約二尺闊，三尺長，能使一工人進出工作。掘出之土礫，由土製轆轤運上，如此開至三五丈深時，卽見金砂子之底。於是開始橫掘，將含金之土砂，盡量掘出，

傾積一旁，待明春冰解時淘洗。此法謂之下口子，或曰冬工。

如上所述，可知青海礦產，現在以慶源縣爲最富。茲將該縣概況略述如下：

慶源縣地自隋唐滅吐谷渾後，置米川縣，五代爲吐蕃所據。清雍正三年，滅羅卜丹津後，設大通衛，置總兵官一員。十三年裁總兵官，設副將一員，乾隆九年，遷衛至白塔城（卽今大通縣北）。此處置遊擊一員，稱北大通營。民元綠營裁撤，屬大通縣。十八年設縣治，名慶源。以其地居浩啞河之上游也。其地勢南北大山，中爲廣原，大通河橫貫其中。清雍正二年建城，周圍六里。縣治距省會北二百十里。四境東以拉爾加山及金羌灘與甘肅永登縣爲界。西以八寶山與都蘭爲界。南以大寒山（卽大坂山）與大通爲界。北以祁連山與甘肅之甘涼爲界。東西五百里，南北僅七十里，全縣面積爲四萬五千方里。人民，五族皆有，蒙民有和碩特前左翼首旗，西右翼前旗，土爾扈特南後旗，喀爾喀南右翼旗等，住永安俄博一帶。藏族：有阿里克族，住八寶山附近。興馬山族，住老虎溝迤西。興順族，住加多寺一帶。向化族，住那龍窩。歸化族，住班古寺一帶。滿人住河北，回人多住河南。漢人土人居城附近。全縣共二千餘戶，約二萬餘人。

境內因有大山，盛夏猶積雪，夏季平均溫度華氏四十五度。故農業不發達，僅產青稞燕麥糜子等。大半從事畜牧，富戶有牛羊至萬頭者。森林亦盛，如八寶山及下峽之班團仙米朱古各寺，皆有松林，但以交通不便，運輸困難。如東行雖可通永登，西行至老虎溝，轉北經黃城灘

可至武威，但皆羊腸小道。西北經俄博至張掖，雖舊有大車道，年久失修，不能通車。南至西寧，有大中下三大坂，亦均山路崎嶇，以故木多用少。蘭州木商，每年由大通河運出約萬株以上。磨菇亦多，每年有川商收買。仙米，黃城灘駿馬羊皮，尤爲特產，每年輸出羊毛約一百五十萬斤。至金礦煤礦，上已詳述。

境內大山有祁連山（縣北十餘里），大寨山（卽大坂山縣南十餘里）對峙。又有八寶山（在縣西二百一十里，山中有金銀銅鐵等礦，有森林，有野獸，故名八寶），景陽嶺（縣西二百里，相傳曾有人於其下掘獲赤金，形如羊，故又名金羊嶺），沙金山（縣西北百二十里，下產沙金故名，等因富源而得名之名山。大水有浩登河（卽大通河，發源於祁連山脈之集魯肯山南麓，會諸水經縣治東再會諸水勢始大，入甘肅境東南流經古城溝峽口，連城西大通窰街等地西至青海境內之享堂，又與湟水會合東流至甘肅新城入黃河），臥牛河（蘭州木商從仙米朱固購木亦由此運之）等。古蹟有永安城（縣西北百餘里），三角城（永安西百四十里元時築），鸞鳥城（永安城北六十里漢時置縣屬武威郡），俄博城（永安西北百二十里），沙金城（永安西），鐵槐桿等。

教育甚幼稚，縣城內有高小一，學生八十餘人，教職員三人，經費全年僅三百五十元。女初小一，學生數人，各鄉村有小學共十處，學生最多者四十人，少者數人，教員月薪全年僅十元至四十元。

十日 馬氏誕辰 回教中學

本日爲故主席馬閣臣氏誕辰紀念日，上午八時，全城各機關職員及各中等學校學生，均集馬公祠行禮，余亦參加，並爲講演。其地距回教中學甚近，會後馬子香氏陪余等參觀該校。建築壯偉，設備完全，爲青海各省立中學所不及。茲記所得概況如下：

一、校舍佔地約二百畝左右，有校園操場，約佔全面積三分之一。正面有前後二大院，兩廂均爲學生宿舍，自修室，共數百間。中有中山樓，下爲禮堂，可容三百餘人。樓上正中爲禮拜堂，左右一爲圖書室，一爲儀器室。後面爲教室職員室等。地基及校舍建築費共三萬餘元，而普通工作，且僱兵工。經費每月省府補助，不足二千元餘，均由馬子香氏捐助。全年約十萬元以上，因學生衣食文具等全係公費也。

二、全校學生，高級中學二班，初級四班，補習生二班，共八班，二百八十人，因學生多回教徒，故學科中有阿文（回文）二時，回教教義二時。又此校軍事化故有軍訓（軍事訓練）二時，國文教材自選，用鉛印，多軟性文字，如春的美麗等。有牆報，師生合作，亦多軟性文字。星期五休息，爲回教禮拜日，故星期日上課。

三、回教中心學校，等於本校之附屬小學。因同屬促進會辦理，皆爲馬子香氏所主持。本日亦招集該校小學生，同至中學操場。由初小而高小而初中而高中，固一貫也。該小校學生共四

百四十六人，分十二班，即每級二班，職員六人，教員二十人，學科每週有阿文三小時。經費全由馬子香氏籌撥。教職員薪金年支七千餘元，圖書費年支五百餘元，設備費年支二百餘元，其他費用年支約六百餘元。教職員制服飯費（學生飯費限於在校寄宿者共一百五十二人），均由馬子香氏發給。校舍共一百五十餘間。學生亦軍事化，童子軍服裝甚完備。

十一日 青海畜業概況 蒙藏牧民分佈

吾國畜牧區，爲蒙藏人民依水草生活而自然形成者。蒙藏人民，除在蒙古西藏二區外，新疆甘肅青海寧夏西康各省均有，尤以青海爲多。（西康雖多番民，而氣候較暖，半營農業。）故青海畜牧，在今日佔吾國西北畜牧業之重要位置。茲據商人某君所談，並參考各種記載，得青海畜業情形如下。

一、牧民分佈 青海地域遼闊，人口稀少，漢人回民，聚集於青海東北部，因氣候土宜及水利之便，專事農業。蒙藏人民，受天時之限制，與習慣之相沿，以游牧爲生活，逐水草而居。其分佈情形，藏族人性強，多佔佳地，蒙族受其排擠。如黃河南諸族，多被藏化。環海諸族，擁擠於浩靈河一帶，及湟源縣西之羣科灘。柴達木諸蒙旗，滯留於沙漠沮洳地。昔日顧實汗之雄圖，僅留蒙語命名之山川。但柴木達諸蒙旗，惟因其地爲沮洳，土多鹹性，春夏滿泥，夏秋多蚊，他族不適環境，蒙民遂得適者生存，迄今尙保存其純粹蒙古生活。（按柴達木屬都蘭，

通稱五達，即可可，柯洛格，太極乃，吉家，巴隆五旗，亦有將青海王察卡王併入，稱七柴達者。據調查各旗人口，即可一千一百五十戶，柯洛格一千戶，太極乃八十戶，吉家三百戶，巴隆二百五十戶。以柯洛格為最強，現為左翼正盟長，各旗均服之。全境東西二十站，約一千二百里，南北十站，約五六百里，有柴達木河經之。至駐牧浩靈河流域，青海周圍，及越過黃河之蒙古各旗，因其地牧草肥美，藏族侵佔，蒙族逐漸藏化，至黃河南岸各蒙旗，因被強有力之藏族包圍，言語習慣生活皆藏化。但尚擁有優良牧地，與藏族並立，寧源諸縣山谷中之藏民，耕牧兼營，人口密集。駐牧環海一帶，及黃河南岸之藏民，擁有優良之牧地，專事牧畜，生活甚裕。玉樹二十五族，因巴顏喀拉山之橫亘，與青海各藏民疏遠，一切生活習慣言語音調，反與西康藏族相同。其地水多草豐，牧業甚為發達。又因沿江一帶，氣候溫和，愛營農業。果洛藏族駐牧地域，在大積石之陽，沿黃河沿岸一帶而展至西康邊。境依山川之險，成秘密之區，惟知畜牧生活。

二、牧獸分佈
 青海畜類有馬牛羊駱駝等，茲分述之。

(一) 馬有南番馬番馬玉樹馬柴達馬之分。南番馬指青海黃河南一帶之馬種而言。其馬高大雄壯，適於山地，且耐勞苦，最宜軍用，故青軍騎兵全採用之。番馬，為環青海及浩靈河流域所產之馬。體較南番馬小而形較靈秀，勇敢善馳，且性馴良，易訓練，軍用民用咸宜，尤以浩靈河一帶之馬，以善走且迅速見稱。玉樹二十五族及果洛諸族之產品，耐寒，跋山力役等，為

青海各馬冠。柴達木馬，因其地少山，蹄較輾而大，不適於登山，但宜於走沮洳地，行沙漠，且有粗食耐渴等能力。(二)牛有黃牛、犏牛、犏牛之分。在青海東北諸縣，農民多養黃牛爲耕田主畜。柴達木各藏族，亦養黃牛、牦牛，爲取肉、乳之用。且其地黃牛體大肉佳，同於魯豫。犏牛爲浩亶河一帶、黃河南、玉樹二十五族及果洛諸藏族之役用、乳用、肉用之主畜。其中果洛犏牛，以體高力大見稱。犏牛富冒險性，適於跋山履石、涉水及走冰衝雪。牦牛爲高原山地之寶。牦牛富於脂肪，藏民取乳製油，飲食賴之。犏牛爲黃牛與犏牛之間生種，牦牛者乳量多而質亦佳，牦牛能任重致遠，兼有黃犏牛之優點，尤以黃牦與犏牦交媾者爲更佳。浩亶河之阿里克藏族，及黃河南回蒙族所產之犏牛，特別著名。(三)羊有綿羊、山羊二種，綿羊中又分大尾羊、小尾羊二種。大尾羊爲柴達木諸藏族之特產，與內地者同，肉肥毛短，以可魯貝勒台其乃產爲純種。尾部脂肪特別發達。此外各蒙藏族居地所產之羊，皆爲小尾羊。其中環海及黃河南岸諸族所產之羊，以體大毛長見稱。玉樹二十五族及果洛族之羊，以毛細著名。青海毛商，以購收小尾羊之長毛爲準價。以玉樹果洛諸族小尾羊之細毛稍抬高價值。以大尾羊毛之短毛稍壓低其價。將羊收集後，混合包裝運至天津，名曰西寧毛，其價值僅次於美利奴種羊毛。如將佳者分別裝包，則可與美利奴毛並駕齊驅。可知青海毛爲吾國羊毛第一也。山羊產於柴達木區者，體大絨多。山羊皮尤爲優良，該地蒙民，每以牦山羊取乳制油，以補黃牛乳之不足。至貧民尤全恃山羊乳肉以供飲食。(四)駱駝，以柴達木產者爲著。該地蒙民管理得法，如郭密汗汁代海諸族，近有飼

養者。但管理役使，均不得法。

三、牧畜現況 蒙藏人民，對於牧畜皆守舊法，不知改良。茲就選種管理飼養生產製造等項略述之：（一）選種，只知注意毛色及身軀大小，而不知注意其祖系淵源。只知在本地本羣內選擇，而不知向他處採購優種，以新其血液。（二）管理，多無畜舍圍牆，每晚不免野獸之侵擾，與風霜雪雨之打擊，有害畜類之健康。遇傳染病發生，又不知隔離救治之法，以致死亡枕藉，尤以牛瘟駝瘟為最多。至於選擇水草等事，蒙藏民頗有經驗。（三）飼養，全依天然牧地水草之分佈，牧區小而牲畜較多之牧族，冬春季常有牧草不足之虞。老弱者不免死亡，此不知種植牧草以補不足之害。（四）畜產製造，環海及浩覽河黃河兩岸一帶之蒙藏族，以產羊皮羔皮著名。黃油產量，亦可自給。玉樹及果洛等族，以產羊毛及黃油著稱。黃油每年出售者亦多。柴達木蒙所產羔皮羊毛均甚少，而質亦劣。惟產黃牛皮山羊皮駱駝毛頗有名。牛乳及山羊乳，不敷自給，尚仰給於玉樹及果洛一帶。柴達木之毛毡，及玉樹之褐布，銷售亦廣。（五）生產交易，回蒙藏各族，每年產銷羊毛，集中湟源貴德魯沙爾等地，而運往天津者，年約千餘萬斤。除羊毛外，環海及黃河兩岸浩覽河一帶之蒙藏族，生產羔皮量亦鉅，每年銷於附近各縣。浩覽河一帶及黃河南區，每年售出馬匹亦不少。又據青海建設廳調查，青海馬之產量為三四、六、六〇匹，價值一三八、四四〇元。牛三二一、六一九頭，價六五二、三八〇元。羊二、一〇四、七八〇隻，價六、三一四、三四〇元。駱駝八、三三〇頭，價值二四九、九〇〇元。

羊駝毛，年出口六百萬斤，羊毛五百萬斤，駝毛一百萬斤。羊毛價每斤二百元，駝毛每百斤四十元，羊皮出口年約五十萬張，羔皮出口年約百萬張，牛皮年約七千張。每年出口牛約四千餘頭，羊約二萬餘頭。牛每頭價約十五元，羊約三元。

十二日 水利概況 聖務沿革

西北各省，多苦亢旱與乾燥，而青海獨多河流與水利。因長江大河，均發源於青海，故水利甚盛。黃河自貴德以東始有水利，因至是始入漢人區域，有人工經營，開渠灌溉，四畝果園，均備有水車水磨，於是地方經濟，始由畜牧而進於農耕。貴德以西，黃河全為天然狀態，藏族宅處其間，惟知畜牧，可謂為處女地帶。又貴德以下，黃河始有橋樑，如貴德有浮橋（名和德橋），循化有木橋（名通化橋），甘肅永靖亦有浮橋。有皮筏下航甚多，載運羊毛食糧至蘭州。凡此皆表示黃河之人文方面，已進步不少。至青海省水利，黃河本身，尚不及其支流湟水之大。蓋青海最發達之地為湟水流域，除都蘭湟源外，青海已設縣治人口在五萬以上者，有民和樂都互助大通西寧五縣（貴德循化等縣人口均在五萬以下），耕田在十萬畝以上者，除上述五縣外，有湟源共和縣，均在湟水兩岸，可知湟水流域為青海省最富庶之區。又青海省會不臨黃河而臨西水，亦不外此理。古人稱八水繞長安，言其水利豐富，遂成古都。西寧當南北兩川與湟水匯流之處，三川環繞，亦造成省會形勢。古稱青海曰湟中，又以湟與河並論，號曰河

湟，均表示湟水地位之重要。據某地理專家所述，湟水水利，過於黃河者，其理由有五：（一）黃河沿岸山高水深，河谷較狹，湟水流域，自樂都至湟源，河谷均為寬廣。（二）湟水河谷雖有老峽小峽等，但峽谷較短，黃河諸峽則往往綿延數十里，為農墾障礙。（三）自蘭州至西寧，以溯湟水而上為捷徑，取道黃河，則迂迴較多，故在交通上亦佔優勢。湟水流域坡田腦田亦多，開墾山坡，為旱田，腦田在坡田之上，乃陰徑之高田，或稱高壩，可表示青海為高原之特色。大通河流域，農業雖遠遜湟中，且不及黃河谷地，但其地饒森林金礦之利，亦自有其價值。青海湖附近平原甚廣，雪山流泉，紛紛入海，故海水鹽分甚低，介於鹹水湖與淡水湖之間，周圍水草豐滿，農墾水利，頗有希望。柴達木盆地，西部為沮洳地帶，頗為卑濕，但夏季草綠樹青，頗似天然公園，將來墾殖，亦大有望。

如上所述，青海雖饒水利，但已加人工者，僅湟河流域及黃河貴德以東，故水利尚未普及，墾務尚未發展。茲特將青海墾務情形，略述如下：

青海墾務，在漢時即有屯田之舉，當為最初之農墾。唐時陷於吐蕃，墾務停頓，歷宋元明，均未提倡。明時為貢馬牧地，令每年按班納馬，仍以畜牧為重。自清雍正十年羅卜藏丹津後，西寧欽差大臣奏請試墾於青海，但因蒙藏習於畜牧，不願開墾，官廳未加強迫，且或發照准永遠放牧，於是已墾者多成荒。宣統年間，雖中央籌撥巨款，倡辦青海墾務，終無效果。民國元年，西寧府尚有保護牧地禁止開墾之執照，發給人民。但因漢回人民逐漸西移，實行農墾者日

乘，情形因以變化。且官吏有牟利之機，於是復倡辦墾務，收價發照。民國八年，甘省當局設青海屯墾使署於蘭州，旋歸併政廳辦理，毫無成效。十三年設立甘邊寧海墾務總局於西寧，由鎮守使兼辦，內分三科，舉辦放荒事宜，分墾區爲十處，各縣並設分局。如第一區西寧墾務分局，轄上下郭密等處。第二區湟源墾務分局，轄恰卜哈。第三區大通墾務分局，轄大通西北方面。第四區循化墾務分局，轄保安甘家灘等處。第五區貴德墾務分局，轄昂拉寺倉等處。第六區都蘭墾務分局，轄香日德等處。第七區玉樹墾務分局，轄結古一帶。第八區囊謙墾務分局，轄雜曲蘇莽等處。第九區大河壩墾務分局，轄切吉一帶。第十區拉加寺墾務分局，轄果洛各族。此次較有進步，但因經費人才所限，效益仍未大著。十六年歸西寧道兼辦，名爲西寧道屬墾務總局，各縣仍設分局，由縣長兼任，積極進行，略有成績。計查丈荒地及清出無糧之地三萬七千一百餘畝，收穫地價二萬一千二百四十餘元，升科正糧一百五十餘擔。當時所定規則，仍屬征收地價，其等則爲上等地則二元，中則一元五角，下則一元。中等地則八角，中則七角，下則六角。下等地則五角，中則四角，下則三角。此外另納執照費及印花等費。民國十八年青海建省，改爲青海省墾務總局，直隸省府，大加擴充，另訂章則，其征收地價之規定，較前特別增加，中下等地更大。卽上等地則二元六角，中則二元四角，下則二元二角。中等地則二元，中則一元八角，下則一元六角，下等地則一元四角，中則一元二角，下則一元。但適遇是年甘肅大旱，軍民食糧，均仰給於青海，因之糧價大漲，經濟充裕，地價雖規定較

高，農民領墾者仍多，未及一載，查丈荒地及無糧之地，竟達二十萬七千七百五十餘畝，其收得地價，爲十五萬四千五百餘元，到期升科地爲二萬五千七百六十餘畝，均發給執照。至十九年十月領墾者日少，於是將地價每級減輕四角，如上等上則二元六角，改爲二元四角，餘類推，並合併財政廳清賦處，改名爲青海省財政清賦總處，由財廳兼辦，內部縮小，青海墾務，遂轉入消沉時代。兩年以來，共丈放荒地九千八百五十餘畝。二十二年四月，奉中央令，設立土地局，統一地政機關，然因經濟無着，仍附設省府，局長由科長兼，未能獨立，成效亦少。二十三年三月，又奉中央令限期成立地政機關，乃正式成立青海省土地局，委第一百師副官長某兼局長，分四大墾區，並欲平均田賦，整理地籍，但仍不免種種困難。因青海蒙藏人民向以游牧爲生，不願農墾，移民開墾，亦易起爭端，故今日各縣荒地，依然甚多。據調查各縣可耕之荒地約計如下表：

縣別	荒地	面積	所在區域	所有者
西寧	一〇〇、〇〇〇		北川南川西川各寺院附近	官荒民荒寺院
樂都	八〇、〇〇〇		山川靜覺寺雙塔歸化等鄉	官荒寺院
循化	九、〇〇〇		積石關外川撒九族等地及縣東北	官荒最多民荒次之

貴德	二〇〇、〇〇〇	野加圭完受魯倉等地	官荒寺院千百戶
民和	八〇、〇〇〇	上下川口馬營官亭等地	官荒民荒
互助	六〇、〇〇〇	沙掌川威遠堡巴札堡五峯山等地	官荒爲多民荒次之
化隆	一〇〇、〇〇〇	黑城的札寺等處	官荒民荒
湟源	一五〇、〇〇〇	東科寺札藏寺等處	官荒民荒寺院
大通	一五〇、〇〇〇	却藏寺廣惠寺等處	官荒寺院
齊源	一〇〇〇、〇〇〇	八寶鄂博阿力克	官荒
共和	二〇〇〇、〇〇〇	香哈恰卜恰沙珠玉等處	王公千百戶
祁蘭	五〇、〇〇〇、〇〇〇	希里溝香日得哈拉哈圖等處	王公
玉樹	四〇、〇〇〇、〇〇〇	囊謙蘇莽札武稱多等處 (包括稱多囊謙二縣)	千百戶
同仁	三〇、〇〇〇、〇〇〇	保安隆務拉加寺果洛等處 (包括同德縣)	各藏族

據上表青海荒地，總計約爲一千五百九十二萬九千畝，固因蒙藏民族之不願開墾，亦因交通不便，與水利未興之關係。然交通則許多草地爲天然汽車道，水利則青海居江河兩大河流之上游，幹流支流，遍地皆是，惟未加人工，經費困難耳。如能由中央補助經費，交通水利農墾，同時可並舉矣。

十三日 回民生活 漢兒稱呼

回教徒某君來，談及回教徒生活習慣，分述如下：

(一) 衣 按回教教規，凡信回教者，有一定服制。今雖比較自由，但普通多白布纏頭式戴軟布白帽，故俗有白帽回之稱。

(二) 食 回教極注意衛生，一切性質不良自死之物與豬類，皆所不食。牛羊亦須經教民宰殺始食。

(三) 住 回民住宅清潔，殿內外男女之防，室內不許有一切偶像。

(四) 行 回教女子不許乘馬，回教人所御之舟車，亦每有特別標誌。

(五) 禮拜 每日五時禮拜，拜必先作小淨，並時必有大淨。

(六) 婚姻 回教教法，婚姻限於同教，女子不嫁異教男子，男子如娶異教女子，必使其放棄原教，來皈回教。

(七)稱呼 回教徒見面，無論識與不識，每稱「老表」，稱漢人為「漢兒人」，聞係金元舊習，有輕侮意。回教徒相語每以漢兒人為污辱辭，如否認某事而誓時，則謂「如我真作其事，我就是漢兒人。」

十四日 雞後待上賓 麻瘋染仇人

某君來談，謂青海有一習慣甚奇，即宴客時，菜中如有整雞，其雞後（即雞臀部）應歸最尊之上賓，他客不得爭食，如誤食時，不特上賓不悅，即主人亦憤怒。循化某次回民宴客，因雞後為他客食去，心中憤恨，竟至仇鬥，死若干人。又某次某客誤食，主人竟掌其頰，亦聞也。又青海及甘肅拉卜楞一帶，食手抓羊肉時，每少帶羊尾不去毛，尾亦向客面，不知何意，並有將羊背保留為上賓攜歸者。

某君又談貴德縣某溝中有藏族居民，皆染麻瘋病，初染時先脫眉毛，繼面腫生瘡，最後全身潰爛而死，至遲不過八年。故人罕至其地，而其地之人，從前每遇朔望來城中討錢一次，每結隊五六十人，習以為例，如非朔望，商人即拒其入城。近年因畏傳染，即朔望亦禁止其來住矣。前有一人在其地經商，防範甚嚴，但終被傳染，對其妻子立遺囑，而失踪自殺矣。又一毡匠，在其地工作，亦被傳染，遂在曠野居一茅屋中，由其子送食，三年而死。據云其地之雞，每食病人唾痰而傳染，人食其蛋，亦染此病，故近年禁止此地雞蛋出外售賣。並謂此種病

人，不可得罪，如有仇隙，彼即將病液密和食中，使被傳染，故人人畏之。此病在世界尙未發明特效藥品，惟有嚴格隔離之一法，行政當局，應特別注意設法也。

十五日 俄商蒙僧六人可疑 西寧蘭州一時飛達

本日行署包一飛機，運銀幣數萬來西寧，因車馬運輸，途中危險也。接高參軍來電，有前爲班禪大師開汽車之一外人，附機而來。適西寧某友人來談及，謂其人名哈珊，自稱土耳其人，奉回教，但在西寧數年，從未入寺禮拜，在西寧東關租一大院，有三俄人同居，觀哈珊相貌，似亦俄人，均爲白俄，行動詭祕，用款闊綽，恐受日人指使作祕密工作者。又聞時與德國某月刊社通信，自言經商，而無商可經，且有手槍，有活動電影機，有照像機，可疑之點甚多。此外普倫洋行，亦有白俄數人，收買皮毛，或係真正經商。又據友人云，去歲十二月有自稱內蒙古僧人者五人，包一飛機來青海，多能漢話。據云自錫林郭勒盟來，因老王爺逝世，到各處寺院誦經。內一包姓者，漢話尤流利，謂與包悅卿相識，而非本家。五人在西寧居旅社若干日後，赴塔爾寺，但歸時僅餘三人，二人不知何往。此三人又欲包飛機而返未得，乃以數百元包一汽車赴蘭州，行踪言動，亦極可疑，或係德王（錫林郭勒盟副盟長）奉日人命派來者。又據循化來人云，近有日本數人作蒙古喇嘛裝，赴青海各縣，尤爲偵探無疑。日人謀我，無所不用其極，可畏也。

余欲乘飛機赴蘭州轉機赴京一行。下午二時許至飛機場等候，不意五時始來，急下運物，登機而飛，六時即達蘭州。余十年前來西寧時，乘驛轎一週始達，前次來時乘汽車三日抵西寧，已覺迅速，今一時抵蘭州，如在蘭州值航期，並在清晨，則一日可至南京。世界科學進步之迅速，與吾國西北交通之發展，均可驚也。

二十七日 回致宴客習慣 邊民獻物遺風

余赴南京一行，昨始回青，因馬子香主席明日爲其長公子完婚，本日余與趙專使前往送禮，卽時有酒席款待，首爲油散油小方餅，次爲包子饅頭，最後始爲山珍海味，此爲回教普通宴客之習慣。廳前陳設玉樹二十五族各代表所送禮物，滿十餘方棹，有狐皮豹皮水獺皮等數百張，西藏紅花百餘盆，西藏氍毹數百疋，銀元鑲寶共二百秤（每秤五十兩），總計約值三四萬元。在別院款待各代表以酒，有酒無肴，各出碗痛飲，且飲且歌，雖首如飛蓬，衣多袒臂，而心中似快樂。此種珍貴禮品，聞出自各民族民衆，各代表雖不遠千里而來，既不出禮，又得飲酒，樂可知也。省垣各機關人員送禮亦重，各廳廳長每人二百元，各處處長每人八十元。婦女多送衾枕繡品，聞新娘房中及後樓上，堆有繡花衾枕數百件，可知邊民重禮，而屬倭屬民對長官餽獻珍物之古風，迄今猶有存焉。

二十八日 新娘入袋 勇翁騎牛

本日馬代主席子香，爲其公子少香行完婚禮，新娘卽其表妹，年十四歲（新郎年十七歲）。家在魯沙爾，早七時馬主席率其子往迎，因回教習慣，在女家行禮，新郎之父須前往參加。儀式類新式結婚，阿訇若證婚人，男女家長及介紹人均到場參加。次序先唸可蘭經，繼詢男女雙方願意否，然後以紅布包新婦（此次用紅緞），有縫成袋狀裝入者，由其兄或叔父抱入轎中，至男家下轎時亦然，一切賓客不得見新娘面，在轎中有少女爲伴娘。新郎亦有伴郎，當新郎見余時，見二人衣裝完全相同，如無人介紹，不知何者爲真新郎也。新婦第一日戴面罩坐床上，不見任何人，當晚亦不許任何人闖房，惟親友可在院中歌舞，或在房上放炮，主人擲果品於地，亂拾之以爲樂。次夜三夜可闖房。（又聞從前有一種奇俗，卽第一夜男女須合歡，如女被拒，同輩親族或家人可持刀入縛新婦手足，想係古代搶婚之遺風。）又回俗有鬧翁翁之風，馬子香結婚時有人將老主席馬馱面塗粉物，騎牛遊街，以取歡樂。此次子香以尊嚴所關，不許亂鬧，無人敢行之。本日有高廟小學校送高抬祝賀，扮有天仙送子及連陞三級等。

二十九日 再隨可捨 離婚不易

本日馬宅新婦見客，蓋回俗結婚第二日新娘始見客也。見時新婦直立不動，各客過時皆婦行禮，見者須送新婦禮，謂之添箱。親戚近族，多送繡枕，契友送銀幣。某君來，談及回教結婚事，謂回教經典，不禁娶妾，但以六人爲限。又回俗夫妻不和離婚時，有一年猶豫期間，

在此期內，雖不同居，但一年後，可由阿訇再詢，如仍不願同居時，始正式離婚。又娶寡婦時，有一月豫猶期間，寡婦至男家行禮，由阿訇先問願否，如女不願，暫緩同居，惟寡婦仍住男家，俟一月後再問，如願時再向男家索聘禮，但此錢財歸寡婦個人，並不給原丈夫家或母家。又娶寡婦時，多在昏夜，他人可在中途搶取，住往二三家各執刀槍要之於途，誰搶去歸誰，故有猶豫期間，阿訇先問願否也。又夫婦結婚後，夫對妻無論如何打罵，妻不能說離婚二字，如說後而又不願離居時，必重行結婚禮一次，否則不能同居。種種奇俗，實多合理，雖輕視女子，壓制女子，然無論初婚再離，徵求同意，均可取也。

三十日 邊民吐痰不聞 藏婦放屁自殺

本日馬主席召集玉樹二十五族代表及其他蒙藏族領袖談話，陳專使啓之趙專使友琴均參加，據云藏民在會場秩序甚好，雖衣服不整，而終會無一吐痰咳嗽者，自更無亂起亂語之事。又據魏廳長南芳云：某次會時，有一藏婦放屁，異常羞愧，覺無面目再見他人，歸後即欲自殺，經多人勸解始已，可知藏民對於秩序之遵守，與禮貌之重視，不得以文化落後輕之也。

建設廳長魏南芳君，談及西北產名馬事，謂青海產馬之地，以壘源縣屬之烏城灘所產最佳，次如西寧之陽坂台，貴德之魯倉，亦有名。在甘肅則崑山馬有名，中央現在其地設有馬場。據統計全國產馬約一百五十萬頭，除去東北及外蒙古外，僅餘五十餘萬頭，再除去老幼二十

餘萬頭外，尚不足全國騎兵四十萬頭之用。按青海產名馬，自古著名，古傳青海產龍駒。西寧府志載：青海週千里，內有小山，冬冰合時，以良牝馬置山上，來春收之，有孕生龍種。又吐谷渾嘗得波斯馬，放入海生駒，日行千里。所載雖近於神話，但青海產駿馬，自古有名，可證一斑。又謂青海造林，自民國十六年起，十餘年來，共栽三百餘萬株，本年擬栽三十萬株，不日即屆植樹節，開始廣栽云云。

六月一日 郵局運毛 商號專利

遑源李耀庭君，以皮毛起家，余任甘肅教育廳長時，曾捐萬元爲本縣小學教育經費，余當時書一匾獎之。本日來談：謂青海羊毛，除玉樹二十五族外，以遑源大通貴德壘源各縣爲多，每年約產五百萬斤，每百斤在青海價約七十元，經包頭運至天津，可售一百二十元，現在價低，但尚不下百元。每斤以一元計，每年約收入五百萬元，除去原價及運費捐稅外，純利亦百萬元以上。運輸方法，前由黃河直接運至包頭，再經平綏鐵路至天津，現改用郵包，郵包用火車或汽車裝運，比較迅速。且從前節節上稅，任意勒索，並須派人壓運，途中不免危險。現在一交郵局，按章上稅一次，即無一切問題，異常便利。此種辦法，係渠所創始，前渠在天津郵局交涉辦妥也。惟近年青海羊毛，多由義源祥（軍政界有關係）獨力收售，且價較廉，故其他商號甚少經營。去年因軍事關係，義源祥無暇及此，遂由各商家收買。又值皮毛價漲，頗多獲利，

義源祥少收入二百餘萬元。今年恐將限制各商云云。

又據調查：青海全省（玉樹各族在內）羊毛，年產三千五百七十萬斤，玉樹最佳。皮革年產約七百六十三萬三千三百五十張，共值二千五百萬七千七百餘元以上。虎狼豹等皮為最多。又據一調查，謂青海年產羊毛總量約為一千九百萬斤，湟源二百二十萬斤，大通貴德各一百萬斤，玉樹及魯沙爾一帶各一百五十萬斤，恐不大可靠。又據建設廳本年報告，青海全省年產羊毛六百萬斤，駝絨六萬五千斤，硬毛二千五百斤，捨剝皮五百張，獾皮三百張，狐皮六千張，豹皮三百張，山羊皮十五萬張，綿羊皮五萬張，狼皮五百張，馬牛騾各一萬五千餘頭，綿羊二十八萬頭，羚羊角六百斤，不知確否，其說各異。

二日 追悼會 昭忠祠

上午九時，西寧各界在小教場開剿赤勝利追悼大會，卽徐向前所率之共產軍，至青甘境內，為青海騎兵第五師第一百師並民團所擊敗，犧牲將士甚多，本日開會追悼。余代表護送班禪回藏專使行署參加，致詞中，略謂：中國若干年來之危機，一在外患，一在內憂，外患卽帝國主義之侵略，內憂為國內黨派之不團結，欲除外患，自宜先團結內部，西北健兒，努力於消滅內憂，更望為除外患而奮鬥犧牲。日本特務機關之勢力，已由阿拉善而至額濟拉，綏遠之敗，或擴大至西北，願第七師與一百師，能為抗日先鋒，得最後之勝利，則光榮更大矣云云。

會後將犧牲將士之木牌位，送至昭忠祠（即職業學校後）。此祠係同治年所建，當時白彥虎馬占鰲等亂，陝甘回教徒響應，前清對回民一貫政策，派兵剿之，由左宗棠派劉岳年赴新疆，出天山南路，在金積堡激戰陣亡，公推其孫劉錦棠繼之，克復西寧，立忠義祠。祀各陣亡將士於其中，有匾係左宗棠書「宣威勳節」四字。又有聯為「黃流東注，湟水南來，看濁浪縱橫，百折終須趨巨海。」「胡笳勿悲，羌笛休怨，認羅旗髣髴，千載猶為聞大招。」意尚含混，不至增民族惡感。但清季所謂歷次回亂，皆係政府造成，並非回教徒好亂，且平亂中每有回將，尤足徵之。三面皆木牌位，半為前清者，半為民國者。民國牌位中，有孫殿英戰役死難各位官兵，余覺無論前清之靖回亂，及民國之孫殿英戰役，均為內戰之犧牲，甚可惜也。如能移此精神而對外，則日人不敢存併吞中國之念，而九一八之難不作，即東北淪陷，當亦早告恢復。但西北健兒之壯烈，回教將士之勇敢，實可敬佩，至對內對外，則非渠等所知也。

關於同治時變亂問題，實因極小事而釀成大亂，並非漢回問題。據聞最初發生於陝西渭南之某村中，該村半住漢民，半回教徒，遇某次廟會，村首欲回教徒同樣攤錢，回民以不信佛教，不願攤錢，而廟會時有回民小兒去看戲，漢人無知者逐之，小兒歸告父母，憤而至會場械鬥，傷若干漢人，訴之縣府，縣府不問情由，祇說回回反了，於是請求派兵殺害回民。馬彥虎從而起事，寧夏馬化龍應之，由陝而甘，攻河州，欲利用該處教民。河州人士起而自衛，與左宗棠軍合作平亂，白彥虎遂逃至新疆。可知此事初由鄉民無知，不明事理，繼因官廳糊塗，

不能慎重，於是由星火而燎原。即光緒二十一年之事變，初亦非回漢問題。據聞最初起於循化之撒拉回民，本為回教內部新舊之爭，官兵不明情形，隨意開往平亂，兩派反聯合而攻擊官軍，以致釀成大亂。就歷次變亂觀之，官廳均應負一半責任，惟只知讀死經而不明事理之回教阿訇，亦應負一半責任。寧夏主席馬少雲氏，前在紀念週中講演，謂少數念經之阿訇，將可闡發教理講經，彼輩終身讀經而不明其中真理，猶之從前文人，一生作八股文而不明事理，不知在穆哈默德時代為宗教戰爭時期，其一切敵對精神，乃對當時敵教而講，不能用之以對中國同胞。如對戰爭之行為而用於平時，對敵教之反抗而用於對同胞，實大錯誤。一般阿訇，將戰時的特殊行動，應用於一切，無怪生出許多毛病。又阿訇不讓回教青年讀中國文，外界知識無從吸收，於是隨着錯誤的觀念，而常有慘殺外教的思想云云。其語非常痛切，出之於回教領袖之口，尤為確當。

三日 青藏衝突 原因複雜

西北健兒之犧牲，回教將士之勇敢，對於鞏固邊防上亦曾表現。如民國二十一年任結古之抵禦藏軍，有足多者。時民國二十一年，因康藏衝突，三月二十三日回藏軍官沙旺千布，率藏兵四千餘，自西康侵入青海南部之囊謙及大小蘇莽等地。青海省政府先派馬馴為宣慰使，於六月七日至玉樹，欲期和平解決，繼由海南警備司令馬步芳，派喇團長平福馬旅長祿先後率騎

兵赴玉樹，時駐玉之馬司令彪，堅守結古，已兩月餘，與藏軍戰十餘次。八月二十日喇部抵玉，先後激烈攻擊，至八月二十七日，將囊謙大小蘇莽等地克復。旋因康藏議和停戰，青海亦與藏方議和，在巴達塘訂青藏和約八項，藏方駐軍應退青科寺擋頭寺以西云。

又藏軍之犯玉樹，固乘健康之勝利，亦有其他原因，可分爲遠因與近因，述之如下：

甲 遠因 玉樹東部之拉布寺，爲全境最大之一寺，西康所屬香國象哇莊荒地十三塊，畜之例，持定年納川洋六十元與拉布寺。民國十七年拉布寺墾種香國象哇莊荒地十三塊，香國象哇莊藉以不納年稅，雙方隨起交涉。是年七月，藏方出兵拉布寺（因香國象哇莊歸藏管轄），罷玉防團派員調解，藏兵退去。十八年春，拉布寺仍種地，並收香國象哇莊民三十戶，六月間，昌都之沙旺千布率藏兵向拉布寺進逼，雙方接觸，藏兵死二名，拉布寺死八名，拉布寺以無援而敗，不得已與藏兵議和，互訂條約如下：（一）拉布寺擊斃藏兵頭目二名，償命價銀一千九百六十四兩。（二）拉布寺納退兵費一千三百五十兩。（三）拉布寺輕啓戰端，罰銀一千二百五十兩。（四）拉布寺應由西藏管理，日後有事報知西藏，不得來往青海省城，倘敢違背，罰銀二千五百兩。以上數條，拉布寺一一承認，罰款如數交清，並退回香國象哇莊荒地及人民。惟拉布寺歸西藏管理一條，未能實行云。

乙 近因 玉樹境內黃教各寺院，自五世達賴時，派有堪布監督事務，玉樹蘇莽所屬之朵且寺，原奉黃教（卽紅教），後改奉黃教，數年前達賴亦派堪布來寺監督，朵且寺特堪布之

勢，日趨跋扈，寺僧乃係蘇莽族子弟，但對本族民衆，無惡不施，民衆羣起反抗，不與支差，朵且寺無處洩恨，遂將寺之附近田禾搶收，年以爲常。此田地原爲舊教德賽台寺所有，故德賽台寺僧及蘇莽民衆屢向玉防司令呈訴，結果將田地判歸德賽台寺僧，具結了案。朵且寺堪布，乃以喪權失體，嗾使寺僧向達賴起訴，達賴批交昌都之沙旺千布查辦，沙旺千布年輕氣盛，毫無成見，因戰勝西康之餘威，驕橫不可一世，遂率兵入玉樹轄境，始則以保護朵且寺爲名，繼則向玉防軍防地進展，將囊謙蘇莽等地佔領。玉防軍以人數過少，乃集中兵力，在結古防守。藏方威會將玉樹二十五族由彼接管，同時調鄂柯一帶民兵西進，將結古附近之歇武族拉布寺等處佔據，幸賴玉防軍士卒用命，及民衆之協助，始能保持結古不遂出藏軍。

四日 回字源於週紇 回族始自近代

關於回族問題，一般學者聚訟紛紛，莫衷一是。以歷史上源流言，或謂爲突厥回紇之裔，或謂爲丁零匈奴之裔，或謂爲回鹘西羌最兀兒大食回回契丹蒙古浩罕波斯諸種族之裔。以分類言，或分爲纏回（新疆）漢回（甘肅），或分爲東干纏頭哈薩克布魯特塔吉克，或分爲甘回藏回哈薩克布特者，著作家所述各異。又或謂爲回族係由回教而成，於是回族回教之辯，亦甚複雜，令人愈研究，愈不可解。

近姜國光君有回族辯，略謂「回族」一詞，實不成立。據考回字名詞之來源，由於回紇，

回紇見於新舊唐書，惟舊唐書寫「回」爲「迴」。其見北史者作「韋紇」，新唐書謂又作「袁紇」，又作「烏護」，又作「烏紇」，爲鐵勒之一部。繼突厥繼起於北方之部族。唐德宗時，其汗請易「回紇」爲「回鹘」，言捷驚猶爾然，五代及宋，均稱回鹘。重元乃有「畏兀兒」「畏吾兒」「委兀」「委吾」「外吾」諸名，今新疆之「維吾爾」，皆爲一字對音。按「維吾爾」原字，實不應譯爲「回」字，查實均元史譯文考證云：「中國北方讀回如輝，統覈諸書，實應作「畏」作「委」，不當作「回」，其誤由於唐書，至「紇」與「兀」「吾」，北方字音無大區別。」可知回紇一詞，譯音卽不妥，以致演成後來之無數錯誤。至「回回」一詞，不知所始，遼史部族表有「回回大食部」。韃靼千年史，謂「十三世紀中之黑契丹人，稱撒麻耳干之王曰回回王」。以爲由回鹘畏兀變來。陳垣回回教進中國考，亦以回回由紇轉來。可知「回回」一詞，實由回紇回鹘逐漸轉變而來。回鹘有摩尼教時代之回鹘，與改從阿薩蘭教之回鹘。阿薩蘭卽伊斯蘭，爲穆罕默德所創之教，唐高宗永徽二年以後（據陳垣考證），漸入中國，原信奉摩尼教之一部份回紇人，首先從之，五代以後，元明之際，回紇人幾全改信該教，內地人亦多信奉。但因伊斯蘭爲阿拉伯字之譯音，呼之不便，以其爲回紇人所最先信奉，遂名爲回回教。然回回教一名之初見，蓋在元順帝至正八年定州禮拜寺碑文史：在此以前，獨用回回之名，其意指其教，兼指信其教之人。遼史所稱「回回大食部」，意卽「信奉回回教之大食部」，或「回回教徒之大食部」，因其時伊斯蘭教已遍佈大食境矣。故成吉思汗興，卽以回回名

信奉伊斯蘭教之回鹘人，而以不信其教之回鶻部爲回鶻或畏兀兒，其意甚明。實則回鶻一詞，蓋以指信伊斯蘭教之人或其教而言，絕未混種族之實在內。明史天方傳：「天方又曰麥伽，回回教摩哈默德葬焉。」默德傳云：「回回祖國」，凡此諸書之回回，非指其教，即指信其教之人，所謂「回回祖國」，即伊斯蘭教所自出之國。今人不明其義，謂天方爲回回祖國，並以世界上各地方之回教徒，皆由天方移植而來，本以指其教，乃誤而指其族矣。

「回回」之簡稱爲「回」，清稱新疆南部爲「回部」（聖武記諸書），即謂信奉回教之部落。從此有「回子」「回城」「回堡」等種種名詞，即凡關於回教徒之一切，皆冠一「回」字，蓋用以爲信回教與不信回教之區別，久之竟成爲特殊之含義，凡關於「回」的一切，皆自成一系統。且滿清在西北確曾用族教相混之名詞，進行血腥之屠殺，非「回」與「回」間之仇恨，完全爲由此造成。可知「回族」一詞，造成甚晚，大約在明末清初。民國元年臨時大總統就職宣言：「今漢滿蒙回藏諸地爲一國，如合漢滿蒙回藏諸族爲一人，是曰民族統一。」繼之而有「五族共和」，「五族一家」等語，「回」與漢滿蒙藏各族並稱矣。實則民元臨時大總統宣言中所舉之回，其意所指，當爲新疆之維吾爾族，此可於孫總理民族主義中證之。民族主義中所謂「參雜的不過幾百萬蒙古人，百萬滿洲人，幾百萬西藏人，百幾十萬回教之突厥人。……」新疆維吾爾族，約一百九十九萬左右，可知其指維吾爾族（惟實非突厥人）。此「回」字既指回教之後裔，後人有「族」與「教」之爭，實深加研究云。

五日 青海藏族複雜 什足昂錯開通

班禪西寧辦事處處長李金鐘君招飲，席間有剛咱千戶及什足昂錯（昂錯係藏語官名），什足族屬化隆縣，其昂錯曾至內地南京上海杭州青島等處，能漢語，甚開通。據云什足族共八百餘戶，三千餘人，有小學校二，學生共百數十人，可知該昂錯因曾遊內地，對教育甚注重也。其土地亦肥沃，五穀均宜。剛咱族屬湟源縣，其千戶亦略能漢語。據云該族七八百戶，無學校，余十年前祭海時曾一見之，彼尙能記憶也。青海藏族甚複雜，除玉樹二十五族外，據某君調查所得保安十二族及果洛九族之戶口，及保安十二族各領袖姓名，列表如下：

保安十二族戶口及首領表

族名	首領姓名	戶數	人數
區麻族	朵日哇	600	4400
嘉務族	拉格	900	6200
牟陀族	魯才本讓	300	5700

果洛九族戶口表

族名	戶數	人數
康日千族	20000	94000
康塞日族	15000	71500
阿什羌同麻族	10000	46500

古德族	賓木爾	350	2200
瓜什吉族	光巴拉	580	4600
雅薩族	完得開	400	2700
尖木族	娘本家	400	3150
浪加族	達爾吉	240	1770
向彭族	根發	180	1500
金倉族	堪什加	750	7700
將薩族	借丹木	400	7300
賀乃亥族	賀日	600	3400
共	計	5520	41370

臺高日薩族	15000	79000
長亞哈族	1700	8000
白馬木族	4800	73000
卷欠多孀族	15000	72000
果洛亥多格族	4500	21200
阿什光女王族	8000	87500
共	計	398700

六日 西寧商業遷涼州 東北事變害青海

本日崔首席鍾英約宴，有商會會長及德盛魁號經理在座。席間談及西寧商務情形如下：

西寧城內大小商號約四五百家，共計資本不過三十餘萬元，較涼州（武威）尚不如，涼州一商家資本即有二三十萬元者。本市商業前數年均賠錢，去年較佳，但僅不折本耳。蘭州涼州之商業，去年皆大賺錢，西寧則僅能維持現狀，不及蘭涼遠甚也。又青海各商號，年來倒閉者甚多，其原因：一因民國十八年時撥銀之風甚盛，其時尚以銀兩計，各商號互撥或轉撥，多恐無效，競換銀元，以前每元值銀七錢二分，此時漲至二兩四錢，吃虧甚鉅。二因九一八東北事變後，青海羊毛不能運至天津出口，毛商多賠累。三因民國二十四年青海紙幣跌價，每元僅值二角，商號多因之不支。四因義源祥商號各種貨物皆售，等於上海之三大公司，獨佔一切，其他商號，不能競爭，因之無法維持云云。

七日 回教習俗多合理 回婦面罩爲唐風

回教某君來訪，談及可蘭經所載，與回教教規所定，頗多合理，且切人生，與其他宗教偏重哲學方面者不同，錄之如下：

（一）回教重佈施，規定一人每年之收入，除自用外，有餘者須提出一部，佈施他人，並

規定每銀十四兩提出二錢五分，每食糧一斗提出一升，每年數日，散給貧民。

(二)許經商不許放債，因經商有賺有賠，而放債只生利不虧本，不合理也。高利貸當然更所禁止，今日之甘青回教徒，多未能奉行。

(三)不許欠他人債，欠者須節衣縮食，如欠債而富食美衣，為教所禁止。故回民多能刻苦自謀生活，無累債，亦無乞食者。

(四)不重厚葬重佈施，回教教規，人死後淨身以白布纏之，用公棺（活底至墓後抽底而尸下），不用衣衾棺槨，但依家產之多寡佈施數日，使實惠及於社會，不至埋藏地下。且有定數，亦不至為虛名而蕩家產，較之儒教之重厚葬，其流弊至傾家財以厚其衣衾棺槨而埋藏地下，甚至用種種寶物殉葬永埋地下，無益於社會者為合理。即佛教注重尸塔，高僧喇嘛死後，用金銀珠寶鑲嵌寶塔，價值無數，或誦經點燈糜費鉅款，於社會平民無益者，亦不如回教葬法之合理。

又回教婦女尚用面罩，余覺係古代輕視婦女之遺風，現在不大合理。但某君謂此風非由於教義之輕視婦女，據傳係唐平定安祿山亂時，有回教徒兵士三百人參戰有功，皇帝以婦女三百人賜配之，但老幼美醜不一，乃令各帶面罩，任配之，後遂以為風，不知確否。又謂回民無姓，李馬虎等姓皆唐時所賜，亦未知然否。

八日 隍廟道士誦經 西寧先哲有祠

本日擬赴滄源未行，西寧道士在城隍廟爲陣亡將士誦經，余往觀之。大門內設鄂都城，前立一高竿，上懸布製之女頭蛇身物，不知何意。左右有講聖諭廣訓及宣講拾遺者，此種社會教育，係前清的專制愚民政策，至現在尙未變更，可知邊地之社會文化矣。正殿兩懸彩畫神像，並書許多神位，數道士道衣道冠誦經其中。殿後及左右廊有老翁老婦數人，跪地誦經，如唱歌，手並搖鈴，音調合拍，頗爲悅耳。城內婦女來遊觀者甚衆。

最後一院，左右爲先哲祠，內祀清季曾任西寧文武官職之牌位，錄其要者如下：

欽差大臣太子太保兵部尙書升任新疆巡撫前西寧兵備道世襲一等男爵謙襄勤劉錦棠字毅齋神位

欽命頭品頂戴尙書銜督甘肅軍務節制前敵各軍提督甘肅全省軍門雲騎尉世職阿幫抗阿巴圖魯軍功加六級董福祥神位

欽命頭品頂戴鎮守甘肅西寧等處地方統轄漢土番回掛印總鎮都督府統領鎮西馬步全軍升任陝西全省提督軍門砂博德恩巴圖魯加六級鄂增神位

西寧青海辦事大臣升任察哈爾都統奎順長生祿位

西寧兵備道署理西寧辦事大臣聯奎長生祿位

此外有數十牌位，不可勝計。內滿人居大半，長生祿位至現在，亦奇矣。

晚各友來談，留居數月之西寧，即日告別，且將登千里不見人煙之長途，不免依依。俱送佛年餘，未出內地，且由西安而蘭州而西寧，皆余齋遊之地，殊乏興味，從此入邊地生活，旅行新地，反覺興趣濃厚，急欲首途也。

六 由西寧至玉樹

九日 別西寧楊柳成行 經湟源政教一斑

早七時就道，離西寧，楊廳長子高崧首席鍾英等，乘車遠送至郊外。寧湟途中，夾道綠楊成行，水渠縱橫，足徵水利之盛。麥田中許多婦女在炎日下除草，頭戴大圓帽如傘，直徑約三尺，中爲竹編，外纏白布，上或以藍布爲花，美觀亦奇觀。途中村莊甚密，經鎮海堡，有高級小學校，十年前余任甘教育廳長視察西寧教育時，曾至其中，現附設初級農業職校，此一帶爲青海農業區域也。未幾至札馬隆，保藏語紅山溝之意，由此入山峽，楊柳成林，山上綠草滿舖，羊羣時見，大似夏河流域，仍爲兩山之間夾一水（湟河）也。

下午五時抵湟源縣，仍寓十年前所寓之教育會中。馬縣長係余十年前在甘教廳任內時所委

之教育局長，即在城外林中架帳房設宴，藏俗也。藏俗多於夏日在林中娛樂，以飲以食，且歌且舞，名之曰逛柳林。湟源即前噶爾丹，原爲藏民聚居來往之所，故多藏俗。每年五六月城內飯舖即移南門外河灘柳林中，每日下午男女結隊往遊，飲食歌舞，一如藏俗。一般人宴客，亦多於其地，故馬縣長特架帳房數座，設宴此地也。是日途中熱甚，余衣拾衣，林中忽雨，且天晚，又寒不可支矣。

余未至湟源前，史秘書覺民先往數日，即令調查政教經濟情形，本晚湟源學商各界聞余至，皆來訪，半爲十年前舊識，談各方情形甚詳，並由馬縣長供給各材料，分誌如下：

一、沿革 湟源在周秦時爲西羌地，漢王莽時置西海郡。隋大業三年於青海南置海河源，或於青海置南海河源等郡。唐黑齒常會於河湟開屯田五千餘頃，肅宗寶應時陷於吐蕃，五代宋元爲喃囉廝所據。明正德四年蒙番亦不剌等南侵，遂據青海游牧，番人多遠徙。明末商賈漸集，就水土之便築成村落。清雍正元年羅卜藏丹津犯郡屬討平之，五年築丹噶城，九年移高台主簿駐之，道光九年改主簿爲同知，民國二年改湟源縣。

二、疆界 湟源四界，東接西寧至黃草灣爲界，西至馬鷄嶺與都蘭爲界，南至日月山與共和縣分界，北至河拉大山與西寧分界，東西長約九十里，南北寬約一百一十五里。

三、人口 據縣府調查，全縣人口計五千三百一十戶，男一萬七千二百二十四人，女一萬一千四百九十六人，共計二萬八千七百四十人。內漢人一萬四千三百七十人，藏民八千六百

二十二人，回民五千七百四十八人。

四、山川 縣境居羣山中，西北接祁連餘脈，東南控積石支流。其山之著者：（一）日月山，在西南距城八十五里，高三千四百公尺。（二）拉拉達坂山，在縣西五十里，高六千三百七十公尺，終年積雪，俗稱雪山。（三）翠山，在縣南四十里，高六千五百四十公尺，即八景中所謂南屏積雪。（四）鄂博山，在東南五里許，高三千三百公尺。（五）八寶山，又名無極山，在城東里許，高二千九百三十三公尺。山腹有文昌宮，魁星樓，無量佛宮，三義廟等。每年七八月間廟會，內外設飯館酒肆，游人甚多，即八景中所謂北極梯雲，因五峯如北極。（六）河極大山，在縣北十餘里，高三千一百公尺。

至湟源河流：（一）湟水，發源於東西二處，在縣城南會合，藥水河由西南注之，過懸河爾塘出峽，入西寧境。（二）拉拉河，發源於日月山，東北流至李大莊入湟水。（三）藥水，發源於縣西南噶爾藏嶺三源至察罕素卡河而東北流，至城南入湟水。

湟源欲購買水電機，先測量本市北郊外湟水，據水電工程師唐仁傑君測量，計水位之高，每英里爲三丈五尺，可在一處架設二十五座水磨，每分鐘爲九千五百六十九方英尺。

五、古蹟 湟源古蹟：（一）三角城，在城西北四十里，有石虎磚瓦等片，民二十三年出土之瓦當，上有「西海安定元興元年瓦當」十字，識者謂爲西漢時物。（二）西海郡，在臨先縣西一百二十里，王莽遣使諷卑禾羌獻北海，元谷鹽池，置西海郡，治龍夷城。（三）唐公主佛

堂，在縣西北四十里，俗稱柏林嘴，土人曾掘出銅錢，上有開元年號。

六、政治 湟源縣署分三科，經費每月二百九十元。第三科長兼教育科長，教育科經費由教育會教育基金項下支出，全年六百七十五元。行政警察隊長一人，士兵二十七人，原有經費二千七百元，由四鄉人民及商號分攤，因歷任縣長飽入私囊，任其藉詞訟向鄉民需索，去歲省政府總解省矣。

七、田賦 湟源田賦款項，據馬縣長所陳者如下：

番貢正糧四百九十石一斗二升三合，新墾正糧八百五十九石九斗，除寺主四成東科寺津貼糧外，公家收二百七十五石九斗四升。番貢斛面土驗料八十三石三斗二升一合，新墾斛面土驗料二十六石四斗九升。番貢百五師（即馬步芳師）經費糧二十四石五斗五升，新墾百五師經費糧十三石七斗九升七合。番貢新墾每畝倉石附加警察費洋一角三分四釐二毫，附加法院經費洋三角八釐六毫。

八、稅務 湟源有出入山稅局及鹽務局，情形如次：

湟源出入山稅局，為青海省四大稅局（西寧魯沙爾……）之一，據調查如下：

（甲）入口

種	類	數	量	價	格	稅	捐
羊	毛	乙五〇〇〇〇斤	每百斤二十八元			每擔三元三角二分	
老	羊皮	二五〇〇〇張	每張一元二角			每擔四元五角	
黑	中上 下	羔皮	二三〇〇〇張	每張中一元五角 上二元 下九角		每擔三十元	
白	中上 下	羔皮	七〇〇〇張	每張中八角 上一元 下四角		每擔十八元	
野	牲皮	二〇〇〇張	每張七元五角			每擔四元五角	
半	皮	四〇〇〇張	每張三元			每擔四元五角	

(乙) 出口

種	類	數	量	價	格	稅	捐
青	標	六〇〇〇石	每石二十元			每石二元五角	

副茶	五〇〇〇〇封	每封三元八角	每封二角五分
斜布	五〇〇擔	每擔二百七十元	每擔九元
黃菸	四〇擔	每擔五十元	每擔四元
酒	二〇擔	每擔六十元	每擔十五元
雜貨	五〇〇擔	每擔八十元	每擔三元
掛麵	四〇〇擔	每擔十五元	每擔一元五角

隴源鹽務局，係財政部西北鹽務收稅總局分局之一，所屬有大通，察卡，上五莊，西寧，魯沙爾等五支局。該局經費分局及緝私隊二處，每月經費二千三百元，緝私隊一千七百元。該局所有青鹽完全為察卡所產。

察卡在都蘭縣境內，鹽池面積東西長約一百八十餘里，南北寬約八十餘里，周圍二百餘里，四周係鹽漬之泥灘，自錫拉庫特爾山之莫拍河，與布拉池，察汗察罕，烏蘇河，匯為此池。此鹽池原歸霍碩特西前旗青海王碩特西後旗柯柯王，及霍碩特北左末旗察卡王三人管轄。

取鹽之道，分三路，在西北者屬青海土，東北者屬察卡土，西南者屬柯柯土。住者由貧苦蒙民向各該王領照挖鹽，照裏運往湟源西寧一帶售賣，易換布糧，現由公家設局督運，挖鹽仍係蒙民就地張幕，挖時以鐵鈎撈取。鹽係天然生成，挖後一經天雨，即可復平。每日運鹽之馱牛以千計，購鹽者到鹽池時由督運局代雇蒙民撈鹽，每馱工價三角，全年可產鹽約二百四十萬擔。青鹽價格，隨各種稅捐為標準，每擔正稅四元二角，整理稅二角，成規費三角，建設捐五角，鹽價（即腳價）五元，合之即每擔之售價。蒙藏民運鹽至湟源鹽局，即以青稞與之交換，每青稞一斗，換鹽一斗。又鹽局雖歸中央，每年補助青省府五萬元，又軍用鹽二萬斤。

九、教育 湟源縣立完全小學二，一為中山大街小學校，一為東中沙小學校，附民衆學校。又縣立女子小學一處，附幼稚生一班。西關初級小學一處。至各校全年經費，中山街小學，一千六百元，東中沙小學一千五百四十一元，女子小學一千六百八十三元，幼稚班二十六年開辦，經常臨時費共六百七十元，均為教育基金保管委員會按月開支。此外鄉村初級小學校，計四十三處，經費就地徵收，即教員薪俸每年秋後按地收糧。每員多者三石，少者二石，或一石五斗，屆時由教員攜袋與斗，由學董領導，沿戶催收。

又社會教育，一為圖書館，內附閱報室，有天津北平青海各日報。一為民衆教育館，今春馬縣長籌設。（仿蘭州，余在甘教廳時，彼任縣教育局長。）有陳列室三，懸動植物及歷代名人掛圖，並新生活運動圖，及女學生手工刺繡等成績。又有運動場及保彈等器械。一為縣立兩

級完全小學之附設民衆學校，約有小學生二百七十餘名，課本係商務中華最近出版者。

據地方調查，湟源受過小學教育者，男約一千三百餘人，女約百餘人，受過中等教育者男約四十四人，受過大學教育者男四人。

十、農業（附土地及農民苦狀） 湟源全縣水地二萬零二百一十三畝，旱地五萬三千五百零八畝，荒地一萬五千九百餘畝。上等水田每畝價約六七十元，中等水田五六十元，下等水田三四十元。旱地最高每畝約二十餘元，最低約六七元。山地最高十餘元，最低三四元。荒地多在東科爾寺札藏寺三角城等處。此種荒地，多由富者佔領，待價而沽，一轉手間，獲利無算。且將自己熟地應負擔之田賦，分配於購買者，因之發生有地無糧，或糧多地少等弊。又以水旱災及苛捐雜稅，人民無法謀生，及將己地轉售他人，而買者又乘機勒索買地不買糧，而賣者只得忍受，於是又發生有糧無地之弊。

又湟源大地主約五六家，每家多至數百石或百餘石地（每石約合內地二十五畝），自耕農一千四百餘戶，自耕農兼佃農一千五百餘戶，佃農一千餘戶。

佃農向地主租地，以五斗地爲最普通，租後地主或以耕牛糧食金錢及農具等接濟，每斗地最高年租爲一斗五升，最低八升，每年十月爲交租期。

湟源貧農最多，每年二三月間，衣食缺乏，向富戶或商號借貸，如布一疋值三元者作價六元，麥子值二十元者作價三十元，俟八九月間麥收後歸還，因無金錢，仍以麥豆付還。此時

麥豆價廉，每石約十五元，即借一石還二石，如歉收不能歸還時，另寫借約，將水旱田作抵，利息普通為四分，期至次年八九月為止。如再無力歸還，即照約管地，或抵補現金若干，將地收買。此種高利貸為法所不許，鄉農所不知也，以習慣相沿，視為當然。

遼源農產物，以青稞燕麥為大宗，小麥山芋豆菜子等次之。茲將二十五年全年之產量及價值，列表如下：

種類	每年產量	每石價	價值總	值
青稞	四千一百石	二十元	八二〇〇〇元	
燕麥	三千二百石	十一元	三五二〇〇元	
小麥	一千五百石	二十五元	三七五〇〇元	
山芋	二千五百石	十二元	二九一〇〇元	
豆類	三千三百石	二十二元	五〇六〇〇元	
菜子	六百石	二十五元	一二三〇〇元	
合計	一萬四千二百石		二四六七〇〇元	

又隴源沃地，十分之三以上爲各寺院所佔，耕者多係佃戶，租額約爲十分之六。隴屬東科寺，曹家喇嘛應納田賦營買糧等悉令租戶負擔，其地各寺院所用柴草等，亦由租戶供給，因之農民終歲所得，除剝削外，只足八九月之用，每年負債纍纍。

城內商號，因放債關係，十之八九均有田地，轉租貧農，正糧由地主繳納，一切攤派，由佃戶負擔，而糧食則平分。

十一、畜牧（附獸疫） 隴源除農業外，畜牧業亦盛，茲詢查所得產額如下：

馬六千三百匹，騾及驢一萬二千五百頭，牛一萬八千七百頭，羊一萬五千二百隻，驢駝三百頭。惟連年瘟疫，損失甚巨。據西北防疫處調查，牛病爲牛疫傳染性，肋膜炎口疳疫及炭疽等，羊之疫病爲炭羊痘痘口蹄疫，內寄生蟲疥癬喉腫及頭腫等，馬之疫病爲炭疽鼻疽及疥癬。

十二、工業 隴源工業，以皮毛業爲主要。操皮業者二十餘家，係由生皮製爲熟皮，計野生皮年出四千餘張，老羊皮八萬餘張，白黑羔皮六萬餘張，狗皮千餘張，牛皮兩千五百餘張。牛皮熟後，又多製成皮靴，售於蒙藏民。操毛業者，毛毡年出三百餘條，毛布口袋年出一千餘條。野生皮爲熊狐獾豹狼等皮，行銷內地平原等處。

十三、商業 隴源商務，因毛皮關係，前甚繁盛，自十八年馬仲英攻陷，商店多被燒燬，兼以數年來毛皮滯銷，青海鈔票跌落，倒閉甚多，及二十四年皮毛價漲，銷路暢旺，始見轉

機。全縣商號，資本在十萬元以上者，爲忠興昌世誠當德興等，五萬元以上者爲日隆盛復興盛等數家，一萬元以上者，爲三興合三興盛德義成等數家。由內地輸入貨物，以布疋綢緞麻線紅白糖磁器茶葉電料紙烟等爲最多，由西藏及玉樹輸入者，爲德德藏青果藏棗藏羔皮毛鹿茸麝香等等。又洋商之業皮毛者，有美最時，瓦利慶，振西，乾源，普綸等，總行均設在天津，其買辦常川駐西寧，於每歲二三月（春毛時期）與七八月（秋毛時期）來溫源收買，獲利甚巨。

十四、礦業 溫源礦業，未經調查，據聞第四區茶石浪地方有炭礦一處，面積約八方里，前由商民鮑永忠呈請開採，以礦深不易採中止。又第二區小寺地方有玉礦，面積約三十餘方丈，已由人民開採，可製手鐲酒壺等物。又第四區壩河地方，有鉛礦一處，尙未開採，面積不詳。

十五、氣候 溫源氣候，夏季溫度最高爲華氏七十度，冬季最低爲攝氏零下二十度。雨量春夏季少，秋季則陰雨連綿，全年雨量二十吋左右。風向二月至七月以東南風爲多，八月至次年二月西北及東北風最多，且風力甚猛，結冰期在陰歷八月中旬，至次年三月解凍。

十日 離溫源大雨滂沱 宿藥水雙溪繞流

下午一時，離溫源，大雨滂沱，因屆雨季，無日無雨，不便因之而改期也。途中人烟較多，向西南行，五里經蒙古道，村居民數十家，十五里又一村，客店數家。由此入峽（藥水峽

即湟水峽），石岩壁立，上刻字甚多，如光緒乙酉之「開山通道」四字，道光十年之「水氣山喉」四字，民國八年之「海藏通衢」四字。所謂海藏通衢者，即由青海入西藏之大道，余等自不得不由也。沿右山麓，清流在左，其聲潺潺，兩山對峙，草色青青，間有樹木，山青水綠，楊柳依依，其形勢風景，全似由土門關至拉卜楞之途中，與甘肅道中牛山濯濯者大異。農田亦就山凹水濱，依稀不闕，較十年前進步多矣。

三十五里抵藥水鄉，山勢至此忽開朗，田疇密佈，居民數十戶，余等即野宿於離鄉半里之草灘中，插帳而居，開始帳幕生活。宿地雙溪澆澆流台抱，草灘如三角洲，其水爲湟河之支流，村傍藥水，故名藥水鄉。有水磨，農產爲青稞大豆油菜燕麥等數種。

十一日 開始帳幕生活 回憶蒙古風味

因昨日倉卒就道，二百餘頭驛馬，須加整理，故本日未行。其地居民有藏族三十餘戶，俱漢化不通藏語矣。農牧業兼營，清晨有來帳前售牛乳者，先後數起，每壺國幣四角，雞每隻價亦四角，來送柴草，與以重值，各歡喜而去。

其地有小學校，學生三十餘人，教員一人，皆漢人。據云三四站外有溫泉，七八站外亦有溫泉，水甚熱，或即藥水，此爲命名之由來。

昨晚一律帳房，大小帳房二十餘座。余與趙專使高參軍每人一帳，專使之帳且有門窗，另

有頂棚，完全如屋。其他各職員每四人或五人一帳，勤務馬夫十人一帳，本日詳細分組。驢馬放山坡，自由食草。睹此情況，不禁憶及蒙古風味。惟此次準備充分，人馬浩蕩，不似十年前赴外蒙古時之寂涼苦况矣。

十二日 溫泉冬日始浴 呂廟夏季可遊

本日仍未行，宿地距東科爾寺十五里，此寺因係清季每年祭海後會宴各王公千戶之所，頗有名，余十六年代表祭海時，曾宿其中。同人吳抱平莊學本等馳馬往遊，歸時謂途中三里處有一溫泉，惟係冬溫夏涼，現在水冷，未能一浴爲憾。又謂途經山間中，聞有煤礦，數年前曾開採，因不旺，已中止矣。

又藥水鄉山上有呂祖廟，爲附近名勝，友人朱錦屏君（遼源人）曾重修之，每年夏季西寧遼源之遊人甚衆，寺左右松林甚茂，風景頗佳，附近小寺甚多，寺中可住宿，並有養馬處。

十三日 宿臥窩鷄鳴犬吠 過端陽笑話勸斗

上午十一時始就道，途中僅經一村，約六七十戶。下午一時許抵臥窩，卽宿，謂三十里，實二十餘里，因其地與東科爾寺一山之隔，有人家三四十戶，柴草方便，並有牛奶等食物可購，故通行早宿也。

又本日爲舊歷端節，晚飯後趙專使召集同人及護送者開茶話會，令每人各獻一技，於是有人唱藏歌或平劇者，有爲粵音或歌絃遠小調者，有說平津鼓書者，不能唱者或作雞鳴，或效犬吠，甚或爲牛聲，又有翻筋斗於草地上者。輪次及余，無一技之長，不得已，允說笑話，但實非笑話。謂戰國時齊孟嘗君田文以端陽節日生，長而好士，客有雞鳴狗盜之徒，趙專使在秦晉亦素以好士稱，今晚之會，雖無狗盜之徒，而有犬吠之士，不備有雞鳴之客，更有牛鳴之才，趙專使門下客之多才多藝，勝於孟嘗矣云云。亦博得同人一笑。

十四日 觀日月山 宿涼海沿

本日因途遠，早六時半卽就道，向正南行。未幾至日月山，天忽晴忽雨，雨忽大忽小，大時如注，高地氣候真變化無常。余等乘馬而行，雨大時水由頭頂順身而下，雨小時余與趙專使步行而登，山雖高海拔三八五〇公尺，但因地勢已高，且道平而不陡，故不覺高。道旁有一新碑，書日月山三大字，山上又有一碑，刻日月形，係舊有者，余十年前已睹之。日月山之名，不知何所取意，據傳唐文成公主下嫁時，藏使臣索金日月與吐蕃，可免往，唐王與之，而大臣易爲瓦日月，公主憤而擲之，適行此山，故名。其說雖爲不經，而文成公主之爲藏民重視，與此實不無相當關係。且以後漢將貿易，以此山爲界。又年羹堯亦擊敗羅卜藏丹津於此地，故山雖不大而名大。山中綠草萋萋，惟有一段爲黃石，聳峭似華山，頗美觀，趙專使謂爲銅礦之

微，不知確否。約三十里，經倒淌河，因中國河川多東流，此水西流入青海湖，故名。

未幾出山，爲一大平原，惟因爲寒，全爲草灘而非農田。但有車道，直行有營房，爲青軍驛地。余等偏西行，至尕海沿宿，甘青呼「小」爲「尕」。青海湖附近有許多小海，因名「尕海」。其地爲大草灘，因近湖，且大雨後，水灘無數，綠草如茵，插帳篷少困難，而放馬則極方便，故決定卽宿其地。本日途遇羴牛隊，犬數頭爲赴草地經商者。又有來者一隊，係某活佛赴塔爾寺禮佛者。遠望紅黃色服飾及馬匹，疑爲歡迎者，近始知之。又山中駝馬死尸甚多，據送余之兵士云，每年來往經此道之驢馬約萬頭以上，死者約二千餘頭，可謂努力邊塞之犧牲者。

余等每日出發時，前站一小隊先行，據云渠等今日所行之道爲另一路，曾望見察罕城與青海湖，余等則未見也。察罕城在察罕托羅海山之南，其山爲日月山之分支，蒙語「察罕」「白」意，「托羅海」「頭」意，謂白雲常覆於山頭也。清聖祖親征噶爾丹遣使宣諭諸部落會盟於其地。雍正時平羅卜藏丹軍之亂，亦誘諸部落盟於其地。道光三年，以其地當孔道，建城堡，青海長官每年祭海，召集蒙藏王公千戶行會盟禮於其中。光緒三十三年復建海神廟於城外，余民國十六年祭海時，卽在廟內。城已毀圮，迤西爲將軍台，可望見青海湖。察罕城東北距溫源一百二十里，東距哈拉庫圖七十里，南距倒淌河十餘里，附近可壑。

青海湖中心有海心山，西歷一九〇七年（卽光緒三十年建海神廟之年）夏俄人科次羅夫以

布船渡水至山上，土人以爲天神，科氏測得山在湖中部，湖之最深處約一百二十呎，表面水溫爲華氏五十八度。海心山地質從黃崗岩與含雲母之片麻岩而成，湖岸三五里爲砂質。

十五日 途中雨水成河 道旁野花似錦

早七時半就道，西南行，大雨不止，重裘猶寒。行草地中，道路泥濘。旋入山，但低而不陡，忽上忽下，愈行雨愈大，道中水流成河，約三四小時出山，爲一大平原，田疇青青，一如內地，渠水縱橫，經十餘次，多係因雨而成。沿途無一人家，但野花盛開，如狼毒花馬蓮花及某種小黃花，滿佈草原，如鋪錦毯。

下午一時抵恰卜恰，距涼海沿約五十里，卽插帳宿高崖上，無草，但其地農業甚盛，有乾草，宿後燃牛糞烤濕衣，藏民男婦羣來參觀，均赤足，僅衣無面老羊裘一襲，惟面目清秀類漢人，詢之大半漢父藏母也。未幾有馬營長全順來歡迎，據云營盤距余等宿地約十里，本日溫度四十三度，氣壓五零一。

十六日 恰卜恰別有天地——共和縣新開樂園

因連日大雨，衣物盡濕，本日天晴，休息一日，以便晒乾衣物。且此地爲農業區域，距村莊軍營俱近，有柴有草（乾草），並有恰卜恰河水，亦方便，故未行。宿地在崖上，恰卜恰河

兩岸爲崖，各高二三十丈，東西相距六七里，中爲河谷平原，南北屈曲狹長，直至共和縣約三十里中，田疇錯列，渠水縱橫，氣候溫和，爲塞外樂土。居戶農民半爲漢人，係前青海墾務局所招來者，但皆貧民，大半爲藏民服役。

共和縣原爲郭密地，有千戶，每年向人民徵稅甚繁。自縣府成立後，令人民僅納糧一種，由縣府將所得糧之十分六交於千戶，一切訴訟等權歸於縣府，人民稱快，不知有千戶矣。

下午至恰卜恰鄉訪鄉長，並與一川人談，據云：此地原爲蒙古日里克貝勒轄地，後歸公，五十年前，始開墾，現全爲農民。此鄉多藏民，大半係四五十年前自巴戎縣移來，數年前尙以畜牧爲副業，因民國二十年以來，連年獸疫流行，羊全病死，迄今純爲農業矣。農產品小麥爲主，青稞豆類次之，蓋此地兩面爲崖，風少而暖，又有恰卜恰水可資灌溉，以故農業甚宜。自改縣後，此鄉有六十三家差，每差給地一石五斗，房院一所，每年納糧二斗，及其他雜差約需糧一石二斗。每年豐收時，一石五斗之田，可得糧七石餘，除納各差外，可餘六石，衣服約需三石，歉收時借款納差，每借一石，次年還一石二斗，借銀息路同。給差時由鄉長辦，鄉長有二人，一係老主席（馬騾）時所派，一係新者，輪流，差民房地子孫可承繼佔用，但不得出賣。婚姻自由，婚前戀愛自由，故花柳病甚多，患者十人而八，但婚後尙大半守貞。男娶女時聘禮多者二百元，女贅男時亦付金於男家父母。人死天葬，請僧誦經二日至十四日，送喪時全村男子全幫忙，主人須招待飲食，每輪流至數日。寺廟距此村數里有謙日寺，甚富，有馬數

百頭，羊數千隻，本日雨雹，大如豆。

十七日 沙珠玉鄉多沙漠 短小教師忘短字

早七時行，失一驛，曠漠無人烟，無法覓得。本日途中全草地，且半爲沙乾，草亦爲蒸乾葉硬之草。沙中草墳無數，蓋根繫結，周圍之沙被風吹去，留爲墳狀。黃牛羣時見其間，一切景况，有類蒙古大沙漠。約四十餘里，灘寬，望見一水，名大連海，復行十餘里，抵沙珠玉鄉。有水一渠，據云此水由察罕鹽池來，流經五站之遠，一帶土房棋布，渠水縱橫，農田有小麥青稞油菜山芋等，一望青青，風景大異，卽宿其地。

余等宿草地中，望見村莊不遠，渡水往遊，至一蕭姓家，據云此地原爲都休千戶地，名郭密，現名沙珠玉，上下村。民國十四年，有河州人來，始開墾，不數年移來漢藏回民百戶以上，因前年旱災，去年初卽降霜成災，兩年農田歉收，多逃亡，現兩村僅七十餘戶，漢藏民約相等，均爲差民，種公家地，每差規定年納糧二四斗，實際每年差需一石。水田豐收時，每畝青稞二石，但因多雹，霜又早降，故每畝收，又畜牧者有草頭稅，每馬一匹或牛二匹或羊二十頭，每年俱收羊毛三斤半，其餘羊毛，定價每百斤二十元（用二十兩秤），全歸義源祥收買，半付茶葉，半付現金。聞該號運售天津，每百斤約七八十元。

上沙珠玉有一短期小學，教漢人子弟，共十二名，教員一人，循化人，初小畢業，年十五

歲，每年薪金八十元。余等請其書學校情形，將短字矢旁書在右面，豆旁書在左面，可知其程度矣。但初小畢業生，亦無足怪。據云共和縣除縣城高小一所約二十餘人外，有加磨台及加什達初小各一所，又哈什吐亥及本村短小各一所，惟所用課本爲教科書，已難能可貴矣。

宿地海拔三千二百二十公尺，溫度最高華氏五十六度，晚四十度。農田中正除草，有漢藏婦女在田中工作，互相唱歌，其聲清越，據云多爲他人工作，每四日得工資青稞一升。

十八日 河名甘草 族皆郭密

早七時就道，因本日擬宿切吉，途程較遠，故黎明即起，同人以明日可趕至大河壩，無不興奮。初西南行，經大草灘，全爲沙原，大類蒙古，且有沙丘起伏，高丈許，細軟成波狀，風吹沙動，如走馬燈，有草處墳起，遍地疊疊。未幾左方見一河流，行約四十里，渡河，俗名甘草河，有小河，藏名香兒鋪，漢人名曰甘草海，因附近產甘草也。旋登一陡坡，坡上爲平原，約十餘里，又下坡，行灘中，望見遠山積雪，風景頗佳。灘中到處積水，現紫色，不知何故。旋上坡，又爲一平灘，草灘中有牛馬，遠望見土牆，知有人家，已至切吉灘矣。又行十餘里，下坡，至切吉，宿於山麓水濱，時已下午五時許。本日行約八九十里，且登坡渡河，經水渠無數，人馬俱困，幸宿處水草豐美，驢馬得飽餐飽飲也。

附近有居民，據云皆郭密族。（郭密族分佈甚廣，分上下郭密，上郭密土沃農牧兼營，下

郭密地瘠多游牧，昨日所經者當爲上郭密，本日爲下郭密。現有總千戶一員，千戶一員，百戶九員，共轄九族：曰忒讓族，曰江拉族，曰多利族，曰登楞族，曰火木族，曰質蓋族，曰作什拉族，曰當加呼却族，曰賀加爾族，共約四千戶。

十九日 黑帳房犬吠羊鳴 大草灘兔馳鳥飛

早六時半即就道，因本日須趕至大河壩，路更長也。初沿切吉水行溝中，旋入山，有黑帳房數座，犬吠時聞。余與馬營長入一帳中，帳外有木椿，繫一猛犬，吠聲喧喧，經主人叱之，余等始入帳。所謂黑帳房者，非白毡圍成之蒙古包，亦非白布藍布縫成之軍用帳棚，或普通帳棚，乃係黑牛毛織成之布，數幅相縫，以繩與竿繫架之，狀如覆斗，前面大開爲門，移動甚易，青康西藏邊牧區域皆用之，大致相同。帳內中爲長灶，高四尺許，前狹後寬，上有糞倉，碗覆其上，蓋牛糞即薪也。兩旁隙地，食於斯，寢於斯，工作於斯，客來坐於斯。

余等坐後，有一藏婦爲余等烹茶，其裝束頗奇，如背垂銀物如小碗，項繫紅黃珠串，尤奇者手鐲以多爲貴，左腕有九，惟若化學製，價甚廉耳。胸前有銀盒，內爲護身佛，此帳固中產家也。帳內有羊羔數頭，長尺許，時鳴求母。

旋乘馬前行，仍爲草原，山麓陰處有積雪，四面山頂上亦有白雪皚皚。約行五十里出山口，爲一大草灘，時見羣兔出馳，小鳥飛鳴，足破岑寂，並遇野馬羣奔騰而過，王翻譯信安聲

斃其一。灘長三十餘里，小草密生，鳥獸蕃殖，想見古代中原狀況。惟樹木缺乏，故野獸甚少。午後遇雹，大如豆，頃刻滿舖草原，但頃刻又晴，未幾望見營房如城，馬營長等馳馬來迎，至營房前下一大坡極陡，余等下馬步行，約二十分鐘始至溝底，帳房架溝中水濱，兩岸懸崖如山，實則上為平原，中被水沖，不知幾經年而成耳。

二十日 助勒蓋宜農墾 大河壩通汽車

本日仍宿大河壩未行，夜中降霜甚濃，帳房全白或結成冰塊，原上海拔四二零七公尺，溝中為三千八百六十公尺，相差二百餘公尺，如宿原上，更覺寒冷，午雨雹極冷，但未幾又晴，午後復雨雹。

大河壩水，藏名紅曲，宿處寬四五丈，深三四丈，發源於積石山，北麓東流，入於黃河。兩岸雜木叢生，並有松柏，日月山至此始見樹木，有水有草有薪，實為良好宿地。但無人家，據云前本有黑帳房不少，因兵營設此，均遠遷至數站外，以避支差。河之上游，有地名助勒蓋，一稱班禪玉池，前代班禪曾插帳宿其地，故名。清季陝甘總督那彥成曾擬在助勒蓋一帶設防開墾，以經費無着未果，現附近有牧民。下游為呼呼烏蘇河，兩岸土質膏腴，水草豐美，迤東濱黃河一帶至於共和縣，地勢較低，森林礦產俱富，氣候溫和，農墾尤宜，故其地居民較多，農牧兼營。大河壩一帶牧民，為阿曲呼族，精有曲加等三小族，有千戶一員，百戶八名，

原三千餘戶，現恐大減。

下午馬營長在營房中設宴，余與趙專使等數人前往，須上大坡甚陡，由下至上，計近二千步，駐足十餘次，始至巔。營中有屋數十間，係民國二十一年所築，原可容一旅人，今僅十兵士，一營長耳。原有軍用電話，現線斷，原汽車可通，車道依電桿行，尚平坦，稍加修理，即成公路。

二十一日 珠簾寨遺跡 折支縣新址

本日因烏拉未至，仍未行。據云輝支烏拉之差民，爲汪什代克二馬族。(按汪什代克族轄有三小族，有總千戶一員，千戶一員，百戶八名，屬民二千餘戶，在青海西北岸沙爾地內及布略河流域一帶。)距大河壩近者三四站，遠至十餘站，馬營長作成已派人去催半月矣。但先來者已候十餘日，每馱送至竹節寺僅價五元，來往須月餘，苦可知也。

大河壩水草豐美，已往爲蒙藏民聚居之地，其地勢在兵事上頗重要，如懸崖壁立，中有大溝，瀕崖可無後顧之虞。故在歷史上種種傳說，或謂附近有唐珠簾寨遺跡，或謂清時年羹堯在此敗於羅卜藏丹津。民國二十年藏兵犯玉樹時，青軍在此駐一旅之衆，因過此天氣愈冷，交通愈困難，不啻爲青海南北一交界處也。二十二年青海省政府以此地爲寧玉(西寧玉樹)要衝，擬設縣治，並劃阿曲呼都秀曲加等族，並共和縣屬之切告，果洛之仁慶現族爲管轄區域，縣名

擬定折支，呈請內政部未決定。

早晴，午忽雨雹，旋晴，未幾復雨雹，並起大風，驟冷，衣皮袍，晴復易袷衣，高原氣候變化真無常也。

二十二日 兵夫辛苦覓馬 藏婦奔走朝佛

昨又失逸驃馬數頭，兵士馬夫等十餘人，竟夜尋覓，本日正午始覓得一頭，在一藏人家找獲。因此驃馬爲驢驘，遇驢即追隨，不合馬羣，日前即隨一驢走去，尋蹤覓回，此次又遠遁。大草原中失驃馬爲尋常事，但兵士馬夫，不堪奔波辛苦矣。

班禪之弟策覺林活佛，赴塔爾寺覓新達賴，自玉樹來，昨晚亦宿此。午來訪談，據云帶驃馬七頭，昨晚全逸失，夜十二時即覓得。並謂途中藏民聞大員帶有軍隊經過，均欲遷逃，經渠解釋，始中止云云。策覺林乘馬返其帳房時，有藏民婦女十餘人，在馬前叩頭不止，或以爲喊冤，實朝佛耳。據云由五十里外奔走來者，因策覺林紫袍黃馬褂紅皮靴，一望而知爲活佛，且自玉樹班禪處來，途中藏民遠近相傳，老嫗少婦，不得赴西藏朝佛者，今遇西藏活佛經過，視爲特別奇遇，故不遠數十里而來朝，藏民對釋教信仰之深可見矣。

本日午又雨雹，不久復晴，下午又雨雹一次，忽雹忽晴，忽冷忽熱，如有農田，恐受災，溫度普通約四十度，一連三日均如此，可知此地氣候之一斑。

二十三日 亂石當道 奇花怡人

早七時就道，初沿溝在亂石雜木中繞行，松杉不少，大者三四抱，高者二三丈，上平如傘。又有叢生之木，開紫花者，乘馬俯首而過。旋行山谷中，並無路徑，亂石當道，馬不易進。登崖上後爲一大平原，藏名邊號永隆灘，遠視之雖平坦，但小溝無數，忽上忽下，溝中時有小水，架窩不易行，故仍乘馬，下午始乘架窩，雖無溝，沿山麓行，時有亂石，亦頗險。途中未見一人一畜，惟溝中野花甚多，有紫花喇叭形者，有黃花穗狀者，有白花貼地如苔蘚者，更有高尺許如仙人掌，上有小花者，走馬看花，令人心曠神怡。下午二時抵宿地，名札索拉溝，插帳於水濱，水中有野鴨，獵而食之，味甚鮮美，本日行約五十里。

二十四日 四山積雪 六月結冰

早起寒甚，視寒暑表降至攝氏零下二度，故盆中水結冰數寸，帳中濕手巾亦凍，余與專使等皆衣狐裘，環視四山，皆積雪皚皚，無怪極寒。且地勢至此漸高，海拔四千餘公尺，六月冰雪，在此間不足奇也。

七時半就道，依山傍水行，且渡水三次，水濱山麓，積雪厚尺許，長數十丈。道大致尚平，不如昨日之多溝，但土甚鬆，水沖處多成溝或穴，而草根結處又成塊或牆狀，驢馬行走困難。約

行三十餘里，至北索拉，卽宿。一因明日過札索拉山，人馬須早休息，一因此地近果洛，野番，時有番匪搶劫行人也。（據云去冬馬代主席子香運貨物之烏拉行至此地，被搶去犏牛八十餘頭及貨物，由上午四時激戰至下午一時。）

本日在四圍雪中行，山上青草始萌，枯草尙存，故一望皆黃，非青山也。途中漸有草地，但舖地面上，僅高寸許，而如塊如牆之草根結處，有一種奇草，葉與土合，見綠色成片而不離土，白花五瓣，紅心小如豆花，聚集成叢，貼地上或爲鮮苔類，沿途甚多。

晨冷，華氏寒暑表雖降至三十度，午晴又升至六十四度，棉袍猶熱，至下午三時許更熱，又升至七十五度，高原氣候之變化真速也。

二十五日 札索拉山 羊腸子溝

早六時行，約三四里卽踰札索拉山，賂之雖不甚高，但登時人人呼吸困難，驃馬亦氣咄不止。至頂後，行山脊，滿堆石塊，無立足地，且或則雪深尺許，或則泥滿石隙（因昨日天熱雪融），或則薄冰連石（雪消又凍），人馬俱難行。走約十里始下山，爲一大平原，但土甚鬆，蓋凍後始開。約四十里至羊腸子溝，羣山之間，一水週流，忽行水左，忽行水右，渡水無數次，寬處丈餘，細時僅尺許，忽行山腹，忽行灘中，道小且曲折迂迴，約三十里始出溝，誠所謂羊腸也。

溝竟，又越一嶺，下一坡，長而陡，又行約十里始宿，實出羊腸子溝矣。溝中有死牛頭無數，據云札家拉山終年難行，春冬多風，夏秋多雨，且四季不斷雪，故牛馬過此山後多倒斃，甚至死十分之二，余等此次僅有一騾跌倒未起，亦云幸矣。

測山頂氣壓為海拔四千九百公尺，無怪其寒。晨溫度在攝氏零下，衣裘猶寒，午後雖升至華氏五十度，但有風，依然不覺暖也。

由大河壩至黃河沿，所經皆果洛野番地，據云果洛族人口共約四十五萬，分康幹康南康奈三大部，各有大千戶一員，一為女子，時反抗，民國七年馬閣臣親討，虜女千戶至西寧云云。

二十六日 大風起兮雪花飛 醉馬灘後野蒜原

昨夜大風，帳棚幾拔，晨未止，極冷，未幾微雪飄飛，衣狐裘猶寒。七時許就道，初行山麓，繼為大灘，內有醉馬草，馬食即醉倒，故即名醉馬灘。又灘中有爛泉，不知內含何質，騾馬飲之必死，但牛羊無害。未出發前，久行此路之青海軍馬隊長，詳告余等，並舉出事實，謂二十一年攻藏軍時，青軍騎兵過此灘，馬死數十匹，又二十年某商隊過此時，亦死十餘匹，余等聞之，咸有戒心。即將各騾馬口上，全帶料口袋，以防誤食誤飲，並令各馬夫均特別注意。至灘時覓醉馬草觀之，但甚少，據云七月中最多，有一種粗葉紅莖之植物，謂即醉馬草，究不知確否。約十里灘盡，又入一灘，均平坦為天然汽車道，但含沙質，水草俱缺乏。惟有一種草

俗名野蒜，故即名野蒜灘，因其葉似蒜苗，實則其他白堇與葉上之白花均似蔥，不如名爲野蔥較宜。途中不得青菜，商旅過者必掘食之，余等員役大動員，人得一握，可供數日食也。灘中又有一草，葉大如桑葉，形亦相似，反面爲紅色，貼地上，有穗狀花及蔥，花尙未開，一云即大黃，一云爲水大黃，謂其大黃葉叢更大，高至四五尺，不知確否。據云玉樹附近大黃知母貝母均甚多。

下午一時，約行五十里，至綿羊灣宿，草較佳，昨晚因無草，驢馬多餓，今晚當可充飢也。宿地海拔四千七百二十公尺，溫度最高華氏五十八度，最低三十二度。此地接近果洛，時搶商旅驢馬，故晚間設哨，行李牛隊夜行晝食，先一日行，尙未至，益爲戒備。

二十七日 海耳朵一片碧波 長石頭遍地水潭

早六時出發，道甚平，約十里許，望見西南一片碧波，據云爲海耳朵，因通青海湖，俗以爲海之耳也。未幾入山峽，山爲石山，遠望巉巖如刀劍森立，頗類華山，與連日所經之山全爲土質，如饅頭如婦乳者，完全不同。行二三十里，皆在石山灘中，故俗名爲長石頭。沿山麓有一水繞流，寬數丈，時分爲數渠，左右渡若干次。又行二十餘里後，灘中全爲水塘，大者如池，廣畝許，小者如泉，大若盤，或爲圓形，或爲三角形，或爲不等邊形，形形色色，馬行頗難。但草甚豐美，非水即草，驢馬最喜，畜牧最宜，未午即宿，爲驢馬便也。驢馬數晚未遇佳草，

今晚當飽食矣。

宿地藏名「東格拿隆」，在山中，山上有雪，下午一時許，日光中望見雪花飄飄，頗有趣。山上有黃羊，本日因住宿甚早，趙專使提獵槍登山擊之，遇黃羊羣，擊中一頭。

自大河壩至此，未遇見一戶，亦未見一樹，據云因地近果洛，時出搶劫，人民不敢居住。去歲九月馬代主席之牛馱被劫時，趕馱者僅一二十人，來劫者七八十人，故不敵。本晚宿地臨山，且曾聞一槍聲，因之特別戒嚴。

二十八日 黃羊肉分嘗一樹 犛牛隊橫行長灘

本日因途長，六時即出發，沿小河行，約二十餘里，入「淨皮臉灘」，係砂礫不毛之地，水草缺乏，故名。惟有野馬野羊等點綴其間，灘長約五十里，因無水草，不能住宿。爲行署運糧之犛牛隊，本係夜行晝宿，本日因無水草之地可宿，須多行若干里，故晝亦行走，與余等驢馬隊相遇，驟見之頗爲奇觀，因一百五十頭犛牛，分爲三隊，每隊數十頭，在灘中橫行，寬達數丈，長數里，遠望如千軍萬馬，曠野大灘，毫無障礙，自可讓其橫行直撞。灘土含沙質甚多，雨不泥，風不塵，平如砥，可謂天然汽車道也。

灘寬經一山，約十餘里，岩間有黑石層，似爲鐵質。下午三時，至「馬拉有」，爲山窩中一小平原，寬約十里，水草豐美，即宿其地。

昨日獵得之黃羊，未暇烹食，本晚分而食之，其味甚鮮。連日野馬黃牛羣時遇，但黃羊不易獵得，野馬曾擊斃數頭，不可食。

本日所經淨皮臉灘中，水草缺乏，但有一水，據青軍云有毒，人馬飲之，往往立斃，不知究含何質也。

二十九日 暮宿黃河邊 但聞流水聲

早七時就道，行山曲中，忽渡小水，忽繞山腹，昨晚宿地海拔四千八百六十公尺，清晨行山腹，當在四千九百公尺左右，故異常寒冷。華氏表降至二十五度，山溝中水渠全結薄冰，下緣上白，非常美觀。

未幾出山口，爲一平灘，約十餘里，沙多草少，已濱黃河，未十時，即抵黃河沿，不過三十里也。馬代主席子香，早已電玉樹派人攜皮筏在此候渡，已來月餘矣。此處河幅寬約三十公尺，深僅及馬腹，據云尙歷六七八三個月水最深，四五月無雨時極淺，春冬有冰橋。由此西北去約六七站爲星宿海，河水不濁而清，所謂侯河之清，在上游固甚易也。

余等即開始用皮筏渡物，每次可裝十駝，每二十分鐘一次，自上午十時至下午八時，共渡人物二三十次，始完畢，牛馬全從水中趕渡。

帳房早渡河，即插帳岸上，暮宿黃河邊，但聞黃河流水聲潺潺，不勝邊塞之感。宿地海拔

四千六百二十公尺，其地爲紅崖入麻百戶斯日羅所屬，卽女千戶，俗稱果洛女王。

三十日 西湖濱食黃河鯉 海心山見夏日蠅

昨日驛馬馱物及人全渡竟，本日清晨又用皮筏渡犍牛所馱之物，十許始啓行。二三里經一小湖，約十里，見一大湖，俗名大星宿海（非黃河源之星宿海）。面積大於南京後湖，稍亞於杭州西湖，湖水澄清如鏡，頗類西湖，惟無樹木花草亭台樓榭之點綴耳。中有一山，有徑可通，余等遇此佳地，豈忍前邁，卽宿山上，插帳湖濱，不啻遊湖濱公園，宿湖濱旅館也。氣候甚暖，蚊蠅俱多，爲沿途第一夏日之感覺。惟蚊蟲似不咬人，且極笨，一撲卽死，但較內地者大。下午三時忽大雨，又如秋矣。

同人得此勝地，皆大歡喜，或步行湖濱，玩賞風景，或釣於湖中，得遊水之鯉，或臥於地上，驅飛空之蚊，恍遊杭州，不知爲邊塞矣。島中草甚豐美，驛馬亦欣然自得，人賞湖鯉，馬餐嫩草，半日之樂，人物俱化。

島高約五十公尺，長約一里半，寬僅半里，其地海拔四千六百公尺，溫度低時華氏四十四度，正午六十六度。自離西寧以來，未有此和暖之天，亦未有如此風景之地，同人多躍在此宜建避暑山莊，吳秘書抱平謂如建山莊，可名「兩無山莊」，以此地前無古人，後無來者也。余謂後無來者未可必，公路如通，或成站市矣。

七月一日 星宿海驃馬騷變 野馬灘雷雹施威

大星宿海三面爲水，一面長島通陸，山口僅寬三丈。島上草豐，故驃馬放牧，全未帶索，惟令兩衛兵守住山口，欲使驃馬作竟夜之餽餐。不意余高臥，初入夢境時，忽聞巨聲如雷，鳥似雷動，帳棚忽拔，箱物亦翻，其聲忽遠忽近，疑爲地震山崩。急起視之，始知余等所帶之三百驃馬騷變，忽而驟蹄得得，羣衝過來，忽而馬鳴蕭蕭，又奔前去，如是者二三十次。黑暗中排山倒海，令人莫明其妙，莫知所因。或謂爲海怪，或謂爲山搖，又或謂爲野番來搶。正驚恐間，忽不聞聲息，衛士來報告，謂羣馬從其頭上奔出，遠逸海外矣。全體動員去追，又恐果係野番來搶，故用調虎離山之計。余與專使提槍巡守，數小時後始次第人馬俱回，據云幸逃至余等牛隊人員宿處，代爲堵捕，乃得一覓回，羣始安寢。後溯實因，或謂係馬夫用電筒驚動，一馬驚影，羣馬驚聲，遂釀成空前巨變，吳祕書戲稱爲驃馬大罷工，余謂爲騷變。

本日十時始就道，途中大小湖無數，大者數畝，小者方丈，天光雲影共徘徊，彷彿羣星羅佈，故俗名此地爲「羣星宿海」，「羣」者「小」也。昨晚宿處爲最大之湖，卽名曰大星宿海。繞海而行，濕沙且軟，馬足每陷入數寸。約三十里經一山，甫至山巔，忽黑雲四合，雷鳴振耳，正下山坡，大雹驟降，大於豌豆三倍。頃刻滿地皆白，深積數寸，馬痛而驚。余急下馬放棄，馬奔馳而前，否則人馬俱顛覆矣。各驃馬大半狂奔，幸宿地不遠，余步行約一小時，至插

帳處，馬亦爲衛士覓得。其地名野馬灘，未見野馬，但遇羊羣，知有人家在附近，假人往其帳購羊數頭，分而食之，惟居民帳棚，余等終未見也。

二日 牛糞滿懷鼠遍地 驛花盛開蟲如線

早六時半出發，有一小河，名曰黑寺，前策覺林來時，河水甚大，無舟候三日水落始行，等渡時僅及馬腹，策馬而過，雖拖泥帶水，幸無危險。旋行沙道，未幾入羣野馬灘，初尙平坦，白蘇苔花盛開，如花毯鋪地，繼入沮洳地區，遍地水坑，約一里，又爲平道，水大黃甚多。約四十餘里，渡一水，又入沮洳灘中，非草堆卽水坑，八馬行草堆上，如走梅花樁，堆亦震動，稍一不慎，卽陷泥水中，架窩之騾數次跪倒，馬亦屢蹶，約十餘里，入野牛溝，卽宿於河濱，時僅下午二時，共行約六十里，但騾馬吃力不啻百里，幸均安全，有三五騾馬，五六時始到。

宿地在河濱，海拔四千六百公尺，水草牛糞均豐，昨晚牛糞缺幾不能舉火，同人尙大半未能飽食，本日途中至平灘，有乾糞時，同人多下馬拾糞，或以袋盛，或以衣裹，或抱懷中，或攜馬上，無不滿載而歸。宿地乃牛糞甚多，且有雜木，辛苦所得，竟置無用。宿地有一種植物，高一二尺，正開黃花，形式大小，極似罌粟，其苞與實亦均似，惟葉細長有直紋不同，耳，俗名野牡丹，山坡甚多。又本日所經沙灘，遍地鼠穴，其鼠無尾。又水中見一動物如線，

長尺許。

三日 沮洳地 風雪天

早起，見昨晚降霜甚大，滿地皆白，如結薄冰，草變銀樹。視寒暑表降至攝氏零下四度。但天晴，遠望東山較宿地尚低；山中黃色一道如水，再上為雲，非常美觀，當係日出奇景也。

七時就道，忽起大風，寒冷刺骨。初沿河行，多繞山腰，上下約二十餘里，又入沮洳地中，草堆水坑相間，選行草堆上，步步耽心。登一土梁，高四千九百五十公尺上下，坡亦均沮洳，約四十餘里，非常難行，偶一不慎，馬蹄陷入泥水坑中，並無路徑，惟望青軍所立之標誌而行（堆石塊或草根土高五尺）。下午二時，始達宿地，約行七十里，架窩遲至六時始至，且高參軍之一驢，陷入沮洳坑中，不能出矣。

晚六時，大風，並降大雪，寒暑表降至零下六度，人馬俱困。遠望巴顏喀喇山積雪如畫。據云本日所經之沮洳地，名查拉坪，為寧玉道中最難之一段，每陷人馬於其中，不易出拔。宿地名查拉坪草灘，明日尚須驗查拉山，一帶皆「洪柯爾姆」女王游牧地，陽曆七月即陰曆六月為內地炎夏暑日。此地竟大風大雪，溫度至零下六度（宿地海拔四千八百六十公尺），內地人聞之，當視為奇談也。

四日 越巴顏喀拉山 入玉樹游牧地

早九時始出發，因昨日道阻且長，本日擬僅行四十餘里，以息驢馬，故遲就道。初行山腰，繼入山溝，仍多水坑，依然未離沮洳區。繼渡一小河，至查拉牙壑，草甚茂，且須臾有名之查拉山，恐驢馬不支，因將架窩及駝物卸下，令驢馬休息，食草一小時，然後登四千九百五十公尺之山。高山頂積雪，亂石塞途，冰雪融處，又成泥濘，騎馬不可，步行不便，道之難行，爲途中第一，故俗有「走到查拉，兒子不管爸爸」之諺，可知經過此山之困難矣。

按「查拉」爲「巴顏喀拉山」中段之回部，一譯「奢拉」，乃揚子江黃河兩大水系之分水嶺。山北之「黑河」，「野牛溝」水皆北流入黃河之上游「瑪曲」，山南之「咱曲」，（即鴉鷺江源）及「州曲」（即通天河北源），皆南流爲長江上游之兩大支流。此山不特爲地理上的脊梁，且爲民族間的界限。山北爲果洛族的游牧地，山南即入於玉樹二十五族的游牧地。

下山後爲一大草灘，長十餘里，一河橫貫其中，旁河而宿，已下午三時矣。途中道雖難行，但沿途奇花競豔。大者如野牡丹，高尺許，黃花大如碗，滿佈山谷，如種植然。小者出地寸許，黃花如蠟梅，遍鋪地面。又有一種紫花，如九月菊，時點綴其間。至白花紅心點點貼地而成團如錦者，更舉目皆是，足慰跋涉之苦。惜無一樹，又連日無乾糞，舉火困難，飲食不飽耳。

五日 糞薪兩缺 人馬俱困

自大河壩以來，未休息一日，連日過查拉山，行沮洳地，人馬已困苦不堪。且因數夜宿地，皆在雹雨之後，水泥灘中，既無薪木，又係濕糞，無法舉火，同人俱未飽食，飢渴交迫，本日擬休息一日，不意雨雪交加，天氣驟冷，平地水泥，乾糞又不可得。自晨至午，水漿同未入口，且恐晚雪更大，驃馬凍逃，乃又決定前進。因此下坡，地漸低，天或較暖，且易地或有乾糞也。

下午一時始就道，下坡後爲一大灘，仍多水坑，但較好。下午四時半，至休馬灘，僅行三十五里，河流甚多，旁河而宿。水草甚豐，但乾糞依然缺乏，一面仍實行緊縮政策，不洗面，不飲茶，不吃飯，一面將箱架馬鞍等，破而燃之，每人得飲稀粥一碗，苦况不減蒙古。前赴外蒙時，因無水兩日未飲，此則因無糞連日不飽，水草乾牛糞，真是旅行邊地的三寶，缺一不可也。

六日 乾糞爲寶 夏日可愛

早八時就道，約二十里，渡咱曲（鴨綠江上游），沿河行，河水寬處六七丈，狹處一二丈。旋入休馬灘中，水坑亦多，且時見水渠縱橫，皆咱曲之分流。青海境內到處有河流水渠，

與蒙古大異。灘中道旁帳房遺跡，爐糞尙熱，知係新移居者。蓋聞余等大批人馬經過，舉帳暫移他處也。日來途中時見野牛野羊，而家牛家羊，亦遠移矣。

本日天晴，途中有乾糞處，爭相擄取，如獲至寶。惟本日人馬更困，途中一馬失病倒地，不能起行，一驃病臥，以針刺舌出血，始稍適，架窩之驃，亦疲憊不堪，途中忽翻倒，一馬驚逸，馬夫被踢傷，急覓藥箱，不意馱箱之驃亦疲，將箱翻入水中，不幸之事，紛至沓來，以故僅行五十里，下午四時至紅土坡即宿。幸紅日高照，將藥物燻於河岸灘上，人亦就日中取暖，連日風雨極冷，本日晴暖，同覺夏日可愛，如在內地，正爲盛夏，見紅日當厭之畏之也。本日得乾糞，同人無不飽餐，且乘天晴有月，晚開茶話會，皆大歡喜，其地海拔四千八百二十公尺，下午暖時，寒暑表升至華氏五十三度。

七日 雪飛滿天 花開遍地

早七時就道，陰雨，仍有水坑。下坡行約十餘里，進唱曲嶺，爲一大灘。碧草黃花，一望無垠，花雖小而甚密，遠望全爲黃綠色，近視則綠草如茵，黃花點點如織錦。其他白花紫花亦時點綴其間，但較少。此種大觀，內地未易睹也。

未幾，大雪紛飛，征衣全白，天氣驟寒。又逾一嶺，惟係草坡草原，實非山也。下坡地愈低，路極平，約行六十里，宿唱曲灘。臨「唱曲」，河幅寬七八丈，深及馬腹，渡之尙易。河

南岸有帳房，青軍渡河購羊數隻，每隻大洋二元。

宿地一名竹節寺，因近竹節寺，在溝中也。海拔四千八百一十公尺，雨雪時溫度降至零點下，宿後天晴，升至三十二度。

八日 青山綠水碧草黃花 危崖險道疾風驟雨

早七時出發，又渡咱曲（一名瑪楚河），約寬二十米，昨日水位爲一·五米，今晨已降至零八米，策馬而過，深不及馬腹。至西岸，順河南行，一面依山麓。約二十餘里後，登山腹，行道狹如羊腸，下臨深溝，危崖險道，望而生畏，同人有爬而前者，架窩梳崖上頂稍平。下瞰咱河，灣曲分歧如地圖，河岸灘地，碧草平鋪，黃花滿佈，綴如繡錦，非常豔美。平視對面山坡，亦碧草滿蓋無隙地，一望青青。河流深處成綠色，真所謂青山綠水，江南風景，不是過也。惟滿山無一樹木，爲缺憾耳。

未幾，見牛羊羣，知距人豕不遠，同人甚興奮。因自大河壩以來，不特未見人煙，即牛羊羣亦罕見也。又未幾，望見溝口一紅塔，更人人有喜色，躍馬爭先，頃刻出溝口，寺院代表與稱多縣長李藝苑君歡迎於道左。再進，望見廟舍輝煌，帳棚林立，喇嘛結隊鵠立，用長號大鼓歡迎，時下午三時，已抵竹節寺矣。

縣長備晚餐，有蘿蔔白菜，同人食之，甘於海味。蓋自溫源以來，未食青菜也。據李縣長

云，稱多今年試種青菜，但藏民亦漸漸嘗食。在十年前，藏民不特未嘗過，且未見過，亦不知青菜爲人食之物。某次藏民代表至西寧，馬護軍使開臣賞食韭菜包，開而異之，僅食外皮，出後謂護軍使賜食饅頭，竟將馬草包入，不解其故，蓋彼等僅知青菜爲牛馬食物也。正痛飲飽餐之際，忽來疾風驟雨，帳棚或被風揭開，或被雨侵入，二十五度之寒暑表，忽降至十四度，竟亦食不飽，寢不安，天公太惡作劇矣。

九日 竹節寺 稱多縣

本日未行，因經一二十日無人烟之長途，又受數日無乾糞之飢餓，至此有寺院，有人家，有柴有草之地，自應休息一日，使人馬均得稍舒疲勞，且李縣長一再挽留，因決定緩行一日。上午參觀竹節寺，據云，寺建於清康熙時，原有喇嘛近千人，當時寺產亦富，因臨大道，支差過繁，現僅有喇嘛一二百人，寺產亦僅有馬五十餘匹，牛八百頭，羊一千餘隻。屬民四十餘戶，皆甚貧，活佛一人，名百克，係紅教薩迦派。寺屋亦簡單，大殿一，可容百人，中供釋迦佛及蓮花僧，兩壁堆藏經若干部，活佛經堂在後，旁有誦法殿，懸人民供獻之弓矢刀槍及鐵甲等古代武器。寺左右有方塔及刻六字真言之石板堆，名嘛呢堆，寺前有一小河流。

下午，李縣長來談。據云：此地屬竹節族，有百戶一人，名普才，所屬番長約二百五十戶，共約二千二百五十人。民國二十三年設，稱多治局，本年二月，始正式成縣，縣城距此寺五

十餘里。縣境北至黃河與共和縣爲界，南至通天河與玉樹縣爲界。縣署組織甚簡單，縣長下僅科長一人，翻譯二人，事務員一人，差役四人，每人每月糧八升，收入僅有青稞一百六十筭（每筭二升半）。又有革皮稅規定留縣三分之一，惟尙未實行。全縣屬民共十三族，稱多竹節，各其一也。但各族分合無常，其百戶強者屬民日多，因納稅以百戶計，某百戶強時，人民多而稅自輕，稅輕而人民益願附之，弱者人少稅重，而人民逃者益多。如科日多百戶最強，人爭附之。稱多族有一百七十戶，九百二十人，與竹節族同一遊牧地，其百戶名思疊，亦較強也。縣城內（實無城牆）有土房三十餘戶，無學校，城區分上中下三村，每村相隔約二三里，土房共八九十戶。有喇嘛寺五所，竹節寺其一也。此地有帳房，據傳在四年左右，而建寺僅二百餘年。在十五年前，因喇嘛多有番婦，人民不信仰，藏中欲廢之，後經數人整頓，驅逐不守清規者，始有今日，現餘喇嘛不過百人。縣境內牧多耕少，但有許多地方，適於農耕，菜蔬亦有數種甚宜。森林雖少，但可長松柏，足徵相宜，並有楊柳。礦產未聞，食鹽係囊謙產。有冬蟲夏草，冬日爲蟲，長寸許，夏死頭上生草，冬日草枯，又生蟲，前得一蟲，已送玉樹矣。

竹節百戶來見專使，獻狐皮一張，上附哈達。竹節寺亦送紅緞一塊，各賞現洋十元。寺中活佛請余與專使晚餐，有羊肉及大米飯，隨即佈施五十元。宿地海拔四千七百四十公尺。

十日 牛羊遍野

蚊蠅繞面

早八時就道，行山溝中，道甚平，約十餘里至休馬族牧地。有黑帳房三十餘座，可謂一大村莊，牛羊千百成羣，在綠野中亂佈，遠望羊如白石，牛如黑石。自此每數里即見帳房，犬聲相聞，帳房前多有經布飄揚，垂空中成人字形。一帳內有鼓聲，下馬視之，正謂一喇嘛在內誦經禱災病，據云每日報酬二角，有男女小兒甚清秀，上身僅衣短皮衣，下裸。帳外牛犢羊羔環立，有犬甚猛，余出入時，主人男婦出而抱犬，恐傷客也。

旋經一原，天氣甚暖，蚊蟲繞面，魔之不盡，但似不吮人血。草原中有一種黑毛蟲，長寸許，全身黑毛，頭紅色，尾有黃點，多足，亦黃色，時見遍地蠕動。愈行氣候愈暖，華氏表升至七十六度，棉衣猶熱，較若干日來衣裘猶寒者，不啻隔季也。

下午一時許，至卡拉寺，據云為拉卜寺之屬院。其地仍屬稱多縣，故李縣長早來佈置一切，寺中喇嘛，亦用鼓號旗幟歡迎。據云此地為卡拉族，約三百戶，寺屬黃教，建立僅六十一年，活佛傳至二世，名嘉標羅桑，現年四十歲，對經典頗有研究。色休寺亦歸渠掌教，本寺二百人，色休寺約七百人。寺有大經堂，可容三百人，有護法殿及辯經處，全木建，因三站外產松也。

十一日 野有黃花 食多嘉肴

早雷鳴大雨，九時始行，經一小山，循山腹或河谷行，山坡中野花盛開，以黃花為最多，

次爲藍花白花，如球如穗，又有紫花類苜蓿。未幾全行河谷，兩山之間，一水隨流，風景頗佳。下午二時許，已入玉樹縣境，玉樹縣朱縣長司令部馬營長及儀仗隊曾隊長等，歡迎於道左，皆自玉樹數站外來者。

又約十里，抵歇武寺，爲四山圍繞中一小平原。寺依山而築，樓屋上下錯列，牆塗紅白藍三色條文，非常美觀。據云此寺爲薩迦派，其護法神有紅白藍三面，故俗名花教，與紅教黃教對稱，三色爲其代表，因之牆上亦塗此三色。寺中有喇嘛約百人，活佛一名倫布齊活佛，由西藏薩迦寺派來者。山上有一較小之業中寺爲紅教，與此相對。余等至寺前時，喇嘛民衆共三四十人，用長號大鼓歡迎。

余等即宿寺前小草原中，與玉樹來歡迎者之帳房相連，星羅棋布，頗爲壯觀。馬營長在帳中設宴，帳爲方形如屋，前門可開，時天氣甚熱，全開帳門，讓風吹入。帳頂周圍有環與鈎，周牆可全去如亭。余等飲食其中甚爲涼爽。此地產蘑菇，營長備飯有酥酪羊肉，曾隊長又攜來雞肉鷄子魚肉等，爲月餘來所未見未食者，本日飽嘗，不啻入都市之大餐館矣。

此間居民爲歇武族，有土房三十餘戶，據云全歇武族約一百二十戶，半爲帳房。此地有百長，其家頗有資財，余等至其宅參觀，見川茶數百包，堆積如山。有農具犁等甚粗陋簡單，犁爲一長木，下有木脚，上有短橫木，用時短木繫兩牛角上。田種田甚多，每年收青稞不少，皆人民代爲耕種收穫，蓋百長即小酋長，亦貴族也。聞全歇武族每年納糧三百一十甯，可知此地

農田漸闢矣。

寺屋及百長宅建築均多木料，且全爲松木。據云產數百里外，馬站五站，牛站約須半月。其地爲大森林，任意採伐，但須運費，每駄運至此地，須運費三元。有四川木工二人在此工作，據云每日工資洋一元（約合法幣五角），並供飯食。

又聞此地居民，原屬拜日馬百戶管轄，現歸札武百戶。札武族爲玉樹二十五族中第二大族，約八百戶，四千餘人。札武百戶名久美，善交際，有權術，途運動將此族歸其管轄，拜日馬百戶，尙在起訴力爭中也。

十二日 風景不亞江南 農田大類內地

早大雨，十時始就道。沿河谷行，一水繞流，兩岸壁立，其高與陡，爲沿途所未見。且多石崖矗立，與沿途所見之草山平突如乳者不同。其形亦多怪異，或突出如雄獅怒踞，或屹立如劍戟森列，或如慧佛高坐，或如猶鬼附瞰。又半爲碧草平舖，間有雜木，山麓水濱，闢爲農田，青稞高尺許，但不除草，黃花高於禾苗，且甚多，實卽內地薔苔，花黃時，不知爲麥田也。又有「間田」（每隔年一種）全爲草者，藍白花遍地，據云爲本年休息之田，蓋此地爲間年一種。田中每有大石，石上又置許多深口美觀之小石子，不知何意。山谷每有小水流，自高而下，如瀑布，河流中因多大石，浪翻白色，怒聲震耳，馬行亂石灘中。水漲時有羣鷗飛起，馬過時驚

飛，旋復集山間。時見寺院人家，紅牆高聳，道中時遇喇嘛藏婦，負物持杖而行，或在田間石旁烹茶而飲，雜木叢生，草高數尺，沿途景色，大似江南，一切風物，亦類內地。惟大樹甚少，約二三十里處，有一水磨，旁有高柳四株，爲沿途所未見者。下午三時許至山口，見大河橫前，波濤洶湧，至通天河岸矣。早備有木船，余與專使下馬卽渡，舟子十餘人操之，未至岸而水已漲，舟子驚恐。余等抵岸，其他同人不能渡。

十三日 通天河險於黃河 牛皮舟便於木舟

昨晚大雨，水又漲，驃馬本擬浮水而過，不意趕入河中後，僅露兩耳，口中作聲，又返回此岸。不得已仍用木船，但木船僅一隻，且每次渡後，須拉至上游，再放下，又水大每次須二三小時，僅渡驃馬十頭，驃馬數百頭，何日始可渡完（水小時每日可渡二三十次）。又有一木船，據云在稱多拉卜寺，調來亦須時日。皮筏備有九隻（係外用四張牛皮縫成內繫柳條蛋圓形），舟身甚輕，一人可用槳負之而行，渡時亦僅水手一人，數分鐘可渡一次，每次可容四五人，但水大甚險。據云囊謙縣長上次用皮筏渡河，七人全沈水中，僅二人浮出。又藏方派來歡迎班禪之代表多仁台吉來時，其管家一人並一漢人同沉沒，聞之生畏。木船水大時亦險，據云如不能靠岸順流而下，卽無法挽救，因之木船僅渡驃馬，全日僅渡四次，同人全在彼岸。通天河渡口較黃河險者，因水爲兩石山所束，水漲卽加深，不若黃河在平原中，水漲卽氾濫加寬，而

深如故也。

余與專使雖勉強渡過，得插帳宿於河岸。但一切用物全未渡過，洗面無盆，飲食無碗，而同在彼岸則住無帳房，幸崖間有一石洞，大家擠入，藉避風雨，河寬約一百公尺，對面望之了了。

入晚，水仍漲未落，各藏民云，因中央大員蒞此，龍王來朝，故河水大漲，與西遊記孫行者渡通天河之神話，可後先輝映。宿地海拔四千零六十公尺，溫度天晴時升至華氏七十六度。

十四日 札武百戶富甲全縣 果洛藏民悍逾各族

本日水略小，皮筏可勉強渡物，但皮筏渡數次，濕後須晒乾，始可再渡，一日僅渡十餘次，大批物品，仍未渡完。河岸距玉樹僅六十里，以一河之故，不能即行，非常悶悶。

玉樹縣長來談，謂玉樹各族，札武最大，其百戶亦最富，每年運購川茶二千馱，即四千元，每包以藏洋七十元計，合二十八萬元，以三元合法幣一元計，亦值九萬餘元。住玉樹城內（實無城），對軍政要人來往，固不免酬應，但送某官長狐皮一張，可向人民索二張，不特無損，且得藉口，以故其財富日增也。又談及果洛族最近發生情形，謂青海省政府欲在果洛遊牧地設縣，縣址擬定白衣寺，近派那團長去籌備，每年暫收草頭稅若干，該族竟反抗，甚至希冀省政府早倒，或不免以武力解決。該族極為蠻野，尚食生肉，性喜殺人，且慣例殺人者不償

命，僅出原槍或馬一匹，餘由全族賠償，不啻獎勵殺人，故殺人者日多，且以爲榮。惟對商人過境，尙爲優待，僅按例贈給紅布一幅，羊一頭，彼即派人護送至鄰境，並代請保護云云。茲據調查記果洛概況如下：

(一)部族 果洛分上中下三大部，其東南與西康石渠縣相接，西北與青海同德縣（黃河岸上之拉加寺）毗連。據清史所載，當宣統元年時，德格縣股匪有降白仁青者，曾率領部從至青康交界處之雜曲卡（鴉鷲江上游）作亂，經川滇邊縣大臣趙爾豐檄令，果洛官民「勿得助逆」，嗣以兵攻雜曲卡，迫果洛邊境，復檄諭土官投誠，不准劫掠。宣統二年，德格葛察寺喇嘛往說投誠，至宣統三年果洛官民即往西康石渠縣（當時屬川邊）納稅完糧。民元以來，川局多事，甘肅亦勢難兼顧，以致果洛區內匪風甚熾，時有劫掠行人之事。十四年青海鎮守使馬麒曾出兵三營前往勦撫。十八年青海省府成立後，歷馬麒馬麟馬步芳諸氏之慘淡經營，果洛番民始逐漸向化。如境內最大最強之康色康幹阿郡貢馬倉旺青得巴紅模倉等族，均先後輸誠，班禪過果洛時，曾宣化中央德意，首領人民多感動。

果洛在自然區域上言，居於黃河最上游，當大小積石之間，區內人口向無調查，故對該區之人口分佈與族別，不易明瞭。茲將「青海之民族狀況」中關於果洛族名駐地之調查，暨青海海南警備司令部關於果洛戶口之統計，照錄如下，以資參考。

果洛族系駐地調查表

族別	駐牧地
阿郡日模	黃河北岸可合庸河
阿郡工模	黃河北岸鳴爾志河
娃西色多	巴顏哈拉山之南麓
訖謙多巴	黃河南岸打自各河
乃目馬	積石山之北麓
阿十里	黃河北岸
仁慶現	黃河南岸三灘子
打朵	黃河南江雲曲河
保吾	黃河南岸

宗可得馬	巴札	得浪	汪什得巴	司可馬	康色爾	康爾幹	喀囊	節冷	完達	戮尼牙哈
黃河北岸雲曲河帶	同上	黃河南岸	黃河南岸科達河	黃河南岸江雲曲河	黃河南岸謝楚河下游	黃河南岸謝楚河源	同上	同上	同上	同上

果洛戶口調查表

康	族	別	戶	數	人	口	備	註
爾	幹		二〇、〇〇〇		九四、〇〇〇			
大	五	麥	倉	同	上			
略	昂		同	上				
娃	當		同	上				
昆	酒		同	上				
剛	車		同	上				
乾	蕙		同	上				
則	娃		黃	河	北	岸		
宗	可	麥	馬	同	上			

康賽爾	一五、〇〇〇	七一、五〇〇	
阿什羌岡麻	一〇、〇〇〇	四五、五〇〇	
阿什羌女王	八、〇〇〇	三七、五〇〇	
豪高日麻	五、〇〇〇	二五、〇〇〇	
長亞哈	一、七〇〇	八、〇〇〇	
白馬本	四、八〇〇	二二、〇〇〇	
巷欠多巴	一五、〇〇〇	七二、〇〇〇	
果洛斗杉桃	四、〇〇〇	二一、二〇〇	以上各族統由舊青海 同隸縣管轄
合計	八四、二〇〇戶	三九八、七〇〇口	

又據周君調查：果洛分五大族，總土司爲挨章買馬倉，居於離郎司十五里之歿井地方。所轄康耕康紗兩土司，頗有勢力，因買馬倉驕橫自私，罷免總土司之職，曾起戰爭，奈其餘三族

幫助，得和解，但買馬倉命令無効矣。餘三族土司，一爲挨章頗磨倉，居新進東部。一爲挨章脚果倉（爲果洛最大者），居中部。一爲挨章呀者倉（最小者），卽卽司地方。其民性悍野，遇不同族過其地者，每害其性命云。

（二）交通 由西康邊區之阿壩，至果洛著名之白衣寺爲三大馬站。此道有兩路可走，一經渴卡，二經葉爾津神山之南。路南有小海子七八個，以葛門錯海爲最大。大道卽在神山與海子之間，此兩徑之風景，極爲壯麗。由白衣寺經中果洛之奪巴桑及上果洛之達克多桑，至和爾秋桑族之秋帳房，約十馬站。

和爾秋桑族，居於上果洛，屬康幹大頭人管轄，土官所轄僅三百餘戶，但土地却極寬廣，由梁秋帳房沿黃河約行六馬站，卽至錯娃啞嘴，則山與玉樹縣之甲爾代卡交界。

錯娃啞嘴則山，在黃河北岸，介於二大海之間。上爲錯俄讓海子，周圍約四百里，黃河卽由海東南角通過，下爲錯甲讓海子，周圍約三百里，黃河穿海而過。當秋夏之間，海水沉清，色呈碧綠，而黃河水則較爲混濁，極似桑葉上臥一春蠶。

交通工具，陸路上運輸，全賴犛牛，人行乘馬，因其地勢高峻，空氣稀薄，氣喘難行。兼之水多山大雪深，非牛馬無法經過。水路惟一之工具爲羊皮筏，法用樹枝，排如梯形，下束以吹漲之羊皮袋十個，浮於水上，人或物蹲置於木梯之上，由水手二人用短撈相划，浮沉河中，頗多危險。另有木船一種，能容四五十人，既不用槳，且不用竿，當橫渡時，將船首繫於馬尾

之上，二馬或三馬在前浮行，船則隨後，水手指揮前進，頗似馬車夫。人坐其中，大有太古時代風味。

(三)物產 果洛地曠人稀，植物則五穀不生，森林極少。但康色貢倉旺年得巴一帶，似可開墾，又下果洛南麻柯河一帶，已種有青稞。動物多牛羊，並多野牲，如野馬野牛黃羊狐熊兔鼠獾狸等。礦產聞甚豐富，但從來無人調查，僅知沿黃河各地，沙金頗多，如拉加寺黃河沿每年淘金者，以十餘家計，由初夏至深秋，均可飽載而歸。鹽產亦富，有大海二，一在黃河之南，錯甲讓之東，周圍里許，惟水分重不易採取。一在黃河南距河約十餘里，在錯甲讓山之東，周圍十餘里，每年取鹽期僅三四月，因六七八月內水量倍增，而九十冬各月又為冰期，不能採取。取鹽之法甚簡，用銅鐵瓢取出，俟乾即得。此二海鹽，除供三果洛人民食用外，兼供康北各縣牧民之需。至畜產羊皮羊毛，亦極豐富。此外藥材，如大黃貝母蟲草甘草秦艽羌活等，亦甚多。

十五日 晝夜江水滔滔 朝夕風雨淒淒

連日候全渡，水聲滔滔，震人耳鼓，晝夜不絕，且朝夕風雨，益增愁悶。惟每日午晴，可以遊賞。宿地在河岸田中，係本年休息之地，紫花遍地如苜蓿，亦頗美觀。昨晚滿天星斗，一輪明月，以為今夕明晨，可免風雨淒淒矣，不意夜三時許又雨，今晨未止，似成定例。惟雨較

小，水已稍減，木舟續渡，九時許又晴，亦定例也。

本日水雖稍退，而流仍急，木舟第二次渡時，竟不能至原岸，且飄至路口下，兵夫數十人由崖上以繩挽之，經數小時，僅上尺許，無法救止，令其流下，又行六七里，舟中人急躍水中，幸得上岸，任舟所之。據云不知流若千里，非十餘日不易曳來也。

竟日無事，附近有一藏民小兒，甚敏慧，貌亦清秀，略通漢語，詢其家庭，謂有父母兄弟，兄二全爲喇嘛，欲攜渠赴藏不願，姊二在家操家事，給以班禪所贈之油條，歡躍而去，年十四歲矣。

同人告一有趣之新聞，謂昨晚某運輸兵（青軍）欲以二元代價與服湯投之藏婦合歡，婦以婆母在帳外謝絕，可知藏婦並不隨便，而青軍亦甚講理也。

十六日 金沙江正源 揚子江上游

本日水更減低，驛馬仍未全渡，依然不能就道，留通天河岸已四日矣。河幅之寬，僅一百公尺，而一河之隔，不啻二三百里，因河兩岸爲絕壁峻崖，幅愈狹而流愈急，舟渡更困難也。本日木舟共渡八次，計驛馬渡來者八十餘頭。

查通天河爲金沙江之正源，亦即揚子江之上游，發源於巴顏哈喇山即查拉之南麓，東南流折而東北百餘里，與西北來之喀齊烏蘭木倫河合。又東北三十里，與西南來之拜都河合。又

東北百里，左受一小水，又東六十里與南來之阿克達木河合。又北流二十里與北來之托克托乃烏蘭木倫河合。以上各河，均可謂金沙江之分源。又北流轉東百里，有匝伯輝河自南來會。又北流轉東二百里，右受玉樹來之二支流。又東南三十里，有那木齊圖烏蘭木倫河，自西北來會。又南流百里，左受康庫烏斯及圖哈爾圖二支流。又南流折東三百里，右受齊齊爾納河。又南流轉東南四百里，右受薩布來之一小水。又南流經札武族境，折東南流入西康石渠縣屬舊納奪土司境，與鴉鷲江僅一山之隔。更東流稱布疊楚河。又東南流經鄧柯德格之西，同井之東，東受鄭克楚汪布德諸河之水，而至岡沱，是爲岡沱河。由德格至昌都必渡此江。南流東受絨松溪之水，至波羅出同普縣境。又南流經白玉之西，東納登龍渠昌渠河思渠河諸水，南流經武城之東，受克楚河之水，至巴安之西，乃名金沙江。東南流至牛古渡小巴河，自奔又木西流入之。經小巴冲至巴安縣治，會康寧河，自東北來入之。又南流六十里，至竹巴體汛，有渡船，爲入藏之大道。東納喜竹河之水，西納昂藏阿秋諸河之水。又南流至寧靜之東有巴楚河，自東來入，南流至巴安縣屬之永則布許二村，入德榮鹽井界，索美河自德榮東北來入之。江卡河自鹽井西北來入之。東南流二百里，經茶利大山，入雲南阿墩子中甸諸地，經四川鹽邊，會鴉鷲江，復入雲南東川後，又入川至宜賓縣，合泯江而爲揚子江矣。

十七日 過新寨知佛教力量 抵玉樹見古代遺風

昨日驛馬物件，雖未能全渡，但余與專使等驛馬，及重要物品，均全渡過。因決定本日先行，餘俟全渡後續行。早幸無雨，七時就道，先沿河行，溯上流，（溯下流本有一徑，道較平坦，又不逾山，惟有一段在山麓河邊，路狹而險，架窩難過。並有一段已爲水漲入，故決行上道。）約八里後，別河，越一極傾斜之坡。由河谷行，中有一溪，水流甚急，道忽左忽右，馬經水若干次。懸崖上有一黃教寺院，名「家拉買巴」，喇嘛代表執哈達歡迎於道左，內並附銀幣一元，當係舊禮，收哈達而還銀幣。其地有二十餘戶之村落。未幾登結古山，坡長數里，但登時尚不陡，至巔後，側爲四千九百五十公尺。下山時坡長約十里，且極陡，瞰之生畏。山半爲石山，奇石突立，並有白色者，頗美觀。下馬步行，數步一息，石坡中時有水流足下，益不易行。將至山麓，出口處，玉樹馬司令朱縣長羅參議周台長等十餘人，乘馬來迎，駱塞隨後，即同乘馬，馳至約五六里之新寨。

新寨原名甲那摩尼，有二里許之大摩尼堆，爲西陲三大摩尼堆之一，故西藏均知其地名。相傳玉樹寺活佛第一世爲漢人，藏語漢人爲甲那，故名。據傳其活佛初住結古山上，勸新寨地人民堆摩尼石（石塊上刻寫藏文六字真言即名摩尼石積而成堆），其地必發達，人詢堆於何處，彼謂屆時天上當落第一石，至某日果有一石落下，乘遂堆摩尼石於其地，積若干年遂成大堆，今其地有百餘戶，大半以刻摩尼石爲業。（一書嘛呢，實則不僅刻六字真言，並有刻佛像經文者大者佛高數尺，字至數百，又有塗色者。）每年收入頗豐，藏民父母或夫婦死時，每以死者

值錢之遺物或衣服，付與當地一承攬者，令代售其物，剩錢若干，承攬者又分之各家，至期交石，即堆其地，遂成長數里之大摩石堆。每日有男婦走轉祈福免禍，據云健者每日可轉三十周。又有神話，謂原有一石爲唐僧玄奘取經時曬經石上，經印入石後，人摩刻之，遂成大堆。總之爲一佛教上有名之地。

其地在山下爲一平原，並有一草坪，馬司令架帳房於其地，數畝大之平原，全爲高寸許之一種綠草，密如特種，平如用機器甫剪。此種天然草原，較外國公園之草地猶佳，不知爲何種草，亦不知此地何故有如此之草坪，真令人羨慕不置。馬司令攜有肥牛美酒，飲食於帳中，頗有古風。

飯後又乘馬行，未幾，西陲宣化使署劉祕書長家駒，康處長福安，及西藏代表多林台吉等數十人，迎於道左，遮哈達。二三里後，班禪行轅設帳房備茶點歡迎，余與趙專使下馬入帳，少休息。又未幾，儀仗隊百數十人，列隊道左。又未幾，班禪行轅軍樂隊衛隊數百人，列隊歡迎。又未幾，玉樹小學校學生二十餘人，及司令部兵士數百人歡迎。至玉樹附近，喇嘛在寺中鳴鼓號，儀仗隊放禮砲，滿街懸黨國旗，民衆觀者如堵。至行署門口，森且堪布旺堪布等十餘人出迎，並備酒宴五席，想見古代接迎漢使之盛況。

專使行署設於前司令馬彪師長之私邸，爲玉樹第一建築。二層樓有地板，並有外院甚大，可住衛士，喂驢馬。自離溫源以來，三十六日矣。每晚宿帳房，驛馬露天，至此人畜均有風

住，行程亦告一段落，同人無不欣慰。惟聞得七七蘆溝橋事變消息，又無不痛憤。

藏人喜飲酒，每用碗飲，惟青稞酒不大佳。此次余等攜有鳳翔酒，班禪行轅康處長旺堪布等，仍以飲藏酒之法飲之，趙母使又善飲，對飲互勸，席終康旺均醉，不能下樓。

途中情形，已逐日略記。先行之莊學本君，又每日測有高度，並牛載坤周子揚等前來玉樹時，所測之山脈高度及沿途高度等，一併錄之如下：

由湟源至玉樹沿途各地高度表（莊學本所測）

地名	海拔公尺	地名	海拔公尺
一、湟源	二八四〇	二、東科爾寺	三二〇〇
三、窩藥	三三三〇	四、日月山	三八〇〇
五、祭海沿	三四〇〇	六、恰布恰	三三五〇
七、沙珠玉	三二三〇	八、切吉	三四三〇
九、大河壩	四〇七〇	十、大河壩溝	三八六〇
一一、札索拉灘	四二六〇	一二、札索拉	四五七〇

一三、札索拉山	四九五〇	一四、羊腸子溝	四七五〇
一五、綿羊灣	四二一〇	一六、長石頭	四八二五
一七、馬拉有	四八〇〇	一八、黃河沿	四六二〇
一九、海心山	四六二〇	二〇、大野馬灘	四六三〇
二一、野牛溝	四六八〇	二二、野牛山	四九五〇
二三、查拉坪	四八六〇	二四、查拉山	四九〇〇
二五、查拉壑	四八八〇	二六、休馬灘	四八八〇
二七、紅七岡	四八六〇	二八、竹節溝	四八七〇
二九、竹節寺	四七五〇	三〇、卡那寺	四七二〇
三一、歇武寺	四四四〇	三二、通天河	四〇八〇

三三、結古山

五〇〇〇

三四、玉樹

四三五〇

玉樹二十五族境內各種高度表（牛載坤等所測）

山名	高出海面公尺	合工部尺	實測處
結古	四八〇	二七五、〇〇〇	巴曲河邊在結古南半里處
結古拉	五九五〇	一五四六、八七五	在結古北五里
札拉	四九二〇	一五三七、五〇〇	在札西科腦
巴通	四六九〇	一四六五、六二五	在結古南五十里
熊拉	五六四〇	一七六二、五〇〇	在巴通南熊曲腦巴曲與子曲分水嶺
果拉	五三七〇	一六七八、二二五	在巴通東南苟曲腦巴曲與協曲分水嶺
奢拉	五二〇〇	一六二五、〇〇〇	在咱曲上流奢雲腦

竹節寺	四六六〇	一四五六、二五〇	在唱曲河邊
加浪拉	四九〇〇	一五三一、二六〇	在歇武溝腦
惹拉	四七三〇	一四七八、二五	在結古東北十餘里通天河肇
通天河	四〇四〇	一二六二、五〇〇	拉布寺曲河口蓋達渡口處
拉布寺	四一六〇	一三〇〇、〇〇〇	在拉布曲邊
寧朵拉	四九五〇	一五四六、八七五	在寧朵溝腦拉布曲與稱多曲分水嶺
稱多	四三三〇	一三二一、八七五	就岡均莊測
凱拉	五〇七〇	一五八四、三七五	稱多曲與岡察曲分水嶺
岡察	四二〇〇	一三二二、五〇〇	就爾勒日莊測
東茂拉	五二八〇	一六五〇、〇〇〇	在囊西科腦

薩布交那	四八五〇	一五〇九、三七五	札拉山以西大灘係義曲上流
阿尼拉	五二六〇	一六一二、五〇〇	在薩布交那腦
義曲	四二六〇	一三三一、二五〇	在拉吉莊側距入通天河數里
阿西拉荷	五二六〇	一六四三、七五〇	結古爾南七八里
夏拉	四九四〇	一五四三、七三〇	在顯強雲腦爲子曲與雜曲分水嶺
子曲	四一三〇	一二九〇、六二五	吹靈多多寺前
顯強雲	四七〇〇	一四六八、七五〇	距夏拉二十里處
熱強拉	五二二〇	一六〇〇、〇〇〇	在覺拉寺東強知囊腦
雜曲	四四六〇	一三九三、七五〇	覺拉寺西數處
咱極拉	四八八〇	一五二五、〇〇〇	東錯寺西

柴問達通	四四〇〇	一三八四、三七五	協曲達曲會合處
浪俄拉	五〇〇〇	一五七一、八七五	蘇爾莽族藥曲河腦子曲與雜曲分水嶺也
雜曲	四〇七〇	二七一、八七五	冷周莊渡口
拉馬拉	五二〇〇	一五九三、七五	囊謙東北三十里雜曲與巴兒曲分水嶺
囊謙	五六五〇	一四五三、一二五	
麥娘拉	五〇〇〇	一五六二、五	囊謙南四十里干宗囊腦
沙俄拉	五三六〇	一六七五、	囊謙南七十餘里係囊謙與類烏齊及巴骨族之分界也
朵俄拉	五四〇〇	一六八七、五	囊謙巴兒曲河腦巴兒曲與解曲分水嶺也
公給拉	五一五〇	一六〇九、三七五	更那寺附近解曲雜曲分水嶺
瓦裏拉	五三〇〇	一六六二、五	咱曲河邊兒魯寺對岸

自西寧至玉樹沿途各地高度表（牛載坤等所測）

地名	氣壓表高度 面米突	合工部尺	實測
雜曲河	四七四〇	一四八一、二五	以魯寺前渡口
奢裏拉	五二〇〇	一六二五、	巴米爾寺西十五里
茶讓拉	五三九〇	一六八四、三七五	跌牙寺西北十餘里
拉俄拉	五二七〇	一六一五、六三五	茶哈馬東二十餘里
西寧城	三四二〇	七五八、二五	
湟源城	一八七〇	八九六、八七五	
日月山	三七五八	一一七四、三七五	
倒淌河邊	三五〇〇	一〇九三、七五	察罕城對面

卡不卡	三三九〇	一〇二八、一三五	
阿樂雲	三二七〇	九九〇、六二五	
頁朵淖	三二三〇	九七八、二三五	
切吉灘	三三九〇	一〇五九、三七五	
倒拉結山	四五五〇	一五二一、八七五	大河壩與恆滿河分水嶺
札索拉	四八三〇	一五〇九、三七五	
馬沁雪山	四八五〇	一五一五、六二五	
豆雲	四六二〇	一四四三、七五	
黃河渡	四五二〇	一四二二、五	鄂陵海下約三日程
野馬灘	四六〇〇	一四三七、五	

野牛溝	四七〇	一四七一、八七五	
奢拉	五二〇	一六三五、〇〇〇	
通天河	四四〇	二二二、五〇〇	拉布寺曲河口蘆達巴口處
結古	四八〇	一七五、〇〇〇	
熊拉	五六〇	一七二、五〇〇	在巴適南熊曲腦巴曲與子曲分水嶺
子曲	四三〇	二九〇、六二五	吹靈多多寺前
夏拉	四九〇	一五三、七五〇	在願強雲腦爲子曲與雜曲分水嶺
雜曲	四六〇	一三九三、七五〇	覺拉寺西數里處
拉馬拉	五〇〇	一五九三、七五〇	囊謙東北三十里雜巴兒曲分水嶺
囊謙	四六五〇	一四三三、一二五	

玉樹溫度（攝氏表）

月 別	平 均 溫 度			雨 雪 變 化
	早	午	晚	
正 月	零下六度	十三度	零下三度	零下十九度
二 月	零下三度	十五度	三度	零下十四度
三 月	五度	十六度	八度	零下五度
四 月	五度	十八度	九度	零下六度
五 月	八度	十九度	十四度	零度
六 月	十五度	二十三度	十九度	四度
七 月				
八 月				

九月				
十月	零下七度	十四度	零下三度	零下十五度
十一月	零下十二度	十二度	零下六度	零下二十六度
十二月	零下九度	九度	零下五度	零下二十六度

七 留居玉樹

十八日 藏人愛犬如子 樓梯以繩爲欄

舉各友來訪談，正午上山至結古寺謁班禪大師，山道崎嶇，乘馬亦不易行。大師客廳在佛殿內，班禪衣黃袍黃褲黃皮靴，係便服，與余等對面坐談，異常客氣。如見藏官藏民，則高踞佛座矣。

旋下山至玉樹警備司令部，皆平屋，惟屋頂可資瞭望。室內四壁張步兵教練圖，几上滿堆圖書。馬司令純臣，年不滿三十歲，喜讀書聞報，青軍官中有希望之人材也。有一營長馬子材，

爲余在甘任教育廳長時訓練班之學生，曾委教育局長，尤有幹才。

旋又上山訪森且堪布、旺堪布、丁傑佛、大卓尼等，皆住三樓，二樓堆物，最下層爲馬竈。樓梯甚陡，旁有扶木，或僅一皮繩，攀之而登。各堪布各居一樓，一再上下，且梯在屋內，黑暗難行。藏人好犬，各堪布均有小犬一頭或二三頭，坐臥不離，每在其懷抱，愛之如子。大卓尼有一犬，圓目長舌，尤奇者耳後有毛長尺許，其身高亦僅盈尺，狀頗類獅，據云年九齡矣。又謂班禪亦喜犬，去歲喪其愛犬，每爲之誦經祈禱。

旋又下山至前藏代表杜林台吉及班禪行轅祕書室同人處，皆係二樓，梯在露天，較寬而平，蓋市屋建築與寺院不同也。杜林夫婦二人，有小犬三頭，一黑二白，見渠如小兒見父母，羣入懷抱，渠等亦抱之，以臉相偎，如愛兒然。黑者獅頭尤憐愛之，因不特美觀，且聰慧，頻啣火柴至客前，或人立而拱手。據云來時共攜大小犬十一頭，現僅餘七頭，每日皆食肉，所費不貲。並謂此三犬價皆昂，前印度有二犬售價藏洋五千元，且不分售，可知藏人愛犬之一斑矣。

本日爲星期日，家家懸藏旗國旗，門左右各一，雖大小尺寸顏色與光芒數多奇異，在此邊地，亦不易得矣。

結古寺建於明時，其鐘上有「宣德六年」數字，爲紅教薩迦派，故牆上爲白紅藍三色，遠望頗爲美觀。第五輩甲那佛，年六十餘歲，去歲圓寂。據云該寺尚有一活佛，係後藏薩迦寺加

派者，亦新寨人，前輩加那於其一歲時即收養之，現已十餘齡云。

十九日 黃藤白菜皆禮品 吉羊太平猶古風

本日各方來送禮，馬司令送羊二十頭，及白菜數十棵。康處長送印度白布一疋，及白菜黃蘑菇各若干。西藏三大寺代表送牛肉數十斤。玉樹白菜甚小，又係單片葉，但爲此地唯一之青菜，且本年新試種，爲數無多，故視爲上品。鮮蘑菇黃色，產於草中，閩產量亦不多，故亦珍之。羣羊爲玉樹大量家畜，而送禮必先者，蓋古禮取吉祥之意。考漢族來自西北平原，亦以牧羊爲主，視爲人生所必需，故「善」「美」「鮮」等字，凡形容好者皆從羊，相沿成風，此地猶存。趙專使送馬司令禮券內地珍品，但亦以羊二頭附之，取其吉祥，且因回教尤喜送羊也。至牛則古爲太平，送牛肉數十斤，亦甚隆重，惟此間價廉耳。又內地送禮以白色爲忌，康處長福安送白印度布似異，可知藏俗並不忌白。

下午前藏政府代表杜林台吉夫婦二人，親來送趙專使及余禮品，各遞哈達，其禮品爲氍毹紅花等較貴重，但當爲西藏土產。旋余與高參軍又上山訪西藏三大寺代表，僅有二人，其一已赴藏邊，爲班禪準備一切矣。

二十日 特產多藥材 漢商半陝人

上午訪商會袁會長，陝西三原人，至此已二十餘年，娶藏婦，生二子一女。據談：玉樹市上較大商店，約三十餘家，資本大者約十萬元，係寺院資本，走前藏拉薩及西康，以茶爲主。陝商六家，以世隆昌爲較大，亦即漢商中較大者，餘多康人。商品有日本貨，有印度貨，有西藏貨，有四川貨。日貨較西寧猶價廉，蓋自印度經西藏來，稅甚輕也。日貨有婦女首飾及鼻烟壺等，皆專爲藏人製造者。

又談玉樹特產，除畜產野生皮外，以藥材爲最多。如蟲草鹿茸麝香知母貝母等，蟲草冬實爲蟲，至夏頭上卽生草，黑色，稍大分而爲二，宜速掘之，稍遲草高二三寸，而蟲卽內空矣。蟲可繁殖，年年採掘而仍多。鹿茸亦宜及時速取，每年冬脫舊角，春生新角，以六月爲最宜，過七月則無用，僅可製焦矣。又知母在雜木叢林中，有一種雜木，燃之味香。此種木根旁多有，形如百合。新開之山中，每有大者，但不易曬乾，不使用。又此間大黃亦有大者，但大則多中空，亦不能用。

下午曾隊長孫主任葛特派員等以魚翅席宴行署全體同人，月餘來草地中之生活，至邊鄙之玉樹，而有此嘉肴美食，真意外也。

二十一日 隊兵打饋魚肉 班禪賜食燕菜

玉樹市外有一河流，產魚甚多，因藏民不食魚，魚亦不畏人，僕仗隊兵多江南籍，見而羨

之，無釣具即以木棒擊之，應手而得。本日送來鮮魚及乾魚若干尾，余等數月不知魚味，食之大快，旋聞佛教戒殺，寺中喇嘛不以此舉為然，即禁止之。

下午一時，班禪大師宴行署全體同人，余與趙專使高參軍三人在其客室，由班禪親陪，無酒，但菜皆珍品，有燕窩魚翅海參銀耳魚肚等，邊地得此，實不易易。土產有黃蘑菇，據班禪云：西藏亦產，與此間同，較蒙古之白蘑菇味香，但多食傷腦，因油太大，不知確否？其他同人由各堪布陪宴。

席間談及赴藏事，班禪謂由此緩行，兩月可至黑河，再前即入藏地，從前歸駐藏大臣管轄，迄今頭人等，猶戴滿清時之頂帽。談及佛教，班禪謂西藏原無佛教，當藏王五世時，佛經從天而降，當時印度之王不識何物，夜夢神告為佛經，應供奉，始漸傳佈，至藏王棄宗弄讚娶文成公主後，佛教始盛云云。

飯後行署全體同人為班禪獻「曼札」（金銀盤中有山形滿盛青稞取世界大山歸其掌管之意），為最敬禮（每次大洋十二元），班禪賜食油條，並每人賜繫絲繩，謂可祛不祥。

二十二日 帳房浴室 屋頂廁所

玉樹無澡塘，趙專使備有帳房，專為沐浴之用，圍頂，全部可受日光。張於院中，上垂帆布水桶，下掘一坑，桶下有噴水管，並有開閉塞，用時轉塞使開水噴出。地坑上置木格板，人

立其上，水澆身上，流入坑中，轉流帳外，不啻都市之噴水塘也。本日架帳輪浴，一洗途中積垢，日光滿照，暖如溫室。

余等所居之馬氏私宅，建築爲口字形，有樓三層，最下爲廠屋，可置雜物，二樓四面屋有廊，第三層僅半面有屋，餘爲二樓屋之平頂，可以遊覽，全市在望，山水亦在一覽中，風景佳絕，空氣新鮮。有二間廠屋，趙專使喜露宿，卽置床其地。

屋上土頂，可以種花，有某種黃花及青稞苗若干。又有方木盆，內栽葱及野草數種，其色青青，邊地得此，亦不啻屋頂花園也。惟三樓無欄杆，由口中下望如數丈深穴，令人生畏。廁所卽在二樓屋頂，突出牆外，有板中空，遺矢落於數丈深之地面，下無圍牆，觀之不雅。幸其地高，冬夏不至蒸發，尙無臭味。普通建築，多不專設廁所，蓋帳房習慣，隨地可使溺也。

二十三日 喇嘛不出家 漢藏大聯歡

某君來訪，談及本地喇嘛，謂內地和尙，一經入寺，卽與家庭脫離關係，斷絕往來，甚至不通音信，故謂之出家。康藏喇嘛則大異，名爲出家，學於在家。幼時入寺爲僧，由家中供給飲食，數年後在寺中分得食物，又分送家中。或有父兄於寺中爲建居宅，死後仍由其親屬之爲喇嘛者繼承之，其他遺產亦然。平日來往家中，照料家事，千百戶家中有子弟爲喇嘛或活佛

者，雙方勢力愈大，可處理地方人民事務，並交接官長。卽西藏之高僧，亦終身不忘，如此次歡迎班禪之西藏色拉寺代表，爲甘肅岷縣人，年六十餘矣，尙專歸故里探其八十餘歲之老母，可知康藏喇嘛與人民寺院與地方關係之密切矣。

本日下午四時，西陲宣化使署全體同人歡宴專使行署全體同人，因賓主共五六十人，玉樹既無飯館，又一處無五六十人之棹椅與餐具，事到判處轉借，甚至主方向客方來借，可知結古市情形之一斑。惟席間有印度來之白蘭地酒，與西寧來之白乾酒，以及魚翅海參，而名廚爲甘肅人，邊地得此，殊爲意外，蓋皆班禪帶來者。是日西藏政府代表及三大寺代表班禪行署各堪布均到場，可謂漢藏大聯歡，飯後攝影，頗極一時之盛。

二十四日 伸舌爲敬禮 拾牙當佛骨

本日星期，至市上參觀，藏民男婦，以余爲中央大員，見者多伸舌或脫帽。詢諸藏友，謂伸舌至唇外爲最敬禮。藏俗人民謁達賴或班禪等法座時，脫帽合掌，長伸其舌於口外，頂禮三度，垂手並足，謹曲其躬，始行前詣，乃表顯三密之意。頂禮曲躬係表身密，伸舌表口密，脫帽者表意密也。

又本署藏文祕書格桑君，談及佛教信仰偶像事，謂信佛如佛在，並非迷信。述西藏一故事，有一藏人在印度經商，其母信佛，去時諄囑歸時須帶一可供奉之佛物，較不信佛，竟忘其

事。歸至里門，始悟及，但已無法，忽見地上有一死犬頭骨，即取一牙，用錦裹之，歸告其母，謂係在印度覺得釋迦佛之一牙；其母大喜，虔誠供奉，久之牙竟發光，且得舍利子若干。其子異之，密告一高僧，並究其因，僧謂敬佛在心，不必爲真佛像或真佛物也。其言亦頗有理。

格桑又述一佛教故事，謂印度大僧伍鎖修行時，三年未見佛，欲罷之，見一人以鐵棒磨針遂返。又三年仍未見，復欲罷，見山中滴水陷石成凹，又返。再三年仍未見，復欲罷，又見雁翅磨石崖，復返。又三年仍未見佛，決返，途中見一犬有瘡甚劇，羣蛆集之，既欲救犬，又不願傷蛆，乃大發慈悲心，以舌去蛆而割股肉以飼之，始見彌勒佛面，但恨其晚。佛謂余時刻在汝左右，惟汝不見耳。最後因汝有慈悲心，故始見之。彼不信，佛令彼負之而行，市中有入見彼負犬者，有人見彼負木者，亦有人見負一人者，彼謂負佛，人皆以爲瘋，所見各不同，因程度不齊也，彼始信之。此故事更有至理，勉人努力不懈，終必有成，勸人犧牲一己，救生不傷生。佛教理實至深，多比喻，如認爲實事，則迷信矣。

因佛教有深理有淺喻，故康藏一般民衆，信仰甚堅，婦人尤甚。劉祕書長家駒之母，年六十餘矣，猶乘馬由西康巴安來至玉樹，欲隨班禪入藏，謂雖死途中亦所甘心，此種精神，亦可佩也。

二十五日 巴安文化昔盛 玉樹教育今衰

劉祕書長家駒來，談及巴安文化，謂從前爲西康各縣第一，因清末趙爾豐時，以巴安爲西

康首治，曾設學務局，聘四川名儒吳蜀尤主其事，設男女學校及喇嘛職業學校各若干所，強迫青年喇嘛入職業學校，習土木等工程，並籌鉅貲設工廠，故一時文風甚盛，人材輩出。今日專使行署之藏文秘書藏文翻譯皆巴安人，以及渠在西陲宣化使署任秘書長，格桑澤仁在蒙藏委員會任委員者，皆當時教育之力，可知邊地教育之重要，但今不如前矣。

某君在座，亦談及玉樹教育，謂前有豫人張東藩任玉樹縣長，亦積極提倡教育，強迫藏民學生入學，當時學生甚多，張縣長時至學校，隨學生唱歌，游河濱遇民衆喇嘛即講演，當時玉樹文化亦大進步，今不如前矣云云。余覺邊地教育，爲一切建設之本，且事在人爲，如二君所述，大如趙邊使，小如張縣長，努力提倡，均收大效，自應日益進步，乃均今不如前，有地方之責者，應努力之。

下午馬司令純臣設宴，亦爲盛饌，多自西寧專爲余等運來者。午後甚熱，至華氏七十四度，劉秘書長謂巴安可至九十度。

二十六日 犬聲夜啼 牛皮朝曝

結古居民，家家養犬，大而且猛，卽所謂獒也。每戶數頭，總計在千頭以上，每晚吠聲嗷嗷，一倡百和，令人不能成寐。蓋藏民習慣，無論帳房或土房，爲保護牲畜，均多養犬，富家大戶以數十頭計。入門闔禁，防犬爲第一要事，主人聞犬聲亦卽出視，或抱犬，或斥呵之，始可

入。

本日天晴，仍甚暖，見院中曝牛皮無數。蓋皮毛爲此間特產，此時又爲收皮之期，曬乾備運西寧也。余等亦擬購若干張包裹箱物，因長途數月，用羴牛馱箱物，或磨石崖，或拖水中，或遇陰雨，無論皮箱木箱，均須用牛皮裹之。聞濕皮乾後，滴水不入，撞磨不破，價且甚廉，旅行邊地之寶物也。土人往往不用木箱，即以牛皮縫作軟箱，有皮帶束之，謂之軟皮包，裝衣物最宜。又有用皮縫小包二個，中以牛皮長帶繫之，可搭馬鞍上，中置零星用物，包上各有細帶束之，不至顯出。皮每油爲紅色，亦頗美觀。藏人多用之，余本日以國幣十元購得一具。又羴牛尾毛可裝馬褥墊，長途乘馬，非有厚墊不可，馬司令勸余縫一件，亦旅行邊地之必需品也。

二十七日 藏婦捻線織布 喇嘛轉輪數珠

晨赴三樓屋頂散步，見外院中藏婦數人，忙於工作，一人在錐靴，因皮靴底破，用錐與繩縫之也。一在捻羊毛線，用一木棒狀物，下尖形，轉於一木盤內，捻毛繞其上，尖不出盤而線成矣。一在割羊頭上皮，欲得其餘肉而食之。一在梳髮辮，額間分髮爲二，又各分辮數十小辮，此雖爲偶見之事，實即藏婦每日之工作。又見有以木桶背水者，尤爲普通工作。藏俗一切勞動事件，多由婦女擔任，每日特別忙碌，而男子反無所事。

喇嘛每日除誦經（或在大經堂或在僧舍）禮佛（點燈叩頭）外，多轉法輪，卽爲唯一之要

事。法輪之大者有專屋，高數丈，直徑丈許，若干人共繞轉之，藏名「董果」，意即千人共轉之意。小者高數尺，直徑尺許，廟中廊下每排列數十，甚至數百，藏名「可洛」，一人或若干人可隨意前行依次轉之。最小者高數寸，直徑寸許，即為私人所有，隨時持而轉之，隨貧富貴賤，而其質有金銀製或銅製者。又有設在水上藉水力轉者。藏名「曲果」。或置於樓上借風力轉者，藏名「隴果」。其內皆捲有經文，代替口誦。喇嘛之又一工作為數唸珠，源於佛教木槌子，為修持佛法之簡便法門，無論僧尼，人人皆唸珠一串，無事即數之，或一面轉法輪，一面數唸珠，亦隨貧富貴賤而其珠之質各異，有珊瑚者，有雜日者，（印度某種喬木之一種，色黑發光，大小不一，價亦甚昂。）普通為黃楊木製或琉璃。又有用死人頭蓋骨製者，亦殊珍貴，喇嘛每日亦可謂忙碌，惟與藏婦不同耳。

下午至街上，見藏民婦女有用羊毛編織者，其法與內地同，亦用兩長針，惟織為直統，不知灣法。又見有藏婦織毛布者，即置機街旁，或大院中，木機甚簡單，與內地鄉村所用者大致相同，上有數木環如滑車，下用兩木棒，以足踐之。木梭弓形，一面為鐵刃如刀，經緯全為毛線，有全為白色，或僅緯為白色，而經線分紅黃藍各色，織成後為色條毛布，甚緻細，亦美觀。惟幅寬僅六七寸，仿西藏毯氈，每疋長四丈餘，售價每疋藏幣十三元，約合國幣四元，可以縫衣，可以為毯，價廉物美。或云此種織機，係文成公主所流傳，頗近似，因其理法完全與內地相同，惟簡單耳。結古藏民甚貧，然能利用其特產之羊毛，捻線織布編織，以維持其生活，實

爲難能可貴。又家庭中擠奶製油烹茶煮肉，以及看護牛犢羊羔，亦皆婦女之事，至養育小兒，更爲當然。

二十八日 玉樹沿革 陸慶爭執

玉樹沿革，據調查並參考各方記載，所得如下：

玉樹二十五族，原隸於藏，明末蒙古亦不剌阿爾禿斯據衆佔據西寧，玉樹二十五族，遂屬於其部。清初，成吉斯汗弟哈爾圖合薩爾之後裔顧實汗侵入青海，徵服番民，玉樹二十五族又屬之。雍正初年，年羹堯平羅卜藏丹津之亂，漸次招撫，雍正九年西寧總理夷情事務衙門大臣達爾，奏請川陝派員勘定界址，十年夏西寧派出員外郎武世濟奉帖式齊爾德濟爾哈郎游擊宋守華都司周乘元，四川派出雅州知府張植游擊李文秀，西藏派出主事納遜額爾赫圖守備和尙，會同勘定，近西寧者歸西寧管轄，近西藏者歸西藏管轄，由是納書克等三十九族，暫隸西寧，而阿里丸等四十族，歸西寧管理。達爾奏定每千戶以上之部落，設千戶一員，百戶以上之部落，設百戶一員，具由兵部頒給號紙，准其世襲。千戶之下，酌設散百長五六名，百戶之下酌設散百長三四名，其不及百戶之部落，設百長一名，由西寧夷情衙門發給委牌。每十戶設一什長，由千百戶派充。達爾又奏定每百戶納馬一匹，折銀十兩，率皆又減二兩。雍正十一年經征起科，每百戶買馬一匹，如不足百戶者，每戶徵銀八分，總計四十族共八千四百四十二戶，三萬

二千三百九十名。內除喇嘛覺巴拉拉布庫克二族七十四戶，一遞文差，一司濟渡，免其貢馬外，餘三十八族，計八千三百六十九戶，共徵銀六百六十九兩五錢二分，除乾隆三年蒙古爾津族俄果洛克番搶去番民九戶，玉樹尼牙木籍（卽娘磁）因寨稱多男兔（一作安圖卽安冲）典巴薩布（卽迭達）下札武族，因地震有全戶傷亡及僅有孀孀不堪成戶者五十六戶，經奏明永免賦外，其餘各戶徵銀，完全解赴西寧，交貯西寧道庫，充作正餉。原議每年會盟一次。三年後聞年會盟一次。乾隆二年西寧總理夷情副都統保祝，奏改聞二年差章京一員守備一員帶綠旗兵二十名蒙古兵五十名前往結古會盟一次。每值會盟之年，歲首由西寧欽差會同鎮台派委員弁，前赴結古，召集各族千百戶，行會盟儀式，以便催收馬貢，清理積訟。初時委員蒞盟，千百戶百長均以前時齊集。清末委員到番，唯以誅求爲事，遣人漸肆，至者不過附近各族。囊謙千百戶或至或不至，或遺所屬散百戶代之。娘磁玉樹格吉等百戶，雖召亦不至矣。委員諮索既足，亦不之詰也。而番目因緣爲利，馬貢銀兩，戶出至二錢有餘。民國後歸甘邊寧海鎮守使管轄。民國二年，川邊經略使尹昌衡委員至囊謙，（川名隆慶）迫歸四川管轄，千百戶畏逼，漫應之，遣人訴於西寧。時馬騏爲鎮守使，電中央力爭，中央不知隆慶卽囊謙，已准隆慶歸川，囊謙歸青，由川甘兩省派員劃界。初四川派石渠縣知事某，西寧派管帶某至結古，彼此衝突至用兵。民國二年，四川改委同普縣知事李縉，甘肅派邊關道尹忠義軍統領周務學爲勘界大員，三年冬抵結古，四年查明「隆慶」卽「囊謙」，仍歸甘肅西寧管理，其年卽設玉樹理事，十八年改縣，二

十四年又分設囊謙稱多二縣。中國邊疆，向為朝野所不注意，以致一地二譯，竟有由中央劃歸二省之奇事，毋怪強鄰任意侵佔，邊地日蹙千里也。

二十九日 教育三縣一校 抽稅百中四取

某君來談玉樹各機關情形如下：

一、縣署 縣署組織甚簡單，除縣長外，僅三科三人，政警十五名，經費每月共二百九十二元，由省府發。田賦每年僅收青稞二千八百五十九筒，折合西寧斗為五十七石一斗八升，由各百戶分納（囊謙縣較多為三千六百筒）。

二、公安局 玉樹公安局，為民國十八年縣長張東藩創立，每月經費八十元，由玉樹出入口山稅局支領。二十五年六月，青海省因財政困難，各縣一律裁撤公安局，至本年四月始恢復，附設海軍警備司令部內，僅局長巡官辦事員各一人，警士十人而已（警士為司令部士兵兼任局長係軍官兼任）。

三、小學校 玉樹全縣有小學校一所，係警備司令部附設，亦可謂玉樹囊謙稱多三縣僅有此小學一所。聞為十八年縣長張東藩時所創設，旋停頓，後縣長陳謙馬子材等，繼續提倡。初僅有學生二名，且一為回教徒，旋增至二十名，遂由出入口稅局撥款三百元，司令部捐二百元，餘由各族千百戶出二百元，稱為藏文學校，並設體育場於校側（即今之公共體育場），蒸

蒸蒸日上。旋受戰時影響，學生逃亡，僅餘初入校者二名，次又增加三名，四年後以此五生稍有成績，送至西寧蒙藏學校肄業。自五生去後，又繼續招生，但各族均不願送子弟入學，旋由司令部強迫，並予以優待，每月每生發青稞三筒（每筒升半合藏幣四元），合國幣四元，每生每年發夏冬衣服各一套，學生始漸增加，現有學生共十九名，但大多數為軍人子弟，非真藏民。以籍貫言，計湖北一人，甘肅三人，西康二人，四川二人，餘為青海。以民族言：漢人二，回民五，餘為漢回父藏母，僅有一人為藏父藏母，但詳詢之，父已去世，又因其母嫁作商人（漢人）婦而隨之矣。以年級言：一年級七名，二年級四名，三年級六名，四年級二名。課程：除藏文外，國內地，教員，由縣署司令部稅局各職員兼故時曠課。報酬每時藏幣一圓，合國幣三角三，辦公費每月三十五元。經費一說二十五族每年共出五十秤（每秤六十元），不知確否？

四、出入口稅局 為省稅局，據該局負責人云：每年收入口稅約萬元，且據某君按該局稅章百駄抽四計，僅四五六三個月，已徵得八四八〇・八七二元，則全年當在四萬元以上。茲覓得該局徵收各種貨物每駄稅額規定如下：

鹿角	二元	銅器	七元	藏糖	三元
冰糖	三元	襪子	一元半	織器	二元

各種布	八元	各種洋縷	十八元	酥油	二元
藏呢	二元	陳醋	二元	回紙	十八元
麥麵	一元	白鹽	二元	錫鐵	二元
桂子皮	十八元	木頭	一元	藏棗	三元
木器	一元	裁絨毯	六元	柿餅	二元
川茶	一元半	粉條	二元	燈草絨	十八元
知母	八元	貝母	十元	燒酒	六元
噶嘰	十八元	各種紙	二元	棉花	八元
哈達	六元	各種粗綢	二十元	藏香	三元
洋傘	八元	洋蜡	四元	各種綉子	三十元

雜貨	五元	青稞	五角	玻璃	四元
冬蟲夏草	二十元	牛尾	二元	牛皮	五元
紅棗	二元	鹿皮	十二元	羊皮	一元
葡萄	三元	掛麵	一元	狼皮	十二元
白鹽	二元	紙烟	四元	火柴	一元
府綱	二元				

此外不以馱計者，麝香每包半元，鹿茸每斤一元，土墩每五馱一元，狐皮每張五角，豹皮每張三元，藏紅花每盒一元，獭剝皮每張一元，如上表實際非值百抽四，有輕有重。

三十日 出行避黑月 饋物有紅花

班禪決定陰曆七月初入藏，但藏俗七月為黑月，不利出行，因定本日先假出行至城外數里處，以避黑月。清晨馬司令朱縣長等來送禮物，亦古人送行饋贐之意。馬司令禮物送余者為藏

紅花一盒，狐皮一張，送專使者爲藏紅花一盒，豹皮一張。朱縣長贈余者爲麝香一個，冬蟲夏草一包，皆土產也。藏紅花雖產於藏邊，由此間輸入內地，不啻土產。

七時出發，預定至八九里外之草灘（其地藏名作業），完全如就道儀式，班禪乘黃轎，各堪布及各職員乘馬隨行，專使行署職員亦全體乘馬隨往。班禪衛隊儀仗隊等數百人，皆戎裝步行。至其地後，架設帳房，余與專使先至班禪蒙古包內飲奶茶，繼至客廳大帳房內，班禪居中高坐，余與趙專使高參軍馬司令四人左右高坐，餘各堪布及各職員皆就地坐，前陳油餅葡萄乾柿餅糖等食品，班禪並賜食米飯，由堪布以大盤捧入，上覆以錦，口中亦啣一絲巾，似妨噓氣入盤，每人分給少許，或以自攜之碗受之，或以手受之，油餅糖等，亦每人分送若干，可以巾攜歸，米飯亦可以紙包攜歸。藏人重視班禪，賜品每攜歸全家分嘗也。此完全爲一種儀式，大師退後，余等正式聚餐，大師送銀火鍋，內多海菜。下午四時始返。

三十一日 聽訟多神奇 納稅無定額

宋縣長來談，詢藏民訴訟情形，據云來縣署者，全年不過一二件，大部皆向百戶處訴之，其法仍用舊日番例。又人民對縣交納賦稅，僅有少數糧與草，而對百戶則納物甚多，事實上人民仍遵舊規，雖縣署成立已數年，而人民與縣署關係極少也。據縣長所述，並參考各方記載，舊日法律習慣，及納稅情形如下：

按嘉慶十四年西寧辦事大臣奏請查蒙古青海番子，大約重財輕命，習尚相沿，向來命盜等案，一經罰服，卽深仇宿怨，亦嘗冰釋，如按律懲辦，反使兩造仇隙相尋，卽被害之家，亦以不得罰服，心懷怨望。伏查番子內附之始，雍正十一年，經大學士鄂等會議，令西寧特派辦事大臣達爾，於蒙古例內，摘關於番民易犯之條款，纂成番例，頒發遵行，聲明俟五年後再照內地律例辦理。嗣經屢請展限，准照番例罰服完結，毋庸再請展限在案。伏思番民等如敢糾衆劫掠，擾及內地邊民，或肆意搶劫蒙古牲畜，關係邊局之案，似應嚴拿究辦，其止於自相戕殺及命盜案，向係罰服完結，應仍照舊例云云。部議番民有犯情節較大之罪，自應嚴辦，不得以罰服之例寬容，其尋常案件，未便妄事更張云云。據此可知玉樹藏民所用之唐古特字律，係雍正時由西寧辦理夷情衙門從蒙古例內摘出轉譯者。聞例目共六十八條，按蒙古例罰有十二等，罰性重九頭，罰馬至五頭，故番例罰牲畜，均不得過九或五之數。又罰服之例，照身分以爲賠償之差別，重者償百餘，輕者半折，交茶包之類外，給馬一匹，烏槍一，刀一而已。或曰輕者罰茶八十包，約值銀三百兩，重者罰出經卷一百零八帙，約值銀六百兩，最重者罰出經卷及他物，約值銀一千兩以上。其不肯償者，由本村之人共同擔任，甲村之人負乙村之債務，甲村有攤賠之責。

千百戶判斷訴訟，兩造皆有訟費，而被告所出爲多。如處斷不公，則自相報復，釀成命案者甚多。

又舊日聽訟之法，凡盜不招者，令握燒斧以布裹手封之，三日而驗，其手爛腐者爲真盜，否則冤枉。小竊不服者，則以黑白二石覆以土，令摸之，得黑則真，白即冤。兩造賭誓無所適從者，則令其親屬代賭，有代者則爲良民。或令擲骰，得點多者直。但此各法近少用矣。

又人民對千百戶納稅無一定制。有地稅，有牧場稅（納馬或牛羊），有產量與土司均分者。又有畜稅，每牛羊一頭，納銀數錢者。又地稅牧場稅之外，又有銀差歲納數次者，即支差所費攤之於民者。總之，一切無定額，亦無定期。

八月一日 兵士演京劇 藏女作唐舞

本日趙專使宴班禪行轅卓尼以上職員，及警備司令部少校以上軍官，並玉樹各機關領袖，以及大師衛隊儀仗隊官長，共約百人。同時開聯歡大會，故在結古河灘中大張帳房，由儀仗隊俱樂部演新舊劇，爲玉樹空前未有之盛況。

上午十時許，各來賓已先後蒞止，由余報告開會意義後，即開始演劇。新劇演安重根刺伊藤博文，舊劇演坐宮。次由班禪衛隊跳舞（後藏式），似俄國跳法。最後由結古藏民少女二三十人跳鑼裝，各盛服艷裝，紅綠袖長手外者數尺，外衣袒右臂，隊成圓形，各以長袖舞之，手舞足蹈，同時唱歌，節雖簡單，其文雅整齊，歌聲悠遠，似內地調。據云係唐時文成公主赴藏後所流傳，長袖善舞，或可信也。藏民男婦圍觀者數百人，兵士三機關約千人，惜忽降雨，否

則藏民觀者當尤衆。

下午二時開宴。藏人喜飲酒，趙專使又善酒，小杯之後，繼以大杯，藏人本素用大杯，但酒爲青稞酒，本日用余等所帶之酒，係陝西鳳翔太白酒，於是醉者五六人，幸宴罷天晴，數人挾之而歸。

二日 玉樹商業一斑 英日外貨半數

玉樹商業，據商會會長所述，及各方調查所得如下：

玉樹無專賣商號，多係陝甘川康等處之行商，自各地攜貨物來售，售罄後將玉樹土產運往內地。故均在家中，無一舖面。但玉樹貿易全賴此輩流動商人之往返，此外爲來往西藏之茶商。

玉樹出入口貨物之價值統計，據出入口稅局所得三個月出入口貨統計：出口者值三六，七八四·三元，入口者值二〇八、八三七·九元。可知玉樹雖爲邊區，交通阻礙，而三個月的入超達十餘萬元之多，實可驚異。來自川康西寧者，以食物用品爲最多，洋貨次之，而玉樹洋貨之入口，大部來自印度，英貨約佔全年輸入品百分之四十，日貨約佔百分之十，即英日外貨，約佔每年入口貨二分之一。以邊區之玉樹，而外貨約一半，且結古百物昂貴，惟英日外貨反較內地爲廉，實可權也。

運外貨者，大半爲茶商，茶產於四川雅州六屬，銷售西藏及玉樹各族，爲結古過載貨物之大宗。販茶者多係西康霍爾族。（藏人通稱霍耳巴，又稱霍爾喀奄。按藏語謂地方曰喀，謂數之五曰奄，霍爾喀奄譯言霍爾五族地方也，卽今章谷朱倭甘孜白利絨壩擦等處。）其資本費出自大寺院之喇嘛。茶至康定，始認官課，年共十萬八千引。（一引爲百斤，每引五包，每包四錠，每錠五斤。）納課一兩二錢二分，稅銀每包三錢，由康定起運，每六包爲一駄（二十四錠以生牛皮分攤爲二大包）。每駄價銀及包稅約共十二兩上下。牾牛運至結古，每駄腳銀及沿途稅銀共約六兩，由結古運至拉薩，每駄腳銀四兩至五兩，每至歇脚地，許給駐在地頭人約二分。計每駄茶運至拉薩，成本共值銀二十五兩，售藏銀八十至百兩不等（合華銀五十至七十兩因成色不足）。十萬八千引，共九萬駄，統計每年運至拉薩者約五萬駄以上，其餘銷於西康及玉樹各族。以五萬駄計之，共值銀一百二十五萬兩，共獲利一百三十萬兩以上，若運回藏貨，其利更大。昌都本爲由康定赴西藏之大道，茶商以山路險峻，又艱於雇牛，遂取道結古，以期省便，故結古成爲茶商必經之要道。茶商由康定起運後，除甘孜邛柯兩縣略徵稅銀外（每八駄收銀三兩兩縣皆然），一至玉樹出入口稅局照例征收，每百駄藏銀四元（卽上所謂歇脚地給頭人銀也）。茲將玉樹三個月（五、六、七）之輸出入概況，列表於下：

三月來輸出主要貨物平均表

物價名稱	數	量	單位平均價	總	價
牛皮	三一二〇張		一・四元	四三六八・〇元	
狼皮	三七五張		五・〇元	一八七五・〇元	
沙狐皮	二七七五張		二・〇元	五五五〇・〇元	
金銀豹皮	九張		三〇・〇元	二七〇・〇元	
羔皮	一六二〇〇張		〇・三元	四八六〇・〇元	
水獺皮	三張		二〇・〇元	六〇・〇元	
羊皮	三八〇〇張		〇・六六元	二五〇八・〇元	
狐皮	一四四張		七・〇元	九〇八・〇元	
馬	三二四張		六五・〇元	二〇八〇・〇元	

牛	二六八頭	一〇・〇元	二六八〇・〇元
牛尾	六〇〇個	〇・三三三元	一〇〇〇・〇元
羊	一四頭	三・〇元	四二・〇元
蟲草	一五〇斤	五・〇元	七五〇・〇元
麝香	三〇個	一〇・〇元	三〇〇〇・〇元
乾鹿角	二二〇斤	〇・八三元	七四・〇元
鹿茸	七〇斤	六〇・〇元	四二〇〇・〇元
虎骨	三八斤	八〇・〇元	三〇四〇・〇元
羊毛	一一〇〇斤	〇・一三元	一四三・〇元
合計			三五八六七元

三月來輸入主要貨物平均表

貨物名稱	數	量	單位平均價	總	價
莊斜布	七二〇〇丈		二・〇元	一四四〇〇〇元	
毯	一六二根		一五・〇元	二四三〇〇元	
茶	一六三七八〇斤		〇・六八元	一一一三七〇・四元	
大米	七六〇斤		〇・四七五元	三六一・〇元	
紙煙	四五〇條		四・〇元	一八〇〇・〇元	
藏糖	五四六〇〇塊		〇・〇四元	二一八四・〇元	
青油	二〇〇斤		一・〇元	二〇〇・〇元	
生銅器	二七〇〇斤		〇・五元	一三五〇・〇元	
白鹽	一四四〇〇斤		〇・〇二元	三八八・〇元	

加子呢	一八〇〇丈	六・〇〇元	一〇八〇〇・〇元
桂子皮	一二〇〇丈	三・〇〇元	三六〇・〇元
鐵器	五六〇〇斤	〇・四〇元	二二四〇・〇元
各種紙	八〇〇〇〇張	〇・〇二元	一六〇〇・〇元
顏料	九五〇斤	一・〇〇元	九五〇・〇元
青葉	四〇〇〇斤	一・三三元	五三二〇・〇元
麥麵	二二三〇〇斤	〇・八〇元	二八三四・〇元
粉條	一三五斤	一・六四元	二二一・四元
冰糖	四五〇斤	〇・〇八元	三六〇・〇元
燒酒	二〇〇斤	一・〇元	二〇〇・〇元

鼻煙	八六〇〇把	〇・〇五元	四三〇・〇元
青藍紙	七二〇〇張	〇・二六元	一一五二・〇元
玻璃	一五〇塊	二・〇〇元	三〇〇・〇元
藏棗	一四四〇斤	〇・二〇元	二八八・〇元
哈達	七八〇〇匹	〇・一七元	一三二六・〇元
卡網	三五〇丈	三・四〇元	一一九〇・〇元
七墩	八五〇〇斤	〇・〇八元	六八〇〇・〇元
甘草	二九〇〇斤	〇・四〇元	二二八〇・〇元
裁絨毯	五馱	二〇〇・〇元	一〇〇〇・〇元
合計			一七六一五四・八元

以上所列，皆就大者而言，其他輸入之零星雜貨玩具藥品等，尙未統計在內。玉樹之輸出品，以皮毛藥材爲大宗，皮類如牛皮羊毛羔皮野生皮等……各族皆產。藥材如鹿茸（各族皆產但以玉樹娘礎格吉爲最多），冬蟲草（札武蘇爾莽昂謙格吉皆產），大黃，知母，貝母（札武蘇爾莽格吉囊皆產）等，皆由陝甘之遊動商人輸出川康各地。其輸入商品自西藏來者，爲珊瑚、藏紅花、靛、阿味、礪沙、茜草、硼砂、樺木碗、藏棗、乳香、藏香、雪蓮、琥珀、珊瑚、銅鐵絲、銅鐵板及條、銅鍋、銅壺、顏料、小刀（直形長約一米遠，貴者值百兩左右），碱灰（自藏邊三十九族來者用以和茶），皮紙、經典、磁器、華蓋鍋碗鍾杓之類，皆自印度轉運來），斜洋布、洋緞洋線，魚油蜡、紙煙（以上六種皆印度貨），帽子皮呢、絨布坎布（係俄貨）。自打箭爐來者，有洋布、綢緞、生絲類哈達、醬菜、磁器、白米、熟牛皮、紙煙、孔雀石（產自陝西）。自西寧洮州來者，有銅鐵鍋、銅火鍋、鍋撐、白米、麥麵、大布、掛麵、葡萄、乾棗、柿餅、粉條、磁碗、辣椒等。其輸出以羊毛爲大宗，南出康定年約五十萬馱（每馱重二百四十斤值銀二十餘元），餘均由西寧輸出。玉樹商業，因交通不便，居民往往以實物交易，結古爲玉樹二十五族走集之地。然商賈多爲川康各番及陝甘漢人，土人經商者甚少。各族並無常設市場，其交易也，約有一定之時期地點，亦若內地之鄉鎮集會。茲將各族商人之集會時間地點錄之如下：

時間（舊曆）	地點
一月十一日至十五日	札武新寨竹節喀耐寺送遠莊覺拉寺
二月十二日至十五日	拉布寺 惹尼牙寺
三月二十八日至二十九日	結古寺 歇武寺，朵藏寺
四月七日至十日	稱多車周寺
四月十八日至十九日	竹節青錯寺
四月二十八日至二十九日	竹節寺
五月七日至八日	拉布寺
五月十四日至十五日	禪估寺
七月二十八日至二十九日	隴喜寺

八月九日	結古寺
十月七日至十日	班慶寺
十一月十五日	朵藏寺
十二月十三至十五日	新寨

玉樹貨幣，前均用藏幣及印度英幣，展轉流行於二十五族各地，每元約合內地三錢一分，近已不用。今所用者為康定所鑄之做藏幣，原為川元，上有趙爾豐遺像，每元在玉樹約合內地國幣三角三分餘（在康定約合國幣五角）。無輔幣，前尚以川元二分一四分一六分一為畸零之用，今僅用對開或三開之藏幣（即將整個藏幣剪為對開或三開）。此種剪開之幣，出玉樹即不大適用。重貨物價，則以銀若干秤計（每秤五十兩合川圓一百六十元）。法幣自儀仗隊隨班禪抵玉後始通行，惟僅及結古附近數十里。

藏民貿易計算物品，每不以實物之單位為準，而以貨幣之單位為準。如云藏洋一元，買麻紙共千張，而不云每張麻紙價若干，蓋因無輔幣不便計算也。又藏人無尺，如賣布以一方論，即按布之寬狹折角等方為一方，價值若干。量物用筭（青稞一筭約合內地十五斤），稱物二十兩或二十四兩為一斤，不等。計數以唵珠為算具，但近來亦漸知用珠算，係漢人所傳授。

三日 玉樹農業概況 藏民神權社會

玉樹爲牧業區域，且因地勢過高，氣候寒冷，不宜五穀。但河谷低原之地，可農耕者亦不少。近年漸漸發達，以青稞爲最多。拉卜寺附近，年來有種小麥者。據調查所得，通天河子曲河等流域，均爲可耕之區。

通天河流域，自協曲以下，沿河兩岸，及周察稱多拉卜歇武義曲結古曲諸水濱，皆有農田。

子曲河流域，自吹靈多多寺以下始有田，姜雲曲曹曲等水濱，亦有農田。

新曲河流域，自覺拉寺以下有田，以強喜雲爲最多，田且較腴。

鄂穆曲河流域，自村沙百戶屬地以下始有田。

茲將玉樹各族田地及荒地畝數，據調查所得，列表於下：

族 別	田 地 畝 數	荒 地 畝 數
囊謙族	四〇〇〇〇	一五〇〇〇
蘇爾莽族	五二〇〇	九〇〇〇

札武族	九〇〇〇	一五〇〇〇
透達族	一四〇〇〇	三〇〇〇
替草族	四一〇〇	二〇〇〇
拉達族	四四五	一五〇〇
歌武族	四二〇〇	八〇〇
稱多族	一六〇〇〇	一一〇〇〇
安冲族	四六〇〇	一〇〇
古利族	四〇五〇	一〇〇〇
竹節族	一四五〇	四〇〇
拉卜族	四〇〇〇	一〇〇〇
以上十二族	共田地二二〇六〇〇畝	共荒地四一八〇〇畝

實際恐不止此，其調查當然未詳確也。

藏民量地無畝數，以播種種子之多寡計算，上地下種一斗，收穫十倍，中地七八倍，下地四五倍，因地多而種，且不施肥料，耕地歲易其處，有一易者，再易者，猶古輪田制也。

玉樹田多沙礫土壤，掘地數尺皆然。其耕種之法又甚簡陋，犁法用一橫木束於兩犂牛之角，中繫長木，引犂惟知用牛頭力而不知用肩力，拉卜楞一帶及康藏皆然。耘草者甚少，或僅耘拔一次。

農業以青稞為主，每歲舊曆一月末三月初為播種之期，八九月為收穫之期。但無論播種收穫，均由喇嘛占卜，至期一律播種或收穫（某日收東方某日收西方以占卜定），故屆時甚忙，喇嘛多請假歸家，協力耕種或收穫，如內地私塾之忙假。

有風災雹災或旱災，亦由喇嘛誦經禁雹風，或祈雨，有牛羊踐田禾者，亦由喇嘛禁止或處罰，故收穫後納寺院以糧酬報之。又開地亦占卜，每因占卜不宜，或謂有礙風脈，即不得耕種，任其荒蕪。

四日 玉樹畜牧 羴牛用途

玉樹各藏族，以畜牧為主，不外馬牛羊三種。牛最多，羊次之，馬又次之。牛以種類分之，有黃牛黃牛犏牛之別，犏牛為耐寒性之高原動物，壯者力大性暴，衝行雪地冰地渡河浮

水，均能勝任。牝者較小，多供取乳之用，其乳質所含之脂肪質，較黃牛為高。犏牛限於富戶，故產量較少。犏牛為犏牛與黃牛之間生種，故具有兩種優點，如能耐寒負重，體軀高大，而又馴服穩健，其乳量較犏牛黃牛均高，故富戶養之。以用途分之，有食牛耕牛乳牛之別，食牛謂之菜牛，乳牛專取乳。耕牛兼可運貨，且運貨者多於耕田，謂之運牛，數百成隊，日行五六十里，為重要之運貨工具。羊有山羊綿羊二種，黑山羊價較廉，二三元可購一頭，馬佳者甚少，上馬不及西寧之下馬，故上馬每匹僅百餘元，次者數十元，乳牛價約十元。畜牧副產物甚多，尤以皮毛為最，毛且著名，乳油亦不少。茲據調查所得情形，列表如下：

縣別	犏牛數	價 值	犏牛數	價 值	黃牛數	總 價 值	馬 數	總 價 值
玉樹	100,000 頭	880,000 元	2,500 匹	300,000 元	105,000 頭	410,000 元	26,000 匹	1,500,000 元
囊謙	80,000	680,000	11,000	220,000	190,000	380,000	15,000	900,000
稱多	75,000	600,000	1,400	116,000	183,000	366,000	14,000	840,000
合計	255,000	2,160,000	68,000	756,000	578,000	1,156,000	55,000	3,110,000

又三縣每年所產皮毛尾等副產物數目如下：

羊毛	二、五〇〇、〇〇〇	值	三、七五〇、〇〇〇元	羔羊	五、〇〇〇張	價值	一〇、五〇〇元	牛尾	一、五〇〇、〇〇〇個	價值	三、五〇〇元
老羊皮	七〇、〇〇〇張	價值	七、七〇、〇〇〇元	牛皮	六〇、〇〇〇張	價值	三〇〇、〇〇〇元	馬尾	八〇、〇〇〇個		
合計共值八八五、〇〇〇元											

以上統計，當然不詳確，但大約可知。至畜牧方法甚簡單，除結古外，無牛羊圈，不儲草，概無獸醫，故天然死亡率甚大也。

五日 玉樹手工業 印度毛編法

結古工業極不發達，可稱為工業者，僅有一裕民工廠，屬於玉防警備司令部，係民國二十二年七月馬縣任玉樹縣長時所創設。初僅縫機一架，二十三年增縫機二架，並增設皮工織工鞋工等工人九人（裁縫三人皮匠二人織工二人鞋工二人）。兼熟獸皮，有熟皮匠二人，職員有主任會計一人，跑街一人。工價較內地約昂五倍，但司令部有工時，按原值五折。又關帝廟中有修械所，專修理司令部之槍械，有簡單機器，工人四五人。

此外為手工業，藏民婦女，縫人人龍之，或毳毛線，或織毛布，或編毛衣及帽襪手套等。

據云此毛編手工，最初係某人自印度學得者，今普遍全玉樹矣。價廉物美，毛襪每元可購六雙，毛衣褲每套僅五元。至木工原有數人皆川籍。又有一種製牛皮者，係陝西人，雖非新法而近於新法，其製出之皮甚軟，為紅色，其地點在結古數十里外之某地。聞製法甚複雜，需時亦久，故牛皮在此地價雖極廉，而製出之皮價相當昂貴。至藏民熟皮之法，普通用酥油，以手足揉搓之。

六日 玉樹交通概況 康藏往來樞紐

玉樹交通，據調查並參考其他記載如下：

(一) 郵政 僅有一代辦所，附設於陝人商號世隆昌內，通西康鄂柯石渠，而與西寧反不通，因途中無人烟，且須月餘，又渡通天河與黃河，經果洛番附近地，郵差數次失踪，遂停止。故青海之函，亦經西康，數日一班，甚至無定期。且班禪大師及余等至玉樹後，每週發信一次。

(二) 電話 警備司令部有軍用電話，通巴塘（係草灘名其地有駐軍與稅局）與歇武（亦有駐軍與稅局）兩地，前曾通拉卜寺，現廢。

(三) 電台 警備司令部內有軍用無線電台一所（七十瓦特手搖機），但亦收商電，係中央於民國二十一年發給青海無線電機三架，青當局分運一架設玉樹，於二十二年元旦成立。班

禪行轅輿護送班禪回藏專使行署至後，交通部派有無線電機及人員隨行，於是增加無線電台三處，但均為臨時者。

(四) 道路 玉樹為青邊康邊藏邊之中心，為青海通康通藏之要道。但交通仍困難，且多無里數，惟以牛馬一日所行為計，馬行約八九十里，牛行約五六十里，凡里數不詳者，僅知牛站馬而已。

甲、由玉樹赴藏大道

結古西南行，牛站一站至哈中達，一站波綠雲，西行一站尼馬戎夏，一站達木雲，一站子雲。西南行一站惹知加果，一站沙慶馬，一站巴也寺，一站泗貢惹瓜，一站瓦裏拉，一站可食雲，一站阿拉且馬，一站阿哥公茂日。由此西行牛站六站險朝午拉山，至索滂羊宗（青藏分界處）出境，至夥爾吉卡族（卽三十九族中部落）之雜車火地方。又經夥爾尼他馬族地，八站至拉雲雲（羣車族地），又六站至江娘河（咱馬族地），又一站出三十九族界，至拉曲略。

乙、由玉樹赴囊謙道（附囊謙至各地道）

結古西南行，六十里滂孔咱，五十里曳吉松多，四十里龍喜寺，二十里落瓜拉瓜，五十里顯雲強。南行六十里顯且寺，七十里炊達，五十里乃魯。西南行二十五里喀至，西行四十里至囊謙。

由結古西行六十里哈同中達，六十里多拉馬果，南行七十里落果拉瓜，與大路會。

由顯強雲西行一馬站拉覺寺，一馬站達浪喀，一站然覺寺。西北行一站馬尼朵，西行一站四頁惹瓜。

由囊謙一馬站至當巴拉攏，一站過尼巴，西行一站巴色果，西北行一站龍喀寺，西行一站更拉寺，一站保吾野永松多，西南行一站穆桑巴吾松多。

由囊謙一馬站彼札喀，一站幹達寺出界，一站莽達寺，一站交老，一站浪木達。

由囊謙南行二站至改九寺，三站至額烏齊寺。

丙、由結古赴西寧道（與前述西寧至玉樹站數里數略有出入）

結古東北行四十里瓜拉小洲，六十里歇武寺，再六十里喀耐寺。西北行五十里竹節寺，四十里咱曲河濱。北行七十里休馬番帳，六十里奢拉山西麓，五十里哇雲灘，八十里野牛溝，七十里野馬灘，五十里黃河渡口，二十里馬拉有，八十里高拉力色薄，七十五里欽科車馬，六十里羊腸溝，六十里札梭拉溝，四十里班禪玉池。東北行七十里切吉河腦。北行四十里切吉河口，五十里貢朵淖爾，四十五里窩遜，六十里恰不恰，八十里倒淌河濱，五十里上窩落。東北行險日月山卡，北行六十里湟源縣，四十里鎮堡。東行五十里西寧。

丁、由玉樹赴西康石渠縣道

結古東行一馬站至歇武寺，一站至打木多，一站至石渠。每站均約七十里。

戊、由玉樹經同普縣至昌都道

結古南行五十里班慶寺，一百二十里拿倫多，七十里代隆屯，一百里果得，五十里義五屯，一百里仁達，四十里開普縣治，共計程五百三十里。又由同普縣折西行九十里下，五十里蓋山溝，五十里覺雍，八十里拖壩，八十里雅熱，七十五里昌都縣治。又由昌都西行四站至恩達，又七十里至類烏齊，又由昌都東行五站至札鴉。

由拿隆多西南行，九十里德色提寺，六十里窩納，一百里金通，四十里昂達賈，五十里昂多，六十里混多，五十里昌都，爲結古至昌都捷徑。

己、由玉樹赴鄧柯縣道

結古西南行馬站一站班慶寺，一站喀沙，一站瞻目，一站至鄧柯縣治。每站均約七十里。

(五) 津渡 通天河歇武寺直布莊南有渡口，寬約二十三丈。札武蓋達莊西有渡口，寬約二十四五丈。固察毛藉莊有渡口，寬約十八九丈。均用皮筏，冬有冰橋。

咱曲河蒙古爾津諳他南有渡口，水小可涉。子西河隴喜寺有渡口，深一尺六七寸許，漲時有二尺五六寸，寬七丈許。子雲亦有渡口，均可涉。雜曲河昂謙古特知莊南有渡口，寬約六十六丈，深沒馬腹，水甚清，皆碎石鋪底，冬亦不凍。覺拉寺南亦有渡口，巴兒曲河昂謙南有渡口，寬約三十餘丈，深尺許，鄂穆曲河昂謙達朵寺東北有渡口。

七日 玉樹林礦概況 邊地特產一斑

馬司令來談，據述玉樹各族礦產森林及其他特產如下：

甲、礦產 玉樹各族境內礦產甚多，但喇嘛迷信多不讓開採，且不許調查，故多未發現。據所知者如左：

一、金礦 以娘矮爲著，距結古四五站至七八站，全爲夥金（非獸金），大有如指頭者，但普通爲如豆如米之小顆。掘地二三尺卽有，開採已若干年，每年五月至十月爲採取期，因地未凍也。工人多時約三百餘人，每年可採得三四百兩，採者多爲因察安冲人，每年結隊數十人或百餘人往其地掘取，且携武器，因娘矮人甚野蠻，不願外人開採，以爲傷其地脈，人少或無武器不敢往。又黃河沿岸亦有金，拉加寺一帶有人開採，惟係沙金，各河流域幾皆有。

二、銀礦 以安冲爲有名，故其地多銀匠，結古所有銀匠皆安冲人。又布慶小蘇莽亦產銀，多與鉛合，同時可得二礦，某國人前至其地，見之甚驚異。

三、鉛礦 如上述在小蘇莽與銀同產，又札武亦產鉛。

四、銅礦 格吉最有名，係天然銅，卽露出地面。民國十五年馬海山司令至其地，見道旁一大塊，用數騾設法馱至結古，藏民以爲運去其寶，追之，幾衝突，後給與一小塊，始持歸，令猶供之如神。海山司令將所得之一塊製成許多銅器，惜再未設法開採。

五、煤礦 蘇莽格吉中壩一帶同產，惟居民慣用牛糞，無人採取。

六、雲母石礦 產於格吉某山，據云遍山皆白，日出時其光照耀，使人目不能開，商人某

遍其地，曾攜來一塊，惜地僻無人注意。

七、鹽礦 總舉族境內有岩鹽，遠望如雪山，近視爲鹽，高數十丈，長八九十里，人民隨意採取，每畝二大塊，價值甚廉。又囊謙格吉蘇魯克境有鹽池，惟多爲紅鹽，不如青鹽之佳。

八、翠玉 格吉雜曲河濱產之。

九、雄黃 產於札武，結古市內某宅內卽有，今已建屋其上。聞光緒末年，某商人在距結古數十里之上巴塘內發見雄黃礦，運一箱至成都，得利甚厚。次年以牛皮包運大批至成都，成都商人故低其價，以至虧累，再未採運。

乙、森林 由湟源至結古，樹林極少，但玉樹各族境內大森林不少，據所知者如左：

一、產地 大小蘇莽最著名，延長至三四百里，高者數丈，大者數圍，人入其中，不見天日。近者距結古僅三站，俱大木多在石山中，道陡而險，不易採運。

二、種類 以松柏杉樺四種爲最多。

丙、藥材 森林中本多野獸藥材，故各族又有特產如左：

一、鹿茸 各族皆有，玉樹娘娃格吉各族最多。

二、麝香 各族皆有。

三、冬蟲草 格吉札武囊謙蘇莽各族最多。

四、貝母 各族皆有，惟以產蟲草之上述各族爲最多。此外野獸有狐豹狼熊獐獐沙狐獾猴

及野牛野馬野羊等，其皮皆有用。

八日 藏兵請假行乞 眷屬負子從軍

有商人馬芝祥君，在鄂柯藏軍防地內經商，據說：其地駐藏兵兩營。有二代本，兵士皆徵自民間，遠戎藏邊康境，故大半攜眷屬同來，每營有眷屬三百人以上。今年糧價大漲，每月每兵僅得藏洋四五元，合國幣二元許，不足眷屬之食，於是多爲人工作，惟圖糊口，不取工資。甚或呈明長官，出數站外去乞食，但無逃者。乞食時亦僅帶刀，並不搶人，因爲徵兵有所稽也。眷屬雖累，但開拔時無需烏拉，並可負物，卽幼兒稚子，亦負而行，不另索牛馬，其槍皆自英國或印度來，故較青康軍之武器尙佳，且子彈甚多。又謂駐昌都之藏軍官索康，曾留印度十五年，故能英語，漢語亦佳，善交際。前康軍一連至鄂柯時，渠設宴款待，並每兵士賞洋一元及紙烟一筒。藏軍多吃紙烟，索康且販鴉片，對青軍亦客氣，謂前次衝突，皆某代本所爲（現駐德格），渠知後卽令退兵云云。

又據馬商談：謂班禪大師初至玉樹時，藏方無一人來，自本年四月起，後藏之兵士人民，來拜大師者甚衆，但前藏仍無人來云。

九日 玉樹宗教情形 結古寺院概況

班禪駐錫之結古寺，雖非二十五族中最大之寺，而為二十五族中較古之寺，且為結古市惟一之寺。據調查所得，其概況如下：

結古寺為薩迦教派，據傳第一代宗師為說爭則母，時當元季，設教於後藏薩迦寺，當時掌藏教權，極盛一時。至清代黃教勃興，薩迦教派始漸衰，除西藏外，結古寺實為該教正宗之一支。

寺內組織，由周拉康（即大經堂）局康（即釋迦佛殿）曲賓拉康（即護法神殿）三部組合而成。每部有羅鼎二人（即管家），管理各本部產業及歲出入等事項，任期三年，人選由喇嘛中選舉品學兼優者充任之。香佐六人，任期一年。三部合選管鼎一人（即管經喇嘛），任期三年，喇嘛共計四五百人，其能穿間應及下母禿（如內地被袈裟者）成為正式喇嘛者，必須留學後藏哦日寺（薩迦教派發源地）若干時，否則不得穿正式服裝為正式喇嘛。

結古寺有歌札（即求知院），全寺喇嘛均須至其中學習經典，內有教授六人，皆由格西擔任，任期五年。寺中有活佛二人，一為加拿佛，一為汪波佛。該寺為加拿佛所建，在歷史上關係頗深，茲錄其事蹟及系統如左：

加拿佛第一世（藏語謂中國為加那即支那之轉音故名加拿佛）名多丹強却怕旺，生於昌都，完堂，十二歲為僧，法號為羅桑札巴，初入藏研究經典，繼至山西五台山朝拜文殊菩薩，旋返西藏，後又赴印度，由印度返玉樹後，始在額察噶嘛呢經塔堆，並築結古寺於結古山巔。第

二世法號根葛丹巴加參，生於強巴彥（譯音）。第三世法號歐旺羅桑加參，生於桑西（譯音）。第四世法號根葛強却加參，生於桑西。第五世法號歐旺加傑仁青，亦生於桑西，去歲始圓寂，享年六十二歲。

至玉樹二十五族之宗教，全為佛教。茲將各族寺院名稱派別活佛及喇嘛人數等，列表如左：

族	分	寺	名	教	派	活佛	喇嘛	備
囊	謙	采	九	白	三人	一〇五人		
		幹	達	黃	一人	六〇人		
		加	千	白	三人	四〇人		
		宋	魯	白	一人	三〇人		
		殺	也	白	一人	二〇人		
		蘭	州	白	一人	七人		

初義寺	白	二人	五〇人	
宗達寺	紅	三人	六〇人	
曲符寺	白	一人	一〇人	
改白寺		一人	四〇人	疑卽改滾寺白教也
撻朵寺	白	一人	四〇人	
旦那寺	白	一人	六〇人	
拉慶寺	白	一人	五〇人	
葱巴寺		一人	三〇人	疑卽倉沙寺白教也
熱拉寺	紅	一人	二〇人	
拉浪寺	白	一人	一〇人	

夏午寺	白	一人	一五人	
尼牙寺		一人	三〇人	疑卽迭亞寺之誤
白日拉羣寺	紅	一人	三〇人	或云無喇嘛
白日拉慶寺	紅	一人	四〇人	
然覺寺	白	一人	二〇人	
迭亞寺	白	一人	一五〇人	
由迫魯寺	紅	一人	四〇人	當作一百一十人
東囊拉羣寺	白	一人	四〇人	
東囊拉慶寺	白	一人	七〇人	
幹勃寺	白	一人	二〇人	

	顧且寺	白	一人	六〇人	
	巴也寺	白	一人	七〇人	
	麥野寺	白	二人	四〇人	
	寧多寺	白	一人	三〇人	
	車裏寺	白	一人	一八人	
札武三族	結古寺	紅	三人	四五〇人	
	禪姑寺	白	四人	三〇〇人	
	果拉寺	黃	一人	二〇〇人	
	湯隴寺	紅	無	一五〇人	
	圖登寺	紅	無	一三〇人	在藍達莊東卽舊圖所謂圖登貢巴也番謂寺曰官壩

			迭 邊						
班慶寺	東果寺	東錯寺	拉午寺	多勿寺	布隆寺	惹尼牙寺	邦芭寺	芒勃寺	宋拉寺
白	白	紅	白	紅	紅	黃	黃	黃	黃
四人	一人	二人	二人	二人	無	四人	二人	二人	
三〇〇人	五〇人	二〇〇人	八〇人	一〇〇人	二〇人	三四〇人	一六〇人	一三〇人	一二〇人

桑周寺	紅	無	二〇人
拉休龍喜寺	黃	六人	八〇〇人
吹靈多多寺	紅	二人	二〇〇人
蕩喀寺	白	一人	一五人
車福寺	白	一人	五〇人
竹巴寺	白	一人	四〇人
車魯寺	紅	二人	六〇人
阿運寺	白	一人	
圖察邦夏寺	紅	一人	三〇人
色爾寺	紅	一人	一〇人

稱多	東周寺	紅	二人	二〇〇人
	宋藏寺	紅	二人	三〇人
	孔雀寺	紅	一人	八〇人
	改瓊寺	紅	一人	二〇人
	先宗寺	白	三人	五〇人
	札喜寺	白	一人	三〇人
安冲	遼吉寺	紅	一人	五〇人
	邦貢寺	黃	二人	三〇〇人
	郎寢寺	紅	一人	三〇人
	遁藏寺	白	一人	二五人

	拉札寺	白		一〇人	
加迭喀桑	竹節寺	白	一人	三四〇人	其喇嘛百戶兼之
	休瑪寺	黃	一人	五〇人	
	喀耐寺	黃	一人	一八〇人	
	情礎寺		一人	五〇人	
	歇武寺	紅	一人	二〇〇人	
	寧宗寺	白	二人	一二〇人	
	巴幹寺	白	一人	三〇人	
	革武寺	白	一人	五〇人	
	色巴寺	紅	一人	四〇人	

	色普寺	紅	無	二〇人
蘇爾莽	朗結載寺	白	二人	一五〇〇人
	朵登寺	黃	一人	一五〇人
	德色提寺	白	二人	一〇〇人
格吉三族	札西拉賀寺	黃	二人	一二〇人
	兒魯寺	白		四〇人
	作盛寺	白		五〇人
	巴也寺	紅		三〇人
	牟多寺	白	一人	八〇人
	建中寺	白		二五人

中壩三族	更拉寺	白	無	二〇人
	龍喀寺	白		八〇人
	巴拉寺	白		五〇人
	日瓦班馬寺	白		五〇人
	日瓦得馬寺	白		五〇人
	日瓦麥馬寺			七〇人
玉樹四族	開酒寺	黃	一人	三五〇人
	夏魯寺	黃	一人	三〇〇人
	覺讓寺	黃	一人	二八〇人
娘礎族	色航寺	黃	三人	三四〇人

	巴干寺	黃	一人	五〇人
蘇魯克	無			
附	覺拉寺	白	三人	二三〇人
	拉布寺	黃	五人	四〇〇人

此外因青海軍政界多回教徒，結古有清真寺一，每值禮拜日咸集其地，並懸旗。

十日 玉樹各族 川甘之爭

玉樹二十五族，以大小言，囊謙爲首，應云囊謙等二十五族。玉樹僅二十五族之一，且爲小族，推因錯誤已久，不便更正。迄今玉樹不特爲各族之首，且似二十五族皆爲玉樹族，即以專名而爲公名矣。又囊謙玉樹皆藏語譯音，每因譯名而發生誤會，如囊謙一譯昂欠，一譯隆慶，玉樹一譯由受，皆一名也。

玉樹縣政府所在地，藏語爲「結古多」。按藏文原意「結」爲「生」，「古」爲數目「九」字，「多」爲「山麓」，即居山麓之九生（即衆生）。因其地四面環山，人民築寨居於山麓，故名。但漢語通稱爲「結古」，省「多」字，因玉樹縣在其地，且爲舊日會盟之地，或稱

玉樹，故稱結古，亦一地也。

玉樹二十五族牧地及所屬頭目一覽表

族名	土職	駐牧地界	所屬頭目	備考
囊謙	千戶	橫跨雜曲鄂穆曲二河東界蘇爾莽南界昌都類烏齊及巴層多舒瓊布鳴魯色爾札等族北界拉休西界蘇魯克中壩格吉	尖擦百戶阿夏百戶車巴百戶羣保百戶中巴百戶邦撒百戶香達百戶（舊記百戶四名） 又有只雅白來羣五保拉巴突義尼奔耶擦卡存撒卍雜雜尼奈卦打那車撒耶倍等百長（舊記百長二十六名）	現屬民二千三百戶農一牧二
札武	百戶	同駐牧通天河南東界西康鄂	有藍達哈恩巴塘桑拉林古哈業歇武等百長（舊記六名無歇武）	屬民六百農牧各半
拉達	百戶	柯南界西康同普西界蘇爾莽	有雜實阿兆斜須等百長（舊記僅百長一名）	屬民三百戶農一牧二

班中 馬壩	麥中 馬壩	得中 曲壩	那格 倉吉	雜格 賽吉	班格 馬吉	麥格 馬吉	迭 達	拉 休	布 慶
百戶 人兼	百戶 (現一)	百戶	百戶	百戶	百戶	百戶	百戶	百戶	百戶
南界藏邊三十九族北界玉樹	雲之上源東界囊謙蘇魯克	同牧鄂穆曲及阿雲當木	成格吉四族矣	得馬分爲格吉雜賽格吉那倉	南界中壩西北界玉樹今格吉	及子曲河上流東界拉休囊謙	原爲格吉三族卽格吉麥馬格	吉班馬格吉得馬同駐牧雜曲	吉班馬格吉得馬同駐牧雜曲
		舊記各有百長一人	無百長	無百長	無百長	有毛里百長	按迭達一名龍布有上龍布 下龍布拉札曲馬尼等百長	旺才年結哈他白馬拉力白 木野麻等百長	有德馬蘇魯秋心達馬雜及
全牧	共屬民八百 戶全牧	牧屬民五百戶	牧屬民三百戶	牧屬民三百戶	牧屬民二百戶	全牧屬民六百戶	屬民六百戶 農牧各半	全牧屬民六百戶	屬民三百戶 農一牧二

稱多	蘇魯克	蘇爾莽	安冲	玉樹白 虎日哇	鴉拉樹	將賽樹	總舉樹	拉布	固察	
百戶	百戶	百戶	百戶	百戶	百戶	百戶	百戶	百戶	百戶	
在通天河南岸東北界竹節西	在鄂穆曲河南東北界玉樹西	在子曲河下流東界札武南界	在通天河西岸東北界固察	在通天河西岸東北界固察	歸所屬可謂玉樹十族矣	以下無戎模而有白虎日哇且	地原爲總舉將賽鴉拉戎模四	中壩接境西北皆荒寒不毛之	達安冲札武拉休錯壤南與各	同牧通天河上游東與娘媿迭
似係新增者	似係新增者	似係新增者	似係新增者	似係新增者	似係新增者	似係新增者	似係新增者	似係新增者	似係新增者	
有百長一人	有拉中百長	有吉拉多倫多德曾特拉文等四百長(舊記百長二名)	有阿養拉吉野皆洛野藏志等六百長(舊記百長七名)	符其實矣	除文布屬民僅二十五戶餘	各百長之屬民均有百戶名	百長卜士百長文布百長百	有那吉百長擦哈百長巴拉	有賽巴百長	
農	屬民三十戶	屬民五百戶	屬民四百五十戶	屬民三百戶	屬民三百戶	屬民三百戶	屬民四百五十戶	屬民八十戶	屬民二百戶	

布附 寺拉	拉附 寺覺	哈 拉	日阿 哇尼	休 馬	麥白 馬日	多白 馬日	永 夏	麥娘 馬媵	得娘 馬媵	
		百戶	百戶	百戶	百戶	百戶	百戶	百戶	百戶	
寺在通天河東東界竹節南界 迭達西界札武北界稱多	寺在雜曲河邊南界玉樹北界 拉休			同族分出者 馬阿尼日哇哈拉等百戶蓋皆	節而有白日多馬白日麥馬休	北界果洛現無蒙古爾津與竹	布寺稱多固察西北界迭達拉	石渠縣南界札武西界迭達拉	舊志永夏與蒙古爾津竹節三 族同牧咱曲河流域東界西康	樹爲界 北瀕星宿海南至通天河東與 加迭喀桑果洛爲界西南與玉
							舊記有百長一名			
		牧屬民三百戶	牧屬民三百戶	牧屬民三百戶	牧屬民二百戶	牧屬民六百戶	牧屬民八十戶	牧屬民二百戶	牧屬民八十戶	

附記

按原二十五族、爲囊謙、札武、拉達、布慶、拉休、迭達、固察、稱多、安冲、娘婁、蘇爾莽、蘇魯克、蒙古爾津、永夏、竹節、格吉三族、中壩三族、玉樹四族。現增加之族，究係何族分出，尙不大詳確，實際分合無定，增多減少，今不止二十五族矣。

又據他方調查玉樹二十五族戶口數如下

族別	戶數	人口	族別	戶數	人口
一、囊謙	二一九〇	一三二〇〇	二、布慶	六〇六	三七〇〇
三、札武	八〇〇	四五〇〇	四、蘇魯克	三二	一五〇
五、鳩拉	二〇〇	一六〇〇	六、將賽	六七〇	三一〇〇
七、戎模	八〇〇	四二〇〇	八、總舉	一二〇	五八〇
九、娘婁	二七〇	一六五〇	一〇、上中壩	二六〇	二一五〇
二、中中壩	一七〇	八二〇	三、下中壩	三五五	二五八〇
三、格吉麥馬	八〇〇	二八〇〇	四、格吉班馬	二五〇	一七〇〇

一五、格吉約藏	二八〇	一四八〇	一六、蘇爾莽	五五〇	三四〇〇
一七、蒙古爾津	一二〇〇	五四〇〇	一八、固察	一二〇	七三〇
一九、永夏	四〇〇	三五〇〇	二〇、稱多	一七〇	二五八〇
三、安冲	三五〇	一九〇〇	三、迭達	二五〇	六七〇〇
三三、拉休	八八〇	四八〇〇	三四、竹節	二五〇	二三五〇
三五、拉達	二六〇	一五〇〇	共計	二三三戶	一七一四一〇口

上列各數，當然仍難確切，因游牧人民，不易調查也。惟結古人數，據玉樹公安局本年（二六）六月份調查，門牌共一七一號，每號有數戶，共六八三戶。以職業分之，計商戶五九戶，共一七六人，公務員四〇戶，共一五八〇人，住民三五五戶，共六二五人，傭工四八戶，共一三一人，工人一六三戶，共九九七人，農人九戶，共二五人，屠行九戶，共三二人，總計男九一九人，女一二九一人，共合男女二二六七人，比較確實，暫居者在外。

又玉樹各族，原為四十族，因多年分合，至清末民初為二十五族，並因囊謙隆慶譯名之不

同，而有川甘之爭。經民國三年勘查界務委員周務學之詳細勘查，始知玉樹各族分合之經過，並玉樹卽降慶之事實，詳見周希武所著之玉樹調查記，茲不贅。

至玉樹全縣所屬各族戶口，據縣府調查所得如下：

札武族	約六一〇戶	男女共三二一〇人	拉休族	約五五〇戶	男女共二七二〇人
拉達族	約一二〇戶	男女共六三〇人	布慶族	約一四〇戶	男女共六七〇人
迭達族	約六二〇戶	男女共三二五〇人	安冲族	五五〇戶	男女共二七八〇人
格吉麥馬族	四三〇戶	二〇五〇人	格吉班馬族	一四〇戶	七〇一人
格吉得馬族	一三〇戶	六九〇人	玉樹將賽族	一一〇戶	五〇〇人
丑樹舉族	一二〇戶	六五〇人	丑樹鴉拉族	一三〇戶	六四〇人
玉樹戎槐族	一四〇戶	七二〇人	共計	三七八〇戶	男女一九二八〇人

十一日 玉樹山脈 海南河流

玉樹各族境內之山脈河流，不僅與青海南部之地勢有關，且與吾國西部甚至全國之山河有關。茲據他方調查所得者，錄之如下：

甲、山脈

中國山脈，皆權輿葱嶺。自葱嶺東下者為崑崙山脈，其正幹間隔新藏，至青海西端，分

三大幹。北幹爲祁連賀蘭陰山諸脈，茲不再述。中幹枕玉樹娘礎加迭喀桑之北境，爲黃河通天河分水嶺，蒙名巴顏喀喇山，藏名奢拉山。其自黃河源北分者，成大小積石山。其自黃河南入內地者，爲西傾岷山烏鼠秦嶺伏牛大別諸脈。其自鴉瑞江源東南進者爲素龍山脈。南幹橫貫中壩格吉玉樹拉休迭達札武諸族境內，由蘇爾莽境出玉樹爲金沙灘滄南江之分水嶺。蓋自當拉嶺迂迴起峯，一支北走繞出瀾滄諸源之北，折而東，稱奢午拉山，再東稱熊拉山，爲寧靜雲嶺南嶺諸脈。

崑崙中幹自玉樹西北入境，是爲奢拉山。山之南麓有名州曲哥喀者，通天河北源之所出也。奢拉又東進分一支南出爲州曲河（即通天河北源）及曲馬來雲河之分水嶺。奢拉又東進分一支南出爲曲馬來雲及崗吾曲之分水嶺。奢拉又東進分一支南出爲崗吾曲及色勿曲之分水嶺。奢拉又東進入娘礎境分一支南出爲蒲通那色公喀山。奢拉又東進分一支東南出爲通天河及咱曲河（即鴉瑞江上流）之分水嶺，番名加浪拉山，由歇武百長地出境，入西爲素龍山脈。奢拉又東進出加迭喀桑境入果洛番境，南出一支爲加迭喀桑及川石渠縣之界山，番名咱冷木拉山。

崑崙南幹，自玉樹西南入境，經中壩南，番名奢午拉山。山之北麓，通天河南源之所出也。其南麓諸江北源古又曲之所出也。奢午拉山東進爲當沙買拉山，即當拉嶺也。折而北趨貫中壩境，又北入格吉及西境北出一支爲當木曲及木哥曲之分水嶺。奢午拉山折而東進，包格吉北境爲果瓦拉沙拉山，北出一支爲木哥曲及科遺雲之分水嶺。奢午拉山又東進爲科遺拉山，北

出一支爲科遺雲及業卡曲之分水嶺，名奔朵登拉山。奢午拉山又東迤至子讓公喀東南出爲子叩勒馬朵拉山，爲東摸拉山，爲奢乃拉山，爲夏拉山，爲浪俄拉山，由蘇爾莽南境出界，入類烏齊地，乃雜曲河與子曲河之分水嶺也。奢午拉山又東迤爲子當得拉山，又東至將賽百戶南境。北出一支爲業卡曲及登俄隴水之分水嶺，名將公脫拉山。奢午拉山又東迤至拉休西北境，北出一支名色吾臣忌拉山，爲登俄隴水與義曲之分水嶺。奢午拉山又東迤至拉休東北境，爲朵拉山，北出爲札馬拉山，爲札拉山，乃義曲及結古曲之分水嶺也。奢午拉山自朵拉山折東北趨入札武西境，爲熊拉山，南出一支爲曹曲及子曲之分水嶺。奢午拉山自熊拉山東迤橫貫札武地爲恩札拉山，爲果拉山，北出一支爲朝午拉山，南出一支爲俄拉山。奢午拉山由札武東境出界入川邊鄂柯縣界，折南爲雲嶺山脈。

奢午拉山自當拉嶺又分出二支東迤，一爲雜曲與鄂穆曲之分水嶺。由中壩格吉之間，東迤爲瓦裏拉山，爲起檢吉拉山。又東迤至囊謙西境，爲班木結拉山，一爲瀾滄江與潞江之分水嶺。東迤至中壩麥馬族南爲保哥加勃拉山。又東至囊謙南爲額勃拉山。又東出一支爲覺拉山。由囊謙捷朵寺南出境，入類烏齊界，至恩子曲，入瀾滄江之交而盡。

山脈高低比較表

山名	氣壓表高出海面公尺	合工部尺	實測處
結古	四〇八〇	一二七五、〇〇〇	巴曲河邊在結古南半里處
結古拉	四九五〇	一五四六、八七五	在結古北五里
札拉	四九二〇	一五三七、五〇〇	在札西科腦
巴通	四六九〇	一四六五、六二五	在結古南五十里
熊拉	五六四〇	一七六二、五〇〇	在巴通南熊曲巴腦曲與子曲分水嶺
果拉	五三七〇	一六七八、一二五	在巴通東南苟曲巴腦曲與協曲分水嶺
奢拉	五二〇〇	一六二五、〇〇〇	在咱曲上流奢雲腦
竹節寺	四六六〇	一四五六、二五〇	在咱曲河邊
加浪拉	四九〇〇	一五三一、二五〇	在歇武溝腦

惹拉	四七三〇	一四七八、一二五	在結古東北十餘里通天河邊
通天河	四〇四〇	一二六二、五〇〇	拉布寺曲河口藍達渡口處
拉布寺	四一六〇	一三〇〇、〇〇〇	在拉布曲邊
寧朵拉	四九五〇	一五四六、八七六	在寧朵溝腦拉布曲與稱多曲分水嶺
稱多	四二三〇	一三二一、八七五	就周均莊測
凱拉	五〇七〇	一五八四、三七五	稱多曲與固察曲分水嶺
固察	四二〇〇	一三一二、五〇〇	就爾勒日莊測
東茂拉	五二八〇	一六五〇、〇〇〇	在囊西科腦
隆布交那	四八三〇	一五〇九、三七五	札拉山以西大灘係義曲上流
問尼拉	五一六〇	一六一二、五〇〇	在隆布交那腦

雜曲	四四六〇	一三九三、七五〇	覺拉寺西數里處
熱強拉	五一二〇	一六〇〇、〇〇〇	在覺拉寺東強知囊騰
額強雲	四七〇〇	一四六八、七五〇	距夏拉二十里處
子曲	四一三〇	一二九〇、六二五	吹靈多多寺前
夏拉	四九四〇	一五四三、七二〇	在額強雲騰爲子曲與雜曲分水嶺
阿西拉苟	五二六〇	一六四三、七五〇	結古西南七八里
雜曲	四二六〇	一三三一、二五〇	在拉吉莊側距入通天河口數里
柴間達通	四四三〇	一三八四、三七五	協曲建曲會合處
浪俄拉	五〇三〇	一五七一、八七五	蘇爾莽族樂曲河腦子曲與雜曲分水嶺也

雜曲	四〇七〇	一二七一、八七五	冷問莊渡口
拉馬拉	五一〇〇	一五九三、七五〇	囊謙東北三十里雜曲與巴兒曲分水嶺
囊謙	四六五〇	一四五三、一二五	
婆娘拉	五〇〇〇	一五六二、五〇〇	囊謙南四十里干宗囊腦
沙俄拉	五三六〇	一六七五、〇〇〇	囊謙南七十餘里係囊謙與類烏齊及巴層族之分界處也
朵縱拉	五四〇〇	一六八七、五〇〇	囊謙巴兒曲河腦巴兒曲與解曲分水嶺也
公給拉	五一五〇	一六〇九、三七五	更那寺附近解曲雜曲分水嶺
瓦裏拉	五三二〇	一六六二、五〇〇	哨曲河邊兒魯寺對岸
雜曲河	四七四〇	一四八一、二五〇	以魯寺前渡口
奢裏拉	五二〇〇	一六二五、〇〇〇	巴米爾寺西十五里

茶讓拉	五三九〇	一六八四、三七五	跌牙寺西北十餘里
拉俄拉	五一七〇	一六一五、六二五	茶哈馬東二十餘里

乙、河流

黃河藏名瑪曲，源出巴顏哈拉山北麓蒙古柴達木地，東流娘礎北境，瀧爲星宿海，又東爲札陵鄂陵二海，出娘礎境，入果洛番地。

鴉鱗江上流，藏名哨曲，源出加迭喀桑北境，巴顏哈拉山南麓。東南流經白力登馬族牧地，窠辟曲水自東南來入之。又東南流至蒙古爾津族牧地，奢雲水自東北來入之。又東南流至巢弄通盤，智曲水自西來入之。又東流左受一小水，折而南流，有三水出雜冷木拉山西北麓，自東來入之。又南流右受東果曲摺曲二水，左受三小水。又南流東撲雲水自東來入之。又南流至竹節寺東，右受一小水。又東南流至休瑪寺西，毛瓦雲水自加浪山北流來注之。又東南流，右受喀耐寺情鋪寺二水。又東南流至打喀木多出境，入川邊石渠縣界，有柴隴水出雜冷木拉山東麓，南流來入之。又東經石渠縣南，有麻雲木水熱富喀當拉山南流入之。下流至川南會理縣，西入金沙江。

金沙江上流蒙名烏魯木蘇河，藏名州曲，普通名通天河。有南北二源，北源出青海西界勒

科爾烏爾達布遜山，東南流千餘里，至玉樹總舉百戶牧地西界，與南源出青海西南界當拉嶺北麓，控引衆水，屈曲東北流千餘里，與北源合，是爲通天河。東流經總舉百戶牧地，有曲馬來雲水自北流來入之。又東有當木雲水自西南來入之。又東有木哥曲水出辟科札西啓瓦地方，自南流來入之。又東至牙各張喀地方，有牙雲水自南流來入之。又東有岡吾曲水自北來入之。又東有科遺雲水自南來入之。又東經戎模百戶牧地，有色物曲水自北來入之。又東至業卡達科，有業卡曲水自南入之。又東經將賽百戶牧地，左受受額邦公東朗公正朗公穹朗四水。又東至覺謙寺南，左受一小水，折東南流至夏魯寺西南，覺穹朗水自東北來入之。登俄隴水自南來入之。又東流至岡酒寺北，有相木科水出札西南山，自南來入之。又東入娘礮南境，有巴朗水自東北來入之。又東南流，代乃曲水自北來入之。又東南流至崗察種毛藉莊，協曲水自北來入之。又折而南流，至卓亥莊西南，崗察曲水自東流來入之。又折而東流，義曲水自西來入之。又東至南木達莊北，浪西科水自西南來入之。又東入稱多境，稱多曲水，自東來入之。又折而南流至本領莊西南，又折而東流至增勃莊南。又折而南流至藍達莊西，湯隴水自西流來入之。拉布寺水自東來經圖登貢巴北入通天河。又南流至迭達之且達莊東，摺西科水自西來入之。又東南流經迭達莊西。又南流芒勃莊西南，折東流，至直布達莊南，歇武溝水自東北來入之。又東南流，色科溝水自東北來入之。又東南流，結古水自西來入之。又東南流至夏達莊出境，入西康後，始名爲金沙江。

灑滄江上流有二源，北曰雜曲河，南曰鄂穆曲河。

雜曲河，發源格吉西北境果瓦那沙拉山麓，有南北二源，南源曰雜那雲，北源曰雜朵雲，二水東流至札西拉賀寺之西相會，名雜朵拉。松多雜朵拉水東南流至阿雜松多阿雲水，自西南來入之，是爲雜曲河。東南流右受可兒衮雲加戎雲二水。又東南至雜蒲多，蒲兒曲水自北來入之，瓦裏郎水自南來入之。又東流經兒魯寺作慶寺之南，左受六水，右受一水。又東流勃弱水自北來入之。又東南流慶摸雲水自東北來入之，朵尼雲水自西南來入之。又東南流，羣摸水自東北來入之。又東流班木雲水自西南來入之。又東入囊謙境，倒澤雲水自南來入之。折東北流多各覺水自北來入之。又東流經達朗略莊北，又東果魯雲水自南來入之。又東入覺拉寺境，年曲水自西北來入之。又東流經達拉寺南，又東南流左受三水，右受三水。又東南顧且雲與覺雲水合流，自東北來注之。又東經朵衮雲地方南，右受一水。又東仍入囊謙境，喀拉隴水自東北來入之。又東南流至坎達莊西，龍光硤水自東北來入之。又東南雪隴水自西來入之。又東南經古特知莊南，又東南至宗咱莊東，強龍雲水自西來入之。葉浪朵硤水自東來入之。又東經蘇爾莽境出界，至昌都之達賴略莊左，合子曲河。又至南流昌都與鄂穆曲河合，是爲灑滄江。

子曲河，發源格吉東北境子叩勒馬朵拉山之北麓，名子慶雲。東流子當得郎水自西北來入之。又東朵種工馬水自北來入之。又東至子野墨松多子辟雲水自西南來入之。又東左受子借木郎水，右受三水。又東左受子革馬水。又東南流右受一水，入拉休境，簡倉曲水自北來入之。

又東達木雲水右挾二水，自東北來入之。又東左右各受一水。又東曰慶科水，自北來入之。又東右受一水，折東南流，多拉馬果水自北來入之。折南流，色拉隴水自西來入之。又南至洛果惹瓜隴曲水，自東來入之。又南流榜曲水自西來入之。折東流，左受龍牙朗惹辟朗二水。入蘇爾莽境，屈曲東南流，右受瑪喀郎水。又東南至吹靈多多寺西，咱帆雲水自東來入之。又折而南，又折而西至囊結載寺東南，藥曲水自西來入之。又折而南流經朵登寺西，左右各受一水。又南姚那雲水自西來入之。又南至多忍多莊東，姜雲自東北來入之。又南出界入川邊同普縣境，左受改曲河。西南流至昌都之達賴喀莊，入雜曲河。

曹曲水，源出札武境內，有東南二源，西源出恩札拉山，曰建曲，東南流經拉午寺南，又東南至柴間多通與東源會。東源出果拉山曰協曲，南流經東錯寺東，又南與西源會，是爲曹曲。東南寺入蘇爾莽屬地，經德色提寺東。又南經俄洛達莊東。又南出界入川邊同普縣境，至曹改松多，與改曲河。又西南入子曲。

鄂木曲，上流名解由，發源藏邊理布納魯木他馬族北界，當拉嶺東北麓。有東西二源，東曰穆雲，西曰桑雲，東北流至中壩南境，穆桑巴吾松多合流。又東北流至保吾野永松多保雲水，自西北來入之。折東流，左受二水。又東，巴兒俄郎水自北來入之。又東，經更那寺南，右受二水。又東經龍喀寺南，北受一水，邦乃郎水自西南來入之。又折東南流，邦羣雲水自東北來入之。又東南鉤曲郎巴那郎二水自西南來入之。又東南至謙謙西南境，姚雲水自北來入之，

贊雲水自南來入之。又東南，雅木曲水自南來入之。又東南，桑木曲水自南來入之。自此以下，名鄂木曲。又東南經輓布結朗莊之北，又東至巴色果莊南，友雲水自東北來入之。又東南流有多惹朗哈冷朗二水，自北來入之。又東南額曲水自西南來入之。又東南經掛哈寺北，又東南出境入類烏齊巴屠族地，東流左受一水。又東經改九寺北。又東南流至莽達寺西，巴兒曲水自囊謙來南流入之。又東南流至昌都，與雜曲河會。

巴兒曲水，源出囊謙西境朵縱拉山。南北二源，至拉慶寺合流。東注經各尼巴地方，北受一水，折東南流，玳瑁寺水自東北來入之。又東南名巴雲，又折東流，至當巴拉階，當雲水自北來入之。又東流左受一水，折東南流，經囊謙千戶所駐巴魯馬莊之西，有小水自東北來入之，折東南入一石硤甚險要，約一里出硤，干宗朗水自西南來入之。又東南流至幹達寺西南出境，又南流至昌都之莽達寺西，入鄂穆曲河。

拉休西北境有泊曰仁慶永錯，周圍二十餘里，泊之東北三十餘里有小泊曰色錯，周圍七八里，屬玉樹將賽族牧地。

十二日 縣長留遺愛 百戶有感權

班禪行轅解科長等來談，謂玉樹初設縣時，張東藩爲縣長，提倡教育，學生一切官費，且捐廉給獎金，參加唱歌運動，當時男女學生至八十人。並創辦圖書館，使學生看地圖。又禁止

吳士與藏民婦女來往，有一隊長夜宿某女家，彼查知之，欲槍斃以警衆。隊長攜有手槍，竟先將張縣長擊斃，且謀變亂。札武百戶聞之，即率民兵圍縣府，變兵某至屋頂觀察，一槍擊斃，遂入縣府，逼令交出某隊長，餘繳械釋放。故人民對百戶甚畏敬之。每至市中，人民見者皆起立致敬。又謂東藩縣長爲孫連仲主席所委派，曾在國民黨服務，頗愛民，且平民化。某次途中遇一老嫗負牛糞渡河頗不支，彼卽代負糞筐，送之歸家，至今人民猶稱頌之。

按札武百戶，爲玉樹縣最大最有名之百戶，亦最高。經營商業，資本約二十萬元。家中有皮鞭，可隨意抽打人民。日前某蕩婦與某婦鬥毆，彼卽派人拘某蕩婦至其宅鞭之，可知其威力之一斑矣。據云滿清雍正以前，屢襲百戶六世，一爲巴旦夫錯，二將才仁保，三巴旦仁保，四札武角拉加，五素昂且周，六仁青曲周。雍正以後共十一世，一爲藏巴拉王曲達，二先巴旦才仁保，三仁欠曲滿，四羣澤，五巴旦，六曲將，七白滿，八曲合，九甫宗將達，十百麻王特，十一且贊將錯。歷次會盟，皆在玉樹，札武百戶比較重要，故詳述之。其次拉休百戶，亦大百戶之一，專使行醫醫官曾爲其診病一次，據云屋內侍役六人，屋外尙有數人，儼然一土皇帝。又有一宗六百戶，係由平民新起者，頗聰慧，善伺人意，馬司令委爲百戶，甚親信之。

十三日 人食馬草 薪在牛腹

此間藏民素食牛羊肉，不食菜蔬，亦不知菜蔬。惟有圓根一種，似蘿蔔，亦種以喂馬，人

鮮食也。近一二年來，各機關漢人多在院中試種蘿蔔白菜等少許，藏民未見人食，仍以爲喂牲畜者。因畜牧爲生，惟見牛馬食青草耳。余等大批員役至結古後，不特蔬菜告罄，卽圓根亦根莖全食，且覓購不易。藏民聞爲人食，異常驚異，謂中央人員喜食牛馬草，殊不可解。前馬主席駙曾招待藏民代表以葦菜包子，羣亦疑爲饅頭中包草，同奇聞也。

又玉樹無樹無煤，藏民同以牛糞爲薪，班禪行轅與專使行署至後，驟增千數百人，不特大米成珠，無法覓購（每元四兩），而牛糞亦供不應求，大有薪桂之感。班禪衛隊時在郊外截取馱糞者，某次係班禪行轅秘書處同人之定糞，某次係供給儀仗隊之糞馱，致起誤會，幾至衝突。又某次衛隊幾至斷炊，強迫人民送糞，答以尙在牛腹中，亦趣聞也。

旺堪布自鄧柯來，謂其地麥麵與青稞麵每元僅購斤許，大米絕不可得，玉樹每元可購麵四斤，青稞每桶（十五斤）一元三角，與西康鄧柯相比，似尙未至米珠地步也。

十四日 忠武橋大臣樹石碼 運動場隊士賽籃球

玉樹縣府旁有一公共運動場，內設籃球，浪橋，平台，木馬，鞦韆等，邊地得此，殊不易也。本日儀仗隊兵士賽籃球於其中，曾隊長邀趙專使及余等參觀，健兒身手，競爭頗烈。是日天氣和暖似內地，與賽者單衣赤臂腿，尙見汗流，賽罷至隊部便餐，有新釣之鮮魚，味極佳。下午偕趙專使遊忠武橋，出街東北行，約二里許至橋畔，兩水至此合流，勢甚猛，木橋橫

臥其上，長約四丈，兩端堆石壩，以木椽次第伸出，中以長木橫之，上鋪木板，左右有木櫃，雖甚簡單，頗為便利。橋上有長繩，上垂紅黃藍三色之經布（上印經文）數十塊，當係保護此橋者。過橋有一不整齊之石碑，上刻「忠武橋」三大字，下有「民國四年七月特派大臣砌石」數小字。聞此橋為周務學查勘玉樹界務時所建，時周為忠武軍都統，故名。惟民國而稱「大臣」頗異，或以為係袁氏稱帝時所立，但周並無此頭銜。碑石甚陋，或係後人補立，因藏民祇知欽差大臣之名，遂書以特派大臣，亦未可知。旁有經塔四座，又灘中有帳房七八座，近參觀之，皆結古寺喇嘛秋季郊居者，每年郊居數十日，內頗整潔。

十五日 箱几繪龍鳳 山谷失馬驃

上午訪旺堪布，居結古寺內一樓屋，室內六面皆木，頂為木椽，椽上細木密列，上塗以泥，泥上鋪石板數層，最上又以泥塗平。地板為木板，四壁皆木牆，牆上繪佛教故事。牆隅有木柱與木箱，上繪金色龍鳳，室內陳小木几，高尺許，面繪五龍二鳳，漆以紅色，頗美觀。玉茶杯，座及蓋皆銀製，亦有盤龍紋，為北平製，皆君主時代物也。藏人喇嘛甚尊貴，如旺堪布等，以高級喇嘛而兼高級官吏，故更闊綽，其侍役亦皆革履呢帽紫綢面袍，一般職員不及也。

余等此次入藏，公私驃馬甚多，抵玉樹後，皆放牧山中，不加束縛，令度其天然自由之生

活，唯派人照料而已。昨夜大雨，驢馬忽驚逸曠野荒郊，四無人烟，下午馬夫來告，驢馬若干頭失蹤，迄今未得。內有余紅馬一頭，余途中已失驢二次，今又失馬，殊不幸。但同人中有二頭全失者，更惱喪。本日雨仍未止，下午溫度降至攝氏十一度，夜間猶寒，驢馬在露天中受不了寒風苦雨，毋怪其逸。邊地牧業，既少馬糞，又無積草，不失踪則死亡，急宜加以改良。

十六日 毀容避淫 深藏防盜

藏人除貴族高僧外，普通平民，無論男婦，向不洗面，故家中無盥具，有洗者以茶碗盛水，用手指沾之，面上有水而已。垢物積久，得水少許，可以指搓去少許，餘仍保存。有資者之婦女多以盃兒糖（雲南製凹形如盃故名）塗面，初塗尚有光潤，但隔日灰塵粘後，黑如漆，其無資賸糖者，用酥油或牛油，其至有用牛糞者，外人見之頗奇異。但有一說，謂欲免喇嘛軍士之逼誘，故毀其容以避淫，較內地之治容誨淫者，尚為愈也。據云昔有藏王惡喇嘛之多犯淫戒，欲使婦女毀容，下令國中，凡婦女均須面塗垢膩，違者重懲，久之遂成習慣，以故自前藏後藏以至青康，凡藏民婦女皆塗之。又或謂前西藏紅教時代，喇嘛多妻妻，某大喇嘛將有遠行，恐其婦為他人誘惑，令塗垢於面，他婦以為美效之，遂成風氣。又或謂係「現補哈拉教」之一種教規。此種宗教，不特西藏，中亞細亞一帶皆有，其理論甚玄祕。謂婦人兩頰如不塗黑，是有意獻媚取悅於男子，即為一種罪行，故凡信該教之婦女，無不兩頰塗黑云云。由各種傳說，均可

證明藏民婦女之面部塗物如漆者，除防風外，兼避淫。玉樹婦女，大半蓬首垢面者，防僧與兵也。

又結古市中不見一商號門面，皆在民房院內，即入其室，亦不見若干貨物。據示資本有十餘萬者，其貨物多藏櫃內或他室，深藏若虛，防盜也。前無駐軍時多盜，今成習慣矣。

十七日 藏吏仍多腐敗 蒙僧不辯語文

康藏長福安（前班禪派駐印度代表後藏人）來訪，談及西藏情形，謂藏中官吏仍多腐敗貪污，依然前清內地官吏之舊態。如人民烏拉與駐軍送糧，每換烏拉時檢驗一次，必特別滿量，否則總以為不足，令人民補償之，而多者則歸檢驗吏。至再一站，又復如是，人民不堪其苦。近始更改，將糧袋口加封，每換烏拉時，只驗封口而弊始革。又軍政長官每召見富戶人民，見其項中帶有珊瑚瑪瑙等珍物者，退出時，即示意侍役或衛士，謂長官欲購之，給價不及原值十分之一，如堅不售，數日後必以他法取得之。又官吏出差，由各站人民供給坐墊燈火等物，或消耗品，但必多索，可折價給銀，故人民痛恨。又藏軍駐防兵士，一人每携眷數人，向當地人民需索一切。其他人民每因之乞討為生。如現在金沙以西及三十九族各地，均屬西康，現駐藏軍，人民均希望中央力量早日達到。又謂蒙人老實，在西藏各寺研究經典，留藏多年者，每經典甚深，不通世故，藏文甚佳，不懂藏語，且不知古文與今語懸絕甚遠，有某蒙僧在

拉薩已得格西，某次至鄉下用藏文與鄉人談，鄉人不解，彼反異之，猶內地之老學究也。

十八日 大師別結古去 委員自西寧來

班禪大師本日離結古返藏，但先至拉休寺誦經約十日，再前行，故專使行署遲數日再進。各機關人員喇嘛民衆，均送至郊外，軍隊數百人，喇嘛百餘人，各機關數十人，皆乘馬，大師乘軟轎，余等亦送至數里外，贈獻哈達而還。民衆婦女，多向轎叩頭，但不如在拉卜楞時之盛。

下午有賑務委員會青海發放委員閻復中君，自西寧來至結古，途中行四十日。據云青海全省賑款共十六萬元，玉樹二十五族共萬元，分配三縣，計玉樹縣四千三百元，囊謙縣三千四百餘元，稱多縣二千二百餘元，凡貧苦受災者，每人二元。由各族千百戶先行調查造冊填票，然後擇日按票發放。余覺此款如修橋改良畜牧，試驗農林，效果或大，但恐不得其人。現每人分得二元，使邊民知中央德意，其意義亦甚大也。

閻君在東北多年，並曾至庫倫，謂此間馬牛羊均應改良。如馬牛應用蒙古種配合，羊應用海拉爾羊配合。又牧草應夏日割藏以備冬食云云。余雖亦曾至東北及外蒙庫倫，但對馬牛羊種非專家，不知可否，惟夏草冬食，確爲必要。

十九日 千戶馬前銀兩 代表髮間珠玉

玉樹縣朱縣長來談，據云玉樹二十五族，惟囊謙爲千戶，從前爲各族之長，每出巡至各族時，均須送禮，上馬一秤銀，下馬一秤銀（每秤五十兩）。現在威勢大減，銀已減爲半秤，且不嘗出巡，每年最多一次。各族之百戶百長對之亦不尊崇，惟其直屬之百戶百長，仍以長官待之耳。又現千戶已老，不輕出門，猶前清大員之不易出衙，以保持其尊嚴。迄今出時，猶有日照傘旗幟等，完全舊日儀式。現千戶坐禪，閉門謝客，卽官吏往訪亦不接見，每令其子小千戶代見。據云不滿三年不出門。朱縣長就職時，曾來一次，照例至大堂下馬，開中門迎入，獻豹皮一張，百戶亦多來獻狐皮一張，稱多囊謙均另成縣，不屬玉樹縣，各族之百戶本可不來，但從前玉樹有理事或縣長，故各族仍視玉樹縣爲總縣長也。而直屬玉樹之百戶如格吉等，反不來見，因距結古過遠，多不服從。前因調班禪來結古及歸，亦未來見，司令派兵去捕，竟擊斃兵士一人云云。又謂千戶雖尊嚴，而不如百戶或百長之有確實權，百戶或百長對人民，可打可罰，辦理支差等，固爲苦事，但有利可圖。如公家索一秤銀，彼可向人民索一秤半，多者飽入私囊。又馬主席爲子完婚，各族送禮，向人民多索豹皮狐皮或銀兩歸私，而主席之賜物亦歸私有，依然滿清時代官劣紳之積習也。

下午莊學本君，爲西藏代表杜林台吉夫婦攝影，因不日卽追班禪返藏也。兩人咸盛裝，杜

林之髮額及腦後，均分爲二，左右辨束紅絲繩，結頂上，正頂有一金小盒，高寸許，長方形，上有翡翠，外戴盆式有紅纓之禮帽，左耳垂金環，墜長三寸許，上繫翠玉，衣黃緞袍圓領，其妻爲前藏式，頭髮至頂成扁狀，高四五寸，上綴珍珠，胸前滿繫珊瑚珠玉等，長尺許，兩髮垂翠玉之大耳環，紫袍束帶，並有條紋之前裙，足式紅緞鞋，頭似滿髮，靴類康式。

二十日 結古軍備 玉樹民團

司令部某君來，談及玉防司令部情形。據云：民國初年青海之負軍事責者爲鎮守甘肅西寧等處總兵，民國四年，改爲寧海鎮守使，始於玉樹設玉防支隊司令，駐結古，初建營房，卽現在之司令部。現共轄四營，一傳令隊，每營二連，每連士兵五六十名，傳令隊五六十名，一二兩營駐結古，三營駐囊謙，四營駐巴塘，去年又調來新四營，駐格吉，約五六十人，均騎兵，現正修寧玉公路，將來有事，由西寧派兵甚易也。

又謂去歲因共產黨至西康，此間曾組織民團一旅，分爲八團，囊謙千戶爲旅長，固察札武龍布拉休格吉麥馬總舉百日多馬中壩等百戶爲團長，訓練藏民壯丁。有槍馬者，各携帶槍一枝，馬一匹，無槍馬者，或借馬，或荷戈徒步，藏民大半能馳馬射槍，各族有快槍十餘枝至數十枝，普通多爲鳥槍來福槍及後膛快槍，一般人民極喜槍，有家資者遇快槍手槍，不惜以重價購之。如班禪大師衛隊合作社，近日售出手槍若干枝，每枝三百元，子彈僅二十發。藏民極勇

敢，勝則猛進，惟烏合之衆，遇敗則不鳥收拾也。

二十一日 酥油奶茶製法 糖食綠酒來源

班禪大師每日派人與專使送奶油茶，本日又贈趙專使及余酥油數大塊。按酥油爲藏民之普通食品，惟每不清潔，亦不新鮮，或發褐色，大師所贈者，既潔且鮮，完全如歐美之黃油。聞製法在蒙古數次養之，可得奶皮，在康藏則揉之。其法薄暮取奶，卽入釜中，煮沸後靜置冷處，翌晨飯後，傾於大牛皮袋中，縛其口，吹氣入袋中，使膨脹，更縛之，置地下毡上，數人盡力揉搓之，至適當時間，解袋口，傾入釜中，則酥油結團浮起，用兩手取油拍成餅狀，放木桶冷水中，使其凝固，再由有力者竭力揉壓，盡除去其水分卽成（原釜中所餘者爲奶渣子係多量蛋白質與少數雜質）。新鮮者白色，稍置變黃色，可以製茶燃燈或和炒麵食之。至酥油茶之製法，養茶爲汁，加鹽與酥油攪之，使爲乳漿，卽成。攪拌時，有特製之器具，藏名「酪摩」，普通所用者爲一高二三尺之圓木桶，另一有長柄之圓木盤，上有四孔，恰入桶內，藏名「梭隆」，用時傾茶汁入桶內，加鹽與酥油若干，納「梭隆」於桶中，手提長柄，盡力抽送，至數十百回，水乳交融，卽成。大師所用者爲銅製之器，故極清潔。且大師養有乳牛若干頭，每日有人取乳製造，故極新鮮。

下午偕趙專使赴西藏代表杜林台吉處，出驛點甚精緻，陶之係英國製，自印度來者。又出

薄荷酒，綠色，詢之係法國製者，並餉以咖啡茶，長談入晚，燃煤汽燈，可知西藏之歐化。又謂西藏兵操時用英語口令，可知英國勢力在西藏之一斑。小如糖食酒類，自英法來，其他之物品，外貨充斥，更不待言。川茶爲藏人最嗜之品，貴族多咖啡，亦可知川茶前途之可慮矣。

二十二日 驪歌一首 玉樹十多

司令部祕書虎嘯風君，川人，能詩歌。據談渠有竹枝詞，詠玉樹十多，一爲市上濫錢多，玉樹所用貨幣皆西康所鑄銀幣，名曰藏洋，但西康所用者尙爲整個，至玉樹則初切爲兩半，次切爲三塊，並將中間一塊取去，故人名爲濫錢，出玉樹卽不能用，故市上甚多。二爲夜間野狗多。三爲女性楊梅多（約十之六七）。四爲土人心眼多（多疑）。五爲田中野草多（種禾不除草）六爲水邊蘆蕩多（蕩多積河邊）。七爲商人多（川康青藏各地之商人均有）。八爲風多（春夏季多）。九爲雨多（四五月多夜尤多）。十爲雪多，四季皆有。又因余將入藏，贈長歌一首，茲將其原歌並註，錄之如下：

春華我幸湧流泉（未識公前曾拜讀大作多篇），一代文宗領大千。鶴羽行將翔佛地，天心應必重名賢。有教無類風同化（公當年曾主廿教育廳事），爲政在人俗自遷。感物尋情思鼓舞，因人異教待陶甄。樽前臨水青油潤，塞外從龍錦帳鮮。經濟冰清涵五內，文章風靡化三邊。深慚態若鶩前柳，狂望香同幕下蓮。真里能無懷土恨，半生嘗作轉蓬憐。聊將遇

合達忠厚，豈敢窮愁見異遷。迴首低徊傷往事，瞻風依切待來年。虛懷夙志干牛斗，明月何時照客船。一曲騷歌無限意，此情默默向誰宣。

二十三日 全市兩樹一縣千里 羊毛蔽牆牛皮包茶

結古市依結古山麓，北高南下，長里許。有中山街及新民街，四山環繞，二水交流，但全市僅關帝廟前一楊一柳，且粗僅盈握，高不及五尺，真可謂玉樹矣。實則水邊宜柳，山上宜柏，並非不可造林也。

下午赴玉樹縣署，見大堂前一木聯，文爲「通弘袤二千里直隸，爲亭平廿五族設官。」係民國十八年初改縣時所書。當時玉樹一縣，統轄二十五族，全區西至藏邊，南至康邊，東至果洛及川邊，縱橫約二千里，故有此聯。今雖分設囊謙稱多二縣，但玉樹佔十三族，他二縣各六族，玉樹全境縱橫尚均千里也。

縣署大門外堆積羊毛無數，聞玉樹羊毛從前入藏，今年全由省收，每年共約五十萬斤以上。歌時將羊毛捻作粗如指之毛繩，再數條捻合，有藏婦十餘人，正作此項工作。又須晒乾，故縣署外各牆上，滿爲羊毛所蔽，爲內地不易睹之現象。

又川茶每年運藏，費用牛皮縫成長二三尺寬一二尺高五六寸之大包，每堆積街上空地，待歌運，亦此間特有之景象。

二十四日 玉樹有鷄鵝 囊謙多猿猴

藏人不食鷄，故無養鷄者，僅漢商數家有之，鷄子每元五個，且不易購，但山中野鷄則甚多。據虎秘書談：玉樹各地山林之野鷄，可分為二種：一名雪鷄，甚肥，而肉鮮美，蛋上有黑斑。一名馬鷄，較大，普通黑色，亦可食，結古附近禪姑寺左右即有。又玉樹雖無養鷄者，水中亦有野鷄二種，一名青鷄，一名同鷄，皆可食。又有一種雪鷄，頭突項短，羽白灰色，腿部黃色，飛不能遠，故易捕，市中有售者，每法幣一元，可購一隻。

馬司令贈趙專使猿猴二頭，據云：囊謙盛產猿，每數百成羣，至人民田中拔食圓根，人民不堪其擾，又不敢近，登屋頂以石擲之，始拔數根挾逃，但以一根夾腋下，再取第二根時，第一根又落地，結果每猿挾一根而逸。又云藏人喜猿，謂拴馬槽旁可避馬瘟，西藏杜林代表亦謂藏民馬槽上多繫猴，甚至無猴者繪一猴圖於槽旁，似又為一種習慣，不知究竟馬瘟有闕否。玉樹市中有售者，每頭僅法幣二元，可知其多而易捕。又此間猿猴每日食糶粳，犬每日食肉，隨人隨地而成習慣矣。